



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.642



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.642





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.642



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.642

1
6
642
BIBLIOTECA NAZIONALE
CENTRALE - FIRENZE
50.000 - 10-939





QVAESTIONES, AC DISCVRSVS

In duos primos Libros Annalium
C. Cornelij Taciti.

Autore

PETRO ANDREA CANONHERIO

*Philosophiæ, Medicinæ, ac Sacræ
Theologiæ Doctore.*

AD SERENISSIMVM
PHILIPPVM III. HIS. ET IND.
REGEM POTENTISSIMVM.



ROMÆ, Apud Bartholomæum Zannettum.
M. D C. I X.

PATRVN NON SINE PERMISSV.

*Imprimatur, si videbitur R. P. M. Sacri Palas. Apostolici.
Cesar Fidelis Vicefg.*

Hunc Librum ex commissione Reuerendissimi P. F. Ludouici
Ystella Sacri-Pal. Apostolici Magistri perlegi, nihilq. in eo
inueni contra fidem, aut bonos mores, imò multa vtilia,
& proficua, atque ideo dignum censeo, qui imprimatur,
si ita R. P. M. Sacri Palatij videbitur.

Don Innocentius ab Ecclesia Præpositus Coll. S. Pau-
li in Columna. Romæ.

*Imprimatur, F. Thomas Pallauicinus Bononiensis Magister,
& Socius Reuerendissimi P. F. Ludouici Ystella Sac. Pal.
Apost. Magistri.*

SERENISSIMO
PHILIPPO III.
HISP. ET IND. REGI
POTENTISSIMO.



IRABITVR fortasse quispiam Serenissime, ac inuictissime Rex, quòd ego politicorum minimus, sacræ regiae maiestati vestræ hunc librum ausus sim offerre. Verumtamen si quis animo perpenderit, hoc opus quaestiones, ac discursus in Tacitum complecti, qui sicut historicorum, & politicorum omnium facile princeps est, sic illud quoque qualecumque sit, primo totius orbis terrarum Regi me rectè dicasse non perperam iudicabit. Quare quemadmodum Sol, Dux, Princeps, & moderator reliquorum luminum, magnitudine cuius, ac pulchritudine nihil maius, ac excellentius potest inueniri, in Acarum, omnium animalium minimum influere non dedignatur. Sic mihi spes est iniecta, quòd potentissima M. V. cuius amplum, ac vastum imperium ferè orbem terrarum amplectitur, benigni-



z

tate

tate illa familiae Austriacae propria, ac singulari
hunc librum sit acceptura. Quod ut Maiestas
V. faciat rogo, quæsoq. Valeat semper Deo pla-
cens, hominibus proficiens, Sacra Regia Catho-
lica Maiestas. Romæ Kal. Martij 1609.

Potentissimæ Catholicæ Maiestatis V.

Deditissimus Servus

Petrus Andreas Canon.

A D

AD LECTOREM.




HA S quaestiones, ac discursus, quos paucorum mensium curriculo in Tacitum sum elucubratus, ut æqui, bonique facias benigne Lector te etiam, atque etiam rogo. In animo quidem mihi erat in quinque libris elaborare, sed flagrantissimum desiderium in Hispaniam proficiscendi, quod opportunam, & præclaram nactum est occasionem, & temporis inopia, a reliquorum labore me abduxerunt; sed quod differtur, non aufertur. Discursus duos præclaros quorundam celebrium virorum, qui manuscripti in manus meas peruenerunt, quia pulchri, & lectione digni videbantur opportuno loco posuimus, ut legendo reperiesset; esset enim nobis religio alieno labore famam comparare, sicut, & quorundam exiguos labores, quorum nomen cum ignoraremus, verbo (quidam) annotauimus, quod verbum & sæpius eos Autores significat, qui nominari non possunt. Proprijs Autorum verbis in his libris vsi sumus, & noster sermo curauimus, ut ad veritatem, & utilitatem non ad eloquentiam accederet. Errata aliqua
offen-

offendes , quæ conuiuentibus oculis pertransito,
eorum enim aliqua , & Typographi , & meæ
celeritati , ac temporis penuriæ , aliqua etiam li-
brario sunt adscribenda; Exemplum enim meum
in manibus superiorum remansit . Si censoriam
virgulam sumpseris , de eis non iniquam sen-
tentiam feras , scire enim debes neminem va-
rijs mortalium palatis cumulâtè satisfacere posse,
& his temporibus præsertim , in quibus morosa
ingenia, animi ingrati, & iudicia nimis sunt ab-
furda . Si aliquid inueneris , quod tibi placeat
Paridis Pinelli Ciuitatis Sancti Angeli Marchio-
nis , qui bonas artes fouet , quique nihil vehe-
mentius contendit , quàm , vt scientiarum cul-
tores fortunæ incommoda non patiantur , libe-
ralitati acceptum referas .

I N-

I N D E X
Q V A E S T I O N V M.
QVÆ IN HOC VOLVGINE
CONTINENTVR.



Libri Primi.

Q UID sit Ius Status.	fol. 10
De Religione.	32
An ius Status, a iure belli differat.	56
Vtrum liceat libertatem instituere, quæ Resp. magis libertate fruatur Veneta, an Genuen- sis, & cur primus Brutus libertatem instituere, vltimus au- tem non potuerit.	69
Vtrum aliquis Princeps, vel populus possit quoque prætextu se eximere, quominus Cæsari subsit, & obediat, illumq. reueretur.	75
Principia, atque distinctiones reducendi sub regula statuum mutationes.	98
A qua causa Ciuitatis interitus proficiscatur.	104
Vtrum mundus ab vno possit gubernari.	109
Vtrum secula nostra antiquis sint peiora.	120
Quid Astrologi ex syderibus præscire possint, & de eorum va- nitate.	125
De Historiæ vtilitate, ac historicorum iudicio.	134
Quòd Princeps solitudinem fugere deberet.	145
Vtrum foeminæ viris præferri in regnando debeant.	146
Vtrum melior successio an electio.	150
De præstantia testamenti, & de testamentis pijs.	157
Vtrum assentatio aulica causa sit Tyrannidis.	169
De Iustitia.	177
Vnde fuerit vis dominandi, & de causa formali, materiali, & fi- nali	

I N D E X.


nali dominij, & de multis ad Dominum pertinentibus.	181
Cur Princeps facilius priuato irascatur.	194
De occasione.	196
De Seditioe.	197
An Princeps per se, an per Legatos bella conficere debeat.	199
De Histrionibus.	200
Quàm Principi fides necessaria sit.	206
Vtrum bella fortuna, an consilio gerantur, ac de multis ad bellum attinentibus.	214
Vtrum nummi sint bellorum nerui.	224
Vtrum consultatio celer an lena esse debeat.	234
Quot modis acquiratur Principum amicitia, quàm sit periculosa, & cui malus exitus sit adscribendus, & vtra faciliior sit conciliatio amicitiae principis cum principe, quàm cum priuato, & de multis ad aulam pertinentibus.	241
Vtrum Princeps leges mutare debeat, & vtrum sit solutus legibus, & de alijs, quæ ad leges pertinent.	254
Vtrum nemini liceat in Principem inuehi.	261
De Liberalitate.	265
Vtrum Magistratus perpetui esse debeant, & de multis ad illum pertinentibus.	268

Libri Secundi.

D E Legatis, & de multis ad Legationem pertinentibus.	273
Principes abstrahere multos Imperio specie honoris.	293
Quomodo Nobilis militiam citò addiscere possit.	296
Vtrum pro vitanda miseria feritate debeat homo sibi met mortem tradere.	299
Vtrum liceat Principi, & priuato amicitias renunciare.	308
Quis nam fuerit quoad militiam primus.	309
Vtrum meretrices Reipub. necessariae, vel utiles sint. Et de multis ad adulterium pertinentibus.	320
De remedio famis, & vbertate conseruanda.	327

VITA

V I T A C. CORNELII TACITI.



CAIVS Cornelius Tacitus, cuius mentionem faciunt Plinius, Vopiscus, Plinius secundus, Sidorius ad eum datis epistolis, historia scribenda vacavit senex, cum nobiliorem aetatem in causis agendis traduxisset; scripsit primum omnium historiarum libros, ab excessu Neronis ad Imperium Nerae: Deinde annales ab Augusti excessu, ad finem Neronis, quorum omnium per iniuriam temporis maxima iactura facta est. Eiusdem videmus superstitibus libros de moribus Germanorum, & vitam Iulij Agricola socii sui. Orationes quasdam elucubrauit, quarum aliquas retraxit epistola ad Caciliam. Dialogus verò de Oratoribus à nonnullis esse Quintiliani iudicatur, vixit annos 80. ut legitur in lib. 3. Thef. histor.

Est opus inscriptum hoc titulo C. Cornelij Taciti annales, non actiones diurnales, non actus diurnales, ut falsò putavit Franciscus Puteolanus; nec audiendus est Fl. Vopiscus, qui in vita Taciti Imperatoris Romani, Cornelium Tacitum vocat historiae Augustae scriptorem, quia non purus scriptor est. Nam satis constat hos ipsos libros annalium nomine insignitos ab autore non semel; sunt autem haec loca, quibus id aperte docetur, lib. 3. exequi sententias haud institui, nisi insignes per honestum, aut notabili dedecore, quod praeipuum munus annalium reor, ne virtutes sileantur, utq. pravis dictis factisq. ex posteritate, & infamia metus sit. lib. 4. Pleraque eorum, quae retuli, quaeq. referam parva forsitan, & levia memoratu videri, non nescius sum, sed nemo annales nostros cum scriptura eorum contenderit, qui veteres pop. Rom. res composuere. lib. 13. Nerone, secundum L. Pisone Consulibus pauca memoria digna euenire, nisi cui libeat laudandis fundamentis, & trabibus, quis molem Amphitheatre

A

tre

tre apud campum Martis extruxerat volumina implere, quum ex dignitate pop. Rom. repertum sit res illustres annalibus, talia diurnis Urbis actis mandare.

Fatendum tamen est libros confusos esse, non enim omnes in eis diuidendis, ac separandis conuenere, præsertim historiarum libros. Nã quod Tacitus lib. 21. tradit de grege Asinorum agrestium, quos secutus Moses largas aquarum venas suis aperuerit, affirmat Septimius Tertullianus lib. 5. contineri.

Et si Tacitus Imperator, ut ait Vopiscus tanti hominis, nullo unquam tempore memoria periret, Decuriones Ciuitatum obstrinxit, ut quotannis decies eius opera describeretur, ac in omnibus bibliothecis apponeretur (Officium enim Decurionum erat historias scribere, & annales, & res gestas, & approbatos autores, ut ostendit Volfgangus Lazius in lib. 3. comment. rep. Rom.) tamen integra non durauit. Verum si quis reputet, ut inquit quidã secum ruinam Imperij Romani, tot tamq. diuturna bella, quibus totus occidentis concussus est, Francis, Alemannis, Gothis, Langobardis cuncta perpopulantibus, mirum videri queat tantum adhuc supere de scriptis autorum veterum. Accedit Christianorum a libris Gentilium olim magis auersus animus, sed tamen in tanto Monachorum numero semper reperti sunt aliqui priscis litteris fauentes, qui describenda autorum monumenta curarint. Hanc utilitatem præcipuè Genobij debemus sic nobis priores quinque Taciti libros, Corbeia Visurgi Flauio vicina, Benedictinorũ monasterium est, conseruauit proximis annis illinc ad Leonem, X. P. M. allatos.

At quia Tacitus in conscribendis annalibus ad vnguem obseruauit quicquid antiqui, & recentiores, ut Christophorus Mileus, Cælius 2. Ioa. Pontanus, Franciscus Patritius, Franciscus Balduinus, Franciscus Robertellus, Vbertus Folietia docuere, semper in maximo habitus est, & habetur honore.

Plinius in quadam ad eum epistola, hæc verba profert. Equidem adolescentulus, cum iam tua fama, gloriaq. floreret te sequi, tibi longo, sed proximus interuallo, & esse, & haberi concupiscebam, & erant multa clarissima ingenia, sed tu mihi ita similitudo naturæ ferebat maxime imitabilis, maxime imitandus videbaris. Et in quadam alia, petis, ut tibi auunculi mei exitum scribam, quo verius tradere posteris possis, gratias ago, nam video morti eius, si celebretur a te immortalẽ gloriam esse propositam. & paulo post, equidem beatos puto, quibus Deorum munere datum est, aut facere scribenda, aut scribere legenda, beatissimos verò, quibus utrumque.

Ad eundem scribens Cæcilius, auguror inquit, nec me fallat augurium

guriū historias tuas immortales futuras, quo magis illas ingenue fatebor inferi cupio.

Aemilius Feretus in castigatione auctoris, tanto acumine, tantoq. iudicio res Rom. mandauit litteris, ut nemo certè legatur in suo genere illi comparandus; nam quamuis caruerit nitore, & puritate linguae, abeunte iam Romano sermone in peregrinas formas, atque figuras, succum tamen, & sanguinem rerum incorruptum retinuit, idemq. tam multa paucissimis complexus est, ut attenti lectoris in animo aculeos relinquat, indiligentem, ac aliud cogitantem fallat, ac praterat.

Thomas Sertinus, quemadmodum nullum esse arbitror scriptorem rerum gestarum preferendum Cornelio Tacito, siue similitudine temporum nostrorum, siue grauitate sententiarū, & peritia aulici, regijq. moris, ita nullus mihi videtur &c.

Quidam Bernardo Episcopo Tridentino, ac Cardinali scribens, dicit, equidem multis de causis semper dignissimum iudicauī Tacitum, qui inter scriptores rerum Romanarum in manibus assidue haberetur, vel hoc praecipue nomine, quod non tantum perpetuam beliorum historiam contexit Liuij instar, aut caterorum, sed subinde res insignes interijcit, quarum utilissima cognitio, siue quod ab alijs omnino non traduntur, siue quod hic plenius. & paulò post. Vnde factum ut praestantium in litteris virorum iuditio Liuius non sit postponendus Tacitus, quin potius anteferendus.

Doctissimus vir Andreas Alciatus Galeatio Vicecomiti scribens, ait, qua tamen in re, ut caterorum laudi detrabere nihil ausim, ita Cornelium Tacitum nulli cedere constanter affirmauero, & paulo post, certat sermonis grauitas cum elegantia, mauultq. aliqua animo lectoris cogitanda relinquere, quam longis eum narrationibus oneratum dimittere. Qua ratione fit, ut tametsi delicatioris stomachi lectorem eius nunquam satietas capiat, cum huiusmodi viris etiam latea Liuij ubertas plerunque fastidio fit, ut sicut illi non nisi ineptè aliquid addideris, ita huic non nisi temerè quicquam detraxeris, sed grauior Tacitus insaturq. magis, siue quod rerum dignitas hoc expostulet, siue quod sub Vespasianis id dicendi genus magis placuerit. Et paulo post, sed & nobis pro Tacito sordescet Liuius, cum illi clarorum virorum exemplo, plurimis nos praeceptis instructos dimittit, quemadmodum in caput auctorum scelera vertantur, quantum nominis ex constantia, animiq. fortitudine quæramus, quam cautè cum malis Principibus agendum, quam modestos cum omnibus esse conueniat.

Philippus Beroaldus iunior in epistola ad Leonem X. inquit, nam

A 2 sum-

Quæst. & discursus in Tacitum.

4
summum ego autorem, & summè utilem Cornelium Tacitum semper iudicavi cum priuatis hominibus, & optimatibus, tum vero etiã Principibus ipsis, atquẽ Imperatoribus. etenim cum ex reliquis historicis, alij res tantum domi forisq. in rep. gestas perscribant, ut Sallustius, ut Liuius, alij Principum vitas ostendisse contenti sunt, ut Suetonius, ut Plutarchus, hic vnus vtrumque munus summo ordine, diligenti cura, magno iudicio, multa concinnitate complexus est.

Philippus Cauriana in stylo Cornelij Taciti dicit, inter omnes historicarum latinarum scriptores nullus est, qui aut vitæ institutione, aut praeceptorum grauitate, aut styli breuitate, aut dicendi prudentia equiparari cum Cornelio possit, tot enim sententia, quot verba, nihil in eius scriptis inane.

Annibal Scottus in epistola ad Sixtum V. Verum inter hos, qui artem bene regendi Respub., & docuerunt praeceptis, & exemplis illustrarunt, ut omittam Platonem, Aristot., Xenop., & alios, qui potius Ideas finxerunt recti principatus, quam illas re ipsa expresse- rint, mirum est Pater beatissime, quantum omnes antecellat, & valde emineat P. Cornelius Tacitus Romanae historiae grauissimus scrip- tor, cuius de laudibus cetera, quæ dici possent prætermittendo, hos tantum in præsentī dicam, illius scripta à grauissimis, ac sapientissi- mis Principibus tanti habita, & aestimata fuisse, ut paucos dies inter grauissimas etiam regiminis curas præterire sinerent, quin illud stu- diosè legerent, & in rerum suarum usum conuerterent, adnotationi- bus, obseruationibus manu etiam sua insigniores eius auctoris locos illustrando, ac sibi seponendo.

Carolus Paschalius in epistola ad Carolum Emanuelem Allobro- gum Ducẽ. His vnis ferè praeceptis, quia Cornelij Taciti scripta con- texta sunt, ceteros historiae scriptores Græcos pariter, ac Romanos in- fra huius magnitudinem iacere existimo; Quippe vnus omnium ve- terum in rerum obscurissimarum veritatem penetrauit, in intimum callidissimorum hominum pectus inspexit; vera aestimatione quanti quidq. sit perpendit; mixta cum principatu morientis vestigia liber- tatis, cum falsis vera, cum ludibrijs seria, cum adumbratis solida, con- sociatum cum fide obsequium seruile, cum virtutibus fallaces species virtutibus similes, quibus singula dignoscantur, impressit. Caterum nullam hic prodigam verborum copiam, nullas pusillas suspiciosas su- peruacuas sententias, nihil falsum, otiosum, compositum in ostentatio- nem in se habet concinnitas hæc sensibus valida, in qua nec verba, nec periodos numeros, sed singula aestimes, & expendas, nec sonitum ina- nis fracta, & eneruata orationis exaudias, sed robur adstricta, & collecta sentias, ac maiestatem validissima, ac sapientissima eloquentia, qua

qua tota ex grauissimis, verissimisq. sensibus exundat admixtum .
Iam vero nec virtutes, nec vitia silentur, neutrum in maius effertur,
sed ea moderatione meritò laus tribuitur, qua peccatum non aspera-
tur . Nec est quod vereare quicquam hic supra imitationem esse posi-
tum, aut in miracula corruptum, omnia sunt obuia ante pedes, in cō-
muni vsu posita, nimirum priscis verbis hodierna facta ostenduntur.
Denique his Tacitus est, qui non nisi ei placere potis est, quem erudit,
nec quemquam erudit, nisi qui ex proprijs, non alienis experimentis
tantum prudentiæ collegit, ut hoc duce honesta a deterioribus, vtilia
obnoxijs discernere possit, usque eò omnia instrumenta, quibus ad
omnes vitæ status subsidia parantur ex hoc sacrario promi possunt,
nempe illa quorum ope futura prævideri, imminetia vitari, secun-
da temperare, dubia prudenter tractare possunt, alios nescio .

Marc. Ant. Muretus orat. in Corn. Tacit. In primis autem illud
positum sit, quæ summa scribentium laus est, eam Tacito ab omnibus
vno ore tribui, nullum unquam scriptorem prudentiorem, ac conside-
rationem fuisse, siccam, ac sobriam esse illius orationem, adstrictam
verbis, densam sententijs, nihil in ea notari posse diffluens, nihil inane,
nihil redundans: singulis saepe verbis singulas sententias contineri .
Magna laus, & quæ in quo sit facile ei alias deesse patiari . Nam
ut in ijs, quæ possidentur, ea plurimi sunt, quorum exigua moles est
pretium ingens, ut aurum, ut gemma, ut in cibis, ij maximè laudan-
tur, qui minimum detrimentorum habent plurimum succi, ita ma-
ximi facienda oratio, quæ paucissimis verbis plurimum sententiæ am-
plectitur, indicat enim se in pectore non in ore nasci . Hac præcipua
orationis virtus, quæ ex omnibus scriptoribus Latinis in Tacito præ-
cipue cernitur, efficit, ut omnium ætatum sapientissimi quique, qui nō
inani verborum sono, sed bonitate, & grauitate sententiarum duce-
rentur, præcipuo in honore Tacitum semper habuerint eiusq. assiduū,
& accuratam lectionem principibus viris omnium utilissimam iudi-
carint .

Iustus Lipsius ad 1. lib. polit. notas Latini sequuntur, quorum ag-
men Cornelius Tacitus mihi ducat . Ante Lium inquires? non elo-
quentia, aut alijs virtutibus, sed ijs, quas nunc consideramus pru-
dentiæ & iudicijs notis, quis illo verius narrat, aut breuius? quis nar-
rando magis docet in moribus? quid est, quod non tangat in affectibus?
quod non reuelet? mirabilis omnino scriptor, & qui seridè hoc ipsum
agit, quod non agit . Nec enim historia solum est, sed velut hortus,
& seminarium præceptorum, ut ij, qui vestes acu pingunt ingeniosè
gemmas inserunt sine confusione, aut noxa formarum, sic iste passim
sententias seriæ narrationis nihil omiſsa, aut laſa, scaber tamen qui-

busdam, & obscurus videtur, suo ne vitio, an ipsorum? nam acutè, argutèq. scripsisse fateor, & tales esse debere, qui eum legent. Ideò consiliarijs magis principum, quàm ipsis commendo, qui habeant hunc sapientiæ simul, & prudentiæ verum ducem.

Verumtamen his laudibus non obstantibus, quas consultò, ut clarior autoris gloria elucesceret scripsimus, aliqui eum accusant primò quòd asper, atque obscurus in scribendo fuerit; sed isti profectò senibus similes sunt, qui si minus commodè oculis utuntur, in quodcunque cubiculum ingrediantur, dicere solent illud parum luminosum esse, maiores fenestras fieri oportuisse, deinde Lipsij autoritate respondeo obscurum esse non autoris, sed legentis vitio. Tertio dicerem illum obscuritatem affectasse, summos viros imitatum, quorum studium fuit sacramenta naturæ, atque præstantia obtegere; quare doctrinam maiestatem plenissimam principe solum, & viris sapientibus dignam irreligiosè mentis videbatur indoctorum conscientia publicare. Sic Orpheus Pythagoras, Socrates, Plato, Aristoxenus, Ammonius, sed omnium præcipuè Arist. id inuiolabili fide seruauere. Hinc Herennius, Plotinus, & Origenes, ut scribit Porphyrius de educatione, & disciplina Plotini iurarunt ne Ammonij dogmata ederent, & quia Plotinus violato iureiurando ab Ammonio præstito sacramenta publicauit, in transgressionis pœnam horrendo pediculatorum edulio consumptus est, quod etsi minime verum videatur, attamen ad hanc rem plurimum facere videtur: Nam & certum est solidum cibum, non lac hominibus Tacitum præbuisse. Dicunt præterea illum asperum esse, quod verum non est, nam ideo videtur propter summam grauitatem, ut inquit Thomas Garzonius in platea vniuersali discursu 38. imò laudatur in quibusdā rebus asperitas, ut inquit Muretus, quamquam enim nuda, & perspicua oratio delectat, interdum tamen in scribendo certi cuiusdam generis laudatur obscuritas, quæ orationem a vulgari loquendi consuetudine abducens, ex ipsa peregrinitate dignitatem ei, maiestatemq. conciliat, & attentionem legentium continet. Asperitas autem illa idem plane est, quod in vino amarities, quæ in quo est, id optimè ferre vetustatem putatur.

Dicunt postremò eum male locutum esse, quod apertissimum mendacium est; nam ut rectè Muretus, qui autem nos sumus si omnes in vnum conferamur, quicumque hac tempestate latinè loqui videmur, ut de scriptore sapientissimo nato ijs temporibus, quibus adhuc Romana lingua florebat, planè enim floruit vsque ad Hadrianum, habito disertissimo ætatis suæ tempore sequius iudicare accedamus.

At aliter loquitur, quàm aut Cicero, aut Caesar, credo, aliud enim dicendi genus adamarat, nec Ciceronis quidem temporibus omnes, qui

qui diferti habebantur Ciceroniani erant , multa in Cicerone Brutus, multa Caluus, multa Pollio, quadam etiam Atticus non probabant, & paulo poſt .

At qui nihilo minor noſtra ſtultitia eſt , qui in tanta veterum ſcriptorum diſperditione, tam longo temporum interuallo, tanta latini ſermonis obliuione , & ignoratione optima nota ſcriptores damnare non veremur , coqui , & muliones multo melius , quàm omnes nos latine, & intelligebant, & loquebantur .

At a quoddam mendacio defendi non poteſt , nam iuſtiſſimè Tertullianus eum mendacem appellat, propterea, quòd falſus Chriſtiana Religionis iudex fuerit, quod etiam affirmat Caſar Baronius his verbis, at Tacitus odio, quo & ipſe flagrabat in Chriſtianos, quo vacare debent, omnes, qui res geſtas ſcribendas ſuſcipiunt, parum liberalis hiſtorici, ſed hominis, qui permoueretur affectibus ſpecimen edidit, quippe qui cum tam ſua ipſius, quam totius populi opinione Nero auctòr haberetur incēdij, nihilominus fontes Chriſtianos appellat.

Hoc inquam mendacium defendi non poteſt , ſicut nec ea , quæ de Hebræis dicit , non enim primo dici poteſt, quòd impie Bodinus affirmat, qui Cornelium Tacitum impium iudicaret, niſi pro ſua tuenda religione aduerſus noſtram ſcripſiſſet , quòd ſane impium per ſe eſt , ut ait Antonius Poſſeuinus de Io. Bodini lib. conſid. & cautione, neque vero a Chriſtiano ſcriptore (qualis haberi volebat Bodinus) probandum, nam falſa religione deſerta, veram amplecti tenebatur, quæ ſicut alijs, ita illi nota eſſe debebat . Quòd ſi diceres cum Philone Hebræo ad Caium, ſua cuiq. optima videtur, ut quæ non ratione, ſed affectu dijudicaretur a ſingulis, & cum Cicerone, qui in Verrem omnibus religionem ſuam gratiſſimam eſſe his verbis fatetur. omnes religione mouentur, & Deos patrios, quos a maioribus acceperunt colendos ſibi diligenter, & retinendos arbitrantur, falſum diceres, non enim in affectu, nec in morum patriorum conſuetudine vera religio, ut eſt noſtra fundamenta habet, ſed in veritate ipſa religionis, & in eo , qui nobis eam reuelauit , qui eſt Ieſus Chriſtus generis humani Saluator , ſine quo nemo in vitam æternam ingredi poteſt , quemque ſalutis cauſa omnes cognoscere tenentur. non enim alia ſalus eſt . nam ſatis conſtat in affectu multos errare, & erraſſe, & illi mores, & religiones retinendæ non ſunt , quæ animarum perniciem ſecum afferunt .

Neque Tacitum defendas, quoad Iudeos dicendo, quòd alia in re dicit Balduinus de hiſtoria inſtitutione , nempe multarum rerum ad nos vix tenuis fama perlabitur aura, cum tanta ſit obliuio antiquitatis , tam obſcuri eius reſceſſus, tam profunda tenebræ , & interea tã

infecta sint insidia fabularum, & impostura tam astuta, cum quidem falsi sit, & esse dicatur non tam immutatio, quam imitatio veri, in historia obscura est questio facti, non solum alieni, sed & abs nostra memoria, ut ait Cicero remoti, & propterea prudentissimum quemquem in eo genere aiunt falli posse, scio enim ab alieni testimonij fide pendere, & rem propterea esse valde lubricam. Nā ut idem autor recte subiungit, sed si cautiones tamen adhibebimus, quas, & debemus, & possumus, neque temere falleremur, neque in iustam reprehensionem nostra persuasio incurret. quamobrem impia hæc mendacia Tacitus vitare non potest, quæ nec Plinius, cuius epistola ostendunt, eum non tantum abhorruisse a religione nostra, sed etiam iudicia exercuisse aduersus Christianos, & eorum nonnullos adhibitis tormentis ad eiurandam Christi militiam compulisse, nec Plutarchus, qui easdem, quas Tacitus de Mose, & Iudæis fabulas habet, nec Quintilianus, qui contumeliose de Mose loquitur, nec Suetonius, qui in Nerone de Christianis impiè scribit; Nec Vlpianus, Porphyrius, Simplicius, Auerroes, Galenus, Ammianus Alexandrinus, qui omnes alieno à Christianis animo fuerunt. Ego autem credo Tacitum ob Iudæorum vetustatem initia vera, nec Romanos etiā, non habuisse, vel si habuerunt incensa fuisse: Nam ut Liuius 21. lib. ait, & quod etiam si, quæ in commentarijs Pontificum alijsq. publicis, priuatisq. erant munimentis, incensa vrbe, pleraque interiere, vel historia Mosis, cognitionem non habuisse. sed hoc commune fuit omnibus historicis, qui autem umquam historia scriptor hanc notam effugere potuit, apud unumquemque enim vel aliqua fabula, vel aliquod mendacium, vel aliquod odium, vel aliqua ira, vel demum aliquis est affectus.

Neque ob id reiiciendi sunt sapientissimi autores, nam si hoc tempore nihil legendum putamus, nisi quod cum Christiana religione consentiat, omittamus sanè omnes inquit Muretus illos veteres Græcos, Latinosq. scriptores. sed legendi sunt, ut grana ex paleis colligamus, bonos sequamur, vitia repudiemus malaq. vitemus, eos tamen, qui ab Ecclesia non sunt damnati. An quisquam nostrum ita infirmus est ut periculum sit, ne in fide Christiana titubare incipiat, si Tacitum Christianum non fuisse cognouerit, doleamus potius illius vicem, & grati aduersus Deum simus, qui animos nostros maiori luce perfuderit, ut inquit Muretus. Cæterum si hæc, quæ diximus mendacia exceperis, vera cætera esse reperiēs, nam quamuis ipse lib. 1. hist. dignitatem suam a Vespasiano inchoatam, a Tito auctam, a Domitiano longius prouectam affirmet, tamen & Domitianum damnat, & Vespasianum avarum appellat, nulliq. pro veritate dicenda par-
cit.

eit . Quod autem ipse publicis munimentis consignauit non coniectura, non falsa doctrina, sed partim oculis, partim monumentis veterum, partim recentiorum scriptorum libris visis, partim secretorum testium fide, omnia denique auxilio, & veritate summorum Imperatorum, quibus familiaris fuit, quique ei omnia apertissime indicarunt . Othonem, Galbam, Vitelliam, nec beneficio, nec iniuria cognouit, a Vespasiano Gallia Belgica procurator datus fuit, inde reuersus a Tito quaesturam accepit . Ad Consulatum verò illum Nerua euexit, cuius familiaris extitit . Quamobrem ego non miror si ex ingenti scriptorum, qui res Romanas litterarum monumentis prodiderunt, numero quisquam est, quem meritò quis Corn. Tacit. anteponat, cum nullum genus scripti prophani sit, ex quo aut plura, aut citius, & minori animi contentione discatur; ijs enim temporibus nasci, & vitam traducere ei contigit, in quibus omnia rerum scribendarum praeclara genera floruerunt . Scripsit enim sub Imperatoribus, quorum nutu omnia regebantur, qui ad similitudinem temporum nostrorum maxime accedit, cum perpauca nos habeamus Respublicas, quare in eo plura sunt, quae edisci, quae ad usum conferri, quae ad vitas, moresq. referri possunt, quam in quolibet alio, qui bellica magis, quam ciuilia posteritati reliquerunt . Sterilitas autem bellorum, (quam Deus semper conseruet) silentium ab habentibus potestatem indictum, quod, & publicae utilitatis causa iuste inibetur, secreta dominandi scientia solum principibus nota, ipsorum principum auaritia, potentium insolentia, inuidorum infidia, spes hominum fallaces, labores sine emolumentis, nulla posteritatis fama steriles scriptores reddit : quae omnia nulla erant tempore quo Cornelius scripsit : Huic etiam accedit publicorum negotiorum administratio, & aetas longeva 80. nempe annorum, quae multa concedere solet .

Finis autem Cornelij Taciti in istis quinque annal. libris est res gestas Tiberij narrare, ut nouum regnandi modum nouo successorì, qui firmum adhuc non habeat Imperium ostendat; populum enim ali principi assuetum difficile est docere, & regere, quod quidem implicitè facit . Quare concludendum Tacitum omnibus utilissimum esse propter grauissimas sententias, propter tot, tantasq. hominum illustrium actiones, propter tot varios casus, tot discrimina rerum, atrociam praelia, discordes seditiones, prosperas, ac aduersas pugnas, clades mutuas, supremas clarorum virorum necessitates, ac ipsam necessitatem fortiter toleratam, & propter multiplices rerum humanarum casus, quos ille felicissime narrat . Quare ipse summus a secretis principum esse deberet, cum sit utilissimus scriptor, & verissimus, quippe qui eo tempore scripsit, quo sentire quae voluit, & quae sentiret dicere licebat,

10 *Quæst. & discursus in Tacitum.*
bat, & utinam sit Regibus Tacitus tacitus, ut inquit Stephanus
Paschasius

Quod Tacito rerum domino, gentisq. togatæ
Nominis alma mei sollicitudo fuit.
Id quoniam gentile suis, nostrisq. putaret,
Hinc quam grande mihi nomen in orbe vides.
Verum quem Tacito Tacitum placuisse videbis,
Regibus ò utinam sim Tacitus, tacitus.

At quoniam ab omnibus Tacitus iuris status peritissimus habetur,
non ab re erit explicare.

Quid sit Ius Status.

Dico primò ius status non esse artem, nisi nomen artis largissimè
sumatur, est enim ars propriè ex Ethicorum cap. 4. habitus
certa ratione factiuus, factio autem est operatio productiua alicuius
operis ad extra, cuius principium est in eo, quod efficit, non in eo,
quod efficitur, estq. ab actione distincta, actio enim propriè est, quæ
nullum post se relinquit opus, ut actus virtutis moralis, factio verò
est, ut edificatio. ars ergo propriè versatur circa operationem ex-
ternam productiuam alicuius externi operis, ex quo patet ius status
non esse artem, cum non versetur circa externam operationem relin-
quentem externum opus, sed circa operationes voluntatis, & intelle-
ctus, quæ nullum post se relinquunt opus; neque dicas ius status sta-
tuere, præcipere, vetare, exequi, præmio aliquem, vel pœna afficere,
ut inde probes esse habitum factiuum, & consequenter artem, opera-
tio enim, quæ eiusmodi res fiunt, non est propriè factio, sed actio, cū
nullius externi operis sit productiua. quare etiam si ius status ver-
saretur circa operationes voluntatis, ac intellectus, quæ habent prin-
cipium in nobis, vel in Principe, quæ est una conditio, quæ requiri-
tur ad artem ex Arist. loc. cit., non tamen esset ars, cum illi præci-
pua desit, cum videlicet versetur non circa actionem, sed circa actionē.

Dico secundò, ius status non esse facultatem, facultas enim pro-
priè est, ut colligitur ex 1. Rhetor. quædam potestas, ac habi-
tus, qui, æquè versatur circa contraria, unde & dicitur facultas
ex Alex. 1. Topic. initio, & quia potest in utramque partem dispu-
tare appellatur ab Aristotele sæpe facultas contradictionis, quæ iuri
status non potest conuenire, cū Princeps in utramque partem
non disputet, neque cū aliquid lege sancit, vel aliquid aliud effi-
cit, disputat, nec subditorum interest de eo, quod Princeps obser-
uandum

uandam proponit differere, nam nemo potest ei dicere: cur sic facis? ut dicit Baldus in proem. feud. n. 34. nec quis audere debeat aduersus id, quod Princeps facit, sed sibi imponi debet perpetuum silentium, ut idem in c. 1. si quis autem in prin. de pace constit. affirmat.

Dico tertio, ius status non esse scientiam, proprie enim scire ex Aristotele nihil aliud est, quam cum causam cognoscimus, propter quam res est, quod illius causa est, & quod non contingit hoc se aliter habere, sed ius status potest se aliter habere, ita ut substantia, quæ alijs in rebus non mutatur ab accidentibus essentialiter, in iure status accidentia potentia sint totam essentiam mutare, ac corrumpere; quare, & potest se aliter habere, quod est contra scientiam, quæ est de incorruptibilibus, non autem de singularibus cuiusmodi est ius status, quod sæpe causas rerum non cognoscit, quas constituit, nec earum certam, ac euidentem cognitionem habet, deinde non est gratia sui, cuiusmodi sunt veræ scientiæ, sed aliò dirigitur. Addi etiam potest scientiam infallibilem esse, non autem ius status.

Dico quarto, ius status non esse prudentiam, nam prudentia in suo vero significatu ad nos, nostramque perfectionem refertur, ius vero status ad communitatem operationes suas dirigit. Latè autem accepta nempe prout eadem est cum ciuili scientia, fundamento, & re una, ratione autem, & forma distincta, ita ut sit unus habitus ut ex Arist. 6 mor. Nic. cap. 8. Hoc modo sumpta ius status secundum hanc latitudinem esset prudentia; nam ciuilis scientia est ea, quæ respicit tum familiam, tum patriam, & uniuersam Ciuitatem. Diuiditur autem in domesticam, & ciuilem, quæ ciuilis scientia cum adhuc duplex sit, vel enim est prudentia nomothetica, hoc est ferendarum legum, quæ est domina, Princeps, & regia, cuius munus est leges condere, magistratus constituere, dominari, imperari, pœnas, & premia decernere, vel est prudentia, quæ proximè in singulis hominum actionibus versatur, & quasi manibus negotia ad Rempublicam pertinentia tractat, & hac communi voce vocatur ciuilis, quamuis enim re vera ea mereatur ciuilis dici, quæ est Domina, & ratio ferendarum legum, ut inquit Franciscus Piccolomineus de virtute rationis grad. 5. cap. 37. tamen quia multitudo inspicit non principia, sed exitus, & postrema opera, propterea eæ sunt solummodo absolutè ciuiles, quæ in singulis magistratuum actionibus versantur, illi enim ciuilia proximè tractant. Demum hæc in singulorum actionibus occupata prudentia etiam est duplex, vel enim est consultrix, vel iudicans consultrix in consultatione, & deliberatione versatur,

satur, cui omne actionum civilium genus, ut materies subijcitur, iudicans in iudicio ferendo posita est, nam eius officium est iudicare, quomodo actiones sint, vel non sint consentanea legibus, quibus poenis, vel premijs dignæ sint. At neque his modis sumpta ius status est formaliter prudentia, nisi secundo, ius enim status alijs rebus innititur, ut inferius ostendemus. nam in tota sua latitudine ius status multa comprehendit, quæ nullo modo prudentiæ sunt. Sequeretur etiam, quod semper vir politicus esset vir bonus, cum omnis prudens sit bonus, & ius status sine viro bono potest esse, quamvis non sine ciue bono, & ideo multi viri reperti viri probi, vel habiti ab antiquis, ut Anaxagoras, Empodectes, Thales Milesius, & similes viri, qui tamen populorum ignari fuere, & contra multi reperti ciues boni, qui recte admiuistraverunt, iusteq. communitatem rexerunt, qui tamen homines improbi fuere, ad publicum enim bonum regendū sufficit esse ciuis bonus, nisi improbitas viri communitati scandalum præberet: tunc enim non sufficeret esse ciuem bonum, sed etiam esse virum bonum oporteret. Deinde prudentia sequitur ius status, nam sicut ius status Principem, sic prudentia ius status supponit.

Dico quintò, ius status propriè non esse pædiam, hoc est contra Hieronymum Frachetam, qui eò, quod Xenoph. libros suos de pædia Cyri inscripsit, ius status pædiā esse affirmat, at ius status pædia non est, nam quamvis pædia nomen sit satis commune, & denotet congruentem omnem institutionem ad quamvis disciplinam consurgentem a varijs, quæ addiscendæ disciplinæ conducunt, tamen propriè pædia dicitur sumpto a pueris nomine, ut inquit Piccolomineus de virtutis ratione grad. 5. qui præsertim ea recta institutione egent, & est nomen ab uno, quod primò denotat congruentem puerorum educationem, mox transfertur ad denotandam omnem rectam institutionem, pro quaui disciplina comparanda, hoc docet Plato in 1. de leg. nec non in principe 2. quibus in locis iam esse pædiam affirmat, quæ in urbe pueri, & adolescentes rectè moribus instituuntur, quæ Arist. in proœm. Nichom. egere iuuenes asseruit, ut reddantur congruentes auditores civilis scientiæ. ex quibus patet ius status propriè non esse pædiam, nec inscriptioni librorum standum, nam etiam libri de generatione Arist. inscribuntur, attamen eorum obiectum non est generatio, sed corpus generabile, & corrup. sic Xenop. libros de Cyri pædia inscripsit, quia principem instituere destinabat ad aliud vitæ genus, quod rectè ducere optabat maximi enim interest, dicere instituere Principem, & dicere ius status esse pædiam, & illud opus non ad historiæ fidem contextuit, sed ad effigiem, ut ait Cicero iusti imperij.

Dico sextò, quando quidem ius status doceat quid agere, omniaq. quæ

quæ sub illo sunt ad actionem dirigantur, est notitia practica eius in quo est : nam est de obiecto operabili suapte natura ab eo, in quo est talis notitia, potest tamen respectu subditorum esse speculatiua, nam Angeli cælum mouentes idcirco practicam notitiam habent illius motus, cum homines eiusdem speculatiuam habeant cognitionem, quia motus ille est operabilis ab Angelis, non ab hominibus. Pari autem modo Princeps habet practicam notitiam rerum suarum, & earundem notitiam speculatiuam alij habent, quia actiones ille quas facit Princeps, vel Resp. note solummodo sunt ei. Quare is solus verè gubernat, quia obiectum, in quod tendit est operabile ex se, quare si obiectum illud v.g. quod Princeps vult non esset operabile ex se ab eo, in quo est notitia practica talis, notitia ex se non esset proximè, sed remotè directiua praxis status, ut si Angelus me doceret aliquid facere, remotè dirigeret praxim illam meam, ego autem proximè per meam notitiam ex Angeli doctrina comparatam eandem praxim dirigerem (ad praxim enim propriè necessaria videtur proxima directio, & insufficiens remota) pari modo, quando consiliarij, vel status periti docent Principem aliquid facere, remotè docent, nam ille per suam eandem notitiam, ex illorum doctrina comparatam, eandem praxim dirigit, sic quæ velit, constituit proximè ipse, ceteris remotè concurrentibus.

Diximus enim suaptè natura, nam si obiectum aliquo modo impediatur, quo minus illud operari possit, id erit per accidens, si modo a tali subiecto sit per se, & ex natura sua operabile, adhuc enim practicam eius notitiam habere poterit, ut patet in arte saltandi, & pingendi in claudio saltem, eò quia claudus euaserit post acquisitam artem, & similiter in pictore, cui manus præcise fuerint. Huius verò ratio est, quia cognitio practica Principis non idcirco dicitur, quia sit electiua praxis, seu actionis, sed solum, quia est illius directiua, quod ex se habere potest etiam in subiecto, quod ab actionis exercitio impediatur; ex his intelligi potest, quod si quis habet cognitionem quantumuis perfectam modi quo v.g. flores, vel fructus producantur, talis cognitio nequaquam erit practica, sed speculatiua, cum non sit de obiecto ex se a nobis operabili. Quare si Principi Deus, vel Angelus reuelaret N. v.g. Regem alium bello victurum, talis cognitio non esset practica in Principe, cum non sit de obiecto ab illo operabili. Quare de quocunque obiecto operabili a Principe, Princeps practicam habet cognitionem, ita ut quando aliquid facit, practice facit. Loquor de Principe, ut Principe nempe, ut ad utilitatem subditorum refertur, & de obiecto operabili, nam si obiectum non est rectè operabile, faciet non ut Princeps, sed ut Tyrannus. Hinc nascitur, quod
quis

quis maiorem habet rerum experientiam, melior Princeps sit, nam regimen in practica consistit.

Aduertendum tamen est ad hanc practica notitiam requiri, ut non solum obiectum sit operabile ab eo, in quo est talis notitia, sed etiã operabile notitia dirigente potentiam ad talem operationem; nam notitia v.g. qua ab eodem modo, quo potentia nutritiua in me, meum corpus nutrit, non est practica, sed speculatiua, licet illa nutritio sit operatio a facultate illa, qua in me est procedens, & non aliam ob causam, nisi quia illa mea cognitio non dirigit in me operationem potentia nutritiua, quod si Deus subderet potentiam nutritiuam Imperio voluntatis meae, ita ut cum vellem, aut nollem meum corpus nutriretur, aut non nutriretur, tunc cognitio, quam haberem de modo nutriendi esset notitia practica, quia esset etiam directiua. Hæc omnia explicare voluimus, ut legenti innotesceret ius status primo consistere in notitia quadam practica, ac antea quam ulterius progrediamur notandum.

Primo est ex Botero lib. 1. de ratione status, aliud esse statũ, aliud ius status, status enim est dominium supra populos, ratio autem status est notitia mediorum ad tale dominium fundandum, conseruandum, & ampliandum, verum tamen, etsi absolutè has tres partes amplecti illa notitia videatur, tamen formaliter conseruationem amplecti videtur.

Notandum secundò ex eodem, rationem status Principem statumque supponere, Principem tamquam artificem, statum verò tamquam materiam, qua nihil supponit, cum eadem fundamentum sit.

Notandum tertio, ius status consistere in fundando, sed improprie, in conseruando, quod formaliter facit, in ampliando, & curando; nã cum politica sit ars Reipublicæ perficiendæ, cuius artifex is dicitur, qui scit fundare Rempublicam, & fundatam conseruare, amplificare, & curare, asserere oportet ius status esse notitiam practicam ex multis habitibus constatam, quam nullus alius rectè potest habere, nisi, qui Princeps est, & Reipublicæ administrator, nam ad comparandos habitus politicos multa necessaria sunt. Sed notandum quartò est, ius status sumi tripliciter posse, vel prout ius status statum politiæ, vel monarchiæ, vel aristocratia respicit, at nos prout monarchiam considerat.

Notandum quintò proprie, & improprie sumi, proprie, quando ius status idem est, cum ratione boni regiminis, improprie verò, quando ius status est sine tali bono regimine, nos in priori significatione accipimus.

Notan-

Notandum sexto, ius status strictè, ac largè accipi, strictè, quando bonum ciuile regimen solummodo considerat, largè quando, & ius belli, & rationem belli respicit. Est autem ius belli, quando bellum iustè, & cum omnibus bonis circumstantijs suscipitur; ratio autem belli est ipsa actualis belli administratio cum omnibus ijs, quæ ad gerendum bellum requiruntur. Nos autem hanc secundam significationem consideramus Iustinianum secuti, qui in proœmio Institut. dicit Imperatoriam Maiestatem non solum armis decoratam, sed etiam legibus oportet esse armatam, ut utrumque tempus, & bellorum, & pacis rectè possit gubernare, quæ duo sunt nobiliores iuris status partes.

Notandum septimò, ius status sine bono regimine à Tyrannis inuentum fuisse, de cuius inuentione inferius dicemus, qui ut omnes leges prauaricari, & transgredi possent, hoc nomen inuenerunt ad occultanda facinora; sæpe enim speciosis rerum vocabulis mala cooperiuntur. sed inter hoc ius status, & bonum regimen interest, nam verum ius status, publicum bonum, malum ius status commodum priuatum respicit.

His prænotatis, in Principe ius status non est aliud, quam notitia illorum habituum, quos comparauit, qui hoc, vel illud faciendum, vel non faciendum admonent, vel persuadent. Quare in primis, qui hoc ius non habet, oportet, ut addiscat. quod quidem sit præceptorum ciuilium cognitione & usu eorundem. Nam ut diximus, omnia ad actionem ciuilem diriguntur examine, & resolutione exemplorum ciuilium, gestis Principum, aliarumque personarum publicarum, & illustrium tempore pacis, & belli, rerum cognitione, legatorum renunciatione, functione, & exercitatione negotiorum politicorum, hominum peritorum informatione, doctrina, & disciplina doctissimorum virorum, sed ut nonnulla, quæ ad optimum ius status pertinent explicamus.

Dicendum est requiri in bono Principe bonâ educationē, nam bonis opinionibus statim imbuendus est Princeps, nam experientia compertum est eos Principes, qui rectè instituti, quique præclaris artibus, & disciplinis imbuti fuerunt, quiq. Ecclesiam audierunt felicissimè regnasse, quia optima disciplina verum ius status eos docuit: & contra, qui auaros ministros, & perfidos consiliarios secuti sunt, quiq. ediscere ad Reipublicæ gubernacula attinentia neglexerunt, iure status abusi, sibi met ipsis, ac suis perniciem attulerunt. Quare statim, & ab ipsis incunabulis vacuum adhuc, & inde futuri Principis petus salutaribus opinionibus erit occupandum, ac protinus in puerilis animi nouale iacienda bonestissima, quæ paulatim atate, & usu rerum

sup-

suppulent, ac maturescant, & semel infixa in omnem usque vitam inhæreant. Nihil enim ita penitus insidit, & inhærescit, ut quod primis illis inferitur annis, in quibus, quid imbibamus, cum in omnibus per multum refert, tum verò in Principe plurimum. Nam si tanta sollicitudine parentes, non omnino stulti puerum educant vnius agelli successioni destinatum, quo tandem studio, curaque educari par est eum, qui non vni adibus, sed tot populis, tot Ciuitatibus, imò qui Orbi instituitur, aut magno omnium commodo futurus vir bonus, aut magno omnium exitio futurus vir malus. Si ergo optimos institutores habet, bonus erit, rectèq. iuris status regimine utetur, sin malos, magnum malum omnes expectabunt, quid enim boni efficere potest ille Princeps, qui ab ipsis statim incunabulis, stultissimis inficitur opinionibus, enutritur inter stultas mulierculas, adolescit inter lasciuas puellas, inter collusores perditos, inter abiectissimos assentatores, & inter scurras, & mimos, inter combibones, & aleatores, ac voluptatum architectos, iuxta stultos, ac nequam, inter quos nihil audit, nihil discit, nihil imbibit, nisi voluptates, delicias, fastum, arrogantiam, auaritiam, iracundiam, tyrannidem, atque ab hac schola mox adhibetur ad Regni gubernacula, ut inquit quidam. Deinde grammaticam addiscere debet, nam si legatos audire, ac intelligere velit, ut eum decet, ei grammatica necessaria est, sicut enim in domibus vestibula sunt ante ianuam, & Vrbes habent sua suburbia, per quæ ad-euntur. Ita, & ante virtutem, vel doctrinam ciuilem grammatica sita est. Carolus V. semper Augustus, quem magnitudo statim rerum, & Imperij tenerum adhuc a studijs abduxit, & si amorem, tamen, reuerentiam non excussit; ac quondam cum Genue oratorem aliquem audisset latine dicentem, nec plenè satis cœpisset, tristi, & ingenuo ore confessum Paulus Iouius scribit (is enim arbiter, & testis erat) confessum dare se nunc puerilis incuria pœnas, & presagum Hadrianum præceptorem fuisse, qui hanc pœnitentiam ei prædixisset: necesse ergo est Principem ignarum, aliena relationi aliquandò parùm fideli credere, ex qua malum regimen oritur.

Philosophia Regibus conuenit, nam illud Platonis satis notum est, nisi Philosophi clauum ipsi rerum publicarum capiant, vel qui nunc Reges dyaniſta appellantur, legitime, verèq. philosophentur, fieri non posse, ut vnquam Ciuitates grauib. incommodis, malisq. emergant. Hanc eandem Platonis sententiam semper in ore habuit, ut Capitolinus ait, Antoninus Philosophus, cum idemtidem confirmaret florere Ciuitates, si aut Philosophi imperarent, aut Imperatores philosopharentur, nam ex Philosophia hauritur iuris disciplina, cum ea, ut inquit Cicero de leg. 1. inuentrix legum fuerit, & ut Vincentius

Ca-

Castellanus lib. 1. cap. 14. diffusè probat; Princeps enim philosophia imbutus, sine doctorum auxilio, quæ leges bonæ, quæ malæ sint, sciet. item Mathemat. ut idem autor cap. 16. probat. Item eloquent. præsertim si Princeps belligerator est: Hinc enim maxima, præcipuaq. in exercitum commoda deriuari putat Onosand. in Strategico; & ut inquit Leo Imperator de bellico apparatu, plus necessaria est Imperatori exercitus eloquentia, quàm infirmo medicus. turpe enim est Principi aliena facundia indigere, ut Nero Imperator, qui cum ad inanes discendas artes viuידum, ut inquit Tacitus lib. 13. annal. ingenium ab optimis, atque saluberrimis detorsisset, infans ipse cum esset à Seneca confectam orationem recitauit, idq. non sine infamia nota, quod primus omnium ex ijs, qui rerum Romæ potiti essent, aliena facundia indiguisset. Præter scientias Princeps, qui verè regere vult, tum quidem autoritate, & potentia, tum autem prudentia, & sapientia, tum vero bonitate, & virtute præstare debet. primum quidem per se, quod ad eius fieri potest, deinde autem per suos, dum non modo potētissimorum, sed & optimorū hominum comitatu semper stipatus incedat. Atque ab ijs quidem tribus, Aegyptij olim Reges suos Trismegistros appellabant, quasi ter maximos dixeris, quoniam non in alios summam regiam potestatem conferebant, quàm quos antea eximia doctrina, ac sapientia, ad primum inter Philosophos locum, eximia autem virtus, ac sanctitas ad summum sacerdotium euexisset, ut inquit Ioachimus Hopperus de Principis institutione.

Non est prætereunda ethica, & œconomica; nam ea, quæ sunt ad alterum, sumunt originem ex ijs, quæ sunt ad nos ipsos; nam etsi non requiratur tanta industria ad regendum seipsum, quanta requiritur in gubernatione familia, nec requiratur tanta prudentia in regimine familiæ, quanta in gubernatione Ciuitatis, & Regni; ordine tamen naturali decet Principem primò scire seipsum regere, secundò scire suam familiam gubernare, tertio scire regere regnum, ac Ciuitatem, ut inquit Aegidius lib. 1. de reg. Principum cap. 1. quomodo enim alios reget, qui seipsum, familiamq. regere ignorabit. Franciscus Patritius Principem Venatorem, & natatorem desiderat, & pilæ lusorem, quæ exercitia non improbantur; imò natatio in Principe belligeratore necessaria esse videtur, Alex. Iulij Caesaris, Marij, & aliorum summorum virorum exemplo, qui pericula natando euaserunt. Alij in Principe Arithmeticam, ut Osius de reg. institutione; alij Theologiam, & Medicinam, ut Castellanus desiderant. At post ea, quæ diximus, & scientias, quæ caliginem paulatim dispellūt, tenebrasq. discutiunt, aciemq. mentis illustrant, ut faciliè Princeps possit vera, atque simplicia bona contueri, falsa autem, & insidiosa

B

modis

modis omnibus aspernari, est prudentia, quæ ius status quodammodo perficit, & quæ sola ducit ad rectè faciendum, & sine qua quisquam verè probus fieri non potest. Quare verissimè oculus animæ appellata est; nam præsentia ordinat, futura prouidet, præterita recordatur. Arcem viuendi 5. de finibus vocat Cic. & medicinam valetudinis, quæ fallere non vult, & falli non potest. sine hac Princeps est cæcus. Quare Vegetius de re militari nullus est, cui sapientia magis conuenit, quàm Principi, cuius doctrina omnibus debet prodesse subiectis. Et quemadmodum caput prima summaq. pars est in animali, secunda pectus, inguem tertia; rursumq. in anima prima pars rationalis, secunda irascibilis, tertia concupiscibilis. Ita, & virtutis prima est, quæ circa præcipuum animæ, quod est rationale versatur, & circa summum caput habitat prudentia, ut inquit Phil. Iud. lib. 1. leg. allegor. consilium enim agit, discernit bona, & mala, & omnia, quæ sunt in vita sequenda, & fugienda, honestè uti omnibus bonis, cum alijs rectè versari, prospicere occasiones, solertè verbis, & rebus uti, experientiam habere utilium omnium docet. hac in factis habebis memoriam, in tempore cautionem, in moribus ingenuitatem, in labore patientiam, in metu cautionem, in diuitijs amicitiam, in oratione persuasionem, in silentio decorem, in mente iustitiam, in audacia fortitudinem, in actione potentiam, in gloria principatum, in natura ingenuitatem. Hac Duce legi parebis, Deum sequeris, pro iusso vinci sustinueris, cum audieris, intelligeris, in rebus gerendis opportunitatem cognosces, tibi metipsi imperabis, disciplina incumbebis, gloriam sectaberis, sapientiam amulaberis, ingenuitatem exercebis, abstinebis malitia, propria custodies, alienis abstinebis, omnia audies, arte vteris, ingenium, & mores explorabis, res examinabis, in tempore respondebis, potentes timebis, prudenter periclitaberis, in cunctis, tam in prosperis, quàm in aduersis idem eris, consilia siue palam, siue clam suggesta, diligentè perpendes, & priusquàm fides illis habeas, dijudicabis ne pro amico, vel salubri consilio insidiosum afferat, examina bis consilia, & non citò facili credulitate ad falsa prolaberis. Ut apes ex thimo aridissima, herbaq. asperrimi succi, mel suauissimū conficiunt; sic prudentes, ut inquit Plutarchus de tranq. è rebus ipsius incommodis, sæpe aliquid utile, & sibi accommodatum eliciunt. Tandem sicut gubernator pro ratione ventorum, mutat navigationis subsidia, non vno modo nauim dirigens, & Medicus non vno ad omnes morbos utitur remedio, ac ne in vno quidem morbo, si is variat, sed obseruat intentiones, remissiones, repletiones, vacuationes, causarum mutationes, multa ad salutem variat, nunc hoc, nunc illud experiens, sic Reip. moderator, prudentia erit multiplex, alius in pace,

pace, alius in bello, aliter se paucis opposuerit aduersarijs, contrà paucos constantèr aget, multos verò fleētet persuasionibus, idem ubi periculum postulat, ipse rem aget, ministeria vero, quæ labore tantum indigent, cedit alijs, vt præclarè scribit Phil. Iud. lib. de Ioseph.

His accedit, quòd Princeps prudentia sciet ordinare Remp. artibus, & doctrina informare, necnon informatam regere, gubernare, & administrare, ac denique defendere, ac tueri personas, earumq. potestates, & officia, resq. Ciuitatis, & familiarium disponendo, & distribuendo; at cum prudentia multa alia requiruntur, quæ passim in explicatione Taciti dicemus. longior enim hæc quæstio l. hæde esset conficienda, si hic omnia scriberentur. Ex his omnibus unusquisque cognoscere potest, ius status esse notitiam quandam practicam, ex pluribus habitibus (accipio autem habitus nomen largissimè) conflatam, quæ notitia si ex bonis est apprehensa, ius status bonum, ac idem cum bono regimine, at si ex malis, ex falsis nempe opinionibus, vel persuasionibus, vel damnatis libris, ius status malum erit, ac periculosum; quæ omnia paulo post explicabuntur. De historia dicam inferius.

At dices hoc modo artem imperandi, vel ius status esse admodum difficile, ac laboriosum. respondetur verum esse, nam difficile est imperare, propter diuersa hominum ingenia, diuersos mores, quibus Principes se accomodare necesse habent, vt ait Panorm. lib. 3. de reb. gest. Alphons. reg. sic Plato epist. 7. difficilimum arbitrabatur Remp. gubernare; sic Xenoph. de pædia Cyri, opus esse maximum pulchrè imperare existimabat, sic Aurelianus, vt refert Vopiscus, nihil esse difficilius, quàm benè imperare dicebat, sic Nicephorus 18. hist. eccles. 6. maximum esse sceptrum pro eo, atquè par est conseruare asserebat, sic Nazianzeno in apologetico, ars artium, & disciplina disciplinarum hominem regere videbatur, sic Chrysost. in posteriore epist. ad Corinth. ser. 15. artem artium omnium summam vocabat, sic D. Tho. lib. 2. de reg. Principum cap. 15. regnum gubernare, atque uni cuique secundùm merita prouidere, transcedit virtutem nature. Quamobrè impossibile est, vt Reges sæpe non errent, nisi ad conditorem. & gubernatorem omnium tota se mente conuertant. Tandem noster Tacitus lib. 1. id ostendit, nam Tiberius variè differebat de magnitudine Imperij, solam diui Augusti mentem, tanta molis capacem, se in partem curarum ab illo vocatum, experiendo didicisse, quàm arduū, quàm subiectum fortune, regendi cuncta onus. Quare Aug. lib. 2. de ordine, Pythagoram summis effert laudibus, quòd regenda Reip. disciplinam suis auditoribus ultimam tradebat, iam doctis, iam perfectis, iam sapientibus, iam beatis. Quid ergo si Pindarus omnem

B 2 regiam,

regiam, & aulicam phantasiâ, illustrê miseriam esse cecinit. Quare plurimum perspiciat oportet, qui vnus prospicit omnibus, plurimû sapiat necesse est, qui solus consulit vniuersis; nam quod cor est in corpore animantis, id est Princeps in Rep. si cor sincerum est, quoniam sanguis spirituum fons est, vitam impartit vniuerso corpori, sin vitiatum fuerit, exitum affert membris omnibus.

Verum operepræitium erit, hanc statum rationem diligentius explicare, quare sciendum multa esse iura, vt naturalia, gentium, ciuilia, belli, & status. Principio homines ius naturale seruabât, quæ obseruatio durauit vsque ad Nēbrothis tēpora a diluuij diebus, qui primus in oriente Tyrannus, ius illud naturale dominationis libidine violauit; nam cum inter populos diuersarum Ciuitatum, ac nationum discordiæ suborta essent, alter alterius Imperium recusans, bella adinuenta sunt, & cum hac ortum est ius belli, quod naturali, ac ciuili contradicens, occupare ea cœpit, quæ iustè homines adseruauerant. Quāobrem cum rectis circumstantijs, ratione belli, potest quis alterius dominium occupare. Sed quia diuersis accidentibus, diuersa remedia adhiberi solent; hinc factum est, vt populi discordes, quocunque tempore, eos qui belli commercia tractarent, alio modo legatos, nullus molestaret; quare ex iure gentium sedium occupatio, captiuitates, seruitutes, postliminia, pacis fœdera, legatorum non violandorum religio, & emptionis, & venditionis termini, & obligationes fluxere. Quid sit ius naturale, ac ciuile omnibus satis constat, ius autem status non ita facile innotescit, a malis Principibus inuentum, qui priuata utilitati stuentes, specioso vocabulo res nefarias cooperiebant. quod ius cum diu occultum permanisset, impius politicus Macchiauelus renouauit, in quo explicando, ac docendo, plurimum laboris, studijq. perperam collocauit; nam eius doctrina subdola, & venenata est, sic qui ex hac bibit, omnia siue honesta, siue inhonesta iusta, ac iniusta, dum tamen utilia, nullo delectu adhibebit, facilius sentiet, non ita multo post, quantumcunque solidum principatum, Remp., Regnum, imperium conuelli, & cadere: Hoc ius status ita aliquibus Principibus inhaeret, vt ab eis diuelli non possit. Nullum status ius datur, quin aliquid semper destruat. quod si in publicum beneficiũ redundat, sine tamen peccato, admitti potest, v.g. illud est bonum ius status, quod Tacitus lib. 12. Cæde Messalina conuulsa, principis domus orto apud libertos certamine, quis diligeret uxorem, Claudio cælibi vite intonanti, & coniugum imperio obnoxio. Nec minore ambitu fœmina exarserant suam quæque nobilitatem, formam opes, contendere, ac digna tanto matrimonio ostentare. Sed maximè ambigebatur inter Lolliam Paulinam, M. Lollij consularis filiam, & Iuliani Agrip-

Agrippinam Germanico genitam, huic Pallas, illi Calistus fautores aderant, at Aelia Petina è familia Tuberorum Narcisso fouebatur. Ipse modo huc, modo illuc, ut quemq. suadentium audierat promptus, discordantes in concilium vocat, ac promere sententiam, & adijcere rationes iubet. Narcissus vetus matrimonium, familiam communẽ; (nam Antonia ex Petina erat) nihil in penatibus eius nouum disse- rebat, si sueta coniux rediret, haud quaquam nouercalibus odijs vi- sura Britannicum, & Octauiam proxima suis pignora. Callistus improbatam longo dissidio, ac si rursus assumeretur, eo ipsam super- bam, longeq. rectius Lolliam induci, quando nullos liberos genuisset, vacuam amulatione, & priuignis parentis loco futuram. At Pallas id maximè in Agrippina laudare, quòd Germanici Nepotem secum traheret; dignum prorsus imperatoria fortuna, stirpem nobilem, & familia Claudia, quæ posteros coniungeret, ne fœmina experta fœcun- ditatis, integra iuuenta claritudinem Caesarum aliam in domum fer- ret. Ex his sermonibus unusquisque colligere potest, vltimum excel- lentius fuisse; nam propter publicum bonum, satius erat, ne Caesares alias in domos ferret eo tempore, quo uxori nuntium remittere lice- bat. At illud etiam Claudij, cui cum patria lex non permetteret, ne- ptem carnalem in matrimonium sibi collocare, ad ius status recurrit, legibus contradicens, ne vid. claritudo Caesarum, in alienas familias feratur; nam ex numerosa familia multi imperandi desiderio flagra- tes, publicam quietem conturbassent. Hodie etiam hoc ius status est in usu; nam iusta de causa, & in certis gradibus summus Pontifex licentiam prabet; quare minor ratio, maiori cadit. Augustus etiam coërcere intra terminos Imperium desiderabat, Romanorum consue- tudini contradicens, qui propagare Imperium semper curabant; at quia ex tanto Imperio, multa eriri poterant pericula, monitos succe- ssores relinquere voluit. Quare semper ius status aliquid destruit, quod licitè propter publicum beneficium destrui potest. At ad cogno- scenda, quæ ad publicum spectant, hoc opus, hic labor; Nam si Prin- ceps doctrina usu rerum, ac experientia, prudentia, & ceteris rebus, quas supra narrauimus non pollebit, haud quaquam recti iuris sta- tus cognitionem habebit, sed errabit, & diabolicum ius sequetur. Quamobrem verum est, quod supra dicebamus, verum ius status esse notitiã practicã ex multis habitibus conflatam; sed sanam, ac bonam: Nam Princeps doctus, ac prudens sciet quid agere debeat, quòd ius status se extendat, quomodo religio est illi superior, & eius- modi, cum illa notitia eadem sit, ac ius status actuale; & qualis erit notitia illa, quam ex multis rebus Princeps comparauerit, talis erit ius status. ut experientia patet. Princeps enim, qui malum habi-

tum fecerint, malum ius status, qui bonum, bonum sequentur.

Ex dictis colligitur, propter publicum bonum Cives incommodum priuatum, patienter ferre tenentur. sed ius status debet recte intelligi. quare.

Aduertendum hic, verum ius status religioni non contradicere, imò illud ius status, quod religioni contradicit, est ius diabolicum; nam religio omnibus est præponenda, quod Romani semper fecere.

Posthumius erat, & flamen, & Consul, ut flamen exercitum in Africam conducere non poterat, ut Consul tenebatur, res controuersa fuit, tandem à Mettelo summo Pontifice vetitum, & ut dicit Florus, religioni. summum imperium cessit. sed ut etiam id dicamus, quod Scipio Ammiratus in discursu 1. lib. 2. in Cornelium scribit. Campani a Samnitibus bello victi, multis status rationibus, Roman. persuadent, ut eos in amicitiam recipiant. Rom. autem solius religionis respectu negant; præcipua autem iuris status rationes sunt hæc, 1. Campani, & si fortuna præsens magnificè loqui prohibet, non vrbis amplitudine, non agri vbertate ulli populo, plusquam vobis cadentes, haud parua, ut arbitror accessio bonis vestris, si in amicitiam venimus vestram. Secunda est Equis, Volcisq., æternis hostibus huius vrbis, quandocunque se mouerint, ab tergo erimus; & quod vos pro societate nostra priores feceritis, id nos pro Imperio vestro, & gloria semper faciemus; Tertia subactis ijs gentibus, quæ inter nos, vosq. sunt, quod propè diem futurum spondet, & virtus, & fortuna vestra continens imperium, usque ad nos habebitis. Quarta. Capuam ergo, & campaniam omnem vestris, an Samnitium viribus accedere malitis, deliberate. His urgentibus rationibus non obstantibus, cum consultus Senatus esset, & si magna parti vrbis maxima, opulentissimaq. Italia, vberimus ager, mariq. propinquus, ad varietates annonæ horreum pop. Rom. videbatur; tamen tanta utilitate, fides antiquior fuit. Itaq. arma Deos, prius quam homines violatura aduersus Samnites vobis negamus. Vnde patet omnia iura status religioni cadere. debet etiam cadere manifesta iniuria ius status, ut rectè Athenienses fecerunt; nam cum classis Græcorum è discessu Xerxis Pagasas decurrisset in portum, ibiq. hybernaret pro concione ostendit, Themistocles Atheniensibus haberi rem se conducibilem ipsis, & salutarem, sed non edendam in vulgus. Atheniensibus ut eam uni aperiret Aristidi, iuhentibus, quisi probaret exequeretur eam. Ita ostendit Aristidi Themistocles classem Græcorum in animo habere se incedere, mox concionem hic ingressus rem ait, quam in animo haberes Themistocles nullam esse neque utiliore, neque iniquiore, ita præcepit ei populus Atheniensis, ut ab ista consilio desisteret. Quare ius status,

status, quando alicui legi, vel honestati contradicit, si beneficium, quod ab illo resultat, non longè amplius damno existit, missum est faciendum, quod sine peccato mortali semper intelligitur. In consilio Themistoclis rectè cognoscitur, damnum maius esse beneficio. Ergo ius status est admittendum, quando legi diuinæ, vel naturali non repugnat, & beneficium damno, quod semper infert amplius est; alioquin cum contra id, quod diximus fit, non ius status, sed status flagitium est nuncupandum, ut appellat Tacitus illis verbis, cuncta eius dominationis flagitia, & de Agrippina loquens 12. ait nihil Domi impudicum, nisi dominationi expediret; etenim verum ius status a publico bono separari non debet, etiam si mors esset subeunda, ut Otho, qui & si non dubitabat potuisse renouari bellum incertum victis, ac Victoribus, cumq. milites strenuissimos, ac sui ipsius accerrimos propugnatores, ac se vltro periculis obijcientes haberet, attamen quia bellum atrox, & lugubre erat, nimisq. grande erat vitæ prætium, tanta bellorum ciuiliū, ac illustrium virorum clade, tantum Romanæ pubis, tot egregios exercitus sterni rursus, & Reip. eripi non est passus. Ex hoc inferi potest, quod si dato casu, quod Princeps etiā legitimus cum publico beneficio concurreret, publico semper cadere tenetur.

Notandum hic est, summum Pontificem sub publico beneficio contineri, ita ut unusquisque catholicus tenetur iure status, & præsertim Italus obedire, etiam in ijs, quæ ad religionem non spectant; ut si vellet bellum aduersus infideles gerere, vel fœdera inire, vel Principes contra communem hostem prouocare, vel quempiam iudicare, vel si offensus esset se defendere, & eiusmodi. Nam summus Pontifex est Dominus vniuersi, & religio armata, & diues à nullo potest superari. Langobardi, Gothi, Vandali, & aliæ barbaræ nationes, quæ Romam occuparunt, haud conseruare potuerunt, sed solummodo apostolici dominij nomen; & si summus Pontifex Roma Dominus non fuisset, forsitan iam corruisset: Quare omnes papatum, ut ita loquar defendere tenentur, & opulentum, & amplum, cum totius orbis Imperium in Romano Pontifice conseruetur. Nulla natio amissum Imperium recuperare potuit, sola summi Pontificatus gloria remanet, qui tam magnus est, ut omnes Principes pedem eius deosculentur, estq. omnium caput, cui cætera membra opitulari, & obedire debent. Verum de hoc alibi prolixius.

Ad publicum etiam pertinet, Principem se in potestatem illius dare, qui melior est, ac potentior. v. g. Princeps debilis, Turcis finitimus non potest sine manifesta ruina, ab illis se defendere, quare si cadendum est, saltem sub meliori id est sub Rege Hispaniarum, qui &

defendere omnes potest, & à quo meliores conditiones recipiantur. Nam Turca regiones vastat, urbes propinquas distrabit, & dominandi libidine inflammatus, reliquas regiones facilius inuadit, fortunis Christianorum ditatus, in dies sperat maiores, & quod peius est, necesse est, ut homines, in quos Turca dominatur, maxima ex parte, non ita multos post annos, planè impij, & beluini euadant, atque non modo innocentem, & sanctam vitam, quod Christianos decet, sed ne ciuilem quidem, quod homines rationis compotes agant; si quidem non nisi pauci è Tyranni familia instituuntur artibus, quibus ingenia ad fortune cultum excitantur, reliqui nihil discunt, præterquam Mohometis somnia. Verum quamuis hæc, bonis viris non possunt non esse grauissima, multò tamen grauiora pericula nobilibus familijs, & Magistratibus imminet, quibus deuictis non solum non parcat, quamuis primo impetu parcat nemini, sed omnes crudelissimè trucidat, quippe quos timet nouis motibus excitatis, se de regno exturbari posse. Cæterum eos non uno modo tollit, ubi res suas videt firmas, statim è medio omnes auferre solet, ubi non dum satis stabiles eos, qui ipsi aduersi fuerunt, omnes necat, qui fauere sunt visi, tum quidem seruat, sed non ita multo post etiam ipsos ceruices gladijs submissuros. ut inquit Georg. Agric. orat. de bel.

E contra Rex Hispaniarum omnia seruat, nobiles, ignobiles virtute præditi, eruditi, & Principes, exiguo soluto vectigali tuti manent, & cum eiusdem sint religionis, ut filij ab illo amantur. Et in Sicilia, in Regno Neapolitano, Mediolanensi, in Flandria, Principes incolumes remansere, etiam si earum opulentissimarum prouinciarum Rex Hispaniarum sit potitus; quamobrem apertè, non secreta vi, & status intima ratione coacti, ei opem ferre, & obedire deberent. Nam certum est nullum Principem Italum uniuersis orbis dominij potiri posse, si Pontificem excipias, qui huic rei non studet; neque ei rationi status est credendum, que iubet non esse patiendum adeò, cuiusq. opes exerescere, ut de manifesta iustitia apud eum dubitari liceat, præsertim, cum unusquisque potens, ius status iuxta voluntatem fingat, omniaque occupet vi, cui nemo resistere potest, qua rationi innixi Gallo adherent, sicut Hispano si Gallus in Italiam dominaretur adhererent. Verum hic conatus nullus esset, si familia Austriaca, in unum vires suas congerere posset; Quamobrem inutiles, ac noxia ratione freti, Principes nonnulli asserunt è re omnium esse, Turca aliquarum prouinciarum potiri licentiam præbere, ut obstaculum Austriacis sit; & ut rerum imperiti Turca crudelitatem non sentiant, & Regnorum vastatorem inultum esse patiantur, qui omnium Imperia, imò, totius Orbis terrarum crudelissimè subuer-

subuertere nititur, quique tot viribus pollet, ut omnibus diuissim, non autem coniunctim superior sit, & ita rei maximè conuenient, ut quasi ipsis quoque ab eo bellum non esset inferendum, ipsiq. aliquando damna atrocissima accepturi. Vt enim, si qua orta contagio fuerit, non unus, alterue patit, verum multi simul moriuntur, nec tempestas, cum inuasit extra periculum sunt ij, eodem impetu, qui nauigant, ita belli motus ad paucos primum quidem spectare videntur, paulò verò post vicinis, quoque imò integris saepe nationibus damni, detrimentiq. dare plurimum solent, ut inquit Hartmannus Loscherius in oratione de auxilijs ferendis. At si Regem Hispanum quasiuissent, eiq. opes subministrassent, ut communem hostem profligasset, profectò inclita adhuc Ciuitates non pauca libertate fruerentur, quæ neglectæ, desertæq. ab alijs male status rationis causa, acerbissimum seruitutis iugum sunt subire coactæ, opibus, ac dignitate florent, qui obscuri nunc, atque extrema in paupertate viuunt, luce adhuc suauissima fruerentur, qui aliorum auxilio, praesidioq. nudati miserè perierunt; quamobrem pessima ratione status vtuntur ij, qui Turcam in præclarissimas prouincias debacchari sinunt, idque ea de causa, ut Hispanorum dominium frustra debilitent, & ij pariter, qui Hereticis fauent, ut in Catholicos sauiant, quasi tranquillius sub utriusque vitam degerent, resq. sua tutiores essent, & miseri non cognoscunt, quod Catholicorum potentiam labefaciunt, & sese pessum iri. Quot Reges deuorati fuere à Rege Assiriorum, qui ratione status Assiri se opponebant; Græci pariter, Ptolomæi, Attali, Philippi, Antipatri, Eumeni inter se contententes, & Imperium Romanorum illudentes, præda Romanorum remansere. Eodem modo si Principes Christiani inter se contentent, inter litigantes, tertius, qui erit Turca gaudebit, & domitis proximis accessione virium fortior ad alios transibit, & proxima quaque victoria instrumenti sequentis fiet. Sed his cmissis concludendum est, verum ius status esse quandam notitiam sanam, ut supra dicebamus, ex pluribus habitibus conflata, qua rectè gubernabit, quaq. præter alias cognoscet principatuum regendorum, ac conseruandorum optimam rationem in eo esse, ut Deum beneuolum, ac propitium habeamus, ut inquit Petrus Ribadenira aduersus Macchiauellum, ceterosq. impios politicos, custodienda eius lege, præceptis obseruandis, colenda religione, adhibendisq. omnibus adiumentis, qua Christiana fides suggerit, & suppeditat, aut saltem cum Catholica disciplina non pugnant; quam verò Macchiauellus, & farina eiusdem politici tradunt, adulterinam, incertam, & fallacem esse constat. Constantis enim, & perpetuæ veritatis est, Imperij statum à religione non rectè diuelli,

diuelli, nec illius salutem, sine huius incolumitate stare posse, ut vel ipsi Ethnici scriptores docuerunt, longè verò melius sanctissimi Patres, Ecclesia Doctores, & lumina tradiderunt. Quos bonos autores si Principes sequentur, omnibus virtutum numeris absoluti, omnium bono nati erunt, imò datis videbuntur à superis, subleuandis rebus mortalium, omnibus prospicient, omnibus consulent, quibus nihil erit antiquius, nihil dulcius Republica; noctes, ac dies nihil aliud agent, nitenturq. quàm ut optimi sint omnibus. Si verò impij politici erunt, ac ut Tetra belua è Dracone, Lupo, Leone, Vipera, Vrso, similibusq. conflata, undique sexcentis armata oculis, undique dentata, undique metuenda, aduncis unguibus, ventre insatiabili, humanis saginata visceribus, humano sanguine temulenta, quæ per uigil omnium fortunis, vitæq. immineat, infensa omnibus, sed præcipuè bonis, fatale quoddam totius orbis malum, quam execrentur, & oderint vniuersi, qui benè velint Reipublica, quæ nec ferri possit ob inamantatem, nec tolli sine magna ruina orbis, ob præsidij, & opibus armatam malitiam. Hæc enim mali Principis imago, ut inquit quidam, huiusmodi portentum erat Claudius, huiusmodi Caligula, huiusmodi Poëtarum quoque fabulæ fingunt, Busyridem, Pentheum, ac Midam, quorum nomina iam in publicum generis humani odium abiere. Malo Principi propositum est sequi quicquid animo collibuit, non quod verum ius status dicat, bono contra, quod rectum sit, & honestum. Tyranni præmium diuitiæ, Regis bonos, qui virtutem consequitur. Tyrannus administrat metu dolo, ac malis artibus, Rex sapientia, integritate, beneficentia; Tyrannus sibi gerit Imperium, Rex Rempublicam. Tyrannus barbarico satellitio, & conductitijs latronibus tuetur incolumitatem suam; Rex se sua erga ciues beneficentia, & Ciuium erga se beneuolentia satis tutum putat. Tyranno suspecti sunt, & inuisi quicumque Ciuium virtute, prudentia, aut autoritate pollent; At hos Rex ut Auditores, & amicos potissimum amplectitur; Tyrannus aut stupidis delectatur, quibus imponat, aut sceleratis, quibus ad suæ tyrannidij præsidium abutatur, aut adulationibus, à quibus audiat, quod libenter facit. Contra Regi sapientissimus quisque gratissimus est, cuius consilio possit iuuari; quo quisque melior est vir, hoc pluris facit, quod huius fidei tuto possit credere, & liberos amat amicos, quorum consuetudine reddatur melior, & Regis & Tyrannorum multa sunt manus, multi oculi, sed longè diuersa membra; Tyrannus agit, ut Ciuium opes ad paucos, eosq. pessimos conferantur, & attenuatis suorum viribus, suam communiat potentiam; Rex hoc maximè in suo Fisco esse ducit quod in ære sit Ciuium. Tyrannus hoc agit, omnes sibi legibus,

gibus, aut delationibus habeat obnoxios . Rex libertate Ciuium delectatur . Tyrannus metui studet . Rex amari . Tyrannus nihil atque suspectum habet, atque Ciuium bonorum, & Ciuitatum concordiam, qua præcipuè gaudent boni Principes . Tyrannus gaudet inter Ciues factiones, ac dissidia serere, & simultates, fortè fortuna obortas, diligenter alit, ac prouebit, atque his rebus ad suæ tyrannidis communitationem abutitur . At hoc unicum Regi studium est Ciuium concordiam alere, & si quid ortum fuerit dissensionis, continuò rem inter eos componere, nimirum intelligens hanc esse grauissimam rerum publicarum pestem . Tyrannus si senserit florere Rempublicam repletis titulis, aut immisissis etiam hostibus bellum excitat, ut hac occasione vires suorum attenuet . Contra Rex omnia facit, ac patitur, quo pacem publicam reddat perpetuam, intelligens ex bello semel omnia Reipublicæ mala proficisci . Tyrannus leges, constitutiones, edicta, fœdera denique sacra, prophanaq. ad sui capitis tutelam, aut instituit, aut pertrahit . Rex hæc omnia publico metitur bono . Hæc sunt notæ boni, ac mali Principis . At quoniam malum regimen a Principe ignaro proficisci solet, operepratum erit plurima, & utilia axiomata, quæ ad iuris status cognitionem pertinent, quæq. Principibus maximopere conducent, hic annotare .

Princeps patriam conseruare omni diligentia curet ; nam, ut inquit Cicero in somnio Scipionis, omnibus, qui patriam conseruauerint, adiuuerint, auxerint ; certus est in Cœlo, ac definitus locus, ubi beati auo sempiterno fruuntur ; nihil enim est illi Principi Deo, qui omnem hunc mundum regit, quod quidem in terris fiat acceptius, quàm concilia, cœtusq. hominum iure sociati, quæ Ciuitates appellantur, harum rectores, & conseruatores è Cœlo profecti, cò reuertentur .

Specialiter querere debet duo, bonam conscientiam quodad Deum, & bonam famam quodad homines mundi 22.q.1.c.nol.

Consiliarios bonos audiat, nam Roboam perdidit Regnum suum, quia noluit audire consiliarios suos sapientes .

Rectè, & iustè gubernet, & sciat Reges, ac Principes non illos esse, qui, aut a quocumque contigit electi, aut sorte, aut violentia, aut deceptione assumpti fuerint, sed qui regere sciant. Xenoph de dic. Socr. & eccl. 18. legitur, quod Princeps debeat iustè regere, aliàs Deus facit amittere Regnum suum ; nam scriptum est regnum de gente in gentem transferetur propter iniustitias, & iniurias, & contumelias, & diuersos dolos .

Apud Homerum Reges pastores populorum appellantur, quasi qui eorum, non sui pastoratum gerant ; idq. ut intelligamus quemadmo-

admodum pastor quatenus est pastor, non se sed oves curat, quod proprium est eius opus, lac autem, & lanam quasi accessionem quandam percipit; ita & Regem quatenus Rex est, non se sed Remp. curare, quod proprium est eius officium, cui honores, & opes tamquam pro accessione sunt.

Decet Principem, non solum nihil facere per iniuriam, sed nec omnino facere videri. Nam priuatis quidem hominibus, satis est nihil delinquere, Principem verò decet, ne suspectum quidem esse delicti. Dion. in orat. Liuiæ ad Aug., neque per vim, nihil enim est exitiosius Ciuitatibus, nihil tam contrarium iuri, & legibus, nihil minus ciuile, & humanum, quam composita, & constituta Rep., quicquam agi per vim Cic. lib. 3. de leg.

Indoles Principis debet esse similis Carolo V. Imperatori, semper Augusto, cuius ingenium, ut scribit Gulielmus Xenocarus de Reip., vita, moribus gest. & C. Cap. 5. lib. 1. erat humanum, mite, candidum, disciplinarum capeffendarum audum, taciturnum, tractabile, pium & pietatis maximè studiosum, clemens, honestum, magnanimum, audax, forte, reconciliabile, multum amicitia appetens, vindictæ non cupidum, liberale, largum, amabile, dulce, versatile, suspicax, prudens, sapiens, prouidum, tardum, cunctabundum, non temerarium, non præceps, non effrene, modestum, moderatum, temperans, æquum, iustum, bonum, veridicum, tristitia, & grauitati magis, quam letitia, aut leuitati deditum, raro hilare, semper constans, atque tranquillum, ubiq. sui simile nusquam, & nunquam dissimile, aut sui immemor. Caueas ne maiestas nimis grauis in omnibus sit; nam expedit aliquoties meminisse magis, quid præsens tempus, & res postulet, quam tua dignitas.

Virtute præditos reueretur, in cuiuscumque enim animo virtus inest, ei plurimum est tribuendum. Vellius lib. 2. hist.

Ipse primus faciat, nam facere rectè, Ciues suos Princeps optimus faciendo docet; cumq. sit imperio maximus, exemplo maior est, idem lib. 2.

Curet, ut in foro sit fides, in Ciuitate iustitia, æquitas in iudicijs, autoritas in magistratibus, in Senatu maiestas, & in iudicijs grauitas. Discordiam a curia summoueatur, omnibus rectè faciendi, aut incutiat voluntatem, aut imponat necessitatem; dominium a latrociniorum metu seruet immune, fortuita non Ciuium tantummodo, sed urbium damna munificentia vindicet, honor dignis paratissimus sit.

Nec solus cum muliere, etiam honestissima loquatur, nec cum ea familiaritatem habeat, recta fretus intentione; nam qui cum mulieribus habitant, & putant se castitatis obtinere triumphum, ignorant se apud

se apud Deum dupliciter reos existere , dum seipsos in periculum adducunt, & alijs exemplum peruersæ familiaritatis tradunt, ut inquit D. Aug. de honest. mul. & plerunque procliuis mens, & curiosa manus languentem Venerem excitare solent . Xiphil. in Iulio Cesare , & de ipso Cesare, & Cleopatra verba faciens ait , & forte cum id tñpus cum fratre suo dissideret, ac primùm cum apud Casarem per amicos causam ageret, deinde verè ab illis se prodi confirmaret, ipsa suam causam agere instituit, quam ubi vidit , & dicentem audiuit Caesar , statim captus, moxq. Ptholomaum accersiri iussit, ab eaq. magis stare cœpit.

Errores vitet , nam vti Solis defectus magnam mortalibus perniciem affert . Ita Principis error etiam levis , magnam tamen in rebus humanis gignit perturbationem, Plinius lib. 2. cap. 20.

Querelas audiat, neque a Reip. administratione cesset. nam ut sydera mundi, si vel paulatim subsistant, aut aberrent, summo id omnium malo fiat . Ita Principi cessare non licet, quod si facit magna omnium pernicië sit . Si inimicus Principis grauitèr deliquit (semper enim habent aliquem, quem odio aliquo prosequuntur, & in animo scribunt, quæ suo tempore oblata occasione promunt) ipse ne iudicet, ne videatur id odio facere, & ne dicat Populus eum innocentem esse ; nam est graue præiudiciũ, & illud præiudiciũ est graue, quod nõ sequitur aliud iudiciũ, sed ipsum iudiciĩ loco est. Quare si Princeps, præferat animum inimicum in quempiam , nullus est Iudex , qui secus ausit iudicare , & populus etiam addet , o quàm miserum est lædi ab illo, de quo queri , non est tutum .

In rebus dubijs eum vigilare oportet , non enim periculis dormitandum .

Incommodo sciat præcauere ; nam non facile opprimitur incommodo, qui præcauet incommodum, & non facile opprimitur periculo, qui periculum obseruat .

Si ipse in actionibus infelix est, negotia ministris mandet ; nã qui est infelix in rebus suis gerendis, huic optimum est in otio viuere, & aliquando Deus ministris , non Principibus , sicut & è contra , opitulatur .

Aliquandò negotia, & pericula eò redacta sunt , ut numquam sine alio periculo vincantur ; quare aliquo pacto audendum ; nam qui timet omnia, nunquam sese explicabit, & in rebus dubijs, & periculis, multum audacia valet .

Mala caueat , nam certum est nullum malum, sine concursu alterius mali venire .

Caueat etiam, ne sub specie alicuius boni decipiat, nam aliquando ita

dit, & tempus, & fortuna vicissitudo, ut sæpe, quæ putaris bona, sentias maximè nocere, & è contra; at malum illud est immedicabile, quod prætextu bonæ rei personatum est.

Si fortuna Principi in aliquibus fauet, dissimulanda est; nam ea facit inuidiosos.

Principem oportet vacare perturbatione; nam sicut in regione aeris altiore, nulla est nubes, infra generantur turbines, & tonitrua. Ita Princeps debet esse sedato animo.

Tolerabuntur aliquandò in obscuris hominibus perturbationes, at in Principibus sunt omnino intolerabiles. Hec. Pint. in cap. 48. Isaia.

Naturam populi, quam regit per spectam habeat; nam si qui equis, elephantis, camelis, alijsq. animalibus præsumunt, obseruant diligenter, quibus illa rebus oblectentur, & mulceantur, quibus teneantur, summoq. studio illa persequuntur, hæc vitant; quò magis idem faciendū est ijs, qui homines regunt. Muretus in com. Tac. lib. 2.

In omnibus tam extrinsecis, quam intrinsecis actionibus bonum se præbeat; nam indiligens pædagogus corrumpit puerum, malus præceptor vitiat discipulum, pastor malus contaminat oves, Rex improbus populum corrumpit. P. Manut. in adag., & principatus propter salutem subiectorum constituuntur, ut ij nullum damnum sentiant, non solum ab alienis, sed neque a Rege, & a suæ gentis hominibus, Xiphilinus in epit. Dio. 47. & regum vitia, factaq., occulta diu esse non possunt. Xenoph. lib. 8. con. sent.

Homines seditiosos a Ciuitatibus ejciat; nam ut Medici membrū sæpe putrefactum incidunt, atque in totum eradicant, ne aliam corporis partem labefactare, aut corrumpere possit. Sic necesse est si Remp. saluam esse velit, ut perditissimos homines, ex urbe penitus extirpet, ne corruptus integro, violatus casto labem insinat Cic. in Verrem.

Dura vectigalia populo non imponat; nimia enim in exigendo tributo seueritas, & nimium ipsum tributum impositum, mouet subditos frequenter ad seditionem. Tac. lib. 4. annal.

Parta tueatur, & nisi urgente necessitate, iusta de causa bellum non excitet; nam gloria illustrior est custodire partem, quam imperium ampliare, cum vnum sit prudentia, alterum verò fortuna; & si detur vtriusque fortunæ esse, tamen difficultimum est retinere fortunam, ne mutetur; maior, ergo virtus est tueri parta, quàm parare, & si Principes verè existiment sibi pro suæ potentia, & dignitatis amplitudine, conuenire regionū subiugationem, tamen modus in omnibus rebus certus est, & probatur. Princeps ergo conseruet, & tueatur illa, quæ Deus sibi contribuit, quæ verò ad illum non pertinent,

tinent, & ad quæ non datur illis iustus accessus, illa ne concupiscat. Aristæas in hist. 21.

Et si in secretis secretorum Arist. ad Alex. scribat, ne ipse edat, dormiat, nec aliquid aliud efficiat sine peritissimi mathematici consilio, tamen eos missos faciat; nam, ut inquit Tacitus est genus hominum potentibus infidum, sperantibus fallax, & Picus nullam gentem, magis esse iniuriam Cælo, quàm astrologos scribit.

Fortitudinem consilio magis, quàm periculis ostendat, & sapientiam re magis, quàm verbis exerceat. Secundis quidem in rebus contineat sese, in aduersis autem fiducia, bonæq. spei plenum seruet. Xenoph. de Agisil. laud.

Vt nihil in penetribus suis venale, nihil ambitioni sit peruium omnem adhibe at diligentiam.

Distinctè sciat Ciuium, arcium, Ciuitatum, Oppidorum, & pagorum numerum, nam ut Tac. & Cic. de leg. lib. 3. est Senatori necessarium nosse Remp. idq. quā latè patet, quid habeat militū, quid valeat ærario, quos socios Respub. habeat, quos amicos, quos stipendiarios, quæ quisque sit lege, conditione, fœdere, tenere consuetudinem decernendi, nosse exempla maiorum; neque dicas numerus Ciuium est infinitus, ergo sciri non potest, nam non intelligitur, ut turba omnino, ac singuli numerentur, sed ut certa illorum habeatur distinctio, neque dicas, quod Deus Dauidi succensuerit, quia populum suum enumerauerit, nam non succensuit, quod populum numerauerit, sed quod affusus diuina potentia, quæ pro Israele pugnabat, animum ad infirmitatem humanam conuerteret, ut inquit quidam. Ignotis ciuibz quis ordo, ignotis urbibus quæ negotiatio, ignotis portubz, quæ propugnatio ab hoste manet. Arist. de magnitudine Ciuitatis, quanta debeat esse, vtrum gentem vnā, an plures esse expediat, hominem politicum ignorare non oportere affirmat, & apud Aegyptios, ut scribit Herodotus in templo pacis omnia omnium ciuium, prouinciarum, urbium, portuumq. nomina tabulis conscripta, & appensa fuerunt, quæ consuetudo ab illis ad Rom. fluxit.

Ne se ulli contemnendum praebeat; nam dici vix potest, quantum homines ausint in eum Principem, qui se ipsum contemnendum praebeat. Franc. Guic. in Hyppom. polit.

Deum pura conscientia colat, ac reueratur, & quia id sine religione efficere nequit, maximam utilitatem Principibus fortasse afferam, si aliqua de religione dicam.

De Religione.

OMnes tam boni, quàm impij autores voluerunt religionẽ Principi necessariam esse; at impij veram, vel falsam nullo discrimine probant, & tuentur; at dumtaxat catholica est probanda, ut qua sola vera sit, sine qua dignitatem suam a detrimento Principes non conseruabunt; nam religio, & timor Dei solus est, qui custodit hominum inter se societatem. Lactantius diu. inst. lib. 12. sicut enim staterra, si lancem loco motam habeat, pondera iuste non indicat, ita & anima nisi habeat rationis lancem stabilem, ac firmiter vi diuini amoris affixam, res sincere dijudicare non valet, sed circumfertur iugiter, atque depimitur. Chrysost. hom. 5. in secunda ad Timoth. Nulla alia religio, quàm vnus Dei tenenda est. Lact. 1. instit. cap. 20. & patrios ritus migrare, aut violare nullus Princeps permittat; nihil enim in rebus humanis religione est præstantius, eamq. summa vi oportet defendere.

Morem in rebus omnibus Pontifici gerat, & in ijs præsertim, quæ ad Ecclesiæ disciplinam, ordinem, institutaque pertinent; & quoties de ijs, quæ ad religionem pertinent disceptatur, ad Sedem Apostolicam omne iudicium semper referatur, nihil in illa inconsulta statuatur, etiam pietate, ac bono zelo accensus. Nã ut in domo bene instituta, in qua diuisa officia, & munera, non licet unicuique pro suo arbitratu omnia exercere, etiamsi singula in suo genere sint præclara, quod qui tentant, quamuis id bono animo faciant, à patre tamen familias meritò reprehenduntur, quippe qui suo intempestiuo zelo, quod pulcherrimum est in domo nempe ipsum ordinem, sine quo nulla domus diutius stare potest, quantum quidem in ipsis est tollunt, & prudentiæ eius, qui illum instituit summam iniuriam faciunt. Sic prorsus in Ecclesia Christi, quæ est domus Dei, in qua omnia munera sunt dispartita, & singula singulis distributa, ut inferiores superiorum officijs non fungantur, & minus licet ordinem perturbare, quò maiore prudentia est ordinata Ecclesia, quàm de vlla domo cogitari possit; estq. semper grauissima in Dei prudentiam, ac sapientiam iniuria. Paul. III. in admonit. patern. ad Carolum V.

Religio debet esse reuerenda, non vulgaris, & magis Deo, ac naturæ, quàm arti conformis.

Quæ communi politicæ repugnat est reijcienda; non enim potest durare, ut lutherana.

Est anima dominij, quare debet esse tota in toto, & tota in quali-

qualibet parte, idest omnes eosdem articulos credere debent.

Præsumptionem eorum Deus acriter punit, qui a seipsis persuasi ad seipsos, & sine vlla Dei recognitione omnia referunt.

Quod Ouidius poëta sub nomine Palladis Aracnis, & Penthei, qui religionem contempserunt ostendit.

Religio est legis naturalis defensio, amor enim, & timor Dei pœnarum, & premiorum æternorum securitas, compellunt ad legum observationem.

Sicut sine anima corpus interit, sic Ciuitas sine religione corrumpitur.

Religio, quæ politiæ naturali contradicit, non est admittenda, quare cum sabbathi Die mille miserijs Iudæi obruerentur, tempore necessitatis pugnare cum Pompeo, & alijs in illo die recusabant: cum tamen aliter Doctores sint interpretati, & asserant tempore summa necessitatis pugnandum esse.

Neque scientia ea, quæ religioni nostræ contradicit, cum religio non falli, sicut scientia possit.

Seçta Lutherana, & Caluiniana, quæ liberum arbitrium negat, fugienda; nam populus tuus respondere potest, ego non possum tuas leges seruare, cum fatum me ad peccandum impellat, nec puniri, quia voluntariè non peccaui.

Ciuitas est quoddam corpus animatum, cuius anima est religio; materia verò Senatus, bona externamilities, spiritus lex, oculi philosophia, & scientia, aures mercatores, & exploratores, lingua concionatores, & oratores, manus milites, pedes artifices, & agricola pro sustentatione animi, & corporis fortuna, famuli commeatus, & nummi, quæ cum omnia pendeat ab ipsa anima, eius diligentem curam habere oportet.

Omnis Resp. illis auspicijs conseruatur, atque viuendi ordinibus, quibus orta est, sicut planta illa aqua, ac terra crescit, quæ ei naturalis est, & languet, ac interit, si solum ei præter naturam accadat. sic Resp. si exteram acceptat religionem, durare non potest. id Hebrais notum fuit, qui quoties ritus, ac religionem mutarunt, in captiuitatem deducti fuere, & Græcia, Africa, Aegyptus, multaq. alie nationes idem expertæ sunt. Nam mutatio religionis, breui temporis spatio, status mutatione u secum affert; ratio est, quia mutatio religionis, sine animorum mutatione esse non potest, & mutatis animis corpora mutantur, & fortuna, sine quibus status non permanet. Græci Spiritum Sanctum, a filio procedentem negantes, die Penthecostes in vindictâ tantæ blasphemie Constantinopolim amiserunt. quare Hæreticos abijciat princeps, atque exterminet; nam sicut meretrice

G

uxor

uxor virum suum se fingit amare, verè autem amat adulterum, & in facie quidem istius est, in corde autem alterius; sic & Hæretici videntur esse Dei cultores, sunt autem Diaboli amatores, & quidam Princeps cū Hæreticos, & maleficos faueret, ut refert Iacobus Sprenger. 2. par q. 1. mal. malefic. & cum his quandam Ciuitatem indebitè aggrauaret, dum hoc sibi a quodam familiari objiceretur, ille omni timore Dei posthabito respondit, faciat Deus, quod in hoc loco moriar, si iniuste à me aggrauentur, cui verbo subito diuina ultio subsecuta est; nam subitanea morte expirauit, re vera in vindictam blasphemie, & fautoria hæresis.

Regum libros in manus habeant; ut intelligant, qui Reges iuxta vixerunt eos à Deo auctos fuisse, & ijs promissionē vitæ æternæ apud ipsum permansisse, quot verò Reges à Deo defecerunt, rebellionē suā breui tempore interijisse, iusto Dei iudicio, & vitæ eos priuatos fuisse, & pro requie æternum supplicium consecutos. Clemens Papa lib. 1. de const. apost. Religio vera unica est, quæ vnum Deum habet autorem, & Iesum Christum, & eius Vicarium cognoscit, catere superstitiones sunt, quare religioni veræ miscere superstitiones periculosum est. Aug. Steuch. de peren. philosoph. lib. 8. quare deceret Principem Theologiam callere, vel peritissimos Theologos apud se habere; religionis enim imperitia vitia omnia conualescunt, & homines vulnerant animam insanabilibus vitij, quæ infecta quasi venenis intumescent Mercurius Trismeg. in Ascel. cap. 8. Noua religio statum immutat, aut bona, aut mala hanc vim habet, sicut anima bona, aut mala corpus mutat, quàm mutationem propter falsam religionem Geneva, Germania, Heluetiorum pars, Anglia, Africa, Græcia, ut supra dicebamus experta est, & nouus orbis terrarum propter bonam, & sanā paulatim mutationem sentiet, quæ mutatio cum bona sit, sermonem de hac non habebimus, cum statum conseruet mutando, sicut & illa corrumpit; nam ubicunque audietur illa opinio, quæ Dei providentiam, aut futurum seculum, aut arbitrij libertatem negat, necesse est ibi pessimam fieri mutationem, cum ea populos seditiosos, Principes Tyrannos reddat, mentesq. populorum ad sese illaqueat, ut in Germania vidimus. Quare post multas passas ruinas, post multas iacturas, necesse est ut ad veram religionem se se accommodent. Græci Epicureis receptis veram amiserunt philosophiam, & multa bello passi Christi fidem sunt amplexi, & Germania ad nouam legem recipiendam, vel veterem credendam sibi in animum inducit, cum amplius ei opinioni, quæ liberum arbitrium negat, fidem adhibere non possit.

Ciuitates liberæ si nouis opinionibus fidem adhibebunt, libertatem amittent; nam his temporibus nulla alia religio libertatem tutur
buna-

humanam, quàm Romana. si cum Turcis, & Caluino liberum negas arbitrium, non solum Deus ad seruiendum te condemnat, verum etiam ipsemet libertatem vendis, belluisq. te similem facis, iuxta illud, quia cum in honore esset, non intellexit, comparatus est iumentis insipientibus. populi septemprionales specioso libertatis nomine illecti, principio religionis, ac politię contradictionem non agnouerunt, illa enim liberum arbitriū affirmat, hæc vero negat, & re ipsa politicā, & leges obseruant, quæ eos Principi obedire, & bonum operari impellūt, & non religio, quæ affirmat Deum esse, qui in nobis bonum operatur, quare in illis plus bona natura, quàm impia potest opinio, quod quidē contra naturam est, & ut Hispani, & Itali subtili ingenio præditi, non hoc animaduertunt. Quare cum populi audiunt Deum tam mali, quàm boni autorem esse, ut infernum, ac paradysum libito suo impleat, ipsosq. nullam, aut rectē vel malē operandi potestatem habere, luxuria statim diffluent, tuas o Principes leges non obseruabunt, asserentq. id fieri non posse, quandoquidem liberum non obtinent arbitriū, cū Deus sit ille, qui nos contrarium tuis legibus facere cogit. Quare undique homines præcipientes huc, atque illuc furentes conspicias. vidit autem ætas nostra in Germania, ex semine Caluini ortos libertinos esse, qui cum hoc animo perpensisent, sine vlla lege ubiq. grassantur, vnumquemque suam voluntatem sequi debere asserentes, cum id non sit peccatum, quod Deus iubet. Et equidem non sine causa id dicunt, iuxta eorum sententiam, qui liberum negant arbitrium, nam atrocior blasphemia est dicere Deum esse autorem peccati, quàm peccatum non esse peccatum affirmare, prima enim Deum Tyrannum facit, & proditorem, quia dicit bonum operamini, & deinde ea nos facere iubet, quæ non possumus, & ad malum nos inuitat animi iniquitate, ac voluptate. Hæc verò Deum excusat. Quamobrem nisi timor legum ciuiliū, ac catholicorum arma, & lingua hanc furentem licentiam comprimerent, mundum illi contaminarent, & si ipsi per aliquod tempus durare videntur, id non perfidæ religioni, sed catholicorum viribus, & ciuili politię est adscribendum, quos timent, & contra quos semper armati, veluti in acie stant. His de causis Principes veram a falsa religionem cognoscant, quia si populi hæc audient, boni aufugient, prauī autem tecum commorantes ad omnia flagitia perpetranda te excitabunt, & plus nocuenti perfidī Ciues, quàm hostes catholici, ac pij tibi attulerint; deinde non posses sine aliquo capite auctoritate pollente, seditiosas opiniones conciliare, quare vnusquisque suā sequi voluerit. ex quo quidem emulationes, insidie, seditiones, rebelliones originem habebunt, si ad eadem credenda eos cogeris aquam in mortario tundes, quia liberum est credere, & impossibile est, ut omnes

eiusdem nationis religionem nouam in secreto obseruare; scient enim te à Deo missum non esse, martyria, miracula, prophetias non videntes, neque populus statim nouam opinionem imbibit, neque subito animum, ac veteres ritus mutat, & ad arma facili de causa conclamatur. Item cogitabunt, utrum eis expediat, summum Pontificem relinquere, ac religionem patriam deserere. Quare.

Summo Pontifici est obediendum, & tenentur, qui salui esse volūt. Potest quidem Deus ex nihilo hominem facere, at quia alter alterius curam habeat, ex patre, matreque nasci vult. Poterat in omni prouincia homines præcipuos creare, sed ut omnes idem essemus, mutuisque officijs alter alteri opem ferret, unum Adam, à quo omnes descenderet, solummodo in lucem edidit. Eodem modo in spiritali vita, poterat singulis prouincijs unum Pontificem præficere, caputque earum absolutum constituere, at ne inter illas opinionum diuersitas, ac in politica controuersia suboriretur, unum tantummodo elegit, cuius obediencia, ac determinationi cedentes, uniformes, & futuri seculi, & in hac mortali vita sine discordijs, ac bello tuti viuerent. Hoc caput Cephæ appellauit, quod fundamentum Christianæ religionis significat, ac omnium Princeps, ac Gubernator tamquam pater est cognoscendus, ac colendus ab omnibus, & præsertim ab ijs qui Reip. præsumunt; nam benedictio patris firmat domos filiorum, maledictio matris eradicat fundamenta, quia Pontifex est Vicarius illius, qui est dominus dominantium, iudex uiuorum, ac mortuorum, & Princeps Regum terræ. Huic est parendum, cui omnes Principes terræ pedem deosculantur, iuxta illa, adorabunt in conspectu uniuersæ familie gentium. Adorabunt eum omnes gentes terræ, omnes gentes seruient ei, & erunt Reges nutrices tui, & Regina nutrices tuæ, cultu in terram dimisso adorabunt, & puluerem pedum tuorum lingent, seruiant tibi populi, adorent te tribus esto Dominus fratrum tuorum, & incuruentur ante te filij matris tuæ, & alias auctoritates, quas in unum congerit Ioseph Stephanus de osculat. ped. Romani Pontificis. Quare quæ Resp. hoc caput deseret, meretrix erit, & quia meretrices non uno contentæ sunt viro, sed multos appetunt, sic Ciuitates illa, quæ ab Ecclesia deficient, Lutherum, Caluinum, & omnes hæreticos fornicationis filios adamabunt, & viris bellum inferent, ut adulteros, & amantes sine periculo recipere possint. quare sunt abijciendi lenones, qui Ciuitatum, ac Rerump. pudicitiam contaminare illecebris suis impiè conantur, neque illorum verbis est credendum, qui multas Ciuitates, ut Genouæ, Heluetiorum, ac Germanorum libere viuere dicunt; nam hæc meretricia est libertas, & postquam multos experti fuerint, tandem quadam discrimen sit inter virum, ac adulterum cognoscent.

Nulla

Nulla enim est alia libertas, quàm illa, quæ a sancta Romana Ecclesia defenditur, quæ solū durabilis est, & nulli corruptioni subiecta; nam sicut impossibile est, ut vera religio omnino tollatur, sic est impossibile, ut istud caput abijciatur, imò eum habeat hereditatem gentium, gens, & regnum, quod illi non seruerit, peribit. Potest quidem Ecclesia persecutionem pati, at non deleri, quia porta inferi aduersus eam non praualebunt, quia in necessitatibus semper Deus aliquem, qui eam liberet excitat, ut multoties factum esse legitur. Nā dum populum Dei in Aegypto crudelissimè Pharaon excerceret, Moyses voluntate diuina defensor, & liberator extitit, sic in terra promissionis afflictus Sepe, & Gedeon, & Sanson, & ceteros, qui illum à seruitute infidelium liberarunt, sic etiam in populo Christiano, & in Ecclesia non solum defensores esse voluit, sed etiam, ut illam defenderent, qui prius eam grauissima molestia afficiebāt, ut de beato Paulo patet, & de martyribus, qui eam aduersus persecutores Imperatores auxerunt, de quorum numero excitauit Constantinum numquā satis laudatū, quo auspice omnia quieta remāsere. eius exemplū Reges imitati, falsa deserta religione, veram induerunt. Verum cum Diabolus, ut inquit Iacobus de Valentia in explicat. hym. S. Ambrosij, & Aug. noua bella, & diuersas persecutiones contra Ecclesiā idest detestabiles sectas hereticorum suscitasset, Christus de numero Philosophorum excitauit Origenem, qui numerum ingentem Philosophorum ad Christum conduxit, & complures non solum Philosophorum, sed etiam hæresiarcas ad lucem veritatis reconciliauit, ut inquit Hieronymus in lib. illustr. virorum, & Eusebius lib. 6. de Eccles. hist. Cum deinde Ecclesia vim Hæreticorum iterum pateretur, de numero Philosophorum, ac Hæreticorum Deus excepit Aug. qui omnem humanā curiositatem confudit extinxit, ut dicit Possidonius scrip. his. D. Aug. At cum superioribus annis turbulentissimæ hæreses suborta essent, quas non sermone, sed armis tueri conabantur, ne tantus rumor, ac preceps licentia vltierius se extenderet Carolus V. Imperatorem semper Augustum, ac religionis exemplar excitauit, qui cum Imperij Romani, & Iesu Christi ducem se esse cognosceret vita quieta, ac tranquilla derelicta nunc mare nauigans, modo pertransiens, nunc in Africam, modo in Panoniam se conferens ad labores impiger, ad pericula fortis, ad vsum, ac disciplinam peritus, ad consilia prudens, ad casus, fortunamq. felix, impios Hæreticos partim prostrauit, rebelles castigauit, ac insanum multorum Romanæ Ecclesiæ hostium furorem elusit.

Regnum cum sacerdotio optime debet esse concorde; nam populi ei libenter obediunt, quem à Deo dependere apudq. illum intercessorē

esse credunt. quare Sacerdotes sunt omni veneratione dignissimi. Etenim assiduam erga Deum pietatem exercent, ei sacra facientes, illum summis laudibus celebrantes, illi gratias diu noctuq. agentes, ei sua sanctitate amici facti, ad eum in publicis calamitatibus feruidis orationibus, & sacrificijs confugientes, pacem populis, & tranquillitatē imperant, cunctosq. homines ardent caritate complexi, eos optimis disciplinis præcipuè sacris instruere, & Dei verbum paterno affectu, diuinoq. spiritu inflammati, ad eorum salutem publicè prædicare non desinunt. In priuatis verò colloquijs iuuentutem, populumq. omnem à vitijs, à peccatis, in quibus humana fragilitas perpetuò volutatur reuocantes, cælestiq. virtute expiantes ad veram æternamq. beatitudinem dirigunt. Ut populi, qui eiusmodi religiosis abundant, eosq. colunt, & reuerentur, verè beati dicendi sunt, cum eorum potissimū ope Deo gratos fieri, & diuinam eius misericordiam in præsentī, ac futura vita consequi possint Adou. Gual. lib. 15. de ciuili facultate.

Ut cor est veluti medium inter animā & corpus, sic sacerdos medius est inter Deos, & homines, eorum enim opus semper opportunum est, & præsertim necessitatis tempore; nam sicut pluuia semper bona est maximè est grata tempore siccitatis, & visitatio amicorum semper quidem suauis est; multo tamen suauior tempore luctus, sic, & consolatio sacerdotis semper opportuna est; maximè autem tempore persecutionis.

Ante omnia Principem decet sacra tractantibus assurgere, & supremum honorem exhibere, ut Ciues multum pudoris induent si ad eam reuerentiam præstandam segnes extiterint, atque aspero, & abscesso castigationis genere in eos utatur, qui sacra, & sacrorum anti-stites petulāter, temerariè, ac procaciter impugnare pro nibilo habuerint, iusta enim, aut neglecta, aut violata religionis censura nihil Deo gratius, nihil acceptius. Deum namq. zelotem nouimus, nihilq. potestremò efficacius, atque conducibilius ad sustinendum regnum esse probatur. Ioannes Bernardus Gualandus de optimo Principe.

Nihil ritè, nihilq. prudenter auspiciantur homines sine Dei immortalis ope, & consilio. Itaq. rerum agendarum initia a præcationibus sunt capienda.

Qui vobis persuadent non esse religionem summo perè colendam, abijcite, qui dicunt Reges cum immodica est, dignitatem nullam habere, minimè decere Principem instar cuiusdam vetule, multam operā in præcibus, ac in votis, & in procuranda religione consumere, multā religionem a studio dignitatis Regem abducere; nam id falsum est, & dicunt, ut paulatim omne pietatis studium restringatis, & perficiunt quantum possunt, ut vos a Dei religione diuellant. & nihil aliud

aliud optant peruersi, quàm omni diuino, ac humano præsidio vos nudare, & summo scelere, perfidia, & humanitate obsessos tenere, ne possitis ullo modo salutari ope, & auxilio liberari, nisi quod intelligat hæc omnia fore impedimento, quo minus tyrannidem suam diu tueri, & simplicitate Principis possint. Osorius lib. 3. de reg. inst.

Eos etiam, qui dumtaxat religionis causam suscipiendam, quodad necessaria est ad Imperij statum retinendum, vel augendum exterminate; nam ea doctrina impia est, ac scelestæ a Damone profecta diuina, & naturali legi repugnans, a more apud omnes nationes, etiã barbaras iamdudum recepto abhorrens, a sapientissimorum philosophorum sententia, consensuq. dissidens, & prudentum, & laudabiliũ Principum aduersa. Ribadeneira in princ. chris. lib. 1. cap. 17.

Princeps Christianus si nomini suo respondere velit, officioq. perfungi Hæreses indulgentia quadam permittere non debet, nec in suo Regno, aut Principatu diuersarum, ac inter se pugnantium sectarũ homines pati, sed potissimum in eam curam incumbat, quæ Dei cultum integrum, purumq. conseruet, idem loc. cit. quare omnis, qui dixerit præter ea, quæ tradita sunt, quaq. catholica Ecclesia asserit nulla fide dignus sit tametsi ieiunet, tametsi virginitatem struet, tametsi signa faciat, tametsi prophetet, lupus tibi appareat in grege ouium corruptionem faciens. Ignatius in epist. ad Hieronem. Nam quemadmodum serpens Euam seduxit, promittens ei, quod non habebat, sic Hæretici prædentes maiorem agnitionem, in mortem demergunt sibi credentes.

Timorem Dei præ cetera habeant, nam quemadmodum qui corporis membra clauis transfixa, ad actionem quamlibet immobilia retinent, sic hi, quorum animam occupauit Dei timor, omnem prorsus importunam peccati, & obstreperam occasionem vitant.

Intelligent, attenteq. perpendant oportet Reges, ac Principes ita defendendam sibi Christianam religionem, ut re circa eam dubia, vel noua, & perplexa se se offerente aliqua difficultate, iudicum partes non assumant, nec temerè definiant, quod eos non concernit; Custodes enim sunt diuinæ legis, non interpretes, ministri sunt Ecclesiæ, non Iudices, gladium portant, ut Hæreticos per duelles sacrilegos, & quot quot persequuntur, aut pacem turbant supplicijs coerceant, sed in rebus Ecclesiasticis, nec legum latores sunt, nec diuinæ voluntatis exploratores, aut internuncij. Ribadeneria lib. 1. c. 19. & in grauissimum laqueum inciderunt, qui temerè, quod ad sacerdotum officium pertinebat supplere ipsi ausi sunt, ut Bat. & Abiron, atque Cor. & alij, qui agrè ferentes in sancto populo vnum præ ceteris dignitate summi sacerdotij fulgere se tam Moyse, quàm

Araoni opposuere cum dicerent sufficit vobis, quod omnis multitudo sanctorum est, at in ipsis est dominus, quid eleuamini super populum; licet verò hæc verba contra ambos dicta videantur, tamen Moyse interprete didicimus, omnis eorum indignitatis causam summum sacerdotium Aaraonis fuisse. Non enim ubi omnis multitudo est sancta, virum aliquem eminere dignitate æquum esse censebant. quam verò grauter hæc res displicuerit Deo, insigne in eos diuini iudicij, & seueritatis exemplum ostendit, quos terra dehiscens vnà cum vniuersa suppellectili, & omnibus bonis viuos absorpsit. Hæc verò vetera nunc reticeo, quia, ut inquit Apostolus in figura contigebant illis, scripta sunt autem ad correptionem nostram, in quos fines seculorum deueniunt, ut discant omnes si in sacerdotio, quod deseruiebat tabernaculo, & umbra quodq. vna cum tabernaculo abolendum diuina prouidentia statuerat, tantam curam Deus ostenderit, ut ne minimam quidem in ea mutationem ab humano ingenio inultam permiserit, quantò maior reuerentiâ tribuenda sit illis sacerdotibus, qui non amplius seruiunt typo, & umbra abolendis, sed ipsi verò tabernaculo, quod nunquam transferetur? quanto ne minus de mutatione, vel minime ordinationis, quæ ad eos pertinet cogitare debeant? quantò denique grauius, ex magis intolerabili superbia putabimus, eos in diuinam prouidentiam peccare, qui vel hanc confundere, vel ad se transfere postulant, vel alio modo de illa statuere volunt, quam longa Ecclesie consuetudo fundata in testimonijs scripturarum promittit, & declarat. Quocunque verò modo, quacunque specie pietatis proposita hæc tenentur, radicem quidem mali superbiam Deo semper odiosam esse non est dubium, sed quod maximè declarat Ozia Regis exemplum, in quo simul, & radicem huius mali, & grauem illius vindictam scriptura nobis exprimit. Hic autem Rex alias laudatissimus; idq. testimonio scripturæ in hoc tantum superbie arguitur, quod incensum ad altare thymiamatis adolere voluerit. Quis verò hanc voluntatem non piam potius, quàm superbiam iudicasset, sed spiritus Dei in scriptura, cum ad huius facti narrationem peruenit, eleuatum (inquit) est cor Ozia, in quo verò eleuatum nempe, quod alieno ministerio fungi voluit, de quo postquam à Sacerdotibus admonitus, nec illis paruisset, statim a Deo lepra est percussus. Hæc verò recensemus, ut intelligant Principes, si superbum fuit Ozia factum in adolendo incenso super altare thymiamatis, quanto superbius esse, hoc tantum adolere incensum super altare corporis Christi, ceteraq. quæ religionē ipsam comitantur, persequi. Quare Pontifici obediētes estote. Nam Deus omnes illos castigauit, qui summum Pontificem spreuerunt, quod si aliquos inultos reliqui, id ea ratione factum a diuina prouidentia

dentia sancti Patres pie existimauerunt, ne si omnes hi impij castigarentur, nullum aliud tribunal diuina iustitia reliquum esse homines iudicarent, nec verò singulos tantum homines, vt ex historijs constat, ultio diuina castigans, eorum inobedientiam erga hanc principem sedem est peruagata, sed in nationes etiam, & prouincias, in quibus videmus eos grauissimè omnium fuisse castigatos, qui Christum Dominum habere recusarent; proximum miserie locum eos sortitos esse, qui Vicarij Christi auctoritati resistere. Duas verò nationes a Deo in primis castigatas, atque afflictas videmus, quæ olim florentissimæ fuisse, quarum una pertinax in negando Christo permansit, altera aliquandiu præ cæteris omnibus contendit. Illa est Iudæorum, quæ nulla maiori miseria est oppressa, hæc verò Græcorum, quæ proximè ad miseriam Iudæorum accessit, quia proximè ad eorum impietatem accesserat. Quare si ipse Christus in cæteris Imperatoribus, Regibus, populis, & nationibus nunquam inultam tulit Vicarij sui Spæti auctoritatem ea interim perpetua successione conseruata, si tam seueris iudicijs eorum inobedientiam castigando odiosos sibi semper fuisse huiusmodi conatus ostendit; quantò in Principes catholicos, qui ex illis originem fortasse duxerunt, qui non plus honoris Sedi Apostolicæ detulerunt, quam ipsi ab ea receperint. P. III. in admonit. pater. ad Carol. V.

A fallacibus eorum persuasionibus ne credat, qui in ore semper habent reformationem Ecclesiæ, & occultos hæreticos diligentissimè querat, ac puniat, quia possunt data occasione statum perturbare; nam vetus Hæreticorum consuetudo est, quamdiu Catholicorū ope, & auxilio egeant, tamdiu subdolè humilitatem, & religionem simulent, sed ubi optatis, & expetitis potiti sunt, statim in suam impietatem reuoluantur. Ioseph Stephanus in caus. Henrici Borbonij. Errantes admoneat, & coërceat; nam ubi quispiam coeperit excutere timorem, & honorem Dei, vel diuini numinis reuerentiam, omnia sibi licere putabit, dummodo latere homines, quæ male agit arbitretur, mala bonis confundet, si opinione præmium bonorum, aut malorum pœnas effugerit, non esse crediderit numinis vindictam, aut beneficia. Ita Plinius, vitam nostram religione constare dixit, & quod in religionem committitur, in omnium fert iniuriã. Omnibus, quibus animæ immortalitas constat, animæ etiam ratio prior habetur, & potior, cū anima sit plus, quàm corpus, & prætiosior; quamobrem, qui religionis alicuius, quæ ad animæ salutem pertinere putatur rationem, & dogma sibi proponunt, vt religionem conseruent, alias omnes res tam proprias, quam alienas parui faciunt, mortalia pro immortalibus contemnentes, & inde furibundæ, & implacabilis propemodum seditio-

nes,

nes, rebelliones, & bella, quæ pro religione suscipiuntur, dicta ideo bella sacra acerrima, ubi pugnatur pro aris, & focis. Tholof. de Rep. lib. 12. cap. 4.

Monuit sapienter Mæcenæ vir gravis Cæsarem Octavianum apud Dion. lib. 52. hist. Deum semper, & ubique cole, ut moribus patriæ est receptum, ad eundemq. cultum alios compelle, peregrinarum verò religionum autores odio, & supplicio prosequere, non modo eorū gratia, quos qui contemnunt, haud dubiè nihil quoque magni faciunt, sed propterea, & iam quid, qui noua numina introducunt, multos ad utendum peregrinis legibus alliciunt, hinc coniurationes, coitiones, & conciliabula existunt minimè principatui commodæ res. Hæc quoque cura etiam Romanis fuit, ne daretur in religionis causa, licentia vagandi in quamlibet partem, eaq. multa mala inde suborirentur, ut experientia sæpe docuit, fuitq. occasio sæpe reformationis, & inquisitionis in habentes libros peregrinæ religionis, eosq. comburendi, sicut liquet ex Liniò, ex Suetonio, & ex lege duodecim tabul. quæ apud Ciceronem de legibus.

Commercia inter tuum populum, & Hæreticos ne permittas; nam populus ad mutandam in bonum, vel malum, sententiam, & opinionem ducitur, antequam rem serio perpendere possit, facilis, & a religione non accuratè excolta, ad superstitionem via, & speciosum religionis nomen a pluribus usurpatur ad tegendas imposturas impietatis, & sceleratam idololatriam. Qui periti sunt pro veritate contendunt iustè, qui errore contra imbuti sunt pertinaciter, & sæpe ex malitia subsistunt, seipsos prædicant humanis aliquando doctrinis validi, falsa pro veris obtrudunt, simplices veritatis amatores contemnunt, interim factiones fiunt, schismata oriuntur, pugna ex scintillis discordiæ incenduntur, quæ non nisi post multas clades extinguuntur. Tholof. lib. 12. de Rep. cap. 4.

Quare occurrendo initio erit, antequam serpat incendium, primò docendo magis, quàm iubendo, monendo, quàm minando. Concionatores optimos, ac eruditissimos habeat, ut multitudinis credentiam sit cor unum, & anima una, nam multitudo non freno facillè potest regi, & acerbis in uniuersam plebem animaduersionibus Ciuitates magis vastantur, quàm corrigantur, ut inquit Sallustius ad Cæsarem. experiendum deinceps aduersus errantes, & Hæreticos, malèq. de religione sentientes, num per ecclesiasticas censuras, & pœnas redire possint ad gremium Ecclesiæ, quibus si illis contemptis noluerint satisfacere, addenda erunt pœna legum secularium, ac canonum, & cum gladio spirituali temporalis iugendus erit. Tholof. lib. 4. de Repub. cap. 4. & Principes habent, quem imitentur, Philip-

pum

pum III. Hispania Regem potentissimum, qui subditis suis Hæreticis pacisci noluit, & nullius aliam magis curam habet, quàm hostes Ecclesiæ profigare. Et profectò habent Hispaniarum Reges, ut dicit Ioseph Stephanus in quadam sua oratione, & cum eis uniuersa prouincia præter militarem virtutem, ac laudem, qua maximè nobilitantur insitam, ac quasi innatam fidei pietatem, per quam omnia suscepta consilia ad sanctam referunt sedem, ut in ea tamquàm infirmis totius Regni viribus, ac munimentis insistant, quod & confirmat sanctæ inquisitionis officium institutum, sub quo non patitur Hispania illos fluctus, & turbines, quibus multe prouincie magna, & miserrima fortunarum, & fidei naufragia pertulerunt.

Sine Religione non Princeps officium suum, non subditi facient, sine ea societas non erit, quia non fides, non iustitia, non virtus, sed fraus, licentia, proteruitas, & uno verbo, confusio hominum, ac rerum. quod frenum erit peccaturis, qui metus satis validus, nam externum illum, qui à pœnis, aut morte est contemnunt, & desperatio impetus, aut iracundia eò ducunt. Est igitur vinculum, & firmitas Reipublicæ religio, ac Princeps ipse habeat, quo gratia eum, & gratitudo vocant. Rex es à Deo habes, & quo maior, altiorque plura benefico illi numini debes & per cultum igitur, venerationemque eius agnosce. Rex es, ut diu, & feliciter esse possis, & scito tollere posse, qui tribuit, & euertere, qui sublimauit. Vetus & à maioribus acceptus hominibus est sermo, quod omnia à Deo per Deum nobis sint constituta. Qui hoc imbibit religionem quomodo non habebit.

Primà mihi debes, animi bona sanctus habere.

Ex quo sequitur, ut virtutes etiam habeas, & maximè modestiam, ac clementiam, quæ religioni maximè adhærent. Addo quod tutior ita eris, amor enim ex isto, & veneratio erga ipsos Principes innascitur, nec faciliè exteri, aut subditi ludent, cui nomen amicum, & propitium arbitratur. Quid quod ipsi subditi ita meliores, tranquillioresq. nulla res magis animos, & mores componit, quàm religio, & illa ubi in pectus demissa virtutum agmen sequitur. In primis mansuetudo quadam animi, ac tranquillitas bona imperantibus, & quæ faciles, obnoxiosq. præceptis reddit. Denique externa felicitas eò vocat, quod ab omni æuo obseruatum Deum, qui se colunt attollere, & pijs, religiosiq. Principibus prospera plurimum euenisse alia alijs. Lipsius in monit. & exempl. polit. cap. 2.

Gentes dominia distinxerunt ad hunc finem, ut singula commodius curarentur, ideoq. & commodius, & abundantius religioni seruirent

uissent finis verò, & ratio dicitur anima actionum quarumlibet, iuriumq. & legum. Sic igitur gentes, eatenus homines voluerunt esse rerum dominos perfectos, quatenus ijs uterentur ad virtutes, ad religionem, Deumq. cognoscendum, & amandum. Quamobrem nulla gens id habuit pro lege, ut impij caderent à dominio rerum suarum, & alijs præterea pœnis afficerentur. Cur ita quòd putabant, & suam religionem veram, & dominia pendere à religione, cuius præceptum est primum inter præcepta iuris gentium, ut Pomponius Iurisconsultus testatur, & hinc liquet, quòd religio prior fuit, quàm distinctio dominiorum, nam colebat Adamus religionem, priusquàm filios haberet. Concesseruntq. itaque cunctæ gentes à vera religione pendere singulorum dominia, ob id ab illa, quam suam putabant desciscientes, dominio rerum suarum spoliabant. Quare vastitates, ac ruina temporalium nascuntur ob defectum religionis, sapientie, & amicitie Dei, à quo sunt, mouentur, conseruantur, augentur cuncta, ut ipsum quantum fert eorum natura participant, & ideo reducuntur in ipsum, à quo omnis boni multiplicatio, & perpetuitas emanat. Thomas Bozius lib. 1. de ruinis gentium, & Regnorum. Ac in Gallia, & Germania miros tumultus obortos, multas coniurationes initas, multos exercitus profligatos, multas vrbes direptas, multa templa diruta, multum sanguinem effusum, multa inhumana perpetrata ob defectum religionis omnes non ignorant.

Non eadem iustitia, non eadem lex, non ijdem habitus, non eadem fortuna, non eadem arma, non eadem vitia, non eadem virtus, sed eadem religio multas, ac diuersas nationes unit, unde Catholici vnum solum Romanum Pontificem agnoscunt. Tandem, ut plurima omittamus, quæ dici possent, concludemus cum Plutarco in Numæ Pompilio populum sine religione pessum iturum, & eos, qui religionem contemnunt Motorem quendam Siculum, & Philoxenum, Eryxidis filium ventris, & gula mancipia, quo ceteris conuiuij nauseam facerent, & soli omnia fercula deuorarent, narium mucum solitos in catinis emungere imitari; grauitè enim in Ecclesiæ facultates inuehantur, in sacerdotum auaritiam, & flagitia spūunt, ut soli templorum auro potiantur, ut liberè Veneri sacra faciant, & impunè voluptatibus ingurgitent sese, incestumq. libidinem expleant. Eò spectat animorum acerbitas, qua in cœlibatus, & continentie vota debacchantur, ij præsertim, quos sacerdotalis, & monastice disciplina fastidium inceserat; nam cum ardeant aestu libidinum, & inreiuando cœlibi se vitæ deuouissent, querunt canem, quo nodum illum soluant, & speciem aliquam periuro, quo cœlibatus, & continentie iugum excutiant. Egregij veteratores præclara specie, & prætextu Aesopie animo

animo vulpem agitant , qua cum abscissa caudæ pudore laboraret, in aliarum vulpium caudas inuehebatur eas , vt præciderent hortata , quo suum dedecus communi turpitudine velaret . Adamus Blacuo- deus in apolog. pro regibus . His paucis , sed salubribus de religione notatis, ad alia quædam accedamus .

Ciuitates propugnaculis , & vallis fulciat, & semper tempore pacis exercitum dispersum alat ; nam præterquam quod hæc militia pacis tempore summopere iuuat, quibuscunque belli occasionibus in promptu est, obedientiam subditorum conseruat, tumultus impedit, vel obortos quiescit , hostium inopinatos impetus reprimat . Singula certè ager, si quod iustum est erga omnes conseruet, ex eo quod statuatur omnem cogitationem suam Deo notam esse , & in primis si cum timore Dei actiones suas inchoet . amicos, & beneuolos retinebis, si viderint illi te magnam curam habere illorum cætuum , quibus præes . tu verò ita hoc facies, si considerabis quomodo Deus iuuat genus humanum , qui valetudinem ipsis alimenta , victum , & alia omnia præparat temporibus suis .

Mores in regia administratione necessarij sunt, vt quis se seruet immunem ab omnium munerum corruptione , vt sit sobrius maiori vita tempore, vt iustitiam rebus omnibus præferat, & eius amatores amplectatur singulari beneuolentia, quia & Deus amat iustos . maximum autem in gubernatione est , vt subditi habeant perpetuam pacem, & celeriter consequantur in iudicijs suum ius, quæ quidem tum fiunt , quando qui præest imperio est os for improborum , & proborum amator, ac maximi facit hoc, vt animam hominis conseruet . Aristæas in hist.

Sit fama sua curiosissimus, & requirat ad verum, quod quisque de se dicat emendet, quæ benè reprobensa videntur .

Ne noua molitur , nisi prioribus firmatis , & rebus maximis obuius statim eat ; nam nullus cunctationi locus est in eo consilio, quod non potest laudari nisi peractum Tac.

Temporibus sapienter vtatur ; nam puncto sape temporis maximarum rerum momenta vertuntur . Liuius .

Non quotidie sui copiam faciat, continuis enim aspectus minus verendos magnos homines ipsa satietate facit .

Multos potentesq. non offendat ; nam in Regno qui se laesos esse putant, dissidia concitant, & interitum, vel Regi, vel Reip. moluntur, & non mediocrem malum existimandum est, cum multi de Regis iniuria queri merito possunt .

Fieri quidem non potest, vt Princeps omnibus ex æquo satisfaciat, id tamen illi prouidendum est, quod fieri poterit, ne quisquam iustis quere.

querelis utatur; aliter enim neque suum officium faciet, & homines industrios, quorum opera plurimum iuuari potuisset alienabit.

Subditos otiosos esse nullo modo permittat; nam utique pernicioſa, ubiq. negligentia, ac ſocordia eſt. Vtilis contra, atque fructuoſa cura, ac ſedulitas. Videmus immotam faciem torpeſcere, ac tandem extingui, flammam recipere agitatam, lucemq. præbere alijs. Videmus etiam natura fertiles, atque vberes agros, niſi cultura diligens acceſſerit, aut exqualere, fructusq. nullos proferre, aut lappas tenaces producere, aut ſegnes procreare carduos, aut lolium inſœlix gignere, aut auenas edere ſteriles. Videmus homini magni illius miraculi, & minoris mundi ingenium cariem quaſi atque ſenium otio contrahere, eodem corpus corrumpi, utrumq. ex arcitatione conſeruari, atque vires acquirere. Opulentiffima Regna, Imperiũ potentiſſima, florentiſſimas Reſpublicas tam hoſtium vi euerſas, quàm ſocordia, ignauia, luxu perditas, deletasq. funditus legimus.

Ne populus Principem in aliqua re obſcœnum conſpiciat; nam hæc conditio Principum eſt, ut inquit Quintilianus decl. 6. ut quid quid faciant præcipere videantur, ac vitia non ſolum ipſi Principes concipiunt, ſed etiam in Ciuitates infundunt, plusq. exemplo, quàm peccato nocent. C. 3. de legib.

Non decet Principem in alijs audiendo, ſpectandoq., & uſu ceterorum ſenſuum eſſe ſimilem, ſed tantum debet in ratione viuendi excellere, quantò eminentiorem fortuna illum conſtituit, ſemper, & ubique maięſtatis meminiffe tanquam paſtorem, gregi præpoſitum, & vndeçq. diſciſ, factiſq. in melius proficere debet. A natura in puppi celfa collocatus ad gubernacula regat nauem, qua generis humani ſalvus vehitur, non aliunde magis voluptatem capiendo, quàm a ſubditis per illum adiutis aliquo beneficio. Ab alijs enim alia exiguntur, vel priuatim, vel publicè; A Principe propriè expectantur bona conſilia, quorum executio proſit ſubiectis populis, utq. larga manu, ac mente ſua bona impartiat, his tantum exceptis, quæ ob incertos caſus ſeruari prouidentia poſtulat. Philo iud. de leg. ad Caium.

De quacunque re perturbationem fugiat; nam quemadmodum, qui ſecatur, aut vritur præ doloris magnitudine non poteſt ab eo, quòd fit cogitationem auertere, ita qui perturbatione aliqua torquetur, non poteſt inde cogitationem auocare, perturbatio enim rationem ad ſe totam rapit, & in naturam propriam conuertit. Nilus in lib. aſcetico.

Clementiæ ſtudeant, parcant afflictiſ, non ſolum hoſtibus; verum etiam animum vincant, iracundiam cohibeant, affectus doment, imperent cupiditatibus. A natura odio ſautiliam proſequimur, detestamur

mur crudelitatem, quare ipsi dent salutem, non adimant, defendant, non oppugnent, conseruent homines, non perdant. Vitam eripere facile est, & cuiusuis, at ereptam semel restituere, non ita proclive esse nouimus. Exempla Principes tenent eorum, qui poena nimis acris, atque prapropere poenituisse saepe in historijs sciunt.

Graue, minimèq. laudandum videtur praestita antea fidei, atque obedientiae omnem ex animo memoriam abijcere, tam in innocentes, quam nocentes animaduertere, repudiare prorsus eos, qui humiliter se se submissèq. gerant, qui errata sua agnoscunt, qui supplices ad clementiam Principum confugiunt, & ut sibi ignoscatur, orant. Vtriuscuius Frieduirtim in oratione de animaduersione, & poenis.

Onus Imperij per se graue, lene reddit mansuetudo, atque clementia, qua firmam custodiam praestat omni, & vitae, & regni omittendi metu, atque sollicitudine liberat, in qua subditorum fide, atque beneuolentia destitutum quouis momento versari necesse est. Ut enim celsis montium iugis, ut altis turrium apicibus, ut sublimibus adiu culminibus, horrenda fulgorum vis magis, quam tuguriolis minatur, ita & in dignitate aliqua constitutis viris plura, maioraq. semper, quam priuatis pericula metuenda, quibus nisi subditorum fide, & amore occurrì nullo modo potest. Gaspar Benedictus in orat. pro clem. & mansuetud.

Cum Reip. anima sit Princeps, Principis verò corpus Resp. non minus is profectò eam fouere, ac suum corpus debet. Quòd ita demum rectè perficiet si operam dabit sedulo, ac diligenter, ut Resp. opibus firma, copijs locuples, gloria ampla, virtute honesta, omni denique rerum copia sit felix, ac beata. Nicolaus Reusstrerus Imp. Sym. 3. clas. 1.

Quinque ob causis, magis pij esse debent Principes subditis suis, quos regunt; primo, quod plura ad peccandum habeant incitamenta, & occasiones, ac sciant se ab hominibus non facile, sed immediate a Deo punitum iri. Secundo, quod plura possunt amittere, quam subditi. Tertio, quod hi illorum exemplo doceantur. Quarto, quod Deo maiorem rationem cateris sint reddituri. Quinto, quod fauor felicitas, vel infortunia ac mala a nemine ipsis effulgeant, quam ab ipso praepotenti, & iusto Deo. Antonius de Gueuara in horologio Principum ex emendatis.

Absit, ut pestis a Principe auaritia; nam amor pecuniae, ut fera quadam, ac crudelis domina, corda possidet, & tyrannica dominatione deuincit. Saut, ut barbarus, feruet crudeliter, ut Tyrannus debacchatur impudenter, ut meretrix nusquam miseretur, nusquam pudet. Chrys. hom. quod nemo leditur, nisi a seipso, & subditi Principes auaros odisse consueuerunt.

Con-

Consiliarios non solum rerum, hominumq. peritos, sed & eos diligat, qui graues, fide constantes sint, qui non sapere sese solos, ceteros quasi umbras volitare existiment, qui non habendi cupiditate flagrent, qui non ambitione, rixis, iurgiis ceteros magis turbent, & duobios, atque incertos reddant, quàm erudiant, erigant, confirment eos, a quibus in consilium adhibentur. quidam in oratione de quatuor virtutibus.

In omnibus rebus non solum prudentes sint, sed etiam prudenter agant; si verò desiderant esse prudentes, non debent vanitatibus intendere, sed maiorem partem vitæ suæ debent expendere in cogitando, quæ possunt esse suo regno proficua, quod sic non intelligendum est, ut nullas recreationes corporales habere debeant, sed debent eis adeò moderatè uti, ut non impediuntur in regimine Regni sui. Seipsos ergo poterunt prudentes facere, ut naturaliter Regnum regant, excogitando primo tempora retroacta, sub quibus temporibus regnum melius regebatur, propter quod habeant memoriam præteritorum, ex quibus scire poterunt, quid agendum sit in futurum. Nam semper debet suum regimen conformare regimini retroactò, sub quo Regnū tutius, & melius regebatur. Nam sicut in speculando, & cogitando, quæ antiqui Philosophi conscripserunt, sumus sapientiores in speculabilibus, sic Reges, & Principes cogitando acta suorum prædecessorum, fiunt magis prudentes in agilibus. Secundo debent diligenter intueri futura bona, quæ possunt esse proficua Regno, & mala, quæ possunt esse nociua. Nam ex hoc habebunt prouidentiam futurorum, ut possint mala expeditius vitare, & bona facilius adipisci. Tertio debent sæpe recogitare bonas consuetudines, & bonas leges; nam talia sunt maxime principia agibilium, sicut intellectus principiorū est. Quarto sæpe sapius excogitare debent, quomodo per eiusmodi bonas leges, & consuetudines debitè Regnum regāt, eliciendo ex eis debitas conclusiones agibilium. Quare oportet ipsum esse memorem, prouidum, intelligentem, rationabilem, solertem, docilem, expertum, & cautum, præterea quatuor considerare, videlicet bona ad quæ dirigit, modum per quem dirigit, personam dirigentem, & gentem quam dirigit.

Non decet Regem in omnibus sequi caput suum, nec inniti semper solertiæ propriæ, sed oportet ipsum esse docilem, ut sit habilis ad capeffendam doctrinam aliorum, acquiescendo doctrinis, & consilijs baronum seniorum sapientium, & diligentium regnum. Aegid. de reg. Princ. cap. 9. & 10.

Ordinem in Rep. seruet, ordo autem hoc in primis requirit, ut suo quidq. loco statuatur, ut Deo suus cultus, Principi sua obedientia, legibus

legibus sua autoritas, æquabilis omnibus iustitia administratio, Ecclesiasticis sua dignitas, nobilibus suus honor, plebeis, & infimis sua immunitates, delinquentibus pœna, benemerentibus præmia, ipsi denique Reip. amplitudini, quod suum est tribuatur. Dydimus Veridicus in apologia pro Rege Cathol. Phil. II.

Vilissimis hominibus summos honores, rapacissimis magnas opes, truculentissimis summam potentiam, otiosis honorificos titulos, lasciuus, & unguentum redolentibus, publica munera, aleatoribus, & ganeonibus magna auri pondera, velut Tyrannus non distribuat; qui ex altera parte veram virtutem colentibus, ingenuas artes sectantibus, strenuam operam in re bellica nauantibus, nihil præter verba illuforia indulget; nam hoc modo faciet, ut præstantiora ingenia, quæ honoris cupiditate ducta nullis laboribus, periculis, sumptibus parcant, aliquid Principi, ut sua gratum faciant mercede destituti, & inopia simul, & mœrore tabescant.

Filius Principis in minoribus se exerceat prius, ut maioribus deinde præesse possit. Reges enim cognominantur pastores populorum, non contumelia, sed honoris gratia. Imò quantum ego intelligo, non iuxta vulgarem opinionem, sed rei veritatem vestigans (rideat, qui volet) solus potest esse Rex vndequaque perfectus, qui bene callet artem pastoriliam, & curando minora animalia didicit, quomodo debeat præesse præstantioribus. Philo Iud. lib. 1. de vita Moses.

Est potestatis summæ officium eligere aliquot administrationis, reddendiq. iuris socios. Vnus enim non sufficit, quantumuis alacris, fortisq. corpore simul, atque animo in tanta mole negotiorum, ac multitudine quotidie alijs affluentibus; super alia proinde assumendi sunt optimates selecti, spectata prudentia, fortitudinis, iustitia, pietatisq. incorrupti, & ante omnia infensi superbia; nam huiusmodi viri maxime idonei sunt ad subleuandum ope sua, bonum, honestumq. Principem. Præterea cum aliquando res magnæ, aliquando minores tractandæ sint, ne in exiguis conterat operam Princeps, sub præfectis eas delegabit; maiores verò ipse examinabit diligentissime; maiora dico negotia, non ut quidem existimant controuersias, quæ inter claros diuites, potentesq. incidunt, sed quoties priuati, egi, obscuri præmuntur a potentioribus, cum nulla præsidij spes sit, nisi in Iudice. Quæ dico patent exemplis sacra Scriptura, a quibus non decet discedere, fuit enim aliquando tempus, cum solus Moses præsidebat iudicij occupatus, & laborans a mane vsque ad vesperam, tum socer eius superueniens, & animaduertens, quanta mole premeretur, confluyente ad ipsius tribunal multitudine optimè consuluit, ut Vicarios eligeret, qui minora tractent negotia, ipse verò maiora curet inter quie-

D

scens

scens nonnihil. Id consilio adeo placuit, ut mox probatissimus quisque delectus sit in ordinem iudicum, reservatis prophetae grauioribus controuersijs. Delatum est etiam hoc in sacra volumina, ut haberent, quod imitentur posterorum Principes, primum, ne aspernentur Consiliarios, quasi possint ipsi despicere omnia, cum ne Moses quidem aspernatus sit amicus Dei sapientissimus, deinde ut sibi Vicarios secunda, tertiaque note substituant, ne sollicitudinem impendendo rebus vilioribus, negligant maiora negotia. Impossibile est enim unum hominem obire omnia munia. Diximus magnas causas esse personarum humilium, ut sunt viduae, pupilli, aduenae. His debet suum ius summus Princeps reddere, qui potestatem habet nemini obnoxiam, quandoquidem auctori Mosi credimus, ne Deum quidem rerum omnium Regem grauaturs causas talium cognoscere; sic enim Vates laudat eius virtutes dicens, Deus magnus, fortisque, qui nullius personam respicit, qui sine corruptelis iudicat. Philo Iud. de creatione Principis.

Et equidem Deus contrarium ægrè fert, nam in sacra Scriptura Principibus præcipit, ut viduarum, ac pupillorum, maximam curam habeant. Exo. 22. 21. Viduae, & pupillo non nocebitis, si leseritis eos vociferabuntur ad me, & ego audiam clamorem eorum. cap. 27. 19. maledictus, qui peruertit iudicium aduenae, pupilli, & viduae, & dicet omnis populus, Amen. Esaia 123. Principes tui infideles, socij furum, omnes diligunt munera, sequuntur retributiones, pupillo non iudicant, & causa viduae non ingreditur ad illos. Matth. 23. 14. Va vobis Scribae, & Pharisei hyppocritae, qui comeditis domos viduarum, orationes longas orantes, propter hoc amplius accipietis iudicium. Malac. 3. 5. Et accedam ad vos in iudicio, & ero testis velox maleficijs, & adulteris, & periuris, & quæ calumniantur mercedem mercenarij, viduas, & pupillos, & opprimunt peregrinum, nec timebunt me, dicit Dominus exercituum.

Principi si se dignum titulis præstare velit, danda est opera, ut ad diligendos ministros sui principatus summam perspicaciam, & optimam in delectu aliorum in omni genere ministrorum adhibeat. Prauidendum enim illi est, quam multi ambitioni suae, vel avaritiae, vel aliæ prauæ affectioni, potiusquàm suo muneri seruiant. Hæc autem perspicacia a Deo, summis votis est illi exposcenda.

Principi comparandos esse primum amicos, ita quidem, ut prima cura sit eos diligendi, quos & consiliarios habere possit. Cauendum ei ab ijs est, qui blandientes, & ut vulgo dicitur palpum obtrudentes, satis ipsum sapere dicant, ideoque consiliarijs indigere negent.

Amici Principi necessarij sunt, quare magno in eorum delectu est opus

opus iudicio . Nihil aequè in ijs esse requirendum a Principe , ac ista duo , vt honesta , libera , & veraces eorum sint lingua . quidam .

Principi videndum , ne in eius amicitiam irrepant , qui quum amicorum nomen sibi tribuant , sunt tamen adulescentes , seu assentatores .

Cautè se gerere debeat in aperiendis suis arcanis , vel ijs , qui sunt a secretis , vel alijs , & licet viros quibus cuncta arcana te committere possis esse nactum arbitreris , in hac autem parte te cautissimè geras , caueasq. ne quid detegas , quo conscio , ille quisq. sit te obnoxium reddat , nam Principi grauius nihil esse potest .

Reip. expedit , vt aliquando Princeps tribunal non dedignetur , sed in eo , & ipse ius aliquando reddat ; magna enim corruptela forensis pars potest illorum presentia tolli .

Suis ostendat , se a litigiosis ingenijs abhorrere , & mulctare velle , qui temerè litigant , seq. dare operam velle , vt lites breuiori temporis spatio finiantur . quidam .

Non robori , non potentia , non diuitijs fidat , nam si cor Regis in manu Dei est , non seruetur armorum robore , sed diuino adminiculo , ac ductu . Aug. prou. 21 .

Optimum Principem decet , in suis quidem peccatis esse acerbum Iudicem , & minimè ignoscentem , at in erratis subiectorum placidum , & ad ignoscendum facilem . Damasceus .

Corporis tui custodiam , tutissimam existima esse amicorum virtutem , & aliarum Rerump. beneuolentiam , tuamq. ipsius prudentia ; bis enim rebus , & conseruari , & parari regna maximè possunt . Isocrates .

Regem benefungentem suo munere decet iustum , & magnanimū , & veracem , & liberalem in largiendo esse , atque quauis cupiditate maiorem supplicia leuiora delicto , gratiam autem beneficio maiorum referre tum subiectis , tum amicis . Diodor .

Præcipuum Regis optimi munus est pauperes tueri , & Rex qui iudicat in veritate pauperes , thronus eius formabitur in æternum . è contra Deus in eos acerbè animaduertet , qui personam pauperis accipiunt , iuxta illa Prou. 22 . non facias violentiam pauperi , quia pauper est , neque conteras egenum in porta , quia iudicabit Dominus causam eius , & configet eos , qui confixerunt animas eius . Amo. 2.6 . super tribus sceleribus Israel , & super quattuor non conuertam eum pro eo , quod vendiderit pro argento iustum , & pauperem pro calceamentis 4.3 . Audite verbum hoc , vacca pingues , qui estis in monte Samaria , qui calumniam facitis egenis , & confunditis pauperes . Quæ dicitis dominis vestris afferte , & bibemus . iurauit Dominus Deus in sancto suo , quia ecce dies venient super vos .

D 2

Sub-

Subditos, nec desperatos, nec malè contentos habeas; utrique enim, sed diuersimodè nocent, illi enim nihil nisi status mutationem cogitât, eamque, vel sub periculo accersunt; hi, formam etsi imperandi non probent, & nouas res desiderant, occasiones tamen mutationum minimè attrahunt, verum donec ultro se offerant, expectant.

Decet Principes subditos anteire non dolo, & otio, sed prouidentia, & industria. Xenoph. lib. 1. de pædia Cyri.

Non se bonum præstare dumtaxat, verum etiam pro subditis diligentiam gerere, & quàm optimi sint futuri. lib. 2. de pædia Cyri.

Bonus Princeps nibilo differt a bono patre, nam & parentes filijs prouident, ut bona his nunquam sit defutura. lib. 8. de pædia Cyri.

Iure in alios imperium geret, si operam dabit, ut subditis declaret se omnium esse virtute ornatissimum; Cyrus enim rectè existimabat neminem imperare decere, qui melior subditis non esset. Lib. 8. de pædia Cyri.

Non conuenit Principi cum priuatis decertare, qui si vicerit, tantum abest, ut sit admirationi, ut magis sibi constet inuidiam, ut qui ex multorum domibus faciat impendia. Caterum si victus fuerit omnium maximè deridetur. ibidem.

Semper assiduus sit, & quemadmodum, qui scalas conscendere cœperint, non prius desistunt ab ascensu, quàm supremum attigerint gradum, sic & ille, in bonis semper altius scandendo affectus sit. Agapetus.

Potestatem da prudentibus liberè dicendi sententiam, ut si quibus de rebus dubitas, præstò sint, qui illas una tecum examinent.

Discerne eos, qui arte assentantur ab illis, qui te ex beneuolentia colunt, ne improbi melioris conditionis sint, quàm boni viri. Isocrates.

Quidquid aggressurus es, eius initium primò, tum quid deinceps sequatur, considera, atque ita rem aggrediare; Id si non feceris, nunquam ipsam promptè aggredieris, nihil eorum cogitans, quæ futura sunt, postmodum verò cum quadam apparebunt turpia, pudore afficeris. Epictetus.

Principes tales præstare debent seipsos, quales videri volunt, & veritate, iustitia, magnificentia præstare debent, & prudentia tantum alios superare, quantum viri pueros. Plato epist. 3. ad Dionysium.

Principes sapienter honorent sapientes, libenter principibus consulant, morale præceptum est apud Platonem, nam sapientia sine potentia paucis prodest, & potentia, remota sapientia obest multis, & quò maior, eò perniciosior. Marsil. Ficinus in epist. 2. Plat.

Non

*Non omnia voluntate sua exequatur, nam Principibus nihil infœ-
licius est, quàm velle agere quacumque possunt. Franc. Patritius lib.
2. de regno. cap. 1. quamobrem .*

*Nec sibi, nec vni seipsum credere debet, sed plures consultores ha-
bere, & admodum senes, quos experientia rerum diuturna docue-
rit, quorum mores constantissima fama commendet, ac Respublica
ipsa manifestissimè probet. Marsilius Ficinus in Plat. de leg.
dialog. 4.*

*Indolem populi mutare non licet, at si fortasse expediret, non su-
bitò est faciendum, Tiberij exemplo. Qui enim statim conantur
fingere mores populi, eiusq. indolem mutare, rem ij tentant, neque
facilem, neque tutam, ad quam præterea, & temporis multum, &
magna requiratur potentia. Sed quemadmodum vinum, initio bi-
bentis ingenio obsequitur, dum sensim calorem diffundens, ac corpo-
ris temperiem occupans, bibentem iam mutet, moresq. eius fingat, ita
qui ad Rempublicam se contulit, is donec gloria sua, fidesq. vim
sibi ad ducendos populi animos sufficiet, conciliet interim se eorum,
quos subiectos habet, moribus accomodare, eosq. sibi adsequendum
propositos habere debet, non ignarus eorum, quibus ij gaudent, quibusq.
duci solent. Plutar. de Reip. geren. præcep.*

*Vera Principis ars, est homines agnoscere: multa enim ingenia so-
cordia videntur, quæ callida sunt: multa honore digna, sed tam mo-
desta, ut parum effugiant, ne digna videantur, multorum fama perua-
gatur, quæ reuera non est, sicut è contra. De Agricola in Tacito legi-
tur, ut plerique quibus magnos viros, per ambitionem extimare mos
est, viso, aspectuq. agricola quererent famam, pauci interpretarentur.
Multi etiam sub specie virtutum, vitia eius simillima obtegunt.
Multi in negotijs publicis gerendis excellentes, in familiaribus au-
tem infœlices, sicut & è contra. Quare subditorum ingenium notum
Principi esse debet.*

*Patres filijs aliquem virum senem, & in multis expertum, gra-
uem, maturum, & autoritate pollentem, amicum, & consultorem,
& ferè socium relinquere deberent. Principes enim cum non habeant,
quem obseruantia aliqua prosequantur, malam possunt sortiri fortu-
nam, ut Nero, qui matre interfecta, se in omnes libidines effudit, quas
malè coercitas, qualiscunque matris reuerentia tardauerat; & Tibe-
rius interfecto Seiano, in scelera simul, ac dedecora prorupit, postquam
remoto pudore, & metu suo tantum ingenio utebatur. Et Cato opti-
mè existimabat Carthaginem delendam non esse, ne metu ablato
amula urbis, luxuriari fœlicitas urbis inciperet.*

Principes eos imitentur, qui certè elaborarunt, ut digni essent Im-

D 3 perio,

perio, non autem eos, qui curant magis, ut imperent, quàm ut Imperio digni sint.

Princeps debet assimilari igni, quæ enim in physica de igne tractatur, ad Principem rectè accommodantur, igne excepto, omnia putrescunt, ignis segregat ea, quæ non sunt eiusdem generis, & congregat ea, quæ sunt eiusdem generis, & congregatio est per se, disgregatio per accidens, talis & debet esse Princeps, qui in vitijs putrescere non debet, subiectos in pace congregare, discolos per accidens separare; ignis in tenebris visitur, non quia ignis, & calor, sed ut participat quodammodo quinti elementi, seu ætheris incorrupti. Talis Princeps esse debet, & lucere, & regere non ex calore iracundia, aut crudelitatis, quæ in igne est dominari, sed ut particeps potestatis quinti, & supremi ætheris incorrupti. Tholof. de Rep. lib. 6. cap. 20.

Sapientes existima non eos, qui de rebus minutis curiosè rixantur, sed, qui de maximis rebus egregiè dicunt; nec eos, qui alijs felicitatem pollicentur, cum ipsi multarum rerum inopia laborent, sed eos, qui etsi mediocria de se profitentur, tamen & negotia dexterè obire, & inter homines versari commodè possunt, nec in vitæ mutationibus perturbantur, sed pulchrè, moderatèq. ferre tam secundas res, quàm aduersas didicerunt. Isocrates.

Principes assimilari debent humeris, secundum illud, factus est principatus super humerum eius.

Primo humeri sunt ad spiritualium membrorum defensionem, unde humeri sunt ex varijs ossibus compositi, quorum præcipua duæ spatula dicuntur, & fuerunt necessaria hæc ossa, ut pectus, & costas defenderent, ne a posteriori læsionem acciperent, & in illis duabus spatulis, sunt duæ concauitates, quæ vocantur oculi, unde vocantur spatula oculorum, quod nomen ex officio assumpserunt; nam sicut oculi totius anterioris corporis sunt defensores, ne ab aliquo ledatur, sic isti a posteriori pectus, ac costas defendunt. Principes ergo ad modum humerorum spiritualium, & religiosorum virorum, præcipuè debent esse patroni, & defensores, ne ab aliquo ledantur, & debent constare ex varijs ossibus, id est fulciri varijs virtutibus, sed præcipuè iustitia, & clementia debent vigere, in eis quasi duæ spatula in humeris, una ad dexteram, scilicet iustitia, altera ad sinistram, scilicet clementia; & hæc habent duos oculos, quia iustitia respicit culpam, clementia verò naturam, & istis virtutibus Principes firmati sunt validi & potentes ad subditorum defensionem secundum illud Prou. 20. Misericordia, & veritas custodiunt Regem, & roboratur clementia thronus eius. Psal. 138. Nimis confortatus est principatus eorum.

Secundo humeri sunt ad brachiorum, & costarum pectoris defensionem,

tionem , & ossium concatenationem , unde duæ spatula habent retrò duo acumina , per quæ eadem spatula furcula est connexa , ne a superiori totum suum exeat . Interius verò ad hoc nomen , ponit alterum , ne subitus exiret acumen armorum , furcula autem ad hoc fuerunt necessaria , ut armos ligarent , & a pectore differre facerent , quorum ossa sunt rotunda exterius , interius verò concaua , & cum teneritudine pectoris ante colligata , retrò verò cornu rostro , & sunt eorum ligamenta , ossa cartilaginosa , quæ vocantur spatularum capita ; ad hoc tamen posita , ut facerent concatenationem armorum , siue humerorum . Principes ergo ad modum humerorum , ad hoc studere debent , ut brachia , idest viros artifices , & laborantes , & costas pectoris , idest mulieres , quia mulier ex costa viri formata est , & ossa , idest maiores , & fortiores adinuicem concatenata teneant , scilicet in catena pacis , & veritatis .

Tertio , humeri sunt ad ossum spondylium , & colli supportationem , ossa autem colli , vel spondylium sunt prelati , ac clerici , & viri ecclesiastici , qui sunt medij inter Deum , & populum ; sicut collum inter caput , & corpus , quos Principes seculares non opprimere , neque persequi debent , sed benigne supportare , & reuereri .

Quarto , quia humeri sunt ad ponderum diuersorum supportationem , licet enim post caput , & collum alijs membris superemineant , omnium tamen onera portant , & pro aliorum offensa , sæpè spatula verberantur , sic quamquàm seculares Principes , post caput Ecclesia , quod est Papa , & collum , idest prelatos ecclesiasticos ipsis secularibus , & temporalibus principentur , tamen pro omnibus sibi subditis debent utiliter laborare , & pro eis tuendis , & regendis onera laboris , & expensarum portare , ipsi etiam pro suis subiectis habent Deo respondere , & frequenter ab eo pro ipsis flagellantur . Ioannes a sancto Geminiano in sum. de exempl. lib. 6. de homine , & membris eius cap. 56. tandem , ut multa missa faciamus , ætas enim nobis deficeret , si omnia , quæ autores de Principe tractant , scribere vellemus , debet Princeps imitari magnum Stephanum Polonia Regem , qui , ut refert Bonifatius V annotius in Miscellaneis epist. fuit

In templo plusquàm Sacerdos .

In Rep. plusquàm Rex .

In sententia dicenda , plusquàm Senator .

In iudicio , plusquàm Iurisconsultus .

In exercitu , plusquàm Imperator .

In acie , plusquàm Miles .

In aduersis perferendis , iniurijsq. cõdonandis , plusquàm vir .

In publica libertate tuenda , plusquàm Cuius .

D 4

In ami-

In amicitia colenda, plusquàm Amicus.

In conuietū, plusquàm familiaris.

In venatione, ferisq. domandis, plusquàm Leo.

In tota reliqua vita, plusquàm Philosophus.

Explicato iure status, & ijs, quæ ad ius status pertinent, videndum est nunc de iure belli.

An ius Status, a iure belli differat.

Dicendum ius belli, a iure status non esse distinctum, sed sub illo contineri; nam eadem notitia ex pluribus habitibus constata, quæ est ius status, eadem est ius, & ratio belli, si militia applicetur; cum ius status in suo totali esse sine iure, & ratione belli existere non possit; sicut nec corpus sine anima. Verum quidem est, unum sine alio exerceri posse, cum non semper ad bellum Princeps deueniat. Sed sicut homo ensen fert, at non semper eo utitur, nisi occasione oblata, & iusta de causa se defendat, vel noceat, sic ius belli Princeps scit, vel scire debet, ut eo opportuno tempore utatur, vel uti possit; nã ut inquit Imperator, Imperatoriam maiestatem non solum armis decoratam, sed etiam legibus oportet esse armatam, ut utrunque tempus bellorum, & pacis rectè possit gubernari.

Differt autem, ut in superiori quaestione dicebamus ius belli, & ratio belli, nam hæc ipsam belli actualem administrationem significat, illud autem iustitiam, ipsumq. belli apparatus præfert. Multa enim Principem bella suscepturum animaduertere oportet, an bellum sit illicitum, an habeat conditiones ad illud requisitas, quæ sunt auctoritas indicentis bellum, causa iusta, & intentio recta; legitima auctoritas indicendi est solum penes Remp. perfectam, idest penes magistratum, a quo illa gubernatur, siue is sit unus aliquis Princeps, siue Senatus aliquis optimatum, pro ratione regiminis cuiusque Reipub., causa iusta debet contineri aliqua iniuria, quæ per bellum iuste vindicanda, & compensanda sit; recta intentio debet esse hæc, ut scilicet suscipiatur studio boni communis, & pacis, & non ob alios sinistros fines, ut dicit Aug. lib. 22. contra Faustum, & Theolog. At quia superius multa, quæ ad pacem pertinent diximus, non ab re erit, hic multa ad bellum spectantia enarrare, ab vniuersalibus enim ad singularia facilius deuenitur. Quare Princeps.

Nisi necessitate coactus bellum non suscipiat; nam Deus dissipat gentes, quæ bella volunt. Thal. 67. & bello iusto Deus fouet, & illud bellum est iustum, quod pro defensione patriæ, non pro commodi-

tate

tate dominandi geritur. *August. lib. 5. de Ciuit. Dei.*

Cautè consultet, omnia ponderet, & Regem Hispaniarum Philip.
II. imitetur, qui, ut asserit Hieronymus Connestagius in hist. de
vniõne Regnorum Lusitania, & Castella, in bello aduersus Lusita-
nos, anxius, & scrupulosus fuit Regis optimi animus, adeò ut rei
examinandæ nullum ferè modum, aut finem fecerit; caterorūq. om-
nium iudicio doctissimorum hominum, prius satisfactum fuerit de il-
lius causæ iustitia, quàm vnius Regis conscientia satisfieri potuerit,
& deinde Regno potitus, quàm amanter, quàm piè, quàm paternè
gentem illam vniuersam complexus sit, quantisq. eos beneficijs, &
amoris sui, & fiducia, ornauerit, vniuersi mundi oculis perspicitur,
ut inquit Andreas Philopetrus in respons. ad edictum Regina Angliæ
sect. 2.

Cum potentioribus, & felicibus bellum non gerat; ut cum Rege
Hispaniæ, nam ei fortasse Deus mundi dominũ destinauit. si enim
consideraueris post mundi creationem, nullum dominũ amplius Hi-
spano exiitisse, obstupescas. Assyrii orientalem Indiam occupauerunt,
& minorem Asiam; Ilium huius Imperij particula fuit. Medi. 127.
prouincias habuerunt, succedere Persæ, qui etiam Africæ partem te-
nuerunt. Alex. Mag. Macedoniam ad Indiam vsque, & nonnullas
Europa nationes in ditionem habuit. Romani has superauere Mo-
narchias, Turca in multa quidem Regna dominatur, sed eius domi-
nium Alex. Magn. potentiam non excedit. At Hispanum Imperiũ
tam magnum, tam admirabile est, ut vix credi possit, & fabula cos-
mographia ignaris videatur. In Europa multorum Regnorum poti-
tur. In Africa ab occidente, vsque ad meridiem 40. Regna, ferè om-
nes Asia meridionalis insula in eius ditione sunt. Et in hac parte
centum possidet Regna a d. Laurentij insula, vsque ad Iapponem in-
cipiens; nouus orbis terrarum sine ulla contentione totus eius est,
denique ipse habet, quod nemo habuit nempe continuũ solem, qui diu,
noctūq. in Hispana ditione elucescit. Sed de hoc imperio infra.

Neque dicas Turcam ad mundi Imperium aspirare. Nam Roma,
& Cartago potentia pares inter se certarunt, vtra natio ius gentibus
daret, ac Romanis, ut melioribus, ac felicibus cessit. Et poten-
tia, occasio, accidentia, consilium, ac passionibus, quæ sunt acquirendo-
rum dominiorum causæ, ipsis solummodo sunt Hispanis nota, fortu-
na quadam altiori duce, idest Deo ipsis fauente, & omnia iuxta suam
voluntatem disponente. Prima monarchia Assyriorum fuit, quæ an-
nis 123. durauit. Secunda Medorum, quæ 300. minus octo. Tertia
Persarum, quæ annis 230. & mensibus quinque. Quarta Macedo-
num, quæ 153. menses octo durauit. Deinde successerunt Romani,
qui

qui diutius imperium mundi tenuere. In præsentia Hispanorum monarchia est; quæ fortasse usque ad finem mundi durabit; est Regina Gentium, ita est vicissitudo omnium rerum, ut quæ olim Italiæ parebat, nunc maiori parti leges det, quam autores calessem vocarunt, & Reginam mundi, & rerum dominam, ut Rutilius gentium dominam, Mamertinus beatissimam totius Europæ. Dion. Rosæus, totius orbis optimam. lib. 1. Alicarnass. omnium præstantissimam, quàm Plinius, Polybius 2. Varro de re rustica 1. c. 2. Strabo sub finem lib. 6. Virgilius varijs in locis maximis laudibus extollunt, nunc ferè servuam videmus.

Hæ laudes ad Hispaniam referi possunt, cui maxima regna sunt destinata, non autem Turcæ, ut nonnulli putauere, nam ad tempus Turcæ promissum est Regnum, quia manus eius contra multos per aliquod tempus. Deinde manus omnium contra eum.

Si Dei voluntate bellum inter homines quandoq. concitatur, decet sub initium illis totis incumbere viribus, inde eò peractò si possibile est, quàm celerrimè soluere. Xenoph. lib. 6. de reb. Græc. ac ad perfectionem redactum, non deberet renouare, si id fieri potest. Nam ut grauius agrotant hi, qui cum leuati morbo videntur, in eum de integro inciderunt, sic vehementius nos laboramus, qui profligato bello, ac penè sublato, renouatum bellum gerere conamur. Cic. lib. 12. epist. ad cornific.

Sciat belli maximam aleam esse, & aliquando victorem depauperari.

Sine causa, solummodo gloriæ desiderio flagrans, bellum nullo modo gerat, iactantissimi enim ingenij est dicebat Caesar Aug. ardore triumphandi, & ob lauream coronam, idest folia infructuosa, in discrimen per incertos euentus certaminum, securitatem Ciuium precipitare. Neque Imperatori bono quicquam minus, quàm temeritatem congruere, satis celeritè fieri, quicquid commodè gereretur. Armaque nisi maioris emolumentis causa, nequaquam mouenda esse, ne compendio tenui, iactura graui petita victoria, similis sit hamo aureo piscantibus, cuius abrupti, amissiq. detrimentum nullo captura loco pensari potest. Sextus Aurelius Victor in vitis Imperatorum.

Omne bellum sumitur facile, ceterum agerrimè desinit, nec in eiusdem potestate initium, & finis est. Et quantumuis opibus tuis confidas, non debes certa pro incertis mutare. Sallustius in Iugur. & bello instituto necessarium est Principè malè audire, & culpam ob damna. Thuc. 5. nam bellorum conditio iniquissima est, prospera omnes sibi vindicant, aduersa vni imputantur, quare maturè bellum est considerandum. Tac. in Agric.

In ne-

In necessitate bellum solummodo suscipiat, diuini subsidij spe fretus, & causa aequitate nixus, fortitudinis, & constantie armis prius pectus suum muniat, ut quidquid bello gerendo, utile visum fuerit, id acriter, ac strenue faciat. Adamus Kellerius lib. 11. cap. 30 de off. iurid. polit.

Cum imminet hostis externus, operepratum est, bene perpendere, & prudenter intelligere, an foedus pangendum cum hoste, an vero sint arma sumenda, & utra pars fortior sit, iuxta consilium Christi dicentis. Luc. 14. Rex iturus committere bellum aduersus alium Regem, sedens prius cogitat, si possit cum decem millibus occurrere ei, qui cum viginti millibus venit ad se, alioquin illo longe agente, legationem mittens rogat ea, quae pacis sunt. Idem.

Belli tempore nullo repentino tumultu terreatur, semper enim paratus sit, & milites dicto audientes habeat, & omnes alios studio obsequentes. Eo quippe tempore, nemo munia spernere, aut imperata detractabit; sed omnes ultro obediendi sedulitatem praestabunt. Franc. Pat. lib. 9. de Regno, & reg. inst.

Vires proprias habeat; nam misera Resp. est, quae tota auxilijs alienis inhaeret, nullas autem ad se tuendam vires, ipsa per se habere potest, quae suam salutem extraneis hominibus, non suis ciuibus committit, quae tota ex alieno nutu, & fide pendet, non ex torga & naturali affectu suorum Ciuium. Lipsius lib. 5. c. 9. Polyb. id ipsum latius ostendit pulchris rationibus, ac exemplis.

Ad gerendum bellum, tria requiruntur, arma, pecunia, & commeatus; nisi enim arma iam ante, & ex preparato habebit, frustra cogitabit de bello, prius enim est parare bellum, quam exercere. Quint. lib. 12. inst. imò diu apparandum est bellum, ut vincas celerius, ex preparato, copiae bella magis sustinent, quam violenta collationes. Pericles apud Tuc. lib. 1.

Pecunia adeò necessaria est, ut quemadmodum medici negant, sine neruis homines ambulare, ita ne bellum usquam progredi sine ista; est enim spiritus belli vitalis, & plerique res conficiuntur consilio, & vi pecuniarum. Thuc. 2. bellum enim non in armis est maxime, sed in expensis, & sumptibus, per quos efficacia arma, & utilia fiunt.

Postremo annona, nam qui frumentum, necessariumq. commeatū non preparat, vincitur sine ferro. Veg. 3. cap. 26. & reliquis casibus, potest in tempore subueniri, pabulatio, & annona in necessitate non habent remedium, nisi ante condita. idem 3. cap. 3. Mendicitas enim ad omnem desperationem vocat armatos. Lamprid. in Alex. cum disciplinam non possit seruare ieiunus exercitus; ut ait Cassiod. lib. 4. var. cap. 1. ex Lipsio lib. 5. de ciuili doctrina cap. 6.

Prin-

Princeps, in consultatione de bello ineundo, debet ipsos Consultores perpendere, qui sint, qui suadent, qui uè dissuadeant. Sunt in aula furia, facesq. belli nobiles, quibus in pace durius seruitium est, quo tempore coguntur duris legibus obtemperare, & a quibus in belli licentia, se liberant, sunt inquieti, qui neque ipsi inquiescunt, nil alios quiescere sinunt, sunt exules, qui in eos, a quibus pulsi sunt, meritò metu pœnarum cunctantem Principem in arma impellunt; sunt qui prætectu publicæ causæ, vel seipsos de inimicis vindicare, vel ditescere stipendijs, & sumptibus Principum, & ex rapina in subditos cupiunt. sunt plures, qui de bello peragendo consilium facile dant, sed periculum postea subire detrectant. Sunt qui præsentia tantum respiciant, & iram excandescentem implere desiderant, sed mala publica, & priuata non considerant, quæ omnia tamen Princeps prudens, vel Reipub. Gubernator, prius expendat, quàm aggrediatur.

At ut consilia sunt necessaria bellantibus, sic silentium eorum magis obseruandum, & cauendum, ne deligantur. Inde enim irrita fiunt Ducis decreta, & contrarijs consilijs præuentum, in clades maximas coniiciunt exercitus. Tholos. lib. 11. de Rep. c. 2.

Bellum prius indicetur, quàm inferatur, ut si alia ratione negotium componi possit, vel illud euitari, non fiat. Idem.

Sapientes viros, & optimos rerum publicarum gubernatores, finem magis in rebus humanis spectare, & prius quàm ad arma, bellaq. prorumpant experiri omnia consilio decet. Plutarchus in Annibale.

Cum nunquam oporteat Principem, præcipiti esse consilio, tum haud alibi cunctatior, quàm in suscipiendo bello; quòd ex bello simul omnium bonarum rerum naufragium oritur; omnium malarum rerum pelagus exundat. Sextus Aurelius ex Iacobo Simanca lib. 9. de Rep. cap. 15.

Virorum prudentum est, si non laceffantur iniuria, quiescere, bonorum autem si iniuria afficiantur, pacem bello mutare, ac si bene cesserit, iterum pro bello pacem inire, & neque belli successu efferri, neque pacis tranquillitatis captos iniuriam pati eos decet.

In maximis rebus, medias vias inutiles esse sciat; verum enim est, quod Liuius ait, Regum maiestatem difficilius a summo fastigio ad medium detrahi, quàm a medijs ad ima præcipitari. Nam tertium nullum consilium est, & non mirum, ut inquit Ammiratus in Tacit. est, si ab hominibus prudentibus, illud tertium consilium contemnatur, quandoquidem Deo displicet media via, iuxta illa, & mandauit mandata sua custodiri nimis; Vtinam frigidus, aut calidus esses, sed qui tepidus, neque calidus, neque frigidus, incipiam euomere te ex ore meo. Apocal. cap. 3. huius rei explicationem hic ponerem, si ad rem nostram

nostram facere videretur. sed legat Franciscum Vallesium de sacra philosophia cap. 90. id confirmat Tacit. illis verbis de Vittelio loquēs, mox utrunque consilium aspernatus, quod inter ancipitia deterrimum est, dum media sequitur, nec ausus est satis, nec prouidit, & P. Seruilius medium sequendo, ut inquit Liuius, nec plebis vitauit odium; nec apud patres gratiam iniit.

Multi sunt, qui gratiam Regis inire student, cum ad bellum se satis inflammatum sine causa excitantes, laudant enim Ciues, animi estollunt, virtutem admirantur, vnumq. esse predicant, quem opinentur homines ad summorum Imperatorum gloriam peruenturum. His sermonibus elatus, ut inquit Oforius, & inflatus praecepta amentia fertur, & ab omni ratione, & humanitate deducitur, nil aliud, quam arma, & classicum somniat, & in eam cogitationem totus incumbit, ut pacem turbet, & bellum quamuis nefarium, & iniustum molitur. quare si inanibus sermonibus Princeps fidem adhibebit, bellumq. sine causa suscipiet, interibit, Regnumq. amittet, ut accidit Seb. Lusit. regi, de quo plurima, & pulcherrima ad hoc attinentia dicit Hieronymus Connestagius loco citato. Officium enim Regis non est causas belli quarere, sed pacem conseruare, bella non nisi necessaria sumenda esse, nec enim pacem ad bellum conferendam, imò bellum cum necesse fuerit suscipiendum, ut pax, & otium cum dignitate patiat; satis magnam gloriam consequi eos Reges, qui Regnum suum cum iustitia, atque dignitate tuentur, animoq. patrio subditis suis, & regia benignitate prospiciunt. Bello saepe turbari disciplinam, violari religionem, frangi vires, opes consumi, innocentiam vexari, improbitatem excitari, omniaq. rapinis, caedibus, stupris perturbari, atque commisceri. Addat deinde Martem belli communem, & ancipites praeliorum euentus, & quam saepe multi Principes audaces, & impigri, opibusq. summis instructissimi ex eo bello, ex quo victoriam, & decus sperabant, insignem cladem, & summum dedecus acceperint. Oforius lib. 2. de reg. inst.

Diligentissime obseruet, quicquid afferat tempus, populorum ingenium, ac modus.

Præstat arduum, & difficile bellum euitare; honestis conditionibus hosti concessis, quam se cupiditati vindictæ, ut in incertum Martis euentum se conijcere. Tac. lib. 12. ann.

Vicinos prælio, & bello inter se certantibus, vicina utrique loca, nostra valido paratoq. subsidio firmanda, ne victoria vicinus elatus, nostram partem tollat. Tacit. ibidem.

Bella non semper his locis, quibus putantur geruntur, nec eos exitus habent, qui sperabantur. Itaq. non sic post longam deliberationem,

nem, sunt suscipienda, & rebus in omnibus in utrunque euentum paratis. Polyb. lib. 3. hist.

Fœlices ij esse Principes, & Magistratus iudicantur, qui pacem omnium suauissimam, atque iucundissimam diuini muneris, amplissimiq. beneficij loco habent, eandem obuijs, quod aiunt vlnis amplectuntur, sub quorum gubernatione opibus, atque facultatibus suis quiete, quisq. fruitur, agros, vineasq. colit, rem familiarem honestis conditionibus auget, & amplificat. Quemadmodum vicissim nullius mali illa expers regio est, quæ bello ardet, & ut Propheta ait marte regnante, sic in medio terræ, ac populorum solitudinis, & calamitatis sunt, sicut oleæ escussiones, atque racemi quando vindemmia finita fuerit, subditi præterea diuturna annona caritatis, rerumq. omnium difficultate, escursionibus crebris, atque varijs exhausti, magnoq. ære obruti remanent; agri, vineæ, non coluntur, commercia iacent, negotiationes conquiescunt, certè una cum vxoribus, ac liberis suis ad extremam paupertatem, egestatem, stipem denique ostiatim colligendâ redigi necesse est. Cum tandem etiam illud consideramus, quam difficile sit bellum gerere, quantas id copias desideret, ut periculosum militi, præsertim externo, atque mercenario fortunas, ac facultates; imò vitam committere, quantum res hæc pecuniæ, ad stipendia ducibus, atque exercitibus soluenda requirat, quantum commeatus, & annonæ militaris poscat, quantum armorum postulet, quantum cætorum flagitet in eam cogitationem deuenimus, ut secundum Comici illius præceptum, omnia prius ratione, & consilio experiri, quàm armis prudentem decere statuamus. Ita Georgius in orat. de bello suscipiendo. Plura hic de hac materia non dicemus; nam in explicatione Taciti, multa commodiùs explicabuntur, sed tantummodo catalogum eorum, qui ex professò de iurè status conscripserunt, referemus, ut unusquisque locupletiore possit de iurè status notitiam habere. Plato de Rep. de leg., & alijs in locis.

Iustus Lipsius de monitis, atque exempl. polit.

Idem de politica.

Marc. Ant. Muretus in V. annal. Tacit.

Idem in Sallustium.

Philo. Iudaus de creatione Principis, de monarchia, & in multis suis operibus.

Philip. Cauriana in Tac.

Scipio Ammirat. in Tac.

Melchior Iunius in quæst. polit.

Petrus Gregorius Tholosanus de Rep.

Matthæus Burnius de privilegijs militum.

D. Thomas de regimine Principum.

Idem in polit. Arist.

Aristoteles in politica.

Fabritij Burlei de Imperatore eligendo.

Oranm

Oranus de Principe Christiano .
Ioannes Althusius de politica .
Georgius Obrechtus disp. de militari disciplina .
Matthias Agritius in epist. in encomio Aurora .
Ludovicus Vives in epist.
Franciscus Petrarca in epist.
Idem de victoria .
Ioannes Franciscus Condo in quaestione, utrū liceat Imperatori noctu pugnare.
Marsilius Turlius quomodo exercitus minor possit superare maiorem .
Gabriel Furinus de hoste insidiando .
Aegidius de reg. Principum .
Iulius Feretius de antiqua illustrata, & instaurata militia terrestri .
Synnesius de regno bene administrando .
Ionianus Pontanus de Principe .
Sallustius de Rep. ordinanda ad Casarem .
Castillus Bouadilla de politica .
Io. Ant. Valtrinius de art. milit. vet. rom.
Io. Mariana de Rep. & Reg. instit.
Hieronymus Osorius de reg. instit.
Gregorius Nunnus de optimo Reip. statu .
Renatus Cophinus de sacra politia .
Bernardinus Rocca de facinoribus, & erroribus militaribus .
Antonius Gueuarra in horolog. Principum ex emendatis .
Idem de Imperatoris officio .
Artemidorus de militia .
Petrus Bellus de re militari .
Bernardinus Excalantes de arte militari .
Capola alicubus in locis, at praesertim in epis. de vita, & reg. bon. Princ.
Antonius Parminius de modo cognoscendi exploratores .
Laurentius Ahomius de arte transeundi flumina .
Leo Imperator de instituenda acie, & de belli apparatu, & de alijs .
Antonius Franciscus Nigritius de aquis, an veneno sint infecta, cognoscendis .
Antonius Ruldanus de electione militum .
Io. Serr. Montanus de reip. instit.
Rudal Goclenius in quaestio polit.
Petrus Crinitus de honest. dis. lib. 4. cap. 1.
Alexander ab Alex. in lib. gen. dierum .
Calius Calcagninus aliq. in oper. lec. antiq.
Iulius Barbaranus in sua officina .
Cardinalis Bessario. contra calumn. Plat.
Xenoph. in omnibus ferè suis opusculis .
Iacobus Bornitus de nummis in Rep. percutiendis .
Idem in partitionibus polit.
Adamus Kellerius de officijs iuridico politicis .
Agapetus de off. Reg.
Arnoldus Clam. de arcan. rerump.
Frid. Furius Certolanus de Principis instit. eiusque consiliarijs .
Iacobus Senderus de incremento Imperiorum .
Petrus Christius de consilijs hostium explorandis .
Orlandus à Vallibus de insidijs hostium vitandis .
Martinus Lemmus de eloquentia Imperatoria .

Remig.

Remig. Florent. in conc. milit.
Philippus Merlanus de modo soluendi obsidionem.
Idem de modo defendendi obsessam Ciuitatem.
Franciscus Scaphorus de exercitio militum.
Idem de electione militum.
Idem de pœnis militum.
Sebastianus Niger de transugis, de proditoribus, de exploratoribus, de cura militum, de belli prognosticis.
Mar. Ant. Lappus de occultandis consilijs bellicis.
Thomas Gariloppa de modo cognoscendi militum affectus.
Vida de Reip. dignitate.
Acchilles Marozzus.
Onosander Platonius in strate.
Brussonius de militia.
Dominicus Cillenius in serm. super veterem, ac nouam scien. mil.
Coruinus in apophot. egregij ducis.
Franciscus Panigarola in clipeo belli.
Ioannes Carnutensis de re militari.
Hieronymus Vrea de vero militum honore.
Maffaus Vegius de re militari.
Sanctus Maximus de bello, ac pace.
Petrus Lagnerius in Imperatore à Cicerone excerptus.
Antonius Posseuinus in milite Christiano.
Laurentius Grimalius de optimo Senatore.
Franciscus Valdes de disciplina militari.
Antonius Lupicinus de arte militari.
Franciscus Petrarca de titulis bellorum.
Thomas Campeggius in offic. Princ. in Eccles.
Leius Zechius de Principe.
Idem de Rep. Eccles.
Franciscus Serdonatus de prerogatiua milit.
Acchilles Tarduccius de machinis antiquis, & recentioribus.
Camillus Agrippa de modo instituendi aciem.
Hermogenes de politijs.
Linij Pantani de Reg. stat.
Iacobus Lantherus de offens. & defens. Ciuit.
Hieronymus Zanchius de ysdem.
Iacobus Marzarus in elect. document. propter dis. qui in torm. incumb.
Cosmus Bartolus in discurs. historicis.
Cyrus Sponto de Reg. status.
Henricus Siluius de milit. Rom.
Io. Leo in regni administr.
Idem de civili polit.
Idem in Christiano Principe.
Paulus Iouius de bello.
Philadelphus de Rep.
Grueterus in Corn. Tacit.
Barnabas Brissonius de Regno.
Marsilius Ficinus plurimis in epist. in Plat.
Epictetus in Enchirid.
Iamblicus in discursis Epist.

Ber-

Bernardus Gualandus de optimo Principe.
Marij Salamonij de Principatu.
Buridana in polit. Arist.
Thomas Filiarchus de bello.
Paulus Paruta de perfectione vita polit.
Idem in discurs. polit.
Cæpolla de imper. milit. deligendo.
Annibal Scotus in Corn. Tacit.
Carolus Paschasius in Corn. Tacit.
Isocrates, ac Æschines in diuersis orationibus.
Cicero, & Demosthenes in diuersis orationibus.
Iacobus Simanca de Rep.
Sopater in epist.
Volaterranus lib. 36. philologia tit. de politijs.
Beroaldus de optimo statu Reip.
Franciscus Patritius in paral. milit.
Idem de Regno, & de Reip. instit.
Idem de liber. Ciuit.
Hieronymus Fracheta in idea reg. status.
Idem in Principe.
Io. Boterus in ratione status.
Franciscus Antonius de modo opem ferendi militibus.
Io. Genesius de honest. prof. mil.
Simon Vallambertus de fortitudine, & industria militum.
Hieronymus Garimbertus ac regimine publico Ciuit.
Augenius Griffenius de re militari contra Turcam instit.
Platina de optimo Ciue.
Comes Venassim in discursu de bello.
Arist. in secretis secretorum.
S. Chris. pluribus in locis.
Plinius in Panegyrico.
Oforius in epist.
B. Greg. in epist.
Briefsius in Rep.
Basilus Imperator ad Leonem filium de boni, Principis officio.
Laurentius Manorbis de obsidione.
Antonius Seminus de prudenti Imperatore.
Mentonius Zirlius Medici Gadauensis de militum sanitate tuenda.
S. Bernardus ad Eng. de offic. Pont. Max.
Iulius Pollux Commodio Imperatori, qui designat Imperatoris, ac Regis conditiones, ac dotes, quibus pradius sit necesse est.
Edmundus Augerius in pedagogo ad arma.
Robertus Valerius de re militari.
Antonius Gueuara in admonit. gratios.
Mambrinus Roseus de Principe Christiano.
Robertus Cardinalis Bellarminus de potestate Pontificis, & de electoribus Imperij.
Robertus Episcopus Ramorensis libro de monarchia, & de orig. & differenti principatus.
Vincentius Dinus in 1. lib. 3. dec. Tit. Liuij.
Hermolaus Barbarus de legatione.

Oſtruianus Maggius de legato.
Franciscus Topius de poteſtate Principis ſecularis.
Io. Baptiſta Pigna de Principe.
Franciscus Patritius in declarat. militia Romana,
Polybijs, & Dionyſii Alicarnaſſi.
Philippus Huraltius de legato.
Hippolytus à collibus in conſil.
Idem in Aulico.
Durus de paſcolo in aulico polit.
Robertus Valtur. de vniuerſa re militari.
Melchior Soyterus de Turcarum ſtratag.
Modestus in vocab. rei militaris.
Orbiccius de nominibus, atque ordinibus militum, de Ducibus, ac ordinibus exercituum.
Polyenus in ſtratag.
Stobæus de militia, de corporis viribus, de conſilijs belli, de iuramento militum.
Iulius Africanus de prof. milit.
Iſidorus de re militari.
Hieremias Patavinus de arte belligerandi.
Hanapus de victorijs diuerſorum bellorum.
Ioannes Surgenus in Enchirid. milit.
Ioannes de Indagine de bello iuſto, & iniuſto.
Iacobus Mag. in Sephológ. reg. milit.
Franciscus Guicciardinus in conſid. polit.
Franciscus Loſtinus in iſdem.
Franciscus Sanſouinus in iſdem.
Langes de diſciplina militari.
Thomas Morus de optimo Reip. ſtatu.
Georgius Agricola in orat. de bello aduerſus Turc.
Franciscus Bozius de temporali Eccleſia monarchia.
Idem de Imperio virtutis aduerſus Macchiauellum.
Idem de ruinis gentium aduerſus impios polit.
Idem de antiquo, & nouo Italia ſtatu aduerſus Macchiam.
Idem de iure ſtatus.
Vegetius de re nauali.
Albertus Durerius de muniendis caſtris.
Sextus Iulius Frontinus de re militari.
Vegetius de re militari.
Ælianus de inſtruendis aciebus.
Iuſtus Lipſius de milit. Rom.
Nicolaus Crag. de Rep. Lac.
Franciscus Patritius de Rep.
Philolphus, ac Robertelus in polit. Ariſt.
Gulielmus Barclaius de Regno.
Robertus Valtranius contra Macchiauellum.
Sebaſtianus Foxius de inſtit. regni.
Ventura Cecus de Rep. & Principe.
Sueſanus de Principe, de Tyrannide, de regnandi peritia.
Alexius Salmonenſis de Rep. Chriſtiana.
Dux Vrbinatum in milit.

Fabius Albergatus aduersus Ioannem Bondinum.
Aldus Manutius in disp. super Linium.
Sanfouinus de Rep.
Alphonsus Aluerex de potestate Principis.
Gabriel Simeon de tribus campi partibus.
Selungius de pugna.
Polybius de modo castramentandi.
Dionysius Carthus. de vita militari, de bello, de milite.
Antonius Lupicinus de architectura militari.
Marcus Antonius Natta de Principum doctrina.
Franciscus Petrarca de usu victoria.
Antonius Seneburgenfis, qui librum de tuenda militum sanitate conscripsit,
Cracouia impressum.
Vincentius Castellanus de officio Regis.
Bernardinus Racca de belli discurs.
Petrus Maria Contarinus de cursu belli.
Iulianus Tabeticus in paradoxis Regum.
Georgius Basta de castro, praefect.
Bartholomeus Pelliciarus in admonit. belli.
Franciscus Fiammellus in milit. interrog.
Bernardinus Mendoza in theorica, ac practica belli.
Hieronymus Fracheta in discurs. status, ac belli.
Hippolytus à collibus in palat.
Laurentius Duccius in arte aulica.
Antonius Possseuinus de Nue militis Galli scriptis, qua illos discursus politicos,
& militares inscripsit. &
De Ioannis Bodini methodo historia lib. de Rep. &
Philippi Mornet de perfect. Christ. de Nicolao Macchiauello in iudicio.
Plutarch. in polit. in lib. num. sen. gerend. Resp. in lib. ad Princ. indoctum
de praecep. regend. Reip. & alijs in locis.
Multi etiam tractant de hac materia apud Melchiorum Iunium, qui multas
orationes in unum collegit.
Io. Matthaus Cicogna in tract. milit.
Franciscus Ferretus de arte militari.
Andreas Alciatus de mag. civil. mil. offic.
Petrus Belluga in speculo Principum.
Andreas Thomarvanus in 5. ann. Taciti.
Aliqua Tobias Paur Meistterus de iurisd. Imp.
Franciscus Fanan. de instr. bellicis.
Iulius Ferretus de re nauali.
Andreas Velasius de arte nauig.
Iason de Nores de breui instr. opt. Reip.
Iacobus Middendorpius in quaest. theolog. ac polit.
Mutius Iustinopolitanus de princ.
Stephanus Pigbuis in Hercule Prodycio.
Franc. Leauayee de legato.
Albertus Gentilis de legation.
Heraclides de Rep. veterum.
Nicolaus Damascenus de antiq. polit.
Bernardus Saccus de Principe.
Scarbeus de polit.

Julius Bellus in polit.
Iacques Herauli de off. stat.
Ioannes Ferrarius de Rep. instit.
Nicolaus Sanderus de visibili Monarchia.
Aug. Ferrentillus de auctorit. leg. à latere.
Carolus Paschalius de legato.
Celsus Mancinus de iuribus principatum.
Claudius Coterarius de iure, & priuileg. mil.
Conradus Brunus de seditionibus.
Henricus Farnesius de simulac. Reip.
Petrinus Bellus de re milit.
Petrus Magnus de consilio.
Bartholomæus Caualcantus de opt. reg. Rerump.
Francisc. Ant. in tract. de re milit.
Martinus Eguiluz de militia discurs. & regul. milit.
Hieronymus Maggius de munien. castr.
Henricus Samil de milit. Rom.
Petrus Laurus in aliquibus suis epist.
Belisarius Aquinius de principum liberis educand.
Idem de re milit.
Michael Marvullus de principum institut.
Manuel Paleologus in precept. educ. regia.
Antonius Seminus in sex discurs. super diuersas ciuiles materias.
Lelius Demnus de regim. regni.
Laurus Gorgierius in tract. de bello mil. &c.
Nicolaus Vitus de statu Rerump.
Gulielmus Rossius de iusta Reipub. Christiana in Reges impios, & hæreticos auctoritate.
Alexander Sardus in discurs. de imp.
Auerroes super lib. de Rep. Plat.
Renatus Lusinges de orig. conseruat. & declinat. statuum.
Io. Tatius de opt. regimine magistratus pratorij.
Raphael Volater. de princ. offit.
Petrus Bacherius in speculo milit. Christ.
Marcus de Frata in discursibus principum.
Iacobus Omphalius de suscip. Christ. Reip. propugnati.
Lucius Paulus Rosellus de vero regim. princ.
Hippolytus à collibus in Princ.
Iacobus Tapia de triplici bono.
Franciscus Iniurius de penetrand. Principum arcibus.
Remigius Florent. in consid. ciuilibus.
Lipsius de Machinis.
Conradus Brunus de legation.
Andreas Daderius de præcipuis modis fundandi Reip.
Petrus Bellicottus de Rep. Plat. & Arist.
Martinus Nuspuba de secretis polit.

Præter hos sunt undecim, qui Tac. notis, & commentarijs illustrant. Multi etiam, qui Arist. polit. interpretati sunt, inter quos recte textum explicat Obertus Giphanius; aliqui etiam Platonis libros de Rep.

de Rep. inter quos Foxius mentem Platonis intelligit ; sunt præterea
14. qui varia de hac materia conscripserunt, sed ab Ecclesia suspensi,
& tredecim ab eadem iustissimè damnati, cum impietatem Principes
doceant. Hi sunt autores, qui durissima conquisitione collecti ad no-
stram notitiam peruenerunt ; scribit elegantissimè, & ferè in promptu
sunt doctissimus vir, Bonifacius V annotius de hac materia quadam
volumina, quæ principibus necessaria simul, & utilia suadent.

Explicatis ijs, quæ ad ius stætus pertinent, ad explicationem Ta-
citi nunc accedamus.

Vrbem Romam a principio Reges habuere libertatem, & Con-
sulatum L. Brutus instituit. &c.

Vtrum liceat libertatem instituere, quæ
Resp. magis libertate fruatur Veneta,
an Genuensis, & cur primus Brutus li-
bertatem instituere, vltimus autem
non potuerit.

Notandum primo, omnes natura libertati studere, & seruitu-
tem odisse.

Notandum secundo, aliquas nationes vnius Imperium, aliquas
vero libertatem facilius amare, ut Hispani monarchiam adamant,
& Galli, sicut libertatem Liguria Aemilia, ac Ilyria, ut asserit de
his tribus D. Thom. de reg. Principum.

Notandum tertio, ex Tacito lib. 2. & ex Carolo Paschasio, quod
aliud est esse sine Domino, & aliud esse in libertate, quippè sine domi-
no dicuntur esse ij, qui assueti sunt imperio vnius, qui etsi è medio
sublatus est, tamen propediem futurum est, ut alius quisquis ille fu-
turus sit in demortui locum suffectus, imperitet. In libertate verò ij
sunt, qui ita affecti sunt animis, ut mortalem supra se agnoscant esse
neminem, præter vnum Magistratum, & leges.

Notandum quarto, ex Alberto Magno, de caus. & proces. vniuers.
a caus. pri. lib. 1. trac. 3. libertatem quattuor modis accipi; ab obli-
gatione, coactione, ineuitabilitate, & a necessitate positionis. liber-
tas ab obligatione, a defectu esse materialis est, obligatio enim per ma-
teriam est, ut homo obligatur ad comedendum. A coactione, a defectu
causæ efficientis est, coactio enim per causam efficientem est, ut ne-

cessitatem habeat lignum , ut comburetur : Ab inevitabilitate , est a defectu cause formalis , ut hominem non volare . A necessitate positionis , est cause finalis defectu , ut necesse est aliquem secari , si velit sanari . Sed nos non intelligimus de his libertatibus sermonem habere , sed de ea , quæ est in natura intellectiua per virtutem eius , quod principale est in ea , & intrinsecum agit in finem proprium secundum illud idem , quo modo accipit. D. Tho. in 7. polit. Arist. cap. 5.

Notandum quinto , ex Marsilio Ficino in Plat. Theol. lib. 2. cap. 12. libertatem absolutam non esse in ijs , in quibus hæc tria , esse , intelligere , velle re ipsa inter se discrepant , quoniam in rebus huiusmodi modus volendi sequitur intelligendi normam , hæc essendi conditionem , esse , denique sequitur eum , qui dedit esse , at in Deo idem est re ipsa esse , intelligere , velle , & ita est per voluntatem suam intelligentiæ , essentiaq. suæ compos , ut non modo sicut est , & sicut intelligit suapte natura , ita quoque velit , & sicut vult ita intelligat , & existat .

Notandum sexto , libertatem in monarchia formaliter non esse , nam multa exequi homines non possunt , etiamsi nec vi , nec lege prohibeantur , quæ in Rep. facerent , & facere tenerentur . nec in populo , cum is realiter pareat in Aristocratia ; quare formaliter est in optimatibus , ac intrinsecè ; extensivè verò , ac secundum quid tantummodo in populo , cum nullam habeat Reip. administrationem , & in Democratia Populus rectè gubernare nescit , ex quo sequitur in eo libertatem improprie inesse . At in Aristocratia formaliter est , ac propriè libertas , & in tota Rep. est libertas analogicè , nam simpliciter , & essentialiter in patitijs libertas existit , denominatiuè tantummodo populus liber vocatur , ut in Veneta , ac Genuensi Rep. notum est , clauum enim imperij ipsi nobiles tenent .

Notandum septimo , libertatem non in solo corpore , non in sola anima . vel voluntate , sed integraliter in utroque consistere , quod apertissimè patet , non enim is solum libertatem aufert , qui membra ligat , vel prohibet , vel cogit agere , sed & is , qui voluntatem , ut nequeat velle , quæ placent , aut nolle quæ displicent . & in singulis nostris operationibus , quæ ad finem aliquem tendunt , primum rerum agendarum cognitione opus est , & omnino recta ratione , quam prudentiam dicimus , non absolutè , sed quatenus ad eorum notitiam attinet , quæ ad illum finem perducunt ; præterea sanitas , quæ corporis perfectio est ad animæ imperium commodè exequendum ; ut enim cognitio impellit voluntatem , ita voluntas corpus ad operandum , ut inquit Odouardus Gualandus lib. 6. de civili facultate cap. 13. si corpus sanum non est operari non potest , quod libertas voluntatis ei distat ,

Est, quæ libertas si est ab aliquo exteriori impedita, manca est. His prænotatis.

Dicendum primo in Monarchia, in qua naturalis Rex, vel bene, vel malè gubernat, nemini licere libertatem instituere Principis eade. prior pars patet, nam sine causa mutatio status maximam adfert populo perturbationem, ac exitium. Nam cum Monarchia cæteris præsit, si mutaretur, in pessimam abiret formam, nam secundum Arist. mutatio optimi est pessima.

Secundo nulli essent termini mutationis status, qui quinque sunt, occasio, consilium, accidentia, passio, & potentia, & hæc ultima sine accidente, vel occasione nihil agere potest.

Tertio, datis terminis, mutatio fieret in peius, nempe si plebs prævaleret, & nulla Ciuitas fuit unquam à plebe ritè constituta, ut affirmat Oforius lib. 2. de ciuili nobilitate; nam ut plurimum est temeraria, & improvida, animiq. nimis abiecti, atque dimissi. potest igitur temeritate, & furore patriam labefactare, non tamen unquã incolumen conseruare, neque collapsam in pristinam dignitatem restituere, neque ob aliud fuit Romana Respub. funditus euerfa, quàm propter temeritatem multitudinis in nobilitatem concit. Itaq. Imperium illud, quod per Reges primo, deinde per optimates, & principes partum, & amplificatum erat, breui vulgi furore, & amentia dissipatum fuit.

Secunda pars probatur; nam nulla lex iubet Principes malos, subditos occidere, & Deus eos permittit, ut in peccata populi animaduertat, iuxta illa, qui regnare facit hominem Hypocritam propter peccata populi. dabo vobis Regem puerum, &c. Dabo tibi Regem in furore meo. Quare cum subditi præmuntur a suis Principibus, nihil potius excogitari potest, quàm ad Dei misericordiam confugere, & eũ orare summis præcibus, ut nobis delictorum gratiam faciat, scelerum, & flagitiorum pœnam prætermittat, & populum suum a calamitatibus, ac miserijs vindicet, ut inquit Vincentius Castellanus lib. 3. de offic. Reg. cap. 11. Nec dubium est, quin nobis hanc sit daturus veniam, modò peccata corrigentes nostra ad bonam frugem nos recipiamus; alioquin in deteriorem tyrannum, etiam si prior sublatus sit, incidet populus. Cor Regis in manu Dei est, & quocunque voluerit inclinabit illud; aliquando enim obstinatos perdit, ut Pharaonem, unde est in Eccles. Sedes Ducum superbiorum destruxit Deus, sedere facit mites pro eis. Nam certum est tandem peccatis Regna dissipari. ut Amos. 9. 8. Ecce oculi Domini super regnum peccans, & conteram illud a facie terræ. Hiere. 50. 24. Illaqueaui te, & capta es Babylon, & nesciebas, inuenta es, & apprehensa, quoniam dominum.

prouocasti. Dan. 2. 21. Ipse mutat tempora transfert regna, atque cōstituit; quare subditi non solum obedire Principi bono, debent ut dicit D. Paul. Omnis anima potestatibus sublimioribus subdita sit; non enim est potestas, nisi a Deo, quæ autem sunt a Deo, ordinata sunt, sed etiam malis, iuxta illud 1. Pet. 2. 13. Subiecti igitur estote omni humana creatura propter Deum, siue Regi, quasi præcellenti, siue Ducibus, tanquàm ab eo missis ad vindictam malefactorum, laudem verò bonorum.

Restringitur a nonnullis hæc conclusio; nam si Princeps eò vesaniae procederet, ut omnes morte afficeret, atque humana, ac diuina confunderet, & quotidie nefaria, ac flagitiosa scelera moliretur, præsertim is, qui vi, ac dolo dominatum inuasisset; Scotus, & Caietanus, & Syluester d. secuti Thom. non esse ambigendum confirmant, quin cum is hostis patriæ sit, nec aliter possit deijci imperio, a quolibet priuato, iurè possit trucidari. sed potior ratio videtur, colligere nos ipsos, agnoscereq. scelera, quæ ipsi admisimus, & Deum præcæmur, ut Castellanus dicit, ut vsus in nos misericordia, calamitatum nostrarum finem faciat; quod si diutius calamitates durant, dicendum est peccata populi atrocissima esse, & Deus non in vno ictu, ut in exercituum clade, aut peste, sed pluribus in homines animaduertere velle, quod a Tacito cognitum fuit, nam cum infamias Neronis infinitas, ac cædes illustrium virorum, crudelitates inauditas, populi oppressiones Imperij miseriam recensuisset, subdit, Ira illa numinum in res Romanas fuit, quàm non ut in cladibus exercituum, aut captiuitate urbium semel editam transire licet. Quare cum Deo nemo resistere queat, omnia constantissimè sunt toleranda, & peccata missa facienda, ne congreget super populos mala, & sagittas suas cōpleat in eos. Solet Deus visitatis peccatis, pœnas nouas infligere, cum ordinaria non iuuant; nam ut D. Basilius ait, Deus cum ob scelera homines castigare velit, non modo nouos morbos, verum etiam incredibiles, & irremediabiles pestes nobis immittit, ut de morbo gallico pateat; quæ pœna adhuc durat, & durabit, quicquid dicat Mercurialis tractatu de morbo gallico lib. de cognoscend. & curand. hum. corp. affectibus, cuius sententia est, futurum esse, ut quandoq. hæc pestis finiatur, infirmis nixus rationibus, nam homines & si longo rerum usu edocti sunt, tamen hoc contagium aufugere nesciunt. Tunc finiet, quando homines a mulieribus se abstinebunt. nec dicas Deum esse causam malorum, nam si eut prauis, ac perniciosi humores in præcordijs, ac intestinis lateant, non accusatur Medicus, quòd eos ipse fecerit, si arte eos in cutem, ut appareant traxerit, sed effecit quidem illos inordinata dieta, traxit autem in manifestius non imperitus Medicus, si cum mala dolores, ac

crucia-

cruciatuſ , factos audimus intelligere decet , a nobis ipſis , initia , & cauſas earum vexationum fuiſſe , vt egregiè inquit Gregorius Nica- nus in myſtica Moſayca vita enarratione ; imò eiufmodi pœna ne- ceſſaria videntur ; nam vt præclare Cic. quemadmodum Domus , nec Reſpub. ratione quadam , & diſciplina designata videatur , ſi in ea nec rectè factis præmia extent , vlla nec ſupplicia peccatis , ſic mundi diuina in homines moderatio profecta nulla eſt , ſi in ea diſcrimen nullum eſt bonorum , ac malorum .

Sed dices , corpus politicum propter ſanitatẽ omnium membrorũ , poteſt caput præcidere , quia caput a corpore potẽſtatẽ habet. Reſpond. verum non eſſe de omni corpore , quia in corpore eccleſiaſtico poteſtas capitis eſt a Chriſto , non a corpore , deinde ſcindi ſine totali partium ruina non poteſt , quare ſimilitudo non rectè procedit .

Dicendum ſecundo in Remp. liberam ab extero , vel a proprio oc- cupatã libertatem introducere non licet inuito populo , & præſertim ſi per plurimos annos illo non repugnante aliquis gubernauerit . nam in eiufmodi rebus ſtandũ eſt maiori parti , quæ eſt populus , & melius eſt regimen vnius , quàm plurium in rebus publicis , præcipuèq. diſcor- dijs ciuilibus feſſis , vt affirmat Tacit. non aliud diſcordantis pa- triæ remedium fuiſſe , quàm vt regeretur ab vno . his addi poteſt , quòd crebræ mutationes ruina ſunt gentium . Et multi diſcordias ſeminãt ciuiles , non vt libertatem patriæ reſtituant , ſed vt ipſi principatum inuadant ; nam homines ambitioſi in ſuas trahere partes populum co- nantur , & plebem primum in ſuos Principes commouere . dehinc ve- lut ad pileum , & libertatem eos prouocare , non in fauorem verè ipſius populi , ſed ſui ipſius utilitatem , vt Duces fiant rebellium , & poſtea principatum armati inuadant , dulce nomen democratia , ſed utilior monarchia , vt inquit Thuloſan. de Rep. lib. 12. Neque in magnis , & arduis negotijs potuit Democratia Romanorum ſibi plene conſulere , quin neceſſario poſtquàm popularis adminiſtrationis variam aleam experta eſt , coacta ſit ad monarchiam redire , & ita deſiſtens ab ea monarchia , per gradus ſemper lapſa eſt in peius , & poſt tentatas alias ſpecies , tandem redijt ad eam tanquam neceſſariam , & faciliorem ; va- gus populus primum ad Romulum , & ſequentes confugit , poſtea ex- cuſſo iugo regio , prætextu ſuperbiæ , & luxuriæ Tarquinij tentauit per Conſules regimen inire , & per comitia rurſum per decem viros , & his quoque faſtiditis , redijt ad Conſules , & ex Conſulibus neceſſa- riò ad vnius Dictatoris imperium ſemeſtre , poſtea ad Conſules , & Tribunos , Prætores , & tandem ad illam regiam dignitatem , cuius qui- dem nomen exoſum habebant , ſed utilitate compulſus ſub alio titulo Imperatoris ſub Aug. eandem recepit , & omnem poteſtatem in eam tran-

transfuit, ad tempus primum decennij, postea in perpetuum, ut asserunt Historiographi, quare constat non licere introducere libertatē in tali casu, idest in populo vago, & fluctuante; uno enim dominante cessant inter patres, plebemq; certamina in Ciuitatibus, ac foras tentamenta ciuiliū bellorum, cessant hominum discordia, & populi rabies.

Dicendum tertio, liberas Ciuitates, quæ propter ciuium intestina odia, ciuilesq; discordias, sese alicui fidei per aliquod tempus dederunt, elapso tempore posse pristinam libertatem recuperare, quod euidenter patet, cum standum sit pactis, quæ a tempore franguntur. nec ulli sit iniuria, si res suas opportuno, & debito tempore aliqua Ciuitas recuperat. Ampliatur hoc etiam, si pactum ex aliqua solum parte sit infractum; nam eadem est ratio de parte, ac de toto, ut v.g. si Princeps contra pacta, aliud caput prouinciæ instituere vellet, in ipso præsertim Reip. ignominiam, potest contractus rescindi; quare nemo dilaudat, imo historici, & poëta, inter quos Ariostus præcipue Andreæ Auriæ virum celeberrimum, quo non solum Liguria, verum etiam Europa in rebus maritimis clariorem non vidit, maximis laudibus extollunt, quia patriam a Rege Gallorum, qui in Genuensium ignominiam, ac damnum Urbem Sauonam ab eorum dominio segregare volebat liberauit.

Quod ad secundum dubium attinet, notandum est primo, tum in priuato, tum in Ciuitate nimiam libertatem noxiam esse; ex nimia enim libertate, orta sunt pestifera ciuiles discordia, quæ Respub. labefecerunt, ut videre est in Genuensibus, qui ut ait Tholosanus lib. 23. de Rep. cap. 3. cuncta quondam maria peruagati, relictis clarissimis utique victoriarum monumentis, ceteras gentes omni tempore nauali gloria superauerant, cum domi seditiosi, atque discordes effecti cœperunt, sæuissimis factionū fluctibus agitati, nunc in Sfortianorū, nunc in Gallorum clientelam concesserunt, quæ omnia ex nimia illius stolidi populi ferocitate, & ex nimia libertate, atque etiam ex pauca promanarunt; nimia enim populum lasciuires facit, insolentemq; reddit, & libertatis extrema licentia, extremæ seruitutis potest esse principium, nam ut rectè Marsilius Ficinus in Plat. dialog. de reg. cap. 3. libertas nimia lasciuiam primum parit; deinde legum contemptum, post hæc frequentes seditiones, & denique externam seruitutem. Ac pauca scandalosa est, nam patritij libertatem populo nimium tollentes, & dominandi potestatem magis, quàm conuenit inducentes, amicitiam, & societatem in Ciuitate perdunt, & hac corrupta, dum unusquisque pro se consultat, præda potentium fiunt.

Harum rerum cum Respub. Veneta immunis semper fuerit, quippe quæ

pe qua nullas discordias est experta ciuiles, libera semper remansit; & hoc modo Resp. Veneta ampliori libertate vsa est, semperq. quandâ mediocritatem seruauit. E contra Genuensis ob ciuilia bella aliquando oppressa, aliquando distracta fuit, nec perfectam libertatem habuit.

Notandum secundo, libertatem in presentia dupliciter accipi posse, vel quia Resp. nullum in rebus suis administrandis recognoscit superiorem, & hoc modo utraque pari passu ambulat, vel quia Resp. absolutè, & totaliter libera non est, cum uidelicet non inest ei tanta potentia, ut finitimis Principibus resistere valeat, eosq. timet; timor enim libertatem imminuit; multa enim fierent, quæ timor prohibet, ut de utraq. patet, una enim Turcarum Imperatorem ingenti nummorum pondere afficit.

Altera Catholicum Hispaniarum Regem protectorem elegit, sub cuius patrocinio non solum ipsa, verum etiam tota Italia tranquillâ vitam degit. Hoc autem modo Genuenses magis liberi videntur; nam minus timoris habent, nec de eo dubitant, imò certum est, quod rex ille, illis bellum inferret, qui Genuensem Rempub. lacefferent, vel oram ligusticam infestarent, ut in rebus Corsicis ætas patrum nostrorum vidit; quare quanto facilius est Turcâ, Venetum dominium imminuere posse, tanto difficilior est, Regē Hispanum, Genuæ imperium affectare, cuius potiunde, cum ciuilia bella illi occasione dedit, libertate illam frui, quàm tributariam reddere maluit.

Quare cum liquidò constet, timorem esse ex ijs rebus, quæ maximè libertati sunt impedimento. Veneti autem magnoperè Turcam finitimum, Genuenses autem nequaquam regem amicum metuant, Hos tutiores, ac magis liberos esse colligitur.

At dices Veneti priuilegio Cæsaris sunt exempti, & forum illius possunt declinare, at non Genuenses, qui in aliquibus casibus Imperatorem recognoscere coguntur, ergo primo modo etiam magis liberi sunt. respondetur verum non esse, quare hic videndum est.

Vtrum aliquis Princeps, vel populus possit quoque prætextu se eximere, quominus Cæsari subsit, & obediat, illumq. reuereatur.

Hanc quæstionem, quia pulcherrima, & utilissima est, hic ponimus; fatemur tamen nostram non esse, sed cuiusdam defuncti Hieronymi Garzonij, quæ ad nostras manus peruenit.

Tres

Tres possunt adduci causas, nempe priuilegiū, præscriptionis, & cōsuetudinis. De priuilegio igitur disseramus, quo inter alios in Italia gaudere dicunt Ducem olim Mediolanensem, & Ducem Venetum, cuius præcipuè bullam auream ab Imperio impetratam, hoc exemptionis priuilegium continentem, sese uidisse testatur Albericus de rosata, & eius testimonium probant Iason, Iacobus Aluarottus, Antonius Franciscus, & Ioannes de Gioier.

Circa hoc duo in primis discutienda occurrunt, nempe quid per priuilegium conferatur in exemptos. Deinde utrum exemptionis priuilegium possit reuocari.

Quando igitur Cæsar exemptionem concedit, non arbitror ita eximere, quin ipse remaneat superior, & quando transfert potestatem imperandi, & iurisdicendi non arbitror transferre illam, quæ uni ipsi competit; nam & Moyses Principibus a se electis dedit omnem potestatem, illa excepta quæ ad ipsum unum ex diuina voluntate spectabat, hanc enim potestatem supremam Cæsar nullo modo a se abdicare potest, neque scindere unitatem Imperij sibi commissi, quoniam est unicum, & indiuiduum, sicut unica est Ecclesia, hinc dixit Baldus iurisperitissimus Imperatorem non posse a se abdicare Imperium etiā minima particula, quia per minimas particulas deueniretur ad interemptionem totius, totum diuendo per frustra, & ut eiusdem Baldi verbis utar, Cæsar, qui eo pacto scinderet Imperium, diceretur proditor, homicida, & periurus, excederet enim fines mandata sibi a Deo, & populo iurisdictionis, & iusiurandum violaret, quod initio præstat de non minuendo, sed augendo, & possent in eodem Principatu constitui duo, vel plura principia, quod esset absurdum. Priuilegiū ergo non ita quemquam eximet, ut Cæsaris officium cesset, potestas enim data est in ædificationem, non autem in destructionem, & cum sit indiuidua transferri non poterit, licet usus eius rectè communicetur, non etiam abdicatur Imperium, quoniam non dicitur esse in bonis Cæsaris uti hominis abdicantis, cuius morte resoluitur officium, & non transmittitur, & cum officij resolutione, resoluitur etiam ius illius, qui de facto ab aliquo Cæsare tanquam homine ius aliquod acquisiuit; nam nemo in præiudicium successoris disponere potest de aliquo iure officium sibi mandatum concernente, cui iccirco facultas pro libito reuocandi, & rescindendi data est; decet enim unitatem Imperij conseruari, non autem scindi, & per eiusmodi exemptiones resolui, quia non posse esse perpetuum, quemadmodum esse debet.

Adde quod cum Imperium sit a Deo, non potest ab homine alterari, hinc scribit eleganter Baldus, supremas Iurisdictiones esse sacrum sacrorum, neque in Principis marsupio, qui iccirco non potest Vrbes habere

habere venales, & inquit Oldradus apud iuris ciuilibus professores receptam esse sententiam, Imperium adeò coherere ossibus electi Caesaris, ut nullo modo possit illud a se abdicare, cuius testimonium probant Ioannes Andreæ, & alij multi, inter quos Martinus de Laude clarissimus iuriconsultus in suo Tractatu de Principe ait, etiam expresse non posse abdicari id, per quod Imperij unitas dissiparetur, licet milles Imperator vellet, & quidem triplici ratione; prima, quoniam Caesar est Dei legatus in terris; secunda, quoniam ideò Augustus dicitur, ut augere debeat, non minuere; tertia, quoniam hoc pacto enervarentur Imperij vires. Nam si huic Casari liceret hunc populum eximere, sanè liceret & alium, atque successori eadem licentia pateret, itaq. successu temporis Imperium reduceretur ad nihilum, quod tamen dictum est oportere esse perpetuum: addidit Baldus quartam rationem ab absurdo, nam si Caesar posset adeò a se aliquem eximere, ne amplius illi imperaret, sequeretur quod ille exemptus in provincia sua maior esset ipso Casare, & si Caesar ibi delinqueret, posset ab illo puniri, quod est falsum & absurdum: neque obijcias usu compertum esse, & a seculis multis probatum, ut sub titulo fœudi alienet absque ulla reprehensione, nam per hunc modum Imperij Maiestas, & robur non minuitur, sed augetur propter fidelitatem, qua efficacius promittitur, & seruatur, & nihilominus Caesar a se nihil abdicare dicitur, quoniam in persona fidelis, & per illum omnia iura sua conseruat, & unitatis vinculum non ledit, vs Baldus, Abbas, Ioannes de Imola, Innocentius, qui fuit Pontifex maximus, Angelus, Alexander, & Decius notant: Excepta igitur causa honesti tamen fœudi (ut verba ipsa Interpretum iuris referam) etiam donatio Imperialis ad expropriationem territorij, dignitatis, vel iurisdictionis abdicationē, seu diminutionem, neque valet, neque est possibilis, & secundum Alexandrum, Caesar neque per viam contractus, neque alio quouis exquisito colore potest diminueri, vel a se abdicare regalia neruum Imperij concernentia in præiudicium sui culminis, idq. etiam alij probant; His confert, nam quemadmodum inter virum, & uxorem contrahitur matrimonium carnale, & æconomicum, sic inter Casarem, & Remp. contrahitur morale, & politicum, & quemadmodum inter sacerdotem, & Ecclesiam contrahitur matrimonium spirituale, & diuinum, sic inter Casarem & Rempub. contrahitur terrenum, & temporale: & quemadmodum sacerdos est in Ecclesia, & Ecclesia in sacerdote coniunctione indiuidua, pari ratione est Caesar in Repub. & Respub. in Casare, igitur quemadmodum uxor unius viri scindi non potest in plures, neque dimitti, neque plures habere viros, quantumcumque vir velit, ita Respub. scindi non poterit a Casare,

sare, neque deferri, neque sortiri plures Imperatores, vel qui separatim habeant iura Imperatoris, a cuius ossibus non possunt euelli; & quemadmodum a spirituali Ecclesia nemo in totum eximi potest, saltem quoad subiectionem, obedientiam, & reuerentiam, pari ratione nemo poterit eximi a temporali, cum spiritualis, & temporalis eadē sit, duos tamen sortita ministros alterum ab altero dependentem, & unitatem respectiue conseruantes, & cum Imperium sit a Deo, & Imperator Dei non suas gerat vices, nullo priuilegio remittere potest obedientiam, subiectionem, & reuerentiam secundū Gulielmū, & Olradū, quibus planē subscribunt Baldus, Angelus, Ludouicus Romanus, Alexander, Balbus, Felinus, & alij, hac ratione cathedriticum remitti non potest, quia respicit neruum officij, neque ius corrigendi, quia respicit neruum potestatis: titulus autem Priuilegij expressi, & specialiter concessi non potest esse tanti, ut quem itā eximat a Casare, ne subiiciatur, ne obediat, ne reuereatur: pari ratione nec tributum est remissibile, quia respicit neruum vitæ, & maiestatis, & propterea Venetis panni auri præstatio annua non potuit relaxari.

Hoc loco sentio mihi grauiter obijci id, quod semper omnes deteruit à libera tractatione huins arduæ difficultatis, inquierent enim hanc meam sententiam adeò generalem esse, ut Casari subiectos, obediētes, ac reuerentes reddat etiam Reges illos, & populos, quos ab omni obedientia, & subiectione ergà Casarem exemptos omninò esse, ne dum Priuilegia testantur, sed omnium Nationum, atque omnium ferè ætatum consensus, & ipsorum etiam iuris interpretatum frequentia, & indubitata testimonia: Cæterum respondebo statim hanc esse illam detestandam opinionem, quam ego penitus antiquæ pro omnium salute & cupio, & laboro, non enim lege & ratione aliqua fundatur, nec me mouet, quod à plurimis recipiatur, scriptum est enim, plurimorum sententiæ in iudicio non acquiesces, ut à vero desies. & leges iubent, non esse ex autorum multitudine iudicandum, cum præsertim iuris interpretes (si Decio credimus) plerunque consueverint inaduertentè aliorum sequi sententias more autum, quæ ad vnius volatum temerè sequuntur omnes, & iccirco arbitratus est illam quoque opinionem communem esse respuendam, cum qua Serenissimus ipse Imperator sentiat, quando contraria firmatur melioribus rationibus, vel expressa lege, neque enim frequens opinio pro lege semper habenda est. Omnes vero Reges Imperio subesse ostendimus diuino & humano iure, ac multis iurisprudentum testimonij, specialius autem Gallia Regnum pertinere ad Imperium, atque illius esse membrum historiæ testantur. Nam Francoes primi Marcomundo Duce illud inuasērunt, & occupauerunt; primumq. Regem Ferramundum

mundum habuerunt, qui potius Tyrannus erat nuncupandus eò, quod non legitimo modo, sed per vim eam dignitatem sibi usurpasset, alienā prouinciam ingrediens. Sunt tamen qui testantur Clodouetū Quintum Regem Primum ad Christianam fidem conuersum obtinuisse coronam auream lapillis instructam cum thunica, & Baltheo ex Constantinopoli ab Anastasio Romanorum Imperatorem, quem iccirco in superiorem reuerenter agnouit, prius autem fuisse membrum Imperij testatur etiam inscriptio epistolæ Iustiniani Caesaris ad Senatū Urbis Constantinopolitanae super emendatione Codicis, & epistola eiusdem ad Bassilianum magistrum militum, per Orientem. Item inscriptio Imperialium Institutionum, & Digestorum, & epistola Archadij, atque Honorij Augustorum ad Vincentium Præfectum prætorio Galliarum. Item capitularia Caroli Caesaris, quæ in Gallia sunt, in quibus inter cætera ait, volumus atque præcipimus, ut omnes nostræ ditioni subiecti, tam Romani, quàm Franci, Alemanni, Bauari, Burgundiones, Saxones, Turingi, Frisones, Galli, Britones, Longobardi, Guascones, Beneuentani, Goti, Hispani, ceteriq. omnes subiecti nobis quocunque legis vinculo videantur astricti, vel consuetudinario annexi more &c. & bellica Iulij Caesaris acquisitio, & aliorum Caesarum conseruatio, & recuperatio ius Imperij latè demonstrant: hinc Decretorum Glosator de Regibus Hispaniarum, & Franciæ verba faciens, inquit, eos pro capite proprio teneri etiam hodie Casari ad Tributum, & qui recusare voluerit, oportere eum fateri nihil habere, lex enim est Caesaris, quæ distinguit meum a tuo. De Rege Galliæ idem censuerunt Petrus de Antibio., Albericus, Petrus, Cynus, Baldus, Bertachinus, Imola, Hostiensis, Ioannes Andrea, Antonius de Butrio, Angelus, Iacobus de Beluisio, Abbas, & alij; nec cecidit Casar à quasi possessione dicti Regni, retinendo illam saltem animò, ex quo in hunc usque diem habet suum Archicancellarium per Galliam nempe Archiepiscopum Treuerensem, quemadmodum constitutio Caroli Quarti, quæ appellatur aurea Bulla, declarat, nec à quasi possessione Orbis, ex quo Ecclesia pro solo Casare adhuc, uti omnium nationum, & Regnorum supremo Principe singulis annis orat, & in vniuersalibus Concilijs nominatim consulit illum solum, cui non iccirco negligentia vlla potest adscribi, ex quo vires illius debilitatae sunt; non igitur immeritò Baldus suo vocabulo appellauit truffam, quod Gulielmus Regem Galliæ ab Imperio exciperet, in cuius opinionem iuerunt plerique, & à magnis viris amplexum, atque de iure tenendam testatum reliquerunt ultra iam citatos Antonius Corsettus, Martinus Laudensis, ille in opusculo de potestate Regia, hic in suo tractatu de Principe, & Balbus, ubi de præscri-

præscriptione differuit, atque Felinus Canonum interpres: nuncupatim quoque de subiectione Regis Hispaniarum una cum plerisque ex iam citatis Baldus & Abbas Panormitanus testantur, quod enim Romani Cæsares Hispanias obtinuerint, & possederint, nedum ex historijs liquet, sed etiam testimonio Pomponij iurisconsulti, qui de Sicilia, Sardinia, & Narbonensis quoque Prouincia acquisitione verba facit, Vlpiani, & Machabecrum, qui præterea multa Regna recensent, Item ex duabus Epistolis Constantini Cæsaris ad Tiberium Comitem, siue Vicarium Hispaniarum, & ex duabus Epistolis Arcadij, & Honorij Augustorum ad patronum, siue Petronium Vicarium Hispania, & ex eadem epistola Iustiniani ad Basilianum; neque gloriantur Hispani, quod Regnum recuperarint à manu saracenorum, vel iure belli acquisuerint, quoniam cum ipsi recuperantes recuperationis tempore subditi Cæsarei fuerint, non sibi sed Cæsarei vniuersa recuperarunt, acquisita enim iure belli sunt Imperatoris, præsertim in publicis iuribus, ut sacra pagina non vno in loco monet, & prudentum interpretatione constitutum est: idem de Rege Cyri, atque de omnibus alijs Baldus notat: itaque superest confirmare, nullum Regem, Principem, nullumq. populum cuiusuis priuilegij prætextu à Romani Cæsaris potestate, & Imperio se eximere posse. Interpretes autem, qui contrariam aliquando sequuti sunt sententiam iuxta hunc rerum statum prætulērunt, veritatem velint, nolint deserentes vetante (ut in adagio esse dicunt) Platone; plerique verò non priuatiuè, sed cumulatue (ut ita dicam) loquuti sunt, plerique de voluntaria vel æconomica potestate intellexerunt, quemadmodum de villico illo legitur, qui etiam Regi domi suæ accubenti imperauit, & licet Baldus aliquando dixerit, quemlibet Regem in suo Regno esse Dei Vicarium in temporalibus, hinc non sequitur, ipsum Regem supremo vni Principi non subesse. Nam præsupponit Baldus plures esse Vicarios Dei, & in necessitatibus recurrendum esse ait ad Regem, tamquam ad Vicarium proximiorē, & ita sentit super hos Vicarios alium eminentiorē esse, qui cæteris præsit. igitur non de supremo, sed de subalterno Vicario verba facere voluit, quo quidem modo quilibet Episcopus in suo Episcopatu est Vicarius Christi, subalternus tamen, in hunc sensum etiam quilibet sacerdos vocatur Christus, iuxta illud, nolite tangere Christos meos, & vocatur Deus; nam legitur, ego dixi Dñ estis, & filij excelsi omnes, & nihilominus vnus est tantum Christi supremus Vicarius, vnus Aaron, vnus Moyses, in populo sancto Dei: qui quidem supremus temporalis (ut Abbati placuit) non aliter atque summus Pontifex in spiritualibus, in iurisdictionis exercitio in temporalibus ipsis

ipsis cum quolibet Principe inferiore uti primus fons omnium, & unus iure concurreret, aliquo priuilegio obſtante. Quod ſi forte pertinacior quis foret; etiam concernentia neruum Imperij poſſe in alium ex priuilegio transferri, non tamen is inficiabitur his caſibus hoc ipſum priuilegium reuocabile eſſe ad nutum, & arbitrium Cæſaris etiã ſine cauſa, omnes enim qui ex priuilegio tenent, aut poſſident, dicuntur quaſi præcario tenere, & poſſidere, & iccirco ſecundum præcarij naturam poteſt ad libitum fieri reuocatio, Bartolus in Venetis exemplum ponit, quos dicit profiteri habere priuilegium ab Imperatore, qui poſſet, quandocumque vellet, illud reuocare, quoniam ei licet mutare voluntatem. & Carolus Cæſar villas quasdam ademitt Ciuitati Parmæ, quas conceſſit Hugoletto, & Ramondino, deinde dictam conceſſionem reuocauit, & illas tradidit Petro, neque iccirco eius geſta iure improbantur, aut igitur priuilegium nullum eſt, aut eſt ſaltem reuocabile, quod facilius contingere poſſet, ſi iuſta cauſa reuocationi daretur, vnde Baldus de Venetis ita ſcribit libertatem ab Imperio Romano recognoscunt, & viuunt tamquam filij emancipati, debentq. illi reuerentiam, quam ſi non exhibent, poſſunt in ſeruitutem reuocari, tamquam ingrati, quia non ſunt liberi niſi per patientiam Imperatoris, vel ſpeciale priuilegium, quod alij ſucceſſores poſſent ſecundum Bartolum reuocare: abſque controuerſia autem hæc obtinent in ipſis iurisdictionalibus, de quibus verba facimus, etiam ſi priuilegium datum foret, ſiue facta conceſſio homini non ſubdito, nam neque directò, neque per indirectum poteſt Cæſar ſibi ipſius illud ſupremum auferre, per quod licet priuilegia data reuocare, & ſubalternas iurisdictiones nedum particularium, ſed etiam Ciuitatum, atque vniuerſitatum omnium ſupprimere pro libito voluntatis, ut Baldo placuit, atque Aretinus, Felinus, & alij valde probant: cum enim ab ipſo Cæſare, ceu à mare quodam per conceſſiones, & confirmationes fluunt omnes iurisdictiones, & ad ipſummet per appellationes & ſupplicationes reſtuant, meritò poteſt illas ad ſui libitum ſupprimere, quod ex ſacri conſilij Neapolitani relatione Carolus Quintus obſeruauit.

Præſcriptionis autem prætextum longè latèq. conſiderantem oportet me ſtatuerè mortalium neminem ex ea cauſa rectè ſe tueri poſſe, quominus Romanum agnoſcat Imperium, & illi ſubſiſt, cum enim priuilegij titulus nihil proficiat, eò ceſſante non poterit interponi vlla præſcriptio, quoniam qui ſe a Cæſare ſubtrahit, & ſine illius nutu gerit ſe pro habente poteſtatem, & magiſtratum dicitur habere ingreſſum vitioſum, & incidit in crimen læſæ Maiestatis, eſt ſiquidem pro forma neceſſarium diploma ipſius Cæſaris propria manu ſub-

F

ſcri-

scriptum, neque in contrarium præscribi potest, quia contra legis formam nulla præscriptio admittitur, qua non seruata actus est semper de necessitate nullus, & sine fundamento nullum ponitur ædificium, hic autem vitiosus ingressus eo quod crimen habeat, non tribuit ius, & exemptionem, neque dignitati, aut beneficio ulli aditum præbet, sed imo adimit, infamem, atque inhabilem reddit, punitionem poscit, alioqui posset aliquis ex improbitate, & temeritate sua consequi præmium, & honorem, & redundaret in fauorem, quod in odium redundare deberet, illi præmium daretur, quem pœna sequi debuisset, & firmaretur in eodem subiecto aliquid, cuius contrarium iam erat radicatum. quomodo enim vel antiquissimi temporis cursus poterit eos excusare, qui in usurpatio magistratu, vel prætenso exemptione contra ius morantur? cum scriptum sit eo grauius fieri peccatum, quod diutius infœlicem animam detinet alligatam, quomodo etiam ulla præscriptione, vel ullo temporis tractu poterit conualescere, vel defendi id quod initio non tenuit, cum lex id fieri posse neget? Præterea personæ priuatae in ipsis initijs sunt, & reputantur incapaces sui naturæ Regnorum & Principatuum, & illius magistratus per quem quis eximitur a Cesare sine ipsius Caesaris sacro diplomate, igitur si in Regno vel Principatu sedent aliqui culmen Casareum non agnoscetes absq. titulo, adhuc necessario sunt incapaces, & veluti possessores male fidei, vel mille annis non poterunt præscribere, nam incapax non præscribit in æternum, ut fiat capax, quia tempus non est modus inducendi capacitatem, quæ pendet ex solius Principis potestate, veluti de laico legimus, qui cum sit spiritualium incapax, non ideo vnquam præscribet, ut ea capiat. Amplius qui conatur se eximere a Caesaris potestate, aufert scienter illius potestatem in se, & sibi in alios usurpat, scire enim quisque ius præsertim diuinum præsumitur, & scientia illico arguitur titulo deficiente, igitur nullo tempore vel æterno præscribet; hanc ob causam sancitum est, ne ulla recipiatur præscriptio in occupatis, & inuasis propter scientiam & dolum, nec quispiam dicat iure canonum ista fuisse introducta; nam in materia præscriptionis, quæ peccatum concernit ius ciuile non dedignatur sacris canonibus cedere, quibus iccirco debemus inhaerere; est enim iurisprudentum crebriori calculo confirmata sententia, quod isto casu ius Canonum emendarit ius Ciuile, & potuerit emendare propter peccatum, quemadmodum in alijs quoque casibus, in quibus de animarum periculo tractatur, & sanè absque peccato esse non potest, qui quandocunque conuictus non restituit occupata, quod ipsum habet euidentissimum dolum, iure diuino mandante ne peccatum remittatur, donec restituatur ablatum, cum non detur venia nisi correcto, neque

neque hoc loco ulla prae-textu erroris, vel ignorantia excusatio admit-
tenda est, quoniam hic error, qui in iure consisteret, etiam iustus abs-
que titulo in aeternum non daret alicui causam praescribendi; imo etiā
error iustus cum titulo in personis eorum, quibus ius commune resi-
stet, impedit praescriptionem omnem contra illos, quibus idem ius assi-
stet, & hinc fit quod si eiusmodi persona possidentes aliquando a pos-
sessione cadant, is cui ius assistet, posset sua sponte illam ingredi, ne-
que ulla postea actione conueniretur ad restituendum propter iuris
communis assistentiam, quod ius etiam Caesari competere non videtur
dubitandum: addas hoc in casu, quod si is qui exemptionem, & im-
perium in alios ex praescriptione prae-tenderet, esset fortē populus, vel
aliqua vniuersitas, tunc posset illud obijci, quod populus nunquam
praescribit, quando a principio fuit in mala fide, etiam omnibus mor-
tuis, qui malam fidem habuerunt, quia populus dicitur semper idem
licet singuli moriantur, & cum sit idem consequenter in eadem mala
fide continuē perstat, quod praecipuē verum est secundum Canones,
secundum quos mala fides autorum nocet etiam bonae fidei successori-
bus. Caterum impossibile est in quaestione, de qua quarimus interce-
dere aliquam praescriptionem; nam nemo potest a seipso incipere possi-
dere in seipso, nec sibi ipsi qui est idoneus autor; nam inter dantem
& recipientem debet esse distinctio personalis; imo in his, quae con-
cernunt Imperium, & iurisdictionem non satis est habere causam si-
ue titulum ab alio nisi a Caesare, saltem mediatē, & propterea si Cae-
sar hodie requireret eiusmodi Principes, vel vniuersitates ad obedi-
entiam, & si recusarent, dicunt Caesarem contra eos prae-tender e posse
actionem spoliati, non secus ac domino competit contra colonum, qui
consuetas pensiones praestare recusat, & posset eos urgere, & ad offi-
cium reducere, absurdum est enim inferiori concedere, ut se eximen-
do & ad libertatem prouocando, vel alteri se subiiciendo sui superio-
ris iuribus praeiudicet, vel Caesaris ius, cuius est incapax, interuertat,
multo minus ad proprium commodum, quam alienum, subditi
enim, & inferiores ipsi possidentur, & non possident, & contra domi-
num nihil habent, nimirum si contra eum nihil agunt, & nulli praes-
criptionis initium facere possunt. Praeterea, qui ipsis initijs non est
natus exemptus, nullo temporis cursu eximetur; nam exemptio pen-
det ex privilegio, antiquitas autem temporis in ijs, quae non sunt in
commercio humano, prout non est exemptio a potestate Caesaris, non
est modus inducendi privilegium, quinimò, qui ab initio talis non est,
nullo temporis cursu etiam aeterno efficitur talis, unde qui non est
oriundus Auximas, nullo temporis cursu efficitur, ut inde sit oriun-
dus, & qui non est praetor nullo tempore Magistratum praescribet,

quamuis diutissimè in eo manserit, & qui non est sacerdos, nullo tempore præscribet sacerdotium, etiam si continuè exerceat; imò quancunque detecti ipso facto deponuntur: eodem pacto. qui non est tabellio, nullo tempore tabellionatum præscribet, & semper conuictus falsi damnabitur, & ubicunque ab initio non constitit matrimonium, per quoscunque actus matrimoniales, cuiuscunque temporis cursu nõ præscribetur matrimonium, & quando quis non nascitur suus ab initio, & suitatis capax, nullo tempore suitatem (vt vocant) præscribet, & qui non est legitimus, vel ingenuus legitimacionem, vel ingenuitatem tempore non acquirit, sic etiam qui doctor non est, nullo tempore fiet, exerceat quos vult actus: quemadmodum qui non est seruus, licet seruiret mille annis, non ideo fieret seruus. Est enim in his omnibus certa, eaq. perpetua ratio, vt quemadmodum nulli possessioni locus datur, quæ nunquam potest incipere, sic nulli præscriptioni detur, hinc Ioannes Monachus, & Ioannes Andrea notant, ei qui sit incapax alicuius iuris absque Principis dispensatione etiam tempus illud non prodesse, cuius initij nulla extet memoria, quod & Antonius de Butrio, & Alexander de Imola rectè probant, quapropter homo priuatus sibi usurpans absque Principis diplomate Magistratum, in æternum non præscribet, vt sit iustus Magistratus, quia nullus homo ex persona sua est aptus natus ad possidendum, seu præscribendum magistratum contra Cæsarem priuatiuè in ijs potissimum, quæ concernunt eneruationem supremarum qualitatum eius. Accedat præscriptionem esse iuris ciuilib, imò ipsorum Imperatorum inuentionem, nec est verisimile, vt inuenta, vel inducta fuerit contra ipsum Autorem, quoniam contra naturam est, vt surgat effectus ad propriae causæ interitum, vel destructionem; quinimò si Cæsar priuilegio aliquos expressim eximat non creditur sensisse, vt cedat præiuditio sibi, vel domesticis suis, vt Baldus, & alij diligenter non vno in loco scriptum reliquerunt, generalis enim sermo, vel dispositio nunquam includit personam loquentis, & disponentis, quod idem in tacita dispositione, quæ induceretur per præscriptionem, recipiendum est, qui enim fieri potuit, vt Cæsar suam dignitatem præscriptioni subycere cogitarint; cuius autoritas in vnaquaque dispositione superintelligitur excepta, ne vllam sentiat offensionem: præterea cum demonstrauerimus mortale peccatum committi ab eo, qui Cæsarem non agnoscit, imò hunc incidere in hæresim, & crimen ariolandi non potest vlla præscriptio concedi, quoniam ubi mortale peccatum, & animarum periculum versatur in æternum non præscribitur, quia nec incipit præscriptio, & ciuiles inuentiones ad ius diuinum non trahuntur, cui subyci eas non proponi necesse est, & notum tamen

est omnibus humana, & positiua lege præscriptiones omnes rectè tolli, quanto magis ergo reijciuntur iure diuino resistente, aduersus quod nemo meretur veniam, nec vllius admittitur excusatio, alioqui secundum Oldendorpium, & furta, & homicidia, & alia id genus facinora excusari possent antiquitate temporis, quibus (authore Sathana) in mundo nihil est antiquius, & usurpari posset iure committi, quod quam sit absurdum omnes intelligunt, & si ad præiudicium iuris diuini non admittitur vlla, quamuis expressa dispensatio, minus admittenda est tacita per præscriptionem, & longissimum temporis cursum. Insuper cum Casarea dignitas, & imperialis potestas omnino sit inalienabilis tam in toto, quam in parte, ut latè docuimus, fateri nos oportet eandem impræscriptibilem esse, nec enim tacita alienatio efficacior esse potest, quam expressa, idq. omnes iuris interpretes vno ore admittunt, præsertim cum neque diuidi, vel scindi possit, quemadmodum nec alia magna dignitas, cuius anima, & substantia est unitas, & vniuersalitas, quam ob causam præscriptioni locus esse non potest. Deinde circumducto titulo priuilegij, is qui præscriptioni inniteretur, necessario habuisset initium violentum, vel claudastinum, per quod nulla ciuilis possessio quasita fuisset, quæ cum sit in Casare radicata, siue ignorasset, siue etiam voluisset, non potuisset ab offibus eius euelli, naturalis autem sola possessio, etiam si foret æterna, & purgata, non sufficeret ad præscriptionem, quia ex ciuili præscribimus, & ex possessione, quam initio vacuam quis ingreditur, vacua verò esse non potest, quando ciuilis est penes alium, quoniam in eadem duo eodem tempore insolidum esse non possunt, hoc in Casare potissimum est, qui continuè exercet Imperium, quo non potest uti nisi vniuerso, & iure vniuersi, quia est indiuiduum, & in qualibet parte exercitij totum, & ideo illud conseruat super vniuersos, per quam conseruationem quotidie interrumperet quancumque præscriptionem etiam in alijs partibus usurpatis, quoniam in indiuiduis, qui in parte retinet, in alia interrumpit, cum dicatur non pati alium, uti qui utendo non potest uti nisi toto, & præsertim cum hoc Imperium sit à Deo, non à mundo, neque coherens mundo, sed offibus Casaris, propter quod usurpato territorio, non ideo poterit usurpare, nam iurisdicctio, quæ coheret mundo est passiuæ, & materialis, illa vero, quæ consideratur in Casare est actiua, & formalis, qui ergo territorium usurpat, iurisdicctionem quidem coherentem assequi potest, sed sub Casare, & passiuè non supra, vel secus ab eo, imo si quis inferior spoliatur actiua, cuius exercitium erat spoliato concessum, illico ad superiorem proximum reuertitur, & non transit in usurpantem. Itaque non inuenitur casus, quo iurisdicctio actiua, &

formalis, quæ Casarem planè informat, ab eo aliquando recedat, & iure merito etiam hodie Casari competeret potestas reuocandi contumaces ad obedientiam, & qui recusarent veri rebelles forent, & condemnandi essent, ac si hodie usurparent, nam cum usurpatio sit actus successiuus, etiam hodie dicerentur usurpare, non obstante aliquo lapsu temporis, eò magis, quod illa, quæ semel violentam habuerunt, per inuasionem alterius, nec ab ipso, nec à successoribus eius canonico saltem iure præscribi possunt, idem in clandestini vitio, quod violentiæ comparatur. Denique ne mendicatis utamur suffragijs expressa lege sancitum est neminem ullo tempore præscribere posse, quominus subsit, reuereatur, & obediat, unde Baldus inferebat, inferiorem iura episcopalia præscribere non posse, quanto igitur minus imperialia? Inde etiam Pontifex inter inferiores pronuntians testatur Ecclesiæ Romanæ nullum fieri præiudicium, si quando fortè ius suum duxerit persequendum. Lotharius quoque & Federicus Casares fœuda alienata reuocari decernunt nulla obstante præscriptione, quod si fœuda, quæ per accidens ad conseruationem Imperij, & Principatus inuenta sunt, præscriptioni non subiacent, multo minus illa subiacebunt, quæ ipsius Imperij neruum & substantiam concernunt, neque placet interpretum aliquot sententia dicentium his verbis legis prohibitiuis etiam vniuersalibus non excludi præscriptionem centum annorum, neque illam, cuius initij non extet memoria; nam hæc interpretatio verbis legis aduersatur, quemadmodum enim qui omne dicit, nihil excludit, pariter qui dicit nullum, nihil includit, & qui voluerit admittere præscriptionem aliquam, reddet falsam dictarum legum orationem, quoniam vniuersalis negatio in parte falsa redditur in totum falsa, & si in alijs legibus, quibus nulla permittitur præscriptio, interpretamur omnem omninò præscriptionem esse sublatam etiam si esset initij immemorabilis non video, cur non idem dicendum sit in sanctionibus citatis Corradi, & Federici. Nam hoc idem super ea constitutione receptum est, quæ Anastasius Imperator constituit ne Tributa, quæ ad recognitionem vniuersalis dominij præstantur ullo tempore tolli possint, etiam si eius initij non extaret memoria, quod & Hostiensis, & Balbus probant, idem in crimine falsi, cui nullo tempore præscribi contra Ecclesiam lex inquit, & secundum crebriorem sententiam exclusa intelligitur nedum centenaria, sed etiam initij immemorabilis præscriptio, idem in causis, & spiritualibus pœnis, idem in crimine partus suppositi, in parricidio, in colono, qui etiam si mille annis teneret, non præscribit, quia lex inquit simpliciter eum non præscribere, in emphyteuta, in Vassallo, & fœudo, in decimis, in visitatione seu procuratione superioris, in confessoris electione, & multis alijs

alijs casibus comprobatur; nam verbum illud, nullum, relatum ad tempus excludit etiam spatium centum annorum, & ultra secundum Paulum de Castro, cum praesertim subiecta materia cursum temporis non admittit; accedat intentioni nostrae Imperatoris Zenonis rescriptum in haec verba, diligenter inuestigare decernimus, qui publici ab initio fontes, vel cum essent ab initio fontes priuati, postquam usum publicum praeuerunt, ad priuatorum usum conuersi sunt, siue sacris apicibus per subreptionem impetratis, ac multo amplius si auctoritate illicita, nec appetito colore sacri oraculi huiusmodi aliquid pertentatum fuisse dinoscitur, ut ius suum Regia Ciuitati restituantur, & quod publici fuit, aliquando minime sit priuatum, sed ad communes usus recurrat, sacris oraculis, vel pragmaticis sanctionibus aduersus commoditatem urbis, quibusdam impartitis iure cassandis, nec longi temporis praescriptione ad circumscribenda Ciuitatis iura profutura, si igitur ius publicum praescribi non potest, ut aliquando sit priuatum, quanto minus imperialis dignitas praescribi poterit? Audi (si libet) Caium iuriconsultum, usucapionem (ait) recipiunt maxime res corporales exceptis rebus sacris, sanctis, publicis, populi Romani, &c. quod si res, quae sunt in usu populi Romani praescribi non possunt, sanè Imperij potestas non praescribitur, haec est enim in usu eiusmodi populi, & Caesaris ab eo causam habentis. Audi & Paulum dicentem, ius Caesaris in commercio hominum non esse: concludamus denique etiam immemorabilis initij praescriptionem alligari non posse ubicunque lex, uel simpliciter praescriptioni resistit, quam sententiam post Bartolum Antonium de Butrio, Abbatem, & Castrensem, Franciscus Ripa Doctor insignis veriorum esse testatur, & iuxta lege resistente neminem contra Caesarem quocunque temporis lapsu praescribere potuisse, quia (ut scribit Baldus) cum ista de quibus quaerimus, Caesari sint in signum vniuersalis dominij reseruata, & supremam potestatem concernant, praescriptionem non possunt recipere, ne confundatur Imperium, quod statuit Deus esse unicum, & aeternum; idè sentit Alexander, idem Ioannes Andrea propterea inferens obedientiam, reuerentiam, atque ipsam principalem subiectionem esse impraescriptibilem, quam illationem omnes Doctores probant, & alibi Baldus inquit, Caesarem neque praescribere, neque in eum praescribi, eo quod cum habeat potestatis plenitudinem, nihil ei deesse potest, aut per praescriptionem quicquid adijci, quemadmodum de summo sacerdote circa Spiritualia tradunt, est enim Caesar veluti paterfamilias totius orbis, & quemadmodum contra patrem familias singularem domestici, & familiares non praescribunt, quia non proprio, sed illius nomine tenent, pari ratione quamuis Caesar a suis ministris, & coadiutoribus

ex communicatione patiatur tractari munus suum in aliquibus partibus, non ideo priuatur iure suo: Ancharanus quoque ait, contra Imperium, & obedientiam illi debitam non currere ullam præscriptionem, quia non possumus esse a cephalis, nempe sine capite, si quidem habet Caesar eam potestatis plenitudinem, cuius omnis alius est incapax, & habet illam solus a Deo, quam alius neque possidere & minus præscribere potest, & quemadmodum summum sacerdotium est indiudivum, & immutabile, sic Imperium. Item quemadmodum contra priuilegium Prælationis, quo summus sacerdos super alijs sacerdotibus obtinet Principatum, nulla currit præscriptio. Idem dicendum est de supremo Caesaris priuilegio; quinimò apud fideles alterius ex illis plenitudinem potestatis usurpare contendens est censendus hæreticus, & omnino incapax illius, igitur præscriptio sit impossibilis; hinc Baldus sese declarans dicere consuevit, quod quando ipse loquitur de præscriptione regali, non intelligit ad Caesaris præiudicium, quoniam utens reſeruatis Caſari capitali pœna punitur etiam si essent simplicia ornamenta Imperialia, nedum ea, quæ concernunt Imperij substantiam, tantum abest, ut præscribi possint, quæ cum superior non admittat, consequens est ut inferior non præscribat: hinc etiam notat Oldendorpius, inferiores aduersus legitimam obedientiam magistratus nullam præscriptionem allegare posse, quoniam iure diuino & humano talis obedientia præcipitur, subdens, multo minus ea, quæ reſeruata sunt supremæ potestati tolli posse ullo tempore, consentit huic Alexander, quoniam plura capita quasi monstrum Ciuitas, vel Orbis eodem tempore non potest habere absque imminente certo periculo, & dum ipse ponit merum Imperium præscribi, non intelligit contra Imperatorem, ita ut sic priuatus, quoniam id reputat impossibile, quia nullus contra ipsum potest adipisci possessionem ei soli a Deo immutabiliter datam, effemus namq. acephali si contra Casarem ætiuè a quoquam præscribi posset, etiam immemorabilis initij tempore; nam alij sunt vocati ad partem oneris, & sollicitudinis tantum, & secundum Alexandrum, secus præsumentes incidunt in crimen læsæ maiestatis, ex sententia Innocentij, & Antonij de Butrio; imo ipsemet Caesar non posset hanc suam diuinam potestatem interuerrere; hanc met sententiam sequuti sunt Cynus, & Salycetus, & Aegidius Bosſius crebriori calculo receptam testatur, hinc dictum est subditum, qui neget obedientiam peccare, non tamen superiori præiudicare, quoniam nemo potest se eximere a Casare, quamuis malo & discolo, nec per subditi rebellionem cadit Caesar a sua quasi possessione, qui semper utitur iurisdictione Imperij nomine penes quod intelligitur esse vniuersalis possessio: subscribit pariter Oldradus, quem Paulus

lus de Castro vocat patrem legum, post Aretinum, item Balbus, Calderinus, Abbas, Felinus, Iason, Raphael Fulgosius, Raphael Cumanus, Rossellius, Andreas Siculus, Lappus, iterum Alexander & Baldus, dicens supremam iurisdictionem directam, vel utilem quæ sit exclusiua directæ præscribi non posse, quod & alij non audent improbare, ne contingat secundum Salomonem per hanc præscriptionem, ut efficiamur sicut locustæ; quemadmodum igitur summus Pontifex in spiritualibus neque præscribit, neque in eum præscribitur, quoniam omnes Ecclesia orbis suæ sunt, & est supra possidentes, ut ab omnibus receptum est, pari ratione tandem concludamus neminem posse se tueri in temporalibus aduersus Casarem, & Imperatorem omnium dominum cuiuscunque præscriptionis prætextu, seu excusatione, quod in Græcorum personis pronuntiatum est. binc manifestum sit, quod cum Tributa concernant substantiam & neruum Imperij, & à iure diuino præcipiantur, iuxta illud Apostoli, idem enim Tributa præstatis, quia ministri Dei sunt, propter quod omnes Reges pro eorum capite tenentur Casari ad Tributum, nulla præscriptione perimi poterunt etiam si tempus immemorabilis initij lapsus esset, quæ sententia communi calculo interpretum confirmata est, quemadmodum de decima scribitur, quæ iure diuino sacerdoti debetur, & concernit neruum, & substantiam sacerdotij: accedente præsertim incapacitate subiecti. Non enim quilibet est Tributi capax; sed solus Casar, & Princeps Dei, licet ex dispensatione quis fieri posset capax, sed non temporis cursu, quoniam tempus licet æternum non est modus dispensandi, vel faciendi quæ capax, ut ferè omnes docet, sed sola diuina vocatio: neque isto casu sumi potest argumentum a priuilegio, & dispensatione ad præscriptionem, quoniam horum duorum terminorum parificatio non procedit, ubi lex negat, aliquid acquiri posse, præterquam priuilegij titulo propter naturam quandam præcipuam, & raram subiecti, quo casu licet priuilegium lex concedat, non idem præscriptionem admittit, & propterea quamuis ex priuilegio sacerdos aliquis crismare possit, non tamen idem prætextu alicuius præscriptionis, vel consuetudinis recipitur simili modo Archiepiscopus uti potest pallio extra prouinciam ex priuilegio, sed non ex consuetudine, vel præscriptione: neque dubitare oportet in casu nostro translationem Casarea potestatis prohibitam dici propter naturam raram, & præcipuam subiecti: amplius eadem parificatio non procedit in persona, quæ sit incapax ratione sui, & initio non potest possidere, quoniam licet priuilegium possit quem facere capacem, temporis diuturnitas non poterit, ut iam diximus: initio verò omnes præter Casarem sunt Imperij incapaces: & ubicunque

lex

lex communis expressim resistit, & contradicit præscriptioni, vel consuetudini, vel possessioni, tunc nulla diuturnitas prodest, quamvis prodesset priuilegium, qua ratione Felinus reprehendendo Abbatem Panormitanum super quodam illius consilio, ait, non esse dicendum, quod ubi lex resistit præscriptioni, ipsum tempus illam inducat, etiam si memoria initij non extaret, & quod faciat præscriptibilem rem, qua est impræscriptibilis, quoniam tempus non est supra legem resistentem, sed sub lege, addens, quod licet lex derogando præscriptioni non intelligatur derogasse illi, cuius initij non extat memoria, quæq. excedit annos centum, secundum opinionem aliquorum, id tamen secus est, ubi subiectum ipsum alioqui est inhabile, & lex resistendo rem afficit mandando, ne præscribatur, quemadmodum in materia nostra; itaque Felinus declarat data capacite, sine qua est clarum, nullam incipere, vel detinere posse præscriptionem, & profecto, qui secus diceret, fateri cogetur etiam posse præscribi tempore, ne delicta essent delicta, quod est ipsa natura suadente falsum. Insuper dicta æquiparatio non procedit, ubi rumperetur neruus imperialis potestatis, & auctoritatis, tunc enim licet priuilegium prodesset, quod ipsum semel inficiatus sum, præscriptio tamen, vel consuetudo nihil operaretur, neque interponi posset, nec etiam procedit, ubi magnum onus redundat Imperio, quid autem grauius Imperio accidere potest, quam concedere, ut aliquo prætextu liceat Regibus, Rebus pub. ceterisq. Principibus Imperij potestatem supremam actiuam, & formalem, & declinare, & usurpare? sane si ullum priuilegium quis concederet, valeret, non tamen consuetudinem ullam, vel præscriptionem iure admitteret: Nam quod lex prohibet, & à præscriptione actu simul, & habitu excluditur, nulla consuetudine introducitur; Hæc omnia infra scriptis rationibus magis, magisque confirmari possunt, nam generali concessione non veniunt ea, quæ quis verisimiliter in specie non esset concessurus, vel saltem cum difficultate, ea verò, quæ in dubio in generali concessione non comprehenduntur, non subiacent alicui præscriptioni, vel consuetudini, etiam immemorabilis initij, non est autem verisimile, quod Cæsar Imperij membra à se abdicaret, vel saltem difficile eius plenum usum alteri concederet: Amplius, frustra legis auxilium implorat, qui committit in legem, sed qui præscriptionis prætextu conatur eximere se ab Imperio, agit contra legem, quæ iubet Cæsari obediendum esse, igitur eiusdem legis beneficio uti non potest, præscriptio enim siue longa, siue breuis qualibet a nullo alio iure pendet, nec aliunde causam sortita est, quam a lege & civili, & Cæsarea, quo fortissimo argumento in hoc ipso tractationis genere vsi sunt doctissimi viri: Ad hæc, præscriptionis proprium est, &

natu-

naturale, ut solummodo ius priuatum acquirat personæ uti priuata, neque potest aliud commodum afferre, quàm priuatum, sed quæ concernunt imperium, & substantiam illius, sunt iuris publici non autem priuati: igitur vera statuatur conclusio, ea quæ imperij sunt nulli præscriptioni subiacere. Quod si fortè contra veritatem pertinacibus concedere voluerimus ea, quæ imperij sunt præscriptione acquiri posse, nihilominus contendam eandem acquisitionem respectu obedientiæ, subiectionis, & reuerentiæ non priuatiuè ad Cæsarem, sed cumlatiuè contingere oportere, nam licet præscriptio, quæ venit ad damnum priuati hominis, & ad translationem priuati, & inferioris iuris iuxta naturam suam verè priuet, secundum quem sensum recipio opinionem Ioannis de Platea, & sequacium volentium posse præscribi merum imperium in gradibus videlicet inferioribus tantum ad exercitium, & effectum priuatum, ut ipsa lex, quæ hoc præcipit, demonstrat, ex quo illam promulgans non erat iccirco potestate sua priuatus; tamen quando ex aduerso præscriptioni iminet ius publicum circa quod non habet vires, nunquam priuat, sed cumulat, nec acquirit cum eo, sed sub eo, secundum quem sensum interpretor opinionem illorum, qui tenent merum imperium præscribi non posse, videlicet priuatiuè in supremis gradibus, quod Baldus apertè docet inquiens, & adeò superiorem excludi dicunt, nisi sit Princeps, qui supremam habet potestatem, & in hunc sensum notat Abbas hanc opinionem esse in praxi: obseruandam cui non aduersatur Innocentijs tertij Pontificis maximi rescriptum, quod Abbas, qui est inferior Episcopo tempore potuerit præscribere iura Episcopalia etiam priuatiuè, quoniam eo in casu quamuis Abbas ille esset inferior ordine, & dignitate, non tamen ratione subiectionis, & cum Abbas Episcopo non subesset in pari causa respectu rei contentiosæ esse dicebantur, & ambo erant inferiores, ita in prophanis domincellus contra domincellum etiam se maiorem iurisdictionalia quoque tanquam iura priuata, & rebus ipsis coherentia rectè præscribit omnino, & hoc modo declaro mentem Abbatis notantis contra superiorem præscribi posse, superiorem scilicet gradu, & dignitate, non autem potestate, & superiorem a Cæsare ipso inferiorem, nam quod contra superiorem potestate non possit præscribi priuatiuè ex eo manifestum fiet, quod superiori data est potestas interponendi suas partes contra inferiorem desidem quantumcūque præscripserit, quod illi utique non posset licere, si suprema eius potestate fuisset per præscriptionem priuatus, neque enim absurdum videri debet, quandoquidem iurisdicctio est eius naturæ, ut apud plures eadem insolidum eodem tempore esse non prohibeatur, cuius rei gratia multa iura sedari possunt, quæ fortè aliquibus aduersari videren-

derentur, sicuti conciliari quidem rectè debent ea ratione, quod de gradibus inferioribus, & inter inferiores ipsos agant, ac tractent; nā & hoc ipsum tunc verum esse dicunt, nempe inferiorem praescribere contra dependentem superiorem priuatiuè dummodo sit vigil in acquisito munere exercendo, alioqui desidia intercedente adhuc superior ipse sese interponet ex generali sua potestate, cui praescriptio non derogauit: si itaq. superiori hoc aliquando licet; constat habitu non fuisse priuatum, neque subditum praescripsisse priuatiuè ad superioritatem ipsam, quoniam qui omnino priuatus est nullo iure in re aliena sese ingerere debet, priuatio autem actualis exercitij non infert ad potestatem ipsam formalem: hæc eadem quæ dicta sunt intercedente desidia licent superiori etiam absente eo, qui praescripsit, vel vacante, vel aliter impedito, uti superiori, & generalem potestatem nihilominus retinenti. Quæ sententia confirmatur adhuc alijs rationibus, nam qui nobis aduersantur, illud concedunt praescriptionem priuilegio comparari, neque ultra praescribi, quam concedi priuilegio, sed per priuilegium non ita priuatur concedens, quin habitu retinent, quamuis actu priuetur arbitrio tamen proprio, quoniam unusquisque per priuilegium tenens videtur quasi precario tenere, & possidere: & est summa cum diligentia animaduertendum, nam possessio, vel quasi, quæ est in Casare respectu sui est ipsius imperij, seu circa imperium, & dominationem, respectu subditorum est subiectionis, seu circa eam, hæc in subditos non potest transferri, quoniam non possunt subijci sibi-metipsis, & cum non transferatur, a Casare non recedit: illa verò quasi possessio, quam Principes olim subditi pro asserta libertate, vel exemptione adducunt, non fuit, neque est in Casare saltem actu; imò respectu subditorum (ut ita loquar) non erat in rerum natura, neque est, igitur eandem a Casare non possunt acquirere, quem non habentem priuare non possunt, ut autem quis praescribat contra aliquem, debet etiam re ipsa acquirere possessionem ab aliquo, seu quæ fuerit in aliquo: hinc est dictum, quod quamuis Caesar omnimodam potestatem, & imperium concedat, & planè transferat, non tamen eneruantur vires Imperij iuxta illud, ego do, & nihil mihi abest: imò concessa exemptione aliquibus contra superiores dependentes, nihilominus ij non ita intelliguntur exempti, quominus alijs a quibus eximuntur, subiecti remaneant quo ad ea saltem quæ respiciunt ordinariam substantiam, & essentiam superioritatis, & ideo non obstante quacunque exemptione sub quauis verborum formula, neque obstante vlla praescriptione Romano Imperio omnes remanent subditi, si quidem priuilegium releuat in concessibilibus, praescriptio in praescriptibilibus non in illis quæ concedi non possunt, vel praescribi, quam ob causam in

sam in procuratione, & cathedratico nulla labitur praescriptio: & praemissa conclusioni mea satis confert, nam ubi extat vniuersalis praefectus, vel praeses, si concessione, vel decreto speciali super aliquibus quis Iudex constituatur, eiusmodi constitutio capitur cumlatiue tantum, & communicatiue, quia in illis, quae possunt esse apud plures in solidum veluti est iurisdictio, non videtur ademptum vni habenti, quod est concessum alteri, adeo quod in iurisditione quacunque acquisitio nunquam venit priuatiue ad habentem genus illius: Exemplum huius conclusionis ponitur in Ecclesia fundata sub ea lege, ut subsistat Abbati plane nihilominus erit etiam subiecta Episcopo habenti iurisditionem generalem; & inquit Baldus, quod quando potestas vnius subalternatur alteri, quemadmodum sunt omnes potestates Orbis terrarum ad Caesarem, nunquam specialis potestas venit priuatiue ad generalem, sed tanquam sub ea, quoniam ubicunque Princeps demandat siue delegat expresse alteri cognitionem causarum, etiam generali verbo respectu sui semper intelligitur cumlatiue, & communicatiue, non autem ablatiue, vel priuatiue, & ne maioris virtutis inueniatur esse tacitum, quam expressum, dicamus idem fore per tacitam demandationem, quae ex asserta praescriptione contingeret, ne quid amplius inducat. Non tamen praetereundum esse existimo apud omnes interpretes absque consensu notari Romanum Caesarem habitu saltem in quosuis exemptos Imperium, & iurisditionem retinere, quae quidem habitualis potestas in eo proficua potissimum est, quod intercedente negligentia, vel desidia, vel abusu, vel absentia, praescribentium, vel vocatione, vel alio impedimento natura, seu accidentis Caesar potest, imò debet suas partes interponere, ac si actu quoque retinisset, ut iam probari, & ab ipsis praescribentibus est ad ipsum Caesarem appellandum, debentque praescribentes eiusmodi appellationibus humiliter differre non obstante quacunque praescriptione, id enim pertinet ad proprietatem supremæ potestatis, quae est omnino impraescriptibilis, hinc dixit Abbas huius habitualis retentionis intuitu, quod etiam hodie data negligentia Regum, Principum, & populorum, qui de facto nolunt Caesarem agnoscere, siue exemptionem praescripserint, siue non Caesar ipse tanquam supremus ordinarius potest adire, & is potest, debetque se ingerere, nec pati Christianam Rempublicam, sibi a Deo commissam in aliqua parte per desidiam, vel tyrannidem lati, aut vulnerari, si quidem Caesar per nullam praescriptionem cadit ab hoc absoluto, & supremo iure supplendi negligentiam Principum, vel coercendi eorum fauorem tanquam caput a Deo datum, & cognoscendi de iniustitia Regum, cuius desidia, & negligentia, seu abusus poena est, ut negligens, vel abutens deponatur ab exercitia,

citio, & potestate, & iuribus quibuscunque priuatur ad ipsum Casarem, tanquam fontem reuolutis, & hi sunt huius habitualis potestatis nobiliores effectus.

Postremò hic præscriptionis titulus non videtur alligantibus admodum proficiuus, neque perpetuus, quandoquidem præscriptio existens, beneficium meri iuris ciuilibus, & a Casare ultro collatum, potest etiam si sit perfecta ad eisdem Caesaris nutum, & arbitrium reuocari eadem potestate, qua fuit introducta, licet secundum aliquos cogatur Caesar adijcere tantummodo clausulam non obstante lege contraria, non propter potestatis imbecillitatem, sed propter voluntatis difficultatem, quamuis præscriptio sit adeò antiqua, ut illius initij memoria non existat cum præsertim Imperium non hereditario iure deferatur, quo casu præscriptio perfecta contra unum nunquam obest successoribus, sed necessaria est noua præscriptio ita quod, ut quilibet Caesar excluderetur oporteret contra quemlibet cucurisse nouam, & integram præscriptionem, quæ sicut non potest intercedere, ita falsum est a quocunque rectè ad Caesaris exclusionem adduci posse, qui vel exinde nullam offensionem contrahet, vel contractam poterit restituere, suamque imperialem maiestatem apud omnes illasam, & semper adorandam conseruare.

Supereft de consuetudine verba facere, circa quam præmittere conuenit, quid ipsa sit, & aliquot principales differentias inter ipsam, & præscriptionem referre, ut facilius rem, de qua querimus, intelligamus: est autem consuetudo ius publicum non scriptum moribus hominum rationabilibus introductum ex tacito consensu populi, vel maioris partis habentis potestatem legis condendæ frequens immediatè, quod pro lege scienter suscipitur: huius multiplex est species, alia inducitur spatio decem annorum, alia longiori tempore, cuius initij non habetur memoria, & exigit quasdam qualitates, ut legitime, & canonicè dicatur inducta, quas Io. Andree, Antonius de Butrio, Abbas, & alij suis locis latissimè explicant: è contrario autem præscriptio est legalis acquisitio iuris alterius per certi temporis continuatam possessionem, vel quasi ciuilem cum bona fide, ne dominia rerum, & iura priuata perpetuò essent in incerto: hæc duo igitur longè differunt; nã per consuetudinem de iure publico introducendo agimus, quod prius non erat nemini quiquam auferendo, & inter illos tantum, inter quos actuum frequentia fuit, ita quod transferint in notionem vniuersi populi, vel maioris partis: Sed præscriptio versatur circa id, quod prius erat, & sui natura vni aufert, alteri tribuit, & propterea dicitur iniquum, atque odiosum remediũ acquirendi, neque potest obijci, ubicunque Iudex tenetur iudicare ex aequitate, cui aduersatur:

Deinde

Deinde consuetudinis proprium est, quod agens sciat, & agat ea intentione, ut consuetudinem inducat determinatè, quia per errorem sine consensu certo non potest induci, & inde si populus mille annis aliquid seruaret, non ideo induceretur consuetudo, nisi de ea animorum determinatione constaret: Contrarium est in præscriptione, nam si quis intelligeret, & sciret se præscribere, utique illicò sciret rem esse alienam, & cum primum incipit scientia, incipit mala fides, qua præscriptionem penitus interimit. Insuper præscriptio est unius, consuetudo plurium, & vniuersorum, & de singulis ad singulos, vel de singulis ad vniuersos præscriptio est, de vniuersis autem ad vniuersos, vel ad singulos est consuetudo. Item consuetudo non requirit possessionem aliquam, vel quasi in acquirente, sed solummodo actuum frequentiam, pacificam, & approbatam, quæ licet respectu ipsius populi, cui acquirit, videatur includere quandam speciem præscriptionis, tamen cum respectu aliorum nihil auferat non propriè dicitur præscriptio, itaque secundum Baldum, consuetudo erit ius disponens, & faciens, sed præscriptio erit ius partis dispositiuum remota consuetudine, idq. colligitur ex omnibus legibus dicentibus iurisdictiones tempore acquiri, qua nunquam usurpant verbum præscriptionis remota consuetudine: & habet præscriptio hanc naturam, ut solum currat contra negligentes, non poterit autem dici negligens, qui inuentus erit morari, & conuiuere, non quia nolit persequi ius suum, sed quia si mallet, non posset obtinere, vel expugnare, aut saltem difficile, & cū periculo venieret, & expugnaret, quemadmodum fecere multi Cæsares conuiuentes, non quia ius Imperij neglexerint, sed quia Rempub. Christianam turbare noluerunt: Præterea præscriptio respicit res, & bona, & per eam priuatis hominibus aufertur, & priuatis conferitur, ut iam expositum fuit, sed consuetudo respicit mores, & politicā, & consequenter ius publicū ad regendum subditos, & quamuis adijciat nemini adimit, & ideo nunquam venit priuatiuè, vel ablatiuè, sed solummodo inductiuè, ex quibus omnibus facile unicuique liquere potest in regendis, & gubernandis populis ab alijs populis potestate deficientibus contra Cæsarem supremum dominum saltem priuatiuè nihil consuetudine induci posse, multo minus ab vno Rege, vel Principe, in quo tanquam vno non potest consistere aliquot vestigium consuetudinis secundum relatas proprietates: & hac sententia confirmatur, nam consuetudo quæuis longæua, & præscripta, quando est contra leges, & ius commune non potest operari, nisi præcedat color tituli alicuius, alioqui usurpanti nulla prodest temporis diuturni obseruantia, & semper est emendandum ius illud, quod inuenitur etiam longo tempore usurpatum, nam quod

quis-

quisque sua autoritate usurpat, & nullo titulo possidere incipit, nulla consuetudine vel præscripta ei acquiri potest, quæ iure resistente vix demum potest ad præiudicium priuatum, si priuilegio quoque nitatur, vel saltem immemorabilis initij antiquitas concurrat, quæ non sufficit ad publicam læsionem, & Caesaris, qui debet aliquid habere præcipuum, & licet scripserit Balbus, imò consuetudinem non exigere titulum, vel bonam fidem, illud veritatem habet quoad bonam fidem, respectu oneris probandi, nempe ut allegans eiusmodi consuetudinem non cogatur adijcere bonam fidem, non autem, inquit, apparen- te mala fide consuetudinem recipi, sed in quæstione nostra pro com- perto habemus in mala fide esse, qui consuetudinem aduersus Cæsa- rem adfert, quem sciunt omnes recusari non posse, deinde nos loquimur in casibus, in quibus ius commune nedum initijs resistit, sed ulterius delictum punibile inducit, cum usurpans magistratum, & Cæsarem recusans diuinam, & humanam lædat maiestates, & ubi delictum ini- tio inducitur, nulla consuetudine effici potest, ne semper sit delictum: præterea consuetudo, quæ habuit initium clandestinum, vel violentum præscribi non potest, quemadmodum super præscriptione scripsimus, à qua licet in hac parte ad consuetudinem arguere: & nulla consuetudine licet immemorabilis initij superioris ius in corrigendo, & appellationibus ad eum deuoluendis lædi, aut aboleri potest: sic in simili Archidiaconus non potest alicuius consuetudinis pretextu vene- re contra Sanctorum Patrum constitutiones, & vendicare id, quod ad suum non pertinet officium: & legatus nulla consuetudine sese- tueri potest, ut suo nomine quicquam agat, sed legantis tantum, cuius vice fungitur, & cuius potestas est semper salua, quamuis agat ipse: neque lex tribuens ius licite habendi Castrum in limitibus ex consue- tudine, propterea eximit habentem à potestate Caesaris, qui legem tu- lit, & potuit etiam diuersum constituere: & si vlla consuetudo contra Cæsarem aliquam vim haberet, iam Cæsar eiusmodi consuetudini subijceretur, quod esse non potest, nullam igitur vim habere dicamus, vel saltem eum nullo iure priuare, licet contra subditos operetur, quemadmodum de Plebano scribit Baldus, qui in suo Plebanatu fortè præscripsit ius instituendi, quod est proprium Episcopi superioris pa- tientia, vel negligentia intercedente per antiquam quandam consue- tudinem, tamen illa consuetudo licet profuit Plebano, non ideo oberit alteri Episcopo, vel in alio actu, nec ille Plebanus factus est Episco- pus, imò ius Episcopi erit potius cumulatam, quam absorptum, quod seruari inquit ab Episcopo Florentino.

Primum quamuis concederem consuetudine aliquam potestatem acquiri posse, quia tamen approbatio, & improbatio cuiuscunque
consue-

consuetudinis pendet a nutu, & libera voluntate ipsius Cæsaris, & legislatoris esset leuis pretextus, & debile fundamentum; nam illam quodocunque tollere posset, & penitus abolere, quod semper Cæsari licuit, & non semel effectum mancipauit, potissimum quando consuetudine ipsa quis abuteretur, etiam si consuetudo esset adeo antiqua, ut initij illius non extaret memoria, nec vnquam fuisset interrupta: Ex his ergo omnibus ad laudem Dei optimi maximi, & Christianæ fidei incrementum confirmata sit apud omnes Christi fideles vera sententia omnem animam de iure diuino subiectam esse in temporalibus Imperio sacrosancto Romanorum, non obstante ullo priuilegio, præscriptione, vel consuetudine, idq. credere, & obseruare esse de necessitate salutis aternæ, & mundanæ salua semper sacrosanctæ catholicæ apostolicæ, atque vniuersalis Romanæ Ecclesiæ œcumenicorum conciliorum, ipsiusq. Imperij maiestate, autoritate, & determinatione, ac saniori iudicio aliorum, quibus omnia, & singula, & meipsum libentissimè, atque ex debito semper subieci, hodieq. subi-
ci volo.

Sed hic aduertendum est, quod & si superius autor dicebat Cæsarem a se abdicare non posse minimam Imperij partem, id tamen intelligendum est in præsentis statu; nam Constantinus rectè Romam a se abdicauit, ut multi probant, quod verissimum est.

In præsentia autem Imperium abdicare non posse, quia a Sede Apostolica pendet, ut in explic. Taciti quæst. de dominio.

Secundò illa omnia rectè stare, quandoquidem de immediatis ad Imperium, idest ad Cæsarem intelliguntur: Nam in temporalibus etiam directè summum Pontificem adiri posse probabimus, si Deo placebit, & in eadem, quæ ad Imperatorem referuntur, Pontifex potestatem habet. Quare intelligimus salua omnium actuali iurisdictione; nam & ipse Deus, qui est omnium rerum Dominus, non excludit, & impedit hominum dominium, sed habet quoddam vniuersale dominium, cum quo rectè stare potest, ut homines etiam dependenter a Deo, tanquàm ab vniuersali causa, & summo omnium dominio, habeant suum peculiare dominium, ut inquit Gregorius de Valentia disput. 1. quæst. 22. de Christi off. pun. 6. tom. 4. quisque rerum suarum. sic summus Pontifex Christi Vicarius, sub cuius pedibus omnia subiecit, & ipsum dedit caput super omnem Ecclesiam, quamuis sit omnium dominus, tamen aliorum dominia non excludit.

QVOD ad tertium attinet, res quidem admiratione digna est, Urbem Romam Regibus expulsis, qui eam adificauerant, atque ducentos quadraginta annos, omni facilitate gubernauerant, viuentis Principe, tentatam libertatem acquisuisse, ac strenuè 470. annos defen-

G

diffe,

disse, atque conseruasse, quam per Iulij Cæsaris Tyrannidem amissam, nunquam nec eius interfectione, nec alio quouis accidente recuperare potuisse. Præse tamen fert posteriores, quàm priores occasiones fuisse efficaciores. Etenim in priore tumultu, quattuor tantum ciues libertatis autores fuere, Brutus, Collatinus, Lucretius, & Valerius, qui ut nobiles populo diffidebant. Populus autem erat variarum nationum turba permixta, nulli Imperio, quàm regum assuetus, quorum sex eidem satisfecerant; ultimi vero offensa, imò populi totius ad Senatum pertinebat. Rex formidabilis erat, non solum natura, verum etiam vicinorum vnione, exercitu, ac filiis, qui etiam autoritate plurimum valebant; At posterioris tumultus, magna Ciuium pars autores extitere. In hoc Tyrannus fuit interfectus, & populus inueterata erat libertatis. Nec minori admiratione digna videntur tempora Augusti, Tiberij, Caij, Claudij, Neronis, qui cum magis populorum vitam, honorem, atque fortunas, quàm Tarquinius lassissent, maiori etiã odio illos, quàm ipsum Tarquinium prosequi debebant, tum maxime, cum eorum aliquis non inuisus tantum, verum etiam irrisibilis erat, tamen nec aliorum coniuratione, nec ipsorum interfectione Resp. reuixit, ut inquit quidam. Quæramus nunc causam sequenti modo.

Principia, atque distinctiones reducendi sub regula statuum mutationes.

Est ferè in omni statu, qui regimine contentus est, quique illud inuitus sustinet. Etenim est quodammodo difficile omnes esse concordēs. Inter has duas partes, vel est virium æqualitas, vel inæqualitas, eaque vel magna, vel debilis, vel mediocris. Pars quæ Imperium permanere vult, vel est illa, quæ regit, vel quæ regitur, est pars illius, quæ regitur & huius portio, vel potentior, vel infirmior est. His principijs, facile est ad determinatam regulam, statuum varietates, atque mutationes reducere. Etenim quæ Imperium exercet, vel illius mutationem tentat, vel inuita sustinet, siue prudentia, siue pusillanimitati, hoc sit ad scribendum; si mutationem vult, vel occasione, vel non, hoc facit, aut accidentia fauent, aut non fauent. Præterea aut consilio, aut affectu mouetur, qui & passio appellatur, non ira, aut odio, & similibus, sed impetu, furore, atque ambitione. si verò consilio, vel prudenti, vel malo, aut sapienter, aut imprudenter effectum sortita est.

Quamobrem termini mutationum status quinque sunt, occasio, acci-

accidens, consilium, passio, & potentia; inter hæc accidens adeò potens est, ut per se solum aliquando sufficiat, quod quidem manifestè apparuit Tiberij tempore, sub Druso filio in seditiosis, ac turbulentis legionibus in Pannonia Hyberna facientibus, quarum minacem, ac in scelus erupturam audaciam, accidens leniuit; nam luna clariore pœnè cœlo languescere visa, id miles rationis ignarus, omen præsentium accepit, ac suis laboribus defectionem syderis adsimulans, prosperèq. cessura, quæ pergerent, si claritudo, & fulgori Deæ redderetur, ut inquit Tacit. usus hac inclinatione Drusus, quæ casus obtulerat, in sapientiam vertit, seditiososq. milites sedauit.

Sed communiter, quò plura harum simul erunt, eò tutior, ac facilius erit status mutatio.

In primo tumultu, Bruto vires deesse, & pars quæ mutationem status affectabat, debilis esse videbatur; pars enim, quæ regebat munita erat, & militibus stipata, & unusquisque sibi persuadere poterat, maiorem plebis, ac populi partem, quæ regebatur, Tarquinium sequenturam, quandoquidem communiter populus Tyrannum adamat, ut a nobilium, ac potentium iniurijs illesus remaneat; iniuria autem, quæ a Principe, multitudini inferuntur, ferè a nemine cognoscuntur, tum quia prudentiori cautela, & minori periculo plebs offenditur; tum quia in maximo numero, inanes redduntur, & in turba vix cōsideratione dignæ. Quod de plebe dicitur, idè de exercitu dicendum, cuius naturalis mos est, ut licentia furens, doniq. spe illectus, libentius Regi, quàm Reipub. libentissimè verò pareat Tyranno. Veruntamen, & si vires ei defecisse videntur, si tamen cetera simul fuerint, status mutationem inducere poterant, sicut, & induxerunt, indignæ, ac miseranda Lucretia mortis occasio, accidentia prospera, iniuria vni ex Regia familia, atque Lucretio urbis Præfeto illata, cuius officiū, ut inquit Fenestella cap. 6. de magistr. Rom. maximum erat; nam, ut ipse inquit, quò sese res vertant, cum Regibus proficisci opus foret, penes Præfektum Urbis summa rerum relinquebatur. Bruto etiam viro publico, qui populum conuocare poterat, ut tribunus Celerum, cui erat, secundus post Regem locus, adhuc propter nefarium parri- cidium, ac propter violentos labores mæstum, ac exercitum etiam propter Turni proditionem labilem, & ad quācunque mutationē promptum; casus deinde, non Romæ, sed foris accidit, quare in Urbem ingredi re confecta, non tumultus principio, sed motu armis, iam sedato, audacia, ac comitatu ab omnibus conspici potuerunt; neque occasione, & accidentibus, & motui, & executioni passiones, atque consilium defuere, passio in Collatino, consilium verò in Bruto, atque Valerio, quæ

omnia facilem Regis expulsionē reddiderunt; maximū enim in Bruto consilium fuit, tempus enim opportunum ad tantum facinus aggrediendum elegit, idq. fuit, quando Romani Regnum, ac tyranni idem odisse incēperant, 2. quia diligentissimis custodijs Tyranni palatium circumdauit, ne Tarquinius secreti negotij certior fieret, 3. quia populum conuocauit autoritate tribuni Celerum, 4. quia mortua Lucretia corpus, in platea publicè conspiciendum præbuit, ac multos agnatos, iniquam mortem deplorare, ac Tyranni atrocitatem lamentari impulit, 5. quia in animum populi liberum statum, seu desiderium libertatis induxit. His quinque, & alijs nonnullis rationibus, quas Antonius Cicarellus discursu nono in Titum Liuium adfert, L. Brutus libertatem instituit, ac conseruauit; attamen si populus antea libertatem expertus esset, aliter res sese habuisset, sed illius nominis sono deceptus fuit, libertatem quandam furentem esse licentiam existimans; etenim multitudo non aliā cognoscit libertatē, & Tyranno libentius, quā bonis legibus paret, quod quidem paulō post Romani experti sunt. Nam populum cogniti erroris (si error tamen est vocandus) frustra pœnituit, Rege iam mortuo, stirpe eius deleta, & autoribus, & tumultibus imminutis, & interim libertate instituta, & fundata Resp. autoritate pollere cœpit, inter quam autoritatem, & vires, nullum discriminē facit, quippe qui rationem non penetrat, vi, atque furore, ac opinione ductus; in similibus enim rebus, plebs quō se vertat, nescit, sed canes imitatur, qui audito aliquo rumore, statim currunt, & tam amicum, quā inimicum currentem insequuntur; at hoc intelligitur, quandō prater opinionem, quis aduersus aliquem eam concitat.

Cur autem Roma, expulso Rege, tamdiū libertatem custodierit, prater rationes, quas Cicarellus loco citato dicit, fuit plebis tribunatus, populiq. in rebus magnis suprema potestas, hæc ad amandam libertatem populum incitauit, & nobiles eo contenti fuere, quandoquidem patritijs, magistratus, ac publica administratio consentiente populo concedebatur. Quare Tribunatus multitudinis animos confirmauit, & si aliquoties seditiosi Ciues, statum mutare conati sint, attamen nullos secum habuerunt, ne in populi, qui illius regiminis dominus sibi esse videbatur, iram inciderent; aliqui bonorum populariū, quorum maximus semper in Ciuitate stabat numerus, autoritate impulsī, inceptum deseruere, aliqui etiam a paucorum audacia expulsi fuere, id etiam plurimum iuuat, cum plebs natura æqualiter vilis sit, ac insolens, & minimo quoquo verberare ut canis fugit, & minima quaq. inflatione, ut follis inuamescit. His rationibus, nō poterāt seditiosi tribuni solo tumultu, sine maximis accidentibus libertatē opprimere; duo solummodo via erant, dolus, ac exercituum vires vis
vlla

ulla obtinuit, & voluntate reliquit, dolo autem Iulius Caesar, vique amisit; dicitur autem dolo, quoniam ferocissimis viribus cum hostibus pugnavit, sed illecebrofis deceptionibus populi gratiam iniuit.

Verum ut ad intentum nostrum redeamus, illarum supradictarum conditionum concursus, mutationem status facere potuit, qui concursus, quoniam Iulij Caesaris tempore non fuit, statum mutare non valuit; tristis enim fuit occasio, imperfectum consilium, & vires nullae; tristis fuit occasio, quia coniurationis conscij nullum rem gratam populo faciendi, cui Caesar propter maximam libetalitatem, & clementiam gratissimus erat, argumentum habuerunt; consilium imperfectum fuit, quoniam Antonium interficere, testamenti lectionem, orationem, pompamq. funebrem impedire debebant, & prima confecta, ceterae prosperè succedebant; mortuo enim Antonio, Octavius, & Lepidus nullam conturbationis materiam Romanis dedissent; vires defuere, nā populus, non solum libertatis Autoribus opitulatus non est, sed eos stolidi ferocitate est infecutus; idq. evenit Antonij artificio, in oratione funebri multa acerba exclamantis, scelestos, ac parricidas interfectores Caesaris appellantis; vestium praesertim adhuc sanguine madefactorum, ad Caesaris mortem ulciscendam populum paulatim excitantis.

Cur autem tempore Augusti, libertatem recuperare Roma non potuerit, dicit his verbis Tacit. in hoc libro, postquam Bruto, & Cassio cassis, nulla iam publica arma, Pompeius apud Siciliam oppressus, exutoq. Lepido, interfecto Antonio, ne Iulianis quidem partibus, nisi Caesar dux reliquus: posito trium viri nomine, Consulem se ferens, & ad tuendam plebem Tribunicio iure contentum, ubi militem donis, populum annona, cunctos dulcedine otij pellexit, insurgere paulatim munia Senatus, magistratum, legum in se trahere, nullo aduersante: cum ferocissimi per acies, aut proscriptione cecidissent, ceteri nobilium quanto quis seruitio promptior, opibus, & honoribus extollerentur: ac nouis ex rebus aucti, tuta, & praesentia, quam vetera, & periculosa mallent. Neque prouincia illum rerum statum abnuebāt, suspecto Senatus, populiq. Imperio ob certamina potentium, & auaritiā magistratuum inualido legum auxilio, quae vi, ambitu, postremo pecunia turbabantur. Quare satis constat, quā facile fuerit plebi Romanae libertatem; in qua tot annos vixit, adimere, quā facile socios, subditosq. partim antiquitus populari imperio rectos, partim a Romanis ipsis libertate donatos, in seruitutem redigere, idq. tot virium instantibus hostibus. at mirabilius videtur Cinna, Carbonem, Marium, alterum Sertorium, atque eundem postea temporis Pompeium principatum affectantem, & Casarem male perijsse, & Augu-

sti tempore, Vrbs quæ tot annos populi arbitrio gubernata est, tot populis imperabat vni seruire dignata est, quæ Camillum, quia albis equis in triumpho usus esset, in exilium egit, Scipionem euertit, quod eum Temp. defraudasse iudicasset, quæ multa in eos statuit acerba, quos Regnum petere suspicata est, vnum pati permiserit, quod quidem accidit, quia Roma cū varias regiminis formas subiisset, tandem Principem egregium, ac bonum, licentiam habere omnia ex animi sui sententia agendi, loquendiq. esse causam publicæ fœlicitatis existimauit.

Tempore verò Tiberij, qui non Princeps, sed Tyrannus erat, libertas introduci non potuit, partim ob difficultates, denuò auctas, partim insuperabiles: primò enim opprimere Principem, vel eius mortem expectare necesse erat; eum opprimendi aliud medium non erat, quàm coniurationis, quæ per se ipsa difficilis erat, milites enim stipatos ad sui custodiam Principes habebant, ac Imperij successores, Caesaris exemplo, diligentissimè omnia obseruabant, Quare multis coniurationibus patefactis, conscij quoque interficiebantur; Veruntamen nec coniuratione, nec infirmitate, neque Principis morte Romani libertatem recuperare potuissent, ijdem enim machinatores libertatem nolebant, sed id tantummodo efficiebant, vel vt Principes mutarent, vel vt ipsi Imperij potirentur, exercitus autem, qui Imperatorem eligendi supremam potestatem usurpauerat, & populus, apud quem secundæ vires erant, si sepius Principis vitam odio habebant, & eius mortem letabantur, dominum mutare, non regiminis formam volebant, quod quidem multis omissis, expressè in Tiberij Calligula, ac Neronis morte patuit, nam etsi in animam primi Ciues inuehebantur, & corpus sepeliri egrè passi, secundi verò nomen acerbissimum plebi esset, vt esse debebat, (optauit enim sepe, vt Populus Romanus vnâ ceruicem haberet) de tertij morte populus mirabilem suscepisset latitiam, tamen sine Principe esse non consenserunt, imò cū in Senatu de modo libertatem recuperandi ageretur, circumstantis multitudo, maximo tumultu dominum petijt, idq. quoniam plebs postremorum temporum Augusti fœlicitatem considerabat, neque credere poterat, quin Princeps, vt Augustus esset successurus. Quamobrem liberalitas, ac Caesaris facilitas, plus patriæ nocuit, quàm Sullæ crudelitas; Sulla enim causa fuit, vt populus tyrannidem odio haberet, Caesar autem vt seruitutē pateretur. Nolebat ergo exercitus, populus, & Resp. libertatem recuperare, & equidem Senatus inualidus, qui non amplius Senatus, sed turba adulatorum vilissima erat, cui autoritas, ac vires quotidie deficiebant. His de causis tempore Augusti, Romanis noxia fuisset libertas, quia populus
animum

animum Romanum exuerat, & seruilē induerat, plebs impura-
 egregiorum Ciuium, numerus imminutus, ferocissimi in acie caesi,
 non aliud remedium erat discordanti patriæ, quàm ut ab vno regere-
 tur, purus enim status popularis mediocrem ciuitatem per aliquod
 tempus, non autem maximum Imperium regere potest; huius rei ar-
 gumento omnibus sit optimi Imperatoris Nerae autoritas, qui
 posthabitis agnatis, propinquis, & amicissimis, Traianum cum eo
 nihil negotij habentem, Imperij successorem viuens elegit, sic pa-
 triam suam liberam reliquisset, si talem regiminis formam, ei condu-
 cturam existimasset; idem multi alij optimi Principes effecissent; &
 ipse Caesar Augustus libentissimè Imperium deposuisset, sicut prius
 Romani Rempub. adamasent; Quare hac sola ratione, certo quo-
 dam modo naturali, proposita quæstio solui potest, asserendo Romam
 illam regiminis formam habuisse, quàm statuum natura secum ad-
 ferebat; Quare sicut L. Brutus secundum sapientum historicorum
 opinionem maximum nocumentum Romæ attulisset, si ante illud tem-
 pus quando nempe Regnum ei vtile erat, libertatem instituisset, sic
 ei noxius fuit Sulla, tunc temporis, quando libertate gaudebat, sic, &
 Galba eam lassisset, si populi statum, quando Principis illi conduce-
 bat, introducere voluisset, quod quidem facta mutatione intelligi de-
 bet, cum in digressionē vnius status, ad alterum, & Reipub. præser-
 tim ad tyrannidem damnum duabus de causis grauissimum esset; Cæ-
 sar enim dominandi libidine inflammatus, delere Pompeium coactus
 fuit, qui ut equalis Cæsari, naturaliter obtemperare non poterat, &
 patriam a bona regiminis specie ad ream transulit, & Augustum,
 ut monarchiam confirmaret proscriptioni assentiri oportuit, natu-
 ra statuum, ut aliter, quàm per vices aequales equalibus pareant
 non ferente; hæ sunt rationes, quæ discursu fieri possunt, cæterum
 veræ rationes diuinæ prouidentia nota sunt.

Cur verò Imperium Romanum, tandiū durauerit, pessimis, &
 truculentissimis Imperatoribus dominantibus, ratio in promptu est,
 vna enim violentia, alteri subsidio fuit, tam mirabilis in rebus simi-
 libus, est vionis vis; sic corrupti populi, & militum Romanorum,
 mores, Principum tyrannorum statum, & potentiam tutati sunt, ut
 inquit Paulus Paruta lib. 1. discurs. polit. discurs. 11. Nam cum Romæ
 summa licentia, ludis, comedijs, theatris publicisq. spectaculis, homi-
 nes vitam transigerent, militibus Imperatores omnis insolentia genus
 permiserunt; Quare nemo inueniebatur, cui mutatio status cura es-
 set; imò milites Prætoriani cū multis utilitatibus, ac priuilegijs frue-
 rentur, virorum præstantissimorum iussa negligebant, & cum eius-
 modi Principes, milites odio habebant, vitam eis eripiebant, alium

Imperatorem eligentes, qui ob præmium scelerum, multis donis eos afficiebat; & eo perfidiæ res venit, ut aliquoties Imperium mundi vendiderint, exigua soluta pecunia, ut Didij Iuliani tempore accidit, & aliquando susceperunt duo manipulares Imperium populi Romani transferendum, & transulerunt; ut inquit Tac. plurimum etiam illis iuuauit antiqua apud Romanos consuetudo bonorum ordinum militarium; quare & si apud vilissimos homines Imperium esset; attamen quia in prouincijs exercitus collecti erant, & ad facinora aggredienda parati, & bella egregij Duces administrabant, tumultus, seditiones, & rebelliones, quæ continuò in tam amplo Imperio oriebantur, sedabant. Hoc modo Tiberius, non solù Galliam, quæ a Romanis descuerat, domuit, verum etiam Comagenam, & Cappadociam Romano Imperio subiecit, & Nero Corbulone, viro artis militaris peritissimo Duce, Parthos Armenia expulit, & Tigranem, deinde Tiridatem Reges constituit. Hac sunt, quæ adduci possunt in huius rei probationem.

Super illam varietatem regim. Urbis Romæ dicendum est de mutatione, ac interitu Ciuitatum.

A qua causâ Ciuitatis interitus proficiscatur.

Non minus difficilis, quàm pulchra est hæc quæstio, propter opinionum varietatem, alij enim censent regna, sicut & alia casu, ac fortuitò, & oriri, & interire. Alij certis annis ciuitatum periodum circumscribunt, annum quingentesimum, & septingentesimum fatalem Regnis, atque Imperijs existimant; quidam a Cælorum influentijs, & errantium Stellarum cursibus, atque aspectu Imperium pendere arbitrantur, singulis Imperijs, Regnis, Rebusq. sydera certa præficiunt, quibus ad consilia, & actiones, vel utiles, vel perniciosas impellantur. Multi sunt, qui naturæ acceptum hoc ferunt, quæ ad lapsum quæq. ferantur; Alij id numeris attribuunt, alij denique vicissitudinum in Imperijs causas vni Deo attribuunt, alij fortune.

Notandum hic est, tres esse potissimas Reipub. formas, Monarchiâ, Aristocratiâ, & Democratiâ, quæ hoc nomen ab eo habent, quod prædominatur, ut in corporibus patet, quæ ab elemento, vel humore prædominante, sanguinea, vel melanchonica nuncupantur, ut dicunt Med. & præsertim Ioan. Bap. Montanus in lib. de humor. Monarchia est vnius principatus, communi utilitati consulens. Aristocra-
tia

tia verò potestas paucorum, virtute praeceptorum, sed plurimum uno. hoc est optimatum, qui sic nominati, quia optimi viri Reipub. praesunt. Democratia est potestas, cum multitudo Ciuitatis administrationem confert ad communem utilitatem.

Inter has certum est, communi sententia Monarchiam primas habere. Plato in polit. Arist. polit. 3. cap. 7. Xenoph. in Pedia Cyri. Plutarchus in lib. de vnus, & multorum dominatu. Isocrates in Nicole. Seneca lib. 2. de benef. Cic. 3. de legib. Volaterranus lib. 36. Philologia tit. de politijs. Pontan. lib. 4. de obed. Beroaldus de optimo statu Reip. Agrippa de politijs D. Thom. lib. 1. cap. 1. de Principum regimine. Vida lib. 2. de Reip. dignitate. Patritius lib. 1. de regno tit. 3. & 13. & de Rep. lib. 1. tit. 1. Stobaeus serm. 45. Simmanca de Rep. lib. 3. cap. 2. & 3. Barbarinus in sua officina tit. de Principe nu. 10. Tholosanus de Rep. lib. 5. Petrus Bongus in numerorum mysterijs de unitate. Castellanus lib. 1. de off. Reg. Hieronymus Osorius lib. 1. de reg. instit. Historici praeterea, Herodotus lib. 3. Halicarn. lib. 1. Iustinus lib. 1. Dion. lib. 44. Curtius lib. ult. Suetonius in Calig. Arrianus lib. 1. Aemilius lib. 1. de rebus gestis Francorum. Guic. lib. 2. Tum, & poetae, Homerus, qui vnum Regem requirit 2. Illad. Hesiodus in Theogonia. Euripides in Phoenissis. Vltimò ferè omnes, qui contrarium sentiunt, regimen vnus tempore belli melius esse affirmant, quoniam celeres negotiorum expeditiones requiruntur tempore belli, quae multorum consilij retardari solent.

Id autem probatur primo, nam vt inquit Plato de rep. lib. 1. nulum perniciosius Ciuitati malum, quàm quod eam diuidit, & ex vna plures facit, vel melius quidquam eo, quod ipsam vnit simul, & vnã efficit; hoc comprobatur Speusippus, rem propriè dici bonam, atque perfectam, dicens, quando sit vna, cum res quilibet in se habeat bonitatem suam per unitatem, qua suum suscipit esse. Tandem enim est quidquid est, quamdiu vnum est, cum autem desinit esse vnum, desinit esse id, quod est.

In vnione posita est salus; contra in sectione, distinctione, & diuisione perniciēs; Idem quoad eius possunt efficere, vniuersa omnia, siue naturalia, siue quae arte constant coniungunt sese, ac condurant, atque in vnione ad sui tutelam persistunt; Lapis vt esset lapis, omnes eius partes, omnisq. natura in vnum solidata est. Quid? arbor, arbor quidem non esset, si vna non esset. quid? membra cuiuslibet animantis, ac viscera, & quicquid est eorum, quibus constat? certè si unitatis patiantur diuortium, non erit animal; voluptas ipsa non ob aliud delectat vehementius, nisi quod animantia sese corpora, in vnum coguntur, amor vnum vult fieri cum eo, quod amat, & si ei

contin-

contingat unum; cum eo fit; amici quidem quid aliud quàm unum, esse conantur, & quantò magis unum, tantò magis amici fiunt, populus, una Ciuitas est, cui est periculosa dissentio, quid est autem dissentire, nisi non unum sentire? ex multis militibus fit unus exercitus, Itemq. multitudo eò minus vincitur, quò magis in unum coit. Vnde ipsa coitio in unum, cuneus nominatus est, quasi couneus. Videmus enim ab vnione generari virtutem, quia quantò vnio strictior est, tantò fortior est virtus, & quo essentia est magis vnita, eò maioris censetur esse virtutis. Hinc ad humanum principatum descendendo concluditur, ut inquit Petrus Bongus, analogiam quandam terreni Principis, sicut, & diuini, cuius gerit simulacrum, quo quidem modo procedit autor quidam dicens, non possunt esse Rectores multi in hoc mundo; nec in vna Navi gubernatores multi, nec in vno regimine multi Reges; sed vnus Rector in mundana fabrica, moderator vnus in bello vnus est summus Imperator, & in quouis grandi exercitu vnus signum expectatur. Rex vnus est apibus, & vnus in gregibus, & in armentis duكتور vnus. Grues vnum sequuntur, ordine iterato, formam trianguli efficientes; in Navi vnus est gubernator, in Ciuitate vnus Imperator, in corpore vnum caput, in Regno vnus Rex, in Ecclesia vnus Pontifex Maximus.

Oportet, inquit Nicolaus Cusa vnum esse Principem multis ex causis, etiamsi principatus ipse ex pluribus heroicis viris vnitus, & compactus foret, alioqui confusio exoriretur, quando in imperando plures concurrerent, & confunderetur ordo, quando subiecti, cui obedire potissimum deberent, nescirent. Quod ait Laet. lib. 5. de vera sap. quid faciet seruus, si multi domini diuersa imperauerint. Rursus si tres mundi partes, Asiam, Africam, & Europam Regibus distributas tribus subegeris, facile admodum continget, ut vel vnus duobus, vel duo vni quandoque bellum inferunt, aut saltem de finibus, aut alia quapiam de re disceptare cogantur.

In vnum igitur conferendum est Imperium, quo humana gubernatio diuina sit quàm simillima, quod vna sit & diuina essentia fons omnis virtutis, & potestatis, cuius etiam nomen vnica simplicissima expressum est littera Iod. Sic est vna suprema intelligentia, fons vitarum in mundo intellectuall; in supercoelesti Seraphin praest. vnus, in mundo coelesti Rex stellarum fons huic Sol, quem Astrologi per excellentiam circulo notant integro, centroq. visibili; vnus in volatilibus Pœnix, vnus inter feras Leo, vnus inter Metalla aurum, inter potus genera vinum; vnus elementum vincens, & omnia penetrans ignis, vnus est principium, quo reliqua viuunt, scilicet cor, quod est primum viuens, & vltimum moriens. Vnus in mixtis ho-

mo,

mo, in quo postremò tota caterorum perfectio continetur; Principia rerum ad unam causam, omnia, quæ in mundo sunt ad unum Deum, tendunt .

Probatur secundò, nam, ut inquit quidam, quantò magis principatus ciuilis assimilatur Imperio vniuersi, tantò excellentior est, & habetur, sed Monarchia, hoc est vnius principatus, simillima est Imperio vniuersi, ergo vnius principatus est longè optimus.

Probatur tertio, ille status est optimus, qui est antiquissimus, quiq. iisdem modis defenditur, quibus comparatur. sed Monarchia est eiusmodi, ergo, assumptio patet, quia Deus in creatione virum vnum patrem, Regemq. omnium fecit, & populus in terris numerosè auctus, vnum elegit sapientem virum, qui causas discuteret, iniurias illatas propulsaret, sic Saturnus in Italia, sic Romulus Romæ, sic Theseus Athenis, sic Amphion, & Cadmus oblata Imperia Thebis suscepisse dicuntur .

Quartò, Illud Imperium melius est censendum, quod ad naturam magis accedit, at Monarchia magis ad naturam accedit, ergo, maior probata est superius, minor patet de Rege Apium, ac Gruum, sed qui de Rege, ac Apum natura non admiretur? Regem habent, quis negat? illi obtemperant, quis non fatetur? fauos, & domos habent, quis contra disputat? mel, & ceram in examen, tamquam opes in Ciuitatem, communemq. thesaurum ferunt.

Quæ præcepta doctrinæ non habent? nempe Regem inter apes carere stimulo, pro suo victu non laborare, ignauos à præsepibus arce-re, bombitu tamquàm tuba ad mortem incitare, quid multis? volat, sequuntur omnes, pugnat, digladiantur omnes, moritur, lugubri quasi sono lamentantur omnes, sepultura facta (nam in examine mortuum non retinent) sepeliunt, nouum consilium ingrediuntur, omnes conuocantur ciues, consultatur ad tempus, Rex nouus creatur, cui creato obediunt, & obsequuntur omnes; idem de Gruibus. quare Monarchiam naturam posuisse videtur.

Probatur quintò, ex aliarum imperfectione; nam certum est multitudinem promiscuam absque consilio, & oratione instar torrentis ad res agendas ferri, atque obuia quæq. non ponderatis, sed numeratis sententijs accipi. Athenas, Romam à Principibus conditas, constitutas, & conseruatas fuisse; a multitudine verò vexatas, direptas, & funditus excisas constat, & in paucorum dominatu non minora reperiuntur, quæ ad vnius retinendum Imperium bonos, inq. Remp. præclare animatos hortantur. quid enim? an non pauci etiam ad summū bonorem dignitatis per fastigium euecti, superbe alijs imperant, & vel ocio, vel cupiditatibus, vel potestati suæ prospiciunt, plene omnes sunt

sunt libri, plenæ sapientium voces, plena exemplorum vetustas, quæ eiusmodi Imperij formam potentissima Imperia, Respub. florentissimas turbasse, sæpe etiam euertisse funditus commonstrant. Etenim, cum ut quisq. vir est optimus, ita maximè virtutis sui specimen ali- quod edere, præclarum reliquorum caput Princeps esse in sententia dicenda, vincere, antecessere, ceteris prudentia, ingenijq. gloria cu- piat, emulationes oriuntur ex emulationibus, simultates existunt, ex simultatibus, odia aperta nascuntur, ex odijs seditiones erumpunt, ex seditionibus, tandem cades, omnisq. generis scelera, atque maleficia gignuntur. contra.

Ad Imperij gubernacula qui sedet, & si fortè, nec ingenio sit præditus magno, nec a doctrina comparatus, nec institutus prudentia, usu tamen longo, atque experientia edoctus, ea quibus conseruari, augeriq. res soleant, publicæ, intelligit.

Ad hæc, quòd ita homines à natura sint animati, ut in rebus ad suum magis, quàm alienum commodum pertinentibus multò sint sagaciores, & vigilantiores, qui solus rerum potitur, quia sua, non aliena sese tractare animaduertit, eamq. firmiter spem alit se filijs, quibus nihil dulcius hominum generi à natura est datum, hæc eadem relicturum, longè maiori studio in res agendas incumbit, quæ ab ijs ferè non videmus, qui alienorum in sese procuracionem suscipiunt. Maximè quoque Imperiorum in eositam esse salutem constat, ut non modò sint consilia bona, & salutaria, verùm etiam benè occultentur, non eliminantur, aut prodantur hostibus; Hoc verò, quin vnus in dominatu melius, quàm reliquis Imperiorum formis fiat, nemo est, qui dubitet, ut inquit quidam in oratione pro vnus dominatu.

Probatursextò, nam non solum propter optimatum, & præstantium Ciuium odia, atque simultates, a quibus leuissima sæpenumero de causa, discordia, ac cades oriuntur, sed & inter bonos, pacisq. amātes vnus alicuius necessarium esse Imperium videtur, nam qui pares sunt, eadem sese iure uti arbitrantur, neque alijs, vel latum, ut aiunt, digitulum cedere cupiunt, ut affirmat quidam in Oratione pro Monarchia.

Probatursẽptimò ex naturali hominum sapientum inclinatione, nam nullus est, qui non cupiat eius potius Reip. ciuis esse, in qua sua virtus non ignoratur, quàm nulla re vulgò potius delitescere, ut inquit Isocrates in Nicocle; virtus autem præcipua locum suum habet in Monarchia.

Probaturoctauò ex populi facilitate, nam facilius vnus viri iudicio, ac voluntati satisfacere, quàm operam dare, ut multis, ac varijs ingenijs placeas, potest.

Pro-

Probatur neno , à similitudine , nam , ut gubernatores cum in re nautica plures dantur , qui simul clauum torquere velint , etiam si artem gubernatricem tenent , nihilominus se ipsos in naui dirigenda impediunt , ita quoque in reliquis Rerump. formis impedimenta multa , & varia iniiciuntur , ut inquit quidam . ex Homero etiam patet , qui 2. iliade non esse bonum multos regnare affirmat .

Nec multos regnare bonum , Rex vnicus esto
Vnius Imperium , cui Iuppiter aurea magnus ,
Sceptra dedit . iussitq. suis dare iura tuendis .

in Repub. ciues per vices annorum magistratus subeunt , prius fiant , iterum priuati , quàm Reipub. negotia cognoscant , eorumq. sibi experientiam comparent , qui verò semper iisdem officijs funguntur , licet ingenij fuerint inferiores , experientia tamen vsque rerum longè ceteris præferendi sunt , ut inquit Isocrates .

Probatur à similitudine , nam sicut in terra , si gemini soles forent periculum immineret , ne omnia conflagrantiâ pessum irent , ita & hominum si in vno Regno duo essent , omnia ruerent .

At contra prædicta obijcies , argumentum illud de natura nihil valere , nam & ea democratiam in formicis posuit , quæ democratiam sequuntur .

Respondetur in formicis veram non esse democratiam , quandoquidem nulla eius officia in eis conspiciantur , & dato , quod eis vera democratia inesset , semper melius debemus sequi , quod in eiusmodi rebus monarchia est .

Obijcies secundò , sicut vniuersus Orbis terrarum , vnum Regem pati non potest , ergo nec pars debet , antecedens patet , nam secundum Aristotelem impossibile esset , vnum solummodo vniuersum Orbem administrare posse , nam , ut ipse dicit , omnibus timorem incutere , sicut anima aliud minus corpus , quàm proprium informare , sicut nec Naui longa mare per omnes locos nauigare non posset . Ad hoc ut respondeamus , querendum est .

Vtrum mundus ab vno possit gubernari .

Dicendum est , quod , si vir vnicus , qui & Princeps , & Sacerdos esset , mundum administraret , vitam homines beatam , atque felicem transigerent ; Nam omnes mundi molestie , aut à bello , aut à fame , aut à peste , aut à patriâ , ac naturali religioni contraria op-
nione

nione oriuntur: Hæc diuersa opinio, quæ schismatum, ac hæresum causa est, fundamentum multarum rerum non iaceret, nisi Principes vellent; quare si unus esset, hoc euenire non posset; & multitudo ab aliquo peruerso concionatore non persuaderetur, si omnium Princeps Sacerdos esset, qui eiusmodi est autoritatis, ut nulli alij credatur, quàm illi, si armatus maxime est, & ab antiquo autoritatem in veraci religione habeat, ut, verbi gratia, Summus Pontifex verissima religionis Præfectus. Timor enim humanus, ac diuinus illa argumenta, quæ contra armatam, ac veram religionem fierent, quæque in populorum mentibus insiderent, falsa esse ostenderet: Nam vlli concionatori populus non potest credere, nisi ille à summo Pontifice autoritatem habeat, exceptis regnis illis, ac prouincijs, quarum potiuntur Principes, qui vires concionatori impiè subministrant, ut fecit Saxonus Luthero, quod quidem non accideret, si unus tantummodo omnia regeret.

Bellum autem suscipitur, quia Princeps, aut ambitione, aut avaritia, aut necessitate, aut inimicitia, aut iniuria, aut domicilia multitudini querendi causa ad aliena rapienda mouetur: quæ procul dubio cessarent, si vni tantummodo omnes obtemperarent, & colonia ordine deducerentur, quæ omnia cessauere, & mundus lætus, ac tranquilluss vixit 18. annis saltem, Cæsaris Augusti tempore cognitarum nationum Monarchæ, cui prouinciarum præfecti, Tetrarchæ reges, ceteriq. magistratus illi subordinati, in gloriæ studium, non belli, quod est contra naturam, incumbabant, de bono, ac malo, de Dei operibus differentes.

Fames cessaret, quoniam in omni climate sterilitas esse non posset, quare, & quod vni deesset, alteri superabundaret, & omnia Principis, ex locis, vbi cibus abundat, ad illos, qui annona carerent, commeatus asportaretur, cædes bellum, victum querendi causa, atque inter emptores, ac ceteros venditores avaritia vlla non esset.

Pestem autem homines non intelligerent, cum illa à corrupto aëre, & aqua oriat, & omnibus in locis pestem generari impossibile est, & a pestiferis locis ad sanos homines migrantes, quod fieri facillimè posset vno dominante aëre, & aqua intemperiem aufugerent; quod si Deus propter populi peccata eam immitteret, nullusq. esset fuga locus, patienter esset toleranda. Deinde hominum sapientia, magis in dies incrementa caperet, quæ omnibus prouideret, & medicina, physica, ac naturali mathematica (nam astrologiam iudiciariam falsam esse tenemus) alijsq. scientijs hominum vtilitati sapientes consulerent.

Præterea, si orbis terrarum vnus potiretur scientiæ propter nauigationem.

gationem, itinera, mercaturas, & varias communicationes, praesertim politicas, quae plurimis indigent ignotis obseruationibus, perfectiores euaderent.

Sed Diabolus generis humani accerrimus hostis, ut homines tamquam vermes in caseo, in regionum suarum terminis se continerent vellet, idque ut ignaros omnes redderet, ac deciperet, nec ut obseruare quicquam possent, neque Dei opera in Regionibus inuestigare sed lingua, ac religionis varij, rerum cognitione amissa, bello solummodo, morte, continuis periculis, ac timoribus sine charitate, contra Deum omnium patrem, & inter eius filios commercia haberent. Noui mundi inuentio mirabilem inter nos cognitionem peperit.

Cesaris, Cyri, ac aliorum bella, politiam ubi non erat, introduxerunt, ac in barbaros animaduenterunt.

Quare Aristotelem dicendum est, intelligere de regimine vnus per se, non per alios. Nam vicem gerentes in omnibus prouincijs essent, successores opportuni semper forent mortuis, magistratus eodem temporis succederent, vel omnes primati obtemperarent; Aristoteles Augusti Imperium non vidit, nam ijs similitudinibus usus non esset. Quare à capite omnibus legibus, ac magistratibus in vniuersum Orbem prodeuntibus, tabellariorum celeritate, ac nauigationum, exercitiis in locis infirmis, ac suspiciosi collocatis, omnia exequi homines possent. Similitudo Arist. non valet, nam Resp. est quidem corpus, at Princeps non est anima, sed caput, & religio anima, quae est tota in toto, & tota in qualibet parte, omnis enim homo, ac Resp. eosdem articulos, idem Euangelium credere tenentur. Arist. ergo religionis mirabilem vim, & seculum in Deum renatum, ac in vna fide coniunctum, sed corruptum conspexit. At in Christo non est Barbarus, neque Schita, Iudeus, neque Gentilis, sed omnia in omnibus Christus, qui mirabiliter vniuersa vnica religione regit.

Hoc autem experientia probatur, nam Rex Hispaniarum, qui Orbem terrarum magnitudine Imperij circumdat, & in longinquas, ac latissimas dominatur regiones, omnibus necessitatibus per ministros, ac vicem gerentes praestitum est, ac religionis vi in vnum omnes coniunctos habet, & si terra zonas omnes possideret, idem efficere posset, administrationes augendo, ac duos ministros in qualibet parte collocando, ut esset qui mortuo succederet. Et summus Pontifex, qui totius mundi caput est, omnibus nationibus prouidet, primates enim Patriarchas, Archiepiscopos, Episcopos creat, qui regionibus ius dicunt. Nonne commodius id efficeret, si temporalis dominij potiretur. Magna est vis religionis, quare Sotus non rectè sen-

tire

tire videtur, qui ut Aristotelis imitator unius dominium in oniuerso Orbe contra naturam esse affirmat, & deinde summi Pontificis dominium, ut per totum terrarum Orbem possibile probat in spiritali. assignetur quæso ratio cur idem in temporali iurisdictionem in omnes habere non posset, iuxta illud. Adorabunt eum omnes Reges terra, omnes gentes seruiant ei. homines coniunctiores, ac tutiores essent, & iustitia, ac abundantia in toto Orbe terrarum adinueniretur. Eandem unitatem Alex. ad Darium scribens, cognouit in illa Solis comparatione, in qua naturale unius regimen esse ostendit, ut quoque Cyprianus ad Corn. Pontif. scribens affirmat, unus Deus, unus Sol, unus Rex in apibus, unus armentarius, unus & C. quod superius dictum est. Quare Arist. respondetur, verum esse id per se. non per alios.

Notandum hic primo est, eandem Ciuitatem multas posse mutationes subire, ut de Romana patet, quæ Reges primò habuit, post Tyrannidem, tum in optimatum potestatem venit, hanc democratia excepit, eandem tandem unius dominatus secutus est; & Atheniensis regibus sublatis populus Imperium tenuit, inde optimates post ab Hippia Tyrannis est inchoata, quam denique triginta Tyranni habuere; Idem de Spartana.

Notandum secundò, ex Monarchia, tyrannidem, ex optimatum Imperio Oligarchiam, ex democratia Ochlocratiam, & è contra prodire. Respublicas enim modò in remotas, modò in propinquas formas abire certum est. Quare boni unius regimen Monarchia, mali verò Tyrannis, plurium bonorum, Aristocratia, plurium verò malorum, Oligarchia, omnium bonorum politia, omnium malorum ochlocratia nuncupatur. His prenotatis.

Dicendum primo, numeros non esse causas mutationis, ac interitus Ciuitatum, sed antequam probemus notandum est Pythagoricos multum numeris attribuisse. triplicem enim sic in rebus ordinem statuunt, specierum, figurarum, ac numerorum, sed numeros tenere principatum volunt. Ab his enim omnia pendere, in his omnia consistere. Hos rerum omnium principia, & elementa agnoscunt, quum & numeros non solum inter efficientes causas, sed etiam inter substantias reponunt, ens, & unitatem omnino confundunt, sic autem ratiocinantur.

Quemadmodum in numerorum materialium serie unitas, unitati addita binarium constituit, eadem binario addita ternarium, & sic de cæteris, ita unitas substantia alteri addita binam efficit, adeò ut sicut unitas numerum, cui additur immutat, ita ipsa eadem, ens, cui adiungitur variat. Ex numeris porrò alios pares, alios impares esse volunt, pares fœminas, impares mares appellant; illos imperfectos, diui-

diuiduos, infœcundos. Hos perfectos, indiuiduos, fœcundos; proptereaq. principij rationem obtinere putant. Plato etiam numerorũ vim, ac dignitatem adeo extollit, vt sine illis neminem philosophari posse pronunciet. Quarit diuinus ille Philosophus; cur homo animal sit sapientissimus, respondit, quia numerare nouit, animam definit numerum seipsum mouentem. sunt qui Aristotelem huius sectæ fautorem agnoscant, is enim primo de cœlo, ternarium numerum naturæ legem appellat, secundum quem naturalia omnia disponantur, ac propterea corporum res dimensiones non plures esse putat, quod ternarius sit omnia, deducta demonstratione, & pythagorica doctrina. Nullus in numeris ordo sine ternario Arithmeticus namq. Geometricus, & Harmonicus ordo tribus absoluitur, principio scil. medio, & fine.

Neque verò numerorum vim repudiauit admirandus Hippocrates, nam epist. quadam ad Thessalum filium hæc scribit. ad numerorum scientiam multum studij adhibeto, numerorum enim ratio, & ad circuitus, & ad transmutationem febrium præter naturam fientes, & ad iudicia agrotantium, ac securitates in morbis sufficiens erit. Præclara sunt Pythagoræorum hæc de numerorum miraculis, ac viribus placita, sed si philosophica trutina ponderentur, erroris plena, omninoq. superstitiosa æquus veritatis æstimator iudicabit, vt inquit Andreas Laurentius, qui cap. 3. lib. 3. de crisib. nullam in numeris vim esse agendi probat. Nullum numeri habent in natura Imperium, non sunt substantia, ad quantitatis eiusq. discreta categoriam referuntur. At quantitas apud philosophos, nullam agendi vim habet. Tribuitur omnis actio qualitati. Arist. 12. metaph. cap. penult. & ultimo arguit Pythagoreos, qui numeros, substantias separatas, & entium causas esse volebant. Gal. cap. 8. lib. 3. de dieb. decret. omnia inquit, quæ de numerorum viribus Arithmetici nugantur, tam facile absurda esse depræhenduntur, vt mirari mihi sæpe subeat, aut sic pythag. ille simul, & prudens fuerit, & simul tantum posse numeros existimauerit. Numerus, quatenus numerus non agit in naturalia corpora, ergo, nec minus in voluntatem. (probabimus enim inferius causas mut. ac inter. morales esse.) Plin. lib. 7. nat. hist. cap. 40. contra numerorum vanitatem ita exclamat. Heu vana, ac imprudens diligentia numerus dierum computatur, vbi queritur pondus, alius de alio iudicat dies, & tamen supremus de omnibus, ideoq. nullis credendum est, quid quod, bona malis pauca non sunt, etiam pari numero. quod si sero philosophandum sit, quomodo in hominis naturam, ac Ciuitates Imperium aliquod habebit numerus, cum numerus per se nihil sit, & si Metaphysicis credendum non

H fit

fit ens reale, sed intellectus tantum; non esse ens per se, ita demonstrari potest, quod est multa simpliciter, non est unum simpliciter, & proinde nec unum ens per se; at numerus est multa simpliciter, ut docet Aristot. cap. 1. lib. 3. phys. ubi ait esse una plura, & 10. metaph. numerum vult esse multa una. Quin etiam ex duobus nunquam fit unum per se, nisi illa inter se uniantur unitate continuitatis, vel intentionis, aut alterum sit forma alterius. At unitates, ex quibus constat numerus, neque uniantur inter se in aliquod unum continuum, neque unitas forma est aliarum, non erunt igitur ens per se. Adde quod si ex substantiarum unitatibus non fit unum per se, quomodo ex unitatibus quantitatum fiet. neque verò ens reale debet dici numerus, numerus enim quatenus numerus constat ex unitatibus, omnis unitas quædam est indiuisio, omnis indiuisio negatio est, seu priuatio. Constat ergo numerus negationibus, at negationes sunt non entia. Quod autem numerus non sit ens reale, docet multis in locis Arist. in prædicamentis scribit in partibus numeri esse ordinem, id autem fieri non potest, nisi quatenus ab intellectu percipitur; octauo metaph. numerus inquit unum est, sed velut cumulus, aut si sit dicendum quid nam illud sit, quod ipsum efficit unum ex multis, ac si diceret nisi detur in numero ultima unitas, quæ sit velut forma præcedentium, non fiet numerus unum quid, id autem non fit nisi intellectu, & satis imperfectè, hoc est non ratione compositionis, sed solius ordinis, qui mente colligitur. 3. physic. numerus est una plura, quantam quædam est ergo numerus ens intellectus, non ens reale, non causa efficiens, non substantia, ut volunt Pythag. propterea nulla inest numeris agendi vis. Plato numeris multis tribuit, sed verisimile est, ut plerique sentiunt, cum non de materiali, & vocali numero, sed de rationali, ac formali loquantur, & per numeros ipsas rerum naturalium formas substantiales intellexisse. Aristoteles dum libris de Cælo ternarium naturæ legem dicit, non agnoscit eum numerum, tamquam agentem causam, sed ut docti omnes interpretantur, legem ex causa manantem, aut causæ iunctam, cuius exemplo naturalia disponantur. sunt enim mouentes omnes causæ, certo præditæ numero, cuius ratione tamquam exemplari aliquo dispensantur, mouentur, gubernantur. numerus ergo nihil agit, sed ratio numeri nobis incognita, mira præstat. Quare ij numeri, qui aliquid efficere videntur, ut septenarius nullam vim agendi habent, sed eos sibi elegit natura numeros pro delicijs, ijs mirum in modum oblectatur, ac gaudet, unde fit, ut septimo quoque die, mense, & anno maxima contingant

tingant mutationes. His argumentis etiam illa opinio cadit, quæ Ciuitates quosdam annos Clim. habere affirmat; nam si eo tempore Imperia cadunt, id tali numero esset adscribendum, quod superius falsum esse ostensum est. Præterea experientia in contrarium est; nam opinio, quæ certos quosdam annorum limites constituit, quos transire imperia nequeant, tota vacillans, fluctuans, ac incerta est; nunc enim annum 500. nunc 250. nunc 700. metuendum pronunciat. his ipsis alia nasci solere, alia denasci, oriri alia, alia interire Imperia putat; si annos colliget eos, quibus titubarunt, ceciderunt, perierunt Respub. infinitum eorum numerum reperiet, quæ ad illos annos non peruenerunt. Annum 12. fatalem, affirmato, inquit quidam, hoc namque Alexandri Magni Monarchia in quattuor est partes dilaniata, omittam ego nunc Vandalorum in Africa regnum, quod anno 96. post ortum suum extabit, quare falsa est hæc de annis climatericis sententia; nam ipsam fluctuare conspicitur, nec quemquam certum annorum terminum constituere posse, & præcipitari, non descendere per gradus in exitium Imperia verissimè cernuntur. quare cum certorum annorum non semper observatio respondeat, sed interdum vel deficiat, vel excedat, falsa hæc opinio est tenenda.

Illam autem opinio, quæ fortuna, & casui mutationes, ac Regnorum interitus acceptos refert, puerilis est, & absurda; imò qui temerè, ac fortuito nullo, vel ordine, vel consilio, & oriri, & extinguere Respub. existimant, Epicurei videntur; nam huius sententiæ Epicurus autor fuit, qui statuit quod æternum, beatum sit, id nec habere ipsum negotij quicquam, nec alteri exhibere. Hoc posito veluti fundamento, infinitos labyrinthos extruxit, mundi esse conditorem Deum negauit, diuinam sapientiam fatidicam animum appellauit, seruitutis esse cuiusdam censuit omnia prouidere, & ad se arbitrari pertinere, ex atomorum denique coherencia fieri cuncta opinatus est, quod dogma quàm peruersum, quàm flagitiosum, quàm impium, quàm longa refutatione dignum sit, omnes iudicare possunt; leuate, ut inquit quidam capita vestra, & Solem hunc principem, reliquorum errantium syderum intuemini, hunc ne casu, an temerè mundi globum duodecim mensibus ambire putatis? tantum ne quisquam tribuere fortunæ potest, ut casu dies bruma breuissimos, æstate longissimos fieri statuatur, ex brutis, bruta casu, ex hominibus, homines generantur? casu nos æstate Solis feruor torret? Hyeme frigora constringunt?

H 2

casu

casu innumerabilia alia semper, vel plerunque eodem modo eueniunt nemo affirmabit nisi fatuus, cæcus sole, & sale conditus philosophiæ non fuerit, & nimirum hanc mundi machinam pulcherrimam, fortuna, vel opus, vel ludum esse dicemus, cui illa priora collata si fuerint, non maiorem cum ea similitudinem gerere inueniantur, ut ait quidam.

Simia quàm similis, turpissima bestia nobis.

Neque natura, mutationem, interitumq. Ciuitatum esse referendum ex eo, quòd naturale est, ut quæ ortum habent, consequenter expectent citius, aut tardius interitum, omniaque, quæ sub perpetuo motu Cœli sunt, varietatem, ac interitum experiuntur, ut generationem, & corruptionem; neque ex eo, quòd sicut homines adolefcunt, senescunt, ac intereunt, sic & Ciuitates; nec ex eo, quòd sicut in physica generatio vnius est corruptio alterius, & corruptio vnius est generatio alterius; nec ex eo, quòd sicut corpus physicum duplici generaliter modo perit, videlicet morbis, & senectute, & ut externa, seu morte illata, & naturali, sic principatus, & Respub.; neque ex eo, quòd sicut corpora principium, augmentum, statum, declinationem, sic Imperia habere: Nam hæc, & similia verum est, ad similitudinem naturæ referri, ac causas mutationum, ac Ciuitatum interitus non esse; sed naturæ actionibus propè accedere: Nam etsi verum est, naturale esse omnibus ijs, quæ ortum habent, etiam intereant, attamen negamus naturam esse corrup. rerump. causam, nisi quis diceret formam rerump. naturam esse, sicut est forma, & materia physica, cuius appetitu materia rerum naturalium corrup. fiunt, quo quidem absurdus, & obtusus?

Ratio secundæ similitudinis valeret, si idem fundamentum utraque haberet, nam homines viuunt, quoad humidum radicale permanet in corpore, quo absumpto homo interit, & naturaliter est impossibile, ut renascatur, ac viuat. At Respublica pro fundamento habent homines, qui cum successiue procreantur, potest eadem forma permanere, imò ijsdem homines possunt formas Respublicæ essentielles mutare absque vlla corruptione. Præterea homo si senectutem attingit, augmentum capere non potest, at Respub. potest, ut de Romana patet, quæ primò habuit principium, secundò augmentum, tertio statum, quarto declinationem, in qua non interijt, sed & ad augmentum redijt; multum ergo inter utramque differt, cum vna mutuas ætates subeat sine vlla corruptione, altera verò in senio contabescat, ac moriatur.

Quare

Quare est solummodo quadam naturæ imitatio, nam sicut homo plures successiuè ætates, sic & Resp. ut dicit Aloysius Regius lib. 7. de vicissitudine rerum, ut orbis Roma infantia sub Romulo fuit, qui eam fundauit, pueritia sub alijs regibus, qui eam auxerunt, sed sub Tarquinio cum augmentum non mediocre cœpisset, superbi dominij iugum non amplius est passa. Adolescentia in fine Punici belli finem habuit, & cum vires suas corroborasset, in iuuentutem ingressa est, incœpit deinde senectus inter bella ciuilia, dum malis internis afflictæ, & discordijs fessa, iterum in infantiam se reduxit, cuius vigorem, vsque ad Traianum conseruauit, & iterum sub Arcadio senex euasit. Verum non sequitur homo in senectute interit, ergo, & Respub. nam satis constat in senectute multas extinctas non fuisse.

Illud axioma verum est in physis, quod in sensu formali verum esse non potest, cum generatio, & corruptio contrarientur, sed in sensu accipitur, quem potissimum intendit Aristoteles, quia vid. una semper aliam comitatur, ut cum dicitur generationem unius esse corrupt. alterius, sensus sit, quod semper generatio unius, est coniuncta cum corrupt. alterius, & e contra. At si rebuspub. applicetur illa, propositio, vera erit in sensu formali, cum non contrarientur, & corruptio unius non secum afferat semper generationem alterius, ut in physis; quod de Sodoma, & de ijs urbibus, quas terræmotus, terralate discisa, profundis faucibus sorbuit, & hiatum clausit, nullo earum relicto vestigio, multisq. alijs patet.

Sed probatur conclusio; nam natura ea solum corrumpit, quæ produxit, at natura Ciuitates non produxit, sed mens hominis, ergo id naturæ non est referendum; neque dicas cum Aristotele ciuitatem esse a natura, nam ut diximus non est a natura propriè, sed ad naturam propè accedit, cum non sit absolutè res naturalis, & ideo non est corruptionis capax, eo modo, quo sunt vera naturalia, quia non tam a natura, quoad materiam, quàm a mente, ac voluntate humana, quoad formam pendet, & Polybius hac acceptione tradit, cuiusq. corporis, & Reipub. & instituti esse auxesim quandam, secundum naturam, deinde vigorem, postea diminutionem, ut in ipso vigere omnia sint optima, & Lucius Florus gesta Reip. Romanorum explicaturus, si quis, inquit, populum Romanum, quasi hominem consideret, totamq. eius ætatem percenseat, ut cœperit, atque adoleuerit, ut quasi ad quandam iuuentutis florem peruenerit, & postea veluti consenuerit, quattuor gradus, processusq. eius inueniet, quæ verba non aliud probant, quàm quod diximus, nempe rerumpub. mutationes, ac interitus mutationibus naturæ assimilari.

Neque interitus Ciuitatum influentijs, ac errantium stellarum

curfibus, ac aspectui est adscribendus, neque sydera homines ad bonum, vel malum impellunt.

De influentijs patet: nam corpora cœlestia in nostram voluntatē non influunt, nisi indirectē, idēst remotē, & ex accidente, eam inclinando interuentu organorum corporis, & potentiarum eis inharantium; sed & etiam hoc pacto mouent voluntatem influentia, ut nulla ei inferatur necessitas; siquidem quantumlibet appetitu, ira, odio, vel alio quouis affectu incitetur, semper ei voluntas pro sua libertate obluētari potest, propriamq. actionem inhibere, aut aliō insētere: quare influentijs non est adscribendum, cum nobis nullam necessitatem imponant, & nostra voluntas, sicut & res aliæ a cœlo non dependeat, & cum corruptionis hominis, causa non sint influentia, ergo nec Ciuitatum. Quod si diceret, sermonem non esse de illis influentijs, quas Cœli communiter rebus naturalibus præbent, sed de occultis; respondetur occultas tunc in aliquibus effectibus dari, quando alia causa certa, ac determinata dari non potest; quare non videtur, ponendas esse in Cœlo influentias, propter quosdam effectus, quamuis mirabiles, quos cernimus, ut est tractio ferri a magnete, tractio cholerae a reubarbaro, & eiusmodi; hæc enim referri possunt in tale, ac tale temperamentum, quod secundum suam naturam, unumquodque mixtum habet, ut dicit Mirandulanus: quare nec pro mutatione, ac interitu Ciuitatum sunt ponenda, cum ut inferius probabimus, certa, ac determinata causa reddi possit; non ergo ad influentias recurrendum, quæ potissimum ponenda videntur, tum propter ea, quæ gignuntur in terræ visceribus, tum propter fluxum, & refluxum maris, tum propter aurum, & alia metalla &c. quia non videtur usque ad infima illa terræ loca, aut lux, aut etiam calor per lucem productus penetrare; propter fluxum verò, & refluxum maris, quia hic motus cum neque in natura, aquæ nec in ventos, neque in locorum varietatem, & situm reduci posse videtur, nihil aliud superest, ut dicamus, quàm quod a Cœlorum influentijs pendeat, & ita communiter motus ille lunæ tribui solet; cumque illi tribui non possit, quatenus per lumen agit, nec etiam quando est in alio Hemispherio, nihilominus sit satis motus in mari, reliquum est, ut occultis eius viribus, quas influentias vocant, tribuatur.

At ut iam diximus rectissimè mutat. Ciuitat. corrupt. alijs causis attribuere possent.

Quod autem sydera ad actiones perniciosas nullum impellant, euidenter patet, nam cum Deus omnia, quæ fecerat viderit, valde bona, perperam loquuntur, qui planetas Dei ministros maleuolos, ac potius sceleratos, quàm cœlestes appellant, ut Saturnus, vid. omnes deuores filios,

filios, quattuor exceptis, quod aliquo infortunio molestus sit vorax, tenax, difficilis, exilium, discrimina, dolum, nequitiam, proditiones inducens; violentiam insuper, captiuitatem, damnationem, perfidiã, pertinaciam, iram omnisq. boni odium, metum, angustiam, dolorem, funera, luctum orbitatem. Item maleficia, furta, polincitores, magosq. faciat; & de Martis signif. Firmicus maternus hæc perhibet, quod ab eo sint proditio, pugna, cædes, audacia, temeritas, elatio seditio, controuersa, præda, insidia, latrocinia, vulnera, captiuitates, fugæ, difficultates, perfidia, obscenitas, incautus amor, facilis offensio, varia cogitatio, nullum consilium, violenti Principes, feroces inhumani, aliena semper cædis appetentes, periuri, dolosi inconstantes, maledici, incompoti, omnia contaminantes, omnia polluentes; significat etiam deformem, inuerecundum, partibus perniciosum abortum puerorum, & in quacunque cæli parte semper aliquid minatur mali. Si in ariete facit fures, clamorosos, fraudulentos, audaces, temerarios, obloquutores, quibus fas, & nefas sit, dummodo suam expleant libidinem. In geminis malitia deditos, & occulta facinora, vigili sagacitate perquirentes, & sic de alijs signis prosequitur. Pari modo & de demibus, ut si fuerit in horoscopo facit callidos, audaces, furiosos, dissipatores matrimonij: Hæc, & peiora de alijs dicunt, quæ impia esse existimant. O bone Deus quid fecisti, inquit Georgius Venetus de Harmonia mundi ex emendatis cant. 1. tom. 3. cap. 8. quomodo sunt bona, quæ fabricasti? cur tam malos præfides nobis præfecisti, quis tutus erit a tot sceleribus, quis immunis a ministris cælestibus, imò potius scelestis? Ab auribus omnium repellenda sunt huiusmodi stultitia, inquit S. Aug. non solum eorum, qui veram religionem tenent, sed etiam eorum, qui Deorum quorumcunque volunt esse cultores: Hæc enim opinio, quid agit aliud, nisi ut nullus colatur, aut adoretur Deus? sed contra hos inferius; hic sufficit dicere non astra, sed mores bonos euehere homines ad sublimia, malos autem eos præcipitare. nec de stellis conqueri debent homines, cum peccatum adeo voluntarium sit, quod si non voluntarium, non sit peccatum. Quare obliquitatis male eligentis, non a syderibus prouenit, nisi indirectè, sed materiæ, concupiscentiæ, malis moribus, malæ consuetudini, & alijs rebus est adscribenda. Huius opinionis autores mundum in peius ruere, & consequenter nostra secula antiquis esse peiora affirmant; hoc autem quamuis in lib. nostris de curiosa doctrina posuimus, tamen hic prolixiorẽ sermonem de hac re habebimus.

Vtrum secula nostra antiquis sint peiora.

Non solum est quorundam Astrologorum opinio, sed est vetus, quotidiana, & popularis querimonia, quod mores deprauentur, & quotidie in peius ruant. Si hoc esset homines non solum bipedum, sed etiam quadrupedum impurissimi iam essent, quod quidem profectò verum non est, sed aliquam vicissitudinem hac in re fateri oportet.

Hanc querimoniam a senibus proficisci, unusquisque facillimè credere potest; qui cum florentem, ac latam iuuentutem transegerint, senectutem attigerint, agrè ferunt adolescentes voluptatem querere, cumq. propter aetatem debiles, & propter ipsam senectutem ferè omnibus permolestam, aliquando illis contemptui sint, a quibus antea maximo in honore habebantur. His, & quibusdam falsis opinionibus decepti, non fidem, non amicitiam inter homines, non in rebus integritatem esse existimant, & ideo mirabilia iuuenibus, qua temporibus suis acciderunt, ridiculè commemorant; quibus profectò accidit, ut nauigantibus usu venire solet, quibus colles, arbores, montes, ac terram nauigare videtur; voluptatem, iustitiam, humanitatem in senectute derelictam putant; quare hac solummodò a quadam rerum vicissitudine exoriuntur, virtutes regnauerunt, deinde vitia succedere, & è contra. Videmus enim terram vno tempore florere, deinde vicissim horrere, virtutes abeunt, vitia succedunt, vitia abibunt, virtutes sequuntur, nam & eadem vicissim retro commeant. Quod nos nunc vituperamus, idem crimini dabant maiores, & nos dolorem illorum dolemus, sed non omnia, quæ dolemus eodem iure queri possumus; posteri etiam de hoc dolorem capient, & palam vociferabuntur, virtutem interiisse, malitiam regnare, humana, deteriora fieri, & omnia scelera longè latèq. vagari, sed profectò omnia semper eodem modo fuerunt, & erunt, & ut ait Arist. plus, & minus non faciunt specie differre, sed tanquam fluctus sic effervescent quodà quasi aestu, ut ad alios accedant, ab alijs recedant; nos verò dicere possumus semper pessimos fuisse, esse, & fore. Neque degeneraciones liberorum a parentibus indicant, secula corruptiora: Nam & si Camillus sui similes liberos non habuerit, neque Scipio, neque Catones, qui magni fuerunt, nec Homerus, Demosthenes, Virgilius Crispus, Terentius, ceteriq. alij, neque ipse Caesar (de filio Ciceronis sileo, nam a communi re-

ni recedo. Simon enim Vallambertus in vita M. T. Cicer. filij optimè probat Ciceronis filium egregium virum fuisse) parum refert, quia semper placuit mundo, ut ex viris sapientibus ignari orirentur; sicut & plerunque certum est, filios sapientes, ab insanis parentibus oriri. Nam quotquot sunt illi, qui vilissimo loco, vilissimoq. parente nati ad summum rerum fastigium peruenierunt, quos hic necessarium non est recensere. Eandem aetatem attingunt homines, quam antea antiqui attigerunt, & vitam ultra 120. annos possunt homines protrahere, ut affirmat Thom. Philolo. de vita hom. ultra 120. annos protrahenda; mos in omnibus seculis, omni aetati semper fuit communis, patres filios, & filios patres sepeliunt, semper religionis in omnibus affectus viguit, plus, vel minus, iuxta hominum superstitionem, inuenti sunt religionis contemptores. & defensores; Iustitia, & iniustitia, fortitudo absque ignavia, prudentia, ac stultitia, temperantia, ac intemperantia, castitas, ac luxuria, odium, & charitas erga Deum, & hominum charitas erga patrem, ac filios, fides, & amor, & odium conjugale, proditio, spes, patientia, timor, constantia, inconstantia, seueritas, grauitas, maiestas, amicitia, pax, concordia, bellum, humanitas, clementia, crudelitas, & ira, mansuetudo, liberalitas, auaritia, paupertas, diuitiarum animi moderatio, disciplina militaris, emulatio, violentia, seditio, gratitudo, ingratitude, verecundia, taciturnitas, varietas, casuum necessitas, morum, ac fortunae mutatio, felicitas, infelicitas, immoderatus sumptus, ac luxus, gloria cupiditas, eloquentia, gloria contemptus, hospitalitas, temerarium iudicium, fraudes, doli, leges, consuetudines, superbia, humilitas, obedientia, senectus, adolescentia, diuitiarum contemptus, vita solitaria, lectio, studium, sapienter dicta, atque facta: non solum apud recentiores, verum etiam apud antiquos successiue fuere, & harum omnium in priscis, ac recentioribus hist. exempla passim leguntur; quare non nostri hae temporis sunt. Mundus a Deo recte fuit conditus, sed inobedientia, atque superbia primorum parentum nos maximis vulneribus affecit, paulo post hac ratione in mundo homicidia facta sunt, deinde furta subsecuta, postremo omnium scelerum genera, quae pauci deuitarunt, plurimi vero sunt imitati. quare cum semper fuerint, usque ad finem etiam perdurabunt. Non est ergo cur dicamus nos mundum pessimum inuenisse, mundus enim semper idem fuit.

Semper homines voluptatem ab omni parte quassauerunt, In auaritiam praeceptis semper luxuria fuit, semper honesti obliuio inuasit, si nunc homo sacra res, iam per lusum, ac iocum occiditur, idem antiquo tempore consuetum erat; si inuenit nunc luxuria aliquod noui,

in quod insaniat, si inuenit impudicitia nouam contumeliam sibi, inuenit deliciarum dissolutio, & tabes, aliquid tenerius, molliusque, quo pereat, non hac antiquis noua fuere. Quamobrem mundus vitia non importat, sed voluntas hominum praua. Rectissime profecto Seneca epist. 98. ad Lucilium. Erras mi Lucili, si existimas nostri seculi esse vitium; luxuriam, & negligentiam boni moris, & alia, quæ obijcit suis quisque temporibus. Hominum sunt ista, non temporum. Nulla ætas vacauit à culpa, & si æstimare licentiam cuiusque seculi incipias, pudet dicere, nunquam apertius, quam coram Catone peccatum est. Credat aliquis pecuniam esse versatam in eo iudicio, in quo reus erat Clodius ob id adulterium, quod cum Caesaris uxore in aperto commiserat, violata religione eius sacrificij, quod pro populo fieri dicitur. Sic submotis extra conspectum omnibus viris, ut pictura quoque masculorum animalium contegantur. Atqui dati Iudicibus nummi sunt, & (quod hac etiam num pactione turpius est) stupra insuper matronarum, & adolescentulorum nobilium salarij loco exacta sunt; minus crimine, quam absolutione peccatum est. Adulterij reus adulteria diuisit, nec ante fuit desalute securus, quam similes sui Iudices suos reddidit. Hac in eo iudicio facta sunt, in quo si nihil aliud, Cato testimonium dixerat. Credat hoc quisquam, qui damnabatur vno adulterio, absolutus est multis, omne tempus Clodios, non omne Catones feret. Ad deteriora faciles sumus, quia nec dux potest, nec comes deesse, & res etiam ipsa sine Duce, sine Comite procedit, non prouum iter est tantum ad vitia, sed præcept. Et quod plerosque inemendabiles facit omnium aliarum artium peccata artificibus pudori sunt, offenduntq. deerrantem vitæ peccata delectant. Non gaudet nauigio gubernator euerso, non gaudet agro medicus elato, non gaudet Orator, si patroni culpa reus cecidit. At contra omnibus crimen suum voluptati est. Latatur ille adulterio, in quod irritatus est ipsa difficultate. Latatur ille circumscriptione, furtoq. nec ante illi culpa, quam culpa fortuna displicuit.

Sed inter cætera mala, illud primum est, ut idem inquit lib. de vita beata cap. 28. quod vitia ipsa mutamus. Sic nec hoc quidem nobis contigit permanere in malo iam familiari, aliud ex alio placet, vexatq. nos. Hoc quoque, quod iudicia nostra non tantum praua, sed etiam leuia sunt; fluctuamus, aliudq. ex alio comprehendimus, petita relinquimus, relicta repetimus, alterna inter cupiditatem nostram, & pœnitentiam vices sunt. Pendemus enim toti ex alienis iudicijs, & id optimum nobis videtur, quod petitores, laudatoresque multos habet, non id, quod laudandum, petendumq. est. Quamobrem
mundo

mundo culpa adscribenda non est, nec homo queri debet, nam si est malus, cur vitia non emendat, optima vita genus non constituit. Si sapiens irasci debet factis, & concitari, contristariq. ob scelera, nihil est arumnosius sapiente. Nunquam irasci sapiens desinet, si semel inceperit, inquit Seneca. Mundus mutatus esset, si ipse aliquid noui passus esset, nunquid inquit Arnobius aduersus gentes lib. 1. in contrarias qualitates prima illa elementa mutata sunt, ex quibus res omnes consensum est esse concretas? Nunquid machina huius, & molis, qua vniuersi tegimur, & continemur inclusi, parte est in aliqua relaxata, aut dissoluta constructio? Nunquid vertigo hac mundi primigenij motus moderamen, excedens, aut tardius, aut repere, aut præcipiti cæpit volubilitate raptari? Nunquid ab occiduis partibus attollere se astra, atque motus fieri signorum cæpta est inclinatio? Nunquid ipse syderum Sol Princeps, cuius luce omnia vestiuntur, atque animantur, calore exarsit, intepuit, atque in contrarios habitus moderaminis soliti temperamenta corrumpit; Nunquid Luna desinit redintegrare seipsam, atque in veteres formas nouellarum semper restitutione traducere? Nunquid frigora, nunquid calores, nunquid tepores medijs inæqualium temporum confusionibus occiderunt? Nunquid longos habere dies bruma, & reuocare tardissimas luces nox cæpit æstatis? Nunquid suas animas expirauerunt venti? emortuisq. flaminibus, neque cælum coarctatur in nubila? nec madidari ex imbribus arua succedunt? Commendata semina tellus recusat accipere, aut frondescere arbores nolunt, sapor frugibus exculentis, exustis liquoribus mutatus est? olearum ex bacculis cruor teter exprimitur? nec lumini subministratur extincto? Animalia terris sueta, atque in aquis degentia non esuriunt, nec concipiunt? factus non in vteris sumptos suis moribus, & sua lege custodiunt ipsi homines? Denique quos per inhabitabiles oras terra sparsit prima, incipiensq. natiuitas, non matrimonia copulant, nuptiarum solemnibus iustis? non dulcissimas procreant liberorum stirpes? non negotia publica? non priuata? & familiares res agunt? non ut cuique libitum est, per diuersas artium, disciplinarumq. rationes ingenia dirigunt, & studiose referunt natiuitatis vsuras? Non regnant? Non imperant, quibus fors rerum attributa est? talibus non auctiores quotidie dignitatibus, & potestatibus fiunt? iudiciorum disceptationibus præsent? leges interpretantur, & iura? Nonne omnia cætera, quibus vita succingitur, & continetur humana, suis omnes in gentibus patriorum celebrant institutionibus morum? Cum igitur hac ita sint, neque ulla irruerit nouitas, quæ tenorem perpetuum rerum dissociata continuatione deduxerit, quid est istud, quod dicitur mundum

in pe-

in peius ruere, pestilentias, siccitates, bella, frugum inopiam, resq. alias noxias, quibus negotia incursantur humana, Deus nobis importat iniurijs nostris, atque offensionibus exasperatus. Si ergo nos sumus in causa, & in nostri criminis metum excogitata sunt hæc pestes; Vnde nouit antiquitas miseriarũ hæc nomina? unde bellis significatum dedit, pestilentiam, grandines qua potuit notione signare? aut inter suas voces, quibus oratio explicabatur assumere? Nam si nouella sunt hæc mala, & à recentioribus ducunt offensionibus causas, qui potuit fieri, ut eis rebus verba formaret, quas nec ipsa sciebat expertam se esse, neque ullis comperisset maiorum in temporibus facilitatas? Penuria, inquit, frugum, & angustia frumentaria arctius nos habent, antiqua enim, & vetustissima secula necessitatis istius aliquando fuerunt expertia, nonne ipsa nomina, quibus censentur hæc mala, testificantur, & clamant nullum ab his unquam immunem abijisse mortalium? quod si ad credendum difficilis res esset, testimonijs agere possemus. Auctorum quanta quoties, & quæ gentes famem senserint horridam, & aggerata interierint vastitate. casus frequentissimi grandinis accidunt, atque adierunt cuncta. In litteris enim priscis compræhensum, & compositum non videmus etiam imbres saxeos totas sæpe comminuisse regiones? difficiles pluuiæ sata faciunt emori, & sterilitatem inducunt terris. Immunis enim antiquitas malis ab his fuit? cum etiam flumina cognouerimus ingentia limis inhorruisse siccatis. Pestilentia contagia vrunt genus humanum. Annalium scripta percurrite, linguarum diuersitatibus scripta, uniuersas discetis gentes sæpe numero desolatas, & viduatas suis esse cultoribus. A locustis, à muribus genus omne occiditur, atque arroditur frugum. Historias ite per exteras, & ab istis pestibus instruemini, quoties prior ætas affecta sit, & paupertatis ad miseras venerit.

Terrarum validissimis motibus tremefactæ, nutant usque ad periculum Ciuitates. Quid hiatiibus maximis interceptas Vrbes, cum gentibus superiora tempora non viderunt? aut ab huiusmodi casibus fortunas habuere securas? Quando est humanum genus aquarum diluuijs interemptum? non ante nos? Quando mundus incensus in fauillas, & cineres dissolutus est? non ante nos, quando Vrbes amplissima marinis coopertæ sunt fluctibus? non ante nos? quando perniciēs populis venenatis, ab anguibus data est? non ante nos? His de causis mundum in peius ruere, ac secula nostra antiquis corruptiora esse affirmare, ac malum à syderibus promanare maximum mendacium est.

Quod autem Imperia ab errantiũ stellarum cursibus, atque aspectu non pendeant, probandum est, sed ante probationem videndum est.

Quid

Quid Astrologi ex syderibus præscire possint, & de eorum vanitate.

Dicendum primò; posse Astrologos syderum, planetarumq. omnium ortus, obitus, aspectus, & eclipses, aliaq. id genus ad Cæli statum pertinentia certò, multòq. ante prænoscere; sed Physica certitudine dumtaxat, quia in diuina est potestate talem ordinem, si libuerit immutare, id quod non semel accidisse ex Sacris literis constat.

Item frigora, morbos, tempestates, sterilitatem, pluuias, siccitatem, terramotus, aliaq. eiusmodi naturalia effecta, quæ infra Lunam, & cælestium corporum defluxu magna ex parte obueniunt, possunt Astrologi admodum probabiliter, non tamen certò enunciare.

Sed non actiones, quæ ex humana voluntate pendent, neque successus contingentes, aut casus fortuitos possunt Astrologi prænoscere, ut rectè probant Conimbricenses in libro 2. de cælo art. 11. quest. 9. Quare cum mutationes, ac interitus Ciuitatum sub eis non contineantur, quæ præcognoscere Astrologi possunt, nihil de illis possunt, nisi nugæ asserere.

Dicendum secundò, eam Astrologia partem, quæ ad Medicos pertinet, esse illis non solum utilem, verum etiam necessariam. Hoc autem autoritate Hippocratis probatur dicentis: Medicus si non est in scientia stellarum profectius, quis in eius manibus non diffidat? quia cæcus meritò poterit desiniri; & Ipparcus in libro de vinculo spiritus cap. 2. ait: Medicus, sine astrologia, est quasi oculus, qui non est in potentia ad operationem, & Apoll. in art. mag. concludit, quod Medicus sine stellis, & necromantia sine ossibus mortuorum, est quasi imago, quæ à spiritibus non est adiuta. Et Albumasar in introd. Astrorum scientia, est principium medicinae, quare Hippocrates in libro de acre, hæc profert verba, & si ex altissimis consideraueris, inuenies Astrologiam non esse minimam partem scientiæ medicinae. & Hermes in 1. de speculis, & de luce apertè dicit, quod oportet Medicum de necessitate scire, ac considerare naturas stellarum, & earum operationes ad hoc, ut diuersarum ægritudinum, & dierum criticorum habeat notitiam, quoniam alterabilis est equidem ipsa natura secundum aspectus, & coniunctiones corporum superiorum. Ceterum Astrologia iudiciaria à viris doctis deridetur, ut inanis, à cordatis exploditur, ut inutilis, à diuinis legislatoribus, & vatibus interdici-

dicatur, ac vituperatur, ut impia, atque adeo multis Pontificum decretis, ac Imperatorum, quorum etiam extant adhuc multa edicta, ut legitur in C. Iust. lib. 9. tit. 25. de malis, & mathem. Item concilium Bracharense. sess. 1. cap. 9. & 10. consilium 1. Toletanum circa finem in assertionem fidei contra Priscillianistas, & Mar. Papa 26. c. non licet, aliq. Pontifices varijs decretis, ac diplomatibus. Postremo annis superioribus Sixtus Quintus litteris Ap. statuit, ac præcepit, ne quis iudiciaria astrologia artem, præterquam circa agriculturam, navigationem, & rem medicam exerceret, neue iudicia faceret, quibus futuris contingentibus successibus, fortuitisq. casibus, aut actionibus ex humana voluntate pendentibus, aliquid euenturum affirmaret, etiam si id se non certo affirmare assereret, aut profiteretur. Sacra Script. hanc vanitatem multis in locis coarguit Esai. 45. 24. ego sum Dominus faciens omnia, extendens celos, solus stabilis terram, & nullus mecum, irrita faciens signa diuinorum, & ariolos futurorum conuertens sapientes retrorsum, & scientiam stultam faciens 47. 13. defecisti in multitudine consiliorum tuorum, sunt, & saluent te augures Cæli, qui contemplabantur sydera, & supputabant menses, ut ex eis annuntiarent ventura tibi. Ecce facti sunt quasi stipula, ignis comburit eos. Non liberabunt animam suam de manu flammæ. Iere. 10. 2. Iuxta vias gentium nolite discedere, & à signis Cæli nolite metuere, quæ timent gentes, quia leges populorum vanae sunt. Deuteron. 28. Gentes istæ diuinos audiant, tu autem à Domino aliter es institutus. Isai. 44. Ego primus, & ego nouissimus, & absque me non est Deus, qui similis mei vocet, & annunciet, & ordinem exponat, ex quo constitui mihi populum antiquum, quæ ventura sunt annunciet eis. Isai. 41. annuntiate, quæ ventura sunt in futurum, & sciemus, quod Dñs estis. Eccles. 8. Multa hominis afflictio, quia ignorat præterita, & futura nullo potest scire nuntio. Eccles. 10. ignorat homo quid ante se fuerit, & quid futurum sit, quis ei poterit indicare. Iob. 38. nunquid nosti ordinem Cæli, aut rationem eius pones in terra. Eandem astrologiam antiqui etiam damnarunt, & præsertim Romani astrologos, ut genus hominum petentibus infidum, sperantibus fallax, ab urbe eiecerunt, ut inquit Tac.

Rursus eandem coarguunt; & acerrimè insectantur d. Clemens, Basil. Ambros. Cypr. Hieronym. Chrysost. Theodoret. Damascenus, Greg. magnus, uterque Greg. Laëtantius, Eusebius, & August. & ethnici script. ut Marcus Varro, Tacitus. Præterea Doctores Astrologi, ut Bardeffanes Chaldaeorum peritissimus apud Eusebium Cæsariensem lib. 6. de præparat. euang. cap. 8. Fauorinus apud Gel-
lium

lium cap. 10. lib. 14. in ea oratione , quam Romæ aduersus Astrologos habuit. Eudoxus Platonis discipulus habitus sua tempestate Astrologorum coriphæus , & ipse Ptol. in apoteles. his verbis incertam esse ostendit Astrologiam, magis verisimilia captat , quàm quicquam pro vero decernat . Plura etiam contra hanc vanitatem discrete scripsit Picus Mirandulanus lib. 12. eiusq. Nepos lib. 5. Mirand. Episcopus lib. 22. & 24. de singulari certamine Franciscus Vallesius de sacra Philosophia exemendatis cap. 31. Poeta postremò derident Astrologos, qui scire, quod est in cælis præsumunt, & quod ante pedes stat ignorant , ut inquit Claudius Roselettus in quodam epigrammate ,

Aurea cognoscis stellati sydera Cæli,
Præscia cyrrhææ noscis, & antra domus.
Noscis, & horrendæ lumen fatale cometæ,
Noscis, quid iubeat, quid quoque fibra vetet.
Irrita monstri ferri noscis phantasmata somni,
Noscis quid volucris, quid quoque penna ferat :
Cuncta etli calles, arcanaq. noscis Olympi,
Ignoras id, quod stat tamen ante pedes.

Et vitia aliena scire profitentur , & domestica ignorant , ut de illo , cui, ut refert Thomas Morus, astra prædicebant futura, & Vxoris impudicitia erat ignota .

Astra tibi æthereo pandunt sese omnia Vati:
Omnibus, & quæ sint fata futura monent.
Omnibus est vxor, quod se tua publicat id te
Astra licet videant, omnia nulla monent.

Quare si cognoscunt, quæ signa sint calida , quæ frigida , quæ masculina, quæ sceminina, mortem , prodicionem minantia , quæ fortunam, ac dignitatem ominantur, quæ diuites futuros præmonstrant , quomodo domestica ignorant aliena ducti curiositate ; vxores respiciant, quæ longa gerunt cornua, quæ non solum Cancrum, Libramuè in ganesi, ut aiunt, verum etiam Capricornum si nesciunt nactæ sunt. Et equidem si totam syderalem disciplinam longo vsu collectam percallent , cur sortes suas, fataq. & fortunam distribuere ignorant, cum multos eorum ad triremes ad tempus destinatos stella fefellerint . Quamobrem abijcienda sunt hæc ineptia, nam dum homo scire cupit , quæ stella fauet, quæ minatur, mens semper est inter spem , metumq. pendula. si prospera venient, sine stellis venient , si aduersa, diu nescire proculdubio iuuabit, & vsque poterit vsura medijs temporis frui, ut egregie dicit Thomas Morus in quodam epigrammate.

Dum

Dum tua, quos noster celebrat pro vatibus error,
 Fata cient positu syderis Astrologi.
 Hæc dum stella fauet, dumq. hæc tibi stella minatur,
 Pendula mens inter spemq. metumq. tua est.
 Prospera seu venient, venient reticentibus illis,
 Asolet, & subitum lætius esse bonum.
 Seu venient aduersa diu nescire iuuabit
 Vfsura, & medij temporis vsque frui.
 Quin iubeo fatis etiam etiam prohibentibus ipsis,
 Fac tibi mens hilares transigat æqua dies.

His incidenter dictis probatur primò, Astrologos nihil de Ciuitatum mutationibus scire posse, nam Astrorum scientia fieri id non potest, nec ad artem, vel methodum ea redigi, sed minus culpandus Ptolomæus, qui opinabilem, coniecturalem, dubiam, & fallacem hanc confessus est esse artem, ut scribit Ioannes Picus in Astro. lib. 1. cap. 1. ergo nihil de illis prædicere possunt.

At dices, multæ experientie Astrologiam veram esse ostendunt, præsertim in Rerumpublicarum mutationibus, ac ortu. Respondetur cum Pico, quod Astrologia experientia niti non potest, cum experientia sit eiusdem rei, & sæpius obseruatio; ac eadem constellatio, aut nunquam, aut, ut crediderunt Veteres, nisi post multa millia seculorum eadem est redditura, nec ex particulari experiri potest, cum ex tota figura, non ex parte colligenda sit experientia, quæ si in aliqua casualiter vera fuit, vniuersaliter tamen non concludit; Nam mille exempla rerum publicarum adduci possunt, quæ nullos tali stellarum positione, quam Astrologi affirmant, senserunt motus defectionis; & quamuis aliqua obseruatio non inutilis sit, præsertim de cubo quinarum, in quo retrogradus motus Cæli summum motum formidolosi aspectus habet; hoc tamen non est causa fatalis periodi. Nam ut homo climaterico suo anno non semper moritur, ita Resp. in hac ætate necessario non commutatur, ut quidam affirmat.

Probatur secundò, nam si hominum mortes, ut notat Gellius ex Phauorino, rerum humanarum omnium tempus ratio, & causa in Cælo, & apud stellas forent, quid de muscis, aut vermiculis, multisque alijs minutissimis terræ, marisque animantibus dicerent Astrologi; an ista quoque iisdem, quibus homines legibus nascerentur, iisdem itidem extinguerentur, ut aut ranunculis quoque, & culicibus nascendi facta sint de cælestium syderum motibus attributa, aut si id non putarent, nulla ratio videretur, cur ea syderum vis in hominibus valeret, si deficeret in cæteris.

Probatur tertio, nam Respublica, eiusq. administratio pendet ex ani-

animi ratione, atque intelligentia, ergo non pendet ex necessitate, seu natura astrorum, aut motuum. Et quamquam admitteremus nasci hominem, & corpus generari, vel concipi sub certis constellationum, thematibus, tamen nemo dicet animam sub ea constellatione nasci, quia non nascitur, sed creatur, & infunditur simul, & semel, ut corpus sua habet perfecta ad eam recipienda organa, ita creatio est ex nō ente, hoc est non ex praeexistenti materia, siue corporali, siue spiritali; proinde non subijcitur materia cœlesti. Sed si regna, & Reges cum constellationibus orirentur, ac interirent stella habent tam rapidum cursum, ut nec notari possit, ut explicatur apud Gellium, accideret, ut citius interire Respub., quam formata essent, vel mutarentur per singula momenta, ut stella numerantur erratica, & alia quæ sunt in Cœlo stellifero, fieret etiam, quia ut omnes stella superiores sunt maiores, ut dicunt ipsa terra, & ita respectu centri seu puncti terra saltem per hemisphærium inspicunt subiacentem terram, ut unum tantum generarent Imperium, & si plura possunt simul generare, plura quoque eodem modo, & cum ad veniret fatum ex illorum coniunctionibus contrariis, sequeretur, ut omnia dissoluerentur simul, & semel, & eodem modo; quod tamen quàm falsum sit, ipsa rerum experientia docere potest, & proinde antecedens cōstitutio astrorū fictitia potius videtur, quàm aliquid fatale adferre terris, ut inquit Tholosanus lib. 21. cap. 9. de Repub., qui & aliam adfert rationem, qua regnorum fatum, vel rerum publicarum mutationes a cœlestibus constitutionibus necessario sequi non posse putat, quæ a singularibus, & partibus, quæ Rempub. constituunt perveniat ad uniuersitatis, & totius conclusionem; constat Resp. & ciuilis societas singularibus personis ad faciliorem viuendi modum in unum consentientibus. Caterum singulares personæ, possunt euitare singulares influxus superiorum cœlestium corporum, per prudentiam, & sapientiam a Deo illis concessam, si velint uti, multo magis Reip. corpus, quod constat ex illis personis, & habet prudentiores, ut Principes, & Magistratus moderatores, poterit ab iisdem declinare, & Remp. suam contra quadam, quæ possent occasionem soluende, vel mutanda societatis dare tutissimè saluam, tutamq. si velint conseruare, neque igitur vlla necessitas dicetur eius rei, qua euitari possit.

His de causis Astrologorum ineptia sunt exterminanda, qui de astrologia iudiciaria scripserunt partim avaritia, partim ignorantia Principum, ut ait Ioannes Leonicens, quiq. ut ei fidem darent, libros commentitios sub nomine falso philosophorum inscripserunt. rectè consulit Astrologis Ioannes Picus in astro. lib. 4. cap. 8. si Iupiter

I

ità

ita faciens illis est, ut omnes tantum sibi una felicitis hora supplicatione diuitiarum, opumque compararent, ut nostris post hac pecunijs nihil indigentes, desinerent aliquando mentes Imperitorum tot quotidie mendacijs emungenda pecunia gratia ludificare.

Quamobrem alia causa de interitu Ciuitatum sunt inuestiganda, & notandum est, quod sicut in rebus naturalibus mutationis causa ad materiam refertur, quæ mutationum alterationum, ac eiusmodi est principum passiuum, sicut & forma actiuum, sic in Rebusp. & sicut in rebus naturalibus forma per se non corrumpitur, nisi agens eam expellat, vel corrumpat aliam introducendo, sic forma Rerump. per se non corrumpitur, nisi aliquod agens aliam introducat, & sicut materia in naturalibus permanet, sed sub alia forma, sic materia Rerump. sub alia forma permanere potest. Quare cum ad mutationem requiratur, & ipsa materia, & agens, qui in materiam agat, de his quarendum est, ac dicendum causam materialem, vel potius moralem esse ipsos homines, vel ipsos Principes, efficientem vero Deum esse, qui cum unam formam introducit, aliam corrumpit, vel totaliter omnia delet. Sed sicut agens sine materia nihil efficit, sic Deus hac in re nihil ageret, idest nihil mutaret, nisi ipsa materia, ipsa moralis causa, idest ipsa hominum peccata ei occasionem præberent. Hæc opinio est optimorum politicorum, & rectè sentientium, nec ipsa experientia negari non potest, quæ id esse multis exemplis docet. Qui enim Sodoma & Gomorrha igne conflagrauit, Deus, quia causa fuere eorum hominum peccata: & de Ierusalem quis deleuit, Deus, causa quia Dominus locutus est super eam multitudo iniquitatum eius. Quare scriptum est si nolueris audire vocem Domini Dei tui, ut custodias, & facias mandata eius, tradet te Dominus corruentem ante hostes tuos, ut dispergaris per omnia regna terræ, opprimarisq. violentia, nec habeas, qui te liberet, filij tui, & filie tradentur alteri populo videntibus oculis tuis, & deficientibus ad conspectum eorum tota die, nec sit fortitudo in manu tua, fructus terræ tuæ, & labores tuos comedat populus, quem ignoras sicq. semper calumniam sustinens, & oppressus cunctis diebus filios generabis, ac filias, & non fueris quoniam ducentur in captiuitatem. Aduena, qui tecum versatur in terra adsit super te, eritq. sublimior, tu autem descendes, & eris inferior, ipse erit in caput, & tu eris in caudam. Hoc totum quare dixerit, quia intelligeret Deum peccata populi punire velle, quare locutus est super iniquitatem Ierusalem, non ut præscriberet eam ad culpam, sed ut monendo reuocaret, quod, quia noluit obedire, hæc omnia iusto

Dei

Dei iudicio audisse, quæ Propheta lachrimabiliter deplorat. Ierusalem ergo Deus deleuit, quia incœpit apostatate ab ipso. quare magis peccat Princeps qui hæresim amplectitur, quique Deum cognoscens, & eius notitiam habens, ab eo malitia propria recedit, religionemq. contemnit quàm qui in abominandorum scelerum genere est contaminatissimus, ut de Ierusalem patet, de qua legitur, & maior effecta est iniquitas eius, peccato Sodomorum, idq. multis ex causis, quod enim fuerit peccatum eorum Ezech. 16. exprimit dicens. Hoc quippe fuit peccatum eorum superbia, & abundantia saturitas panis, ac otium, nec non, & quia egeno, & pauperi manum non porrigebant, & hoc est, quod præsens versus ille sonat, quia non cœperunt in ea manus. Quid enim est dicere non cœperunt in ea manus, nisi, ut subaudias boni aliquid agere? Quod synagogam fecisse legimus, sed tamen licet innumerabilia bona peregerit, & operibus sacramenta Dei plurimis compleuerit, quia scelestiora commisit, rectè maior iniquitas eius effecta plangitur. Hinc quoque Ezech. ad eam, iustificata est inquit Sodoma soror tua ex te: Hæc quippe primum cœpit manus extendere ad omnia præceptorum Dei mandata, quia credita erant ei eloquia Dei, postremò cum a Deo cœpisset apostatate, in tantum super egressa est malitia eius, ut nec dimidium scelerum eius Sodoma peccauerit, quæ vacabat otio, atque egeno, & pauperi manum non porrigebat, neque ut versus insinuat, cœperant manus eius in ea, anteaquàm subuerteretur aliquid agere boni, ut inquit Paschal. in Ierem. Ierusalem verò cum & notitiam Dei haberet, & mandata vitæ percepisset, manus misit ad omnia. Quamuis ad ultimum autorem vitæ peremerit, & multis polluta menstruis ad idola leuauerit.

Pro quibus omnibus malis, quia tanta Dei omnipotentis beneficia calcauit, & mala pro bonis reddidit, considerata est eius vindicta pœna, quam Princeps semper ante oculos habere deberet. Cum sic subito conuersa est in momento Sodoma pro culpis superius enumeratis. Quanto atrociora Iudæi promeruerunt, qui & beneficia spernentes, autorem vitæ peremere, & maiora, & numerosiora committere delicta; & quantum pœnarum asseclare debent Hæretici Principes. Regnum sine religione, est corpus sine anima, est enim lex Regum ipsa religio, cuius cultores nec vult, nec potest relinquere Deus, & nullam Rempub. sine virtute, nullam politiam sine iustitia, nullam Ciuitatem sine religione constare posse ubique in polit. lib. demonstratur, & nisi Dominus custodierit Ciuitatem frustra vigilat, qui custodit eam, & Regnum, quod Deo non seruiet,

peribit iuxta illa, Regnum a gente in gentem transferetur propter iniustitias, & iniurias, & contumelias, & diuersos dolos. Si autem non audierint correptionem Domini, transibunt per gladium, & consumentur in stultitia. Propter hoc sicut deuorat stipulam ignis, & calor flamma exurit, sic radix eorum, quasi fauilla erit, & germen eorum, ut puluis ascendet, abiecerunt enim legem Domini exercituum, & eloquium sancti Israel blasphemauerunt. Numerauit Deus regnum tuum, & compleuit illud, diuisum est, & datum Medis, ac Persis. Suscitabo contra eos Medos, & erit Babylon illa gloriosa in regnis incluta, in superbia Chaldaeorum instar subuersionis, quæ facta est in Sodoma, ac Gomorrha; sitiueritis Dominum, & seruiueritis ei, & audieritis vocem eius, & non exaltaueritis os Domini, eritis & vos, & Rex, qui imperat vobis, sequentes Dominum Deum vestrum; si autem non audieritis vocem Domini, sed exasperaueritis sermonem eius, eris manus Domini super vos, & super patres vestros &c. quod si perseueraueritis in malitia, & vos, & Rex vester pariter peribitis, & dicent omnes gentes, quare fecit Dominus, sic terra huic? quæ est hæc ira furoris eius immensa, & respondebunt, quia dereliquerunt pactum Domini, quod pepigit cum patribus eorum &c. Quæ omnia apertissime demonstrant Deum esse causam efficientem mutat, Ciuitatum, moralem autem ipsos homines; neque sequitur Deum esse mali autorem, nam sunt homines, qui mala accersunt, qui suo impetu delinquentes in incommoda ruunt, nec sequitur a Deo probari Tyrannos, quia eos regnare permittat, nam aliquos vocat ad utilitatem populi Principes, aliquos interdum ad castigationem, Deus enim ut Eccles. legitur 15. nemini mandauit impie agere. Sic Arist. sensit mutationem Ciuitatum esse moralem causam polit. 5. cap. 3. illis verbis, superbia eorum, & auaritia eorum, qui gubernant, homines prouocant contra se, & contra statum eius Reip. quæ ista fieri patitur, & in multis capit. in quibus ostendit seditiones esse causas Rerumpub. mutationis, quæ seditiones ob lucrum, & honorem nasci demonstrat, quæ omnia causæ sunt morales; sic sensit Cato apud Titum Liuium, auaritiam, ac luxuriam omnia subuertisse Imperia; nam sicut actus bonus moralis, causa est conseruationis earum, ut religio in Deum, iustitia in subditos &c. sic actus malus, causa moralis est corruptionis, & Romana Reip. mutatio ob has causas fuit; nam cum in Romanos mores immensa luxuria, & effrenata diuitiarum cupiditas inuasisset, cum legum, ac Senatus autoritas omnino concidisset, cum plebis animi ad spem prædæ turbulentis, & furiosis concionibus erecti

ere et impetum facerent in fortunas locupletum, cum impunitate armata crudelitas caderet, & sanguine Ciuium urbem cruentaret, cumque, qui armis plurimum poterant, non de patria libertate, sed de sua dominatione cogitarent, cum essent omnia ista tela in Reipub. corpus immissa, existimas fieri, ut inquit Orosius de nobilitate Ciuili ullo modo potuisse, ut illa diutius permaneret? Adde deinde, si commodum est venalia comitia, iudicia redempta, nunditationes prouinciarum, Imperia extraordinaria, & infinita summam Reip. ad certos homines dominandi cupiditate precipites delegatam, intelliges fieri non potuisse, quin illius ciuitatis opes funditus eversa corruerent.

Nam iampridem pro frugalitate, infinita luxuria, pro militari disciplina, summa totius corporis, & animi molities, pro metu legum, audacia, libido, cupiditas immensa Romanorum animos opprefferat, hominesque patriæ amantes ad intestina bella concitarat. deinde mores immanes Imperatorum, & naturam importunam cum summa luxuria, & inaudita libidine coniunctam, excisionem rebus intulisse idem affirmat. Non est enim hic, cur tam funestas Reipub. pestes innumeremus, cum illud constet multos propter crudelitatem, & flagitia fuisse tum a Ciuibus suis, tum a militibus, non raro etiam ab æmulis Imperij contrucidatos; cum enim illa consuetudo interficiendi Principis inueterasset, neque modo improbis Tyrannis, sed etiam moderatis Imperatoribus essent insidiæ comparatæ, illudque Imperij nomen minime sanctum hominibus fuisset, in eum locum res deducta est, ut nihil esset Romano Imperatore uilius. Tandem cum S. P. Q. R. autoritas penitus extincta esset, & militaris licentia simul cum avaritia in immensum creuisset, factum est, ut milites pecuniarum fœdere, quibus libuisset Imperium addicerent. Talibus igitur custodibus summa rerum prepositis, necesse erat, ut omnia Reip. ornamenta funditus interirent, præsertim cum sæpenumero, ne unquam deesset occasio ciuilis tumultus excitandi, eodem tempore diuersis in locis Imperatores multi crearentur. Ex hoc patet Rom. Imp. evers. causam extitisse moralem sic. August. lib. 5. de Ciuit. Dei Regnum Rom. tamdiu pacifice regnauit, quàm diu sapientes Reges permisit; Nam principatus sensatus stabilis erit, Rex autem insipiens perdit populum suum. Eccles. 10. Sic Paschasius illis verbis. Qua in Rep. hac tria simul conspiciuntur, certamina potentium, avaritia magistratuum, inualidum legum auxilium, hac haud longè abest ab interitu, sed præsertim certamina, nulla enim maior pestis Reipub. contingere potest, quàm inter summos viros honoris, gloriaque certamen, ut inquit Flaminii Nobilius de honore. Quare concludendum est, quod sicut religio, pietasque in Deum, iustitia, sapientia, legum obseruatio, concordia,

dia, & desidiarum cuitatio, innouationis fuga integritas, ac vigilan-
tia principum, ac magistratuum mediocritas, & moderatio obserua-
ta in diuitijs, honoribus, amicitijs parendis, & si quæ alia est Ciuita-
tes, & Resp. conseruant, sic harum contraria corrumpunt, quare
causa interitus Ciuitatum est moralis.

At dices multos iniustos, ac scelestos extitisse, quos tamen non fuisse deletos constat.

Respond. iuxta sanct. patrum interpretationem, id ea ratione
factum a Deo, ne si omnes hic impij castigarentur, nullum aliud tri-
bunal diuinæ iustitiæ reliquum esse homines iudicarent. Quare ali-
quos in aliorum exemplum hic Deus castigat, aliquos ad suum tribu-
nal seuerius iudicandos reseruat, & aliquando eos permittit regnare
propter populi peccata, ut iam probatum est. Quod si successores re-
gnauerunt est, quia ad meliorem frugem sese receperunt, Deumq.
optimè agnouerunt; Deus enim peccatoribus minatur, at non eius
mortem vult; qui etiam plerumque augurijs, portentis, prodigijs, co-
metis, tanquam signis in hominum admonitionē diuinitus assumptis,
perniciem, & peccatorum vindictam appropinquare pramonstrat, nisi
eis derelictis ad bonorum fontem conuertantur.

Super illa verba, sed veteris pop. Rom. prospera, vel aduersa &c.
aliquid de utilitate historiæ iudicio historicorum, & eiusmodi di-
cere placet.

De Historiæ vtilitate, ac historicorum iudicio.

INter omnes facultates, atque humanas notitias nulla est historia
vel utilior, vel præstantior; nam res gestas cognoscere, antiquita-
tum, exemplorumq. memorabilium habere notitiam, utile, decorum,
laudabileq. ac prope diuinum est inquit Cicero, sicut & pulchrum
aliorum erroribus vitam nostram in melius constituere, & quod ap-
petendum, fugiendum ve sit, ex aliorum exemplis posse dignoscere, ut
rectissimè Diodorus Siculus scribit. Hac enim tanquam in speculo
ornare, & componere vitam tuam ad alienas virtutes potes, cum præ-
cipue salubre, ac frugiferum sit, ut Liuius lib. 1. ait omnis te exempli
documenta in illustri posita intueri, ut inde tibi, tuæq. Reip.; quod
imitere capias, inde inceptum sædum exitu, quod vites. Etenim ve-
rissimam disciplinam, exercitationemq. ad res ciuiles, & ad publicas
deliberationes rerum gestarum historias utiles esse Arist. & Polyb.
faten-

fatentur . Inde optimos consiliarios historia libros Alphonsus præclarissimus Hispaniarum Rex esse dicebat . Quare cum a multis historia cõmendetur, plurimis omiſſis, præcipuos solummodo historia præſones ponemus hic , ut lector ad earum cognitionem magis inflammetur .

Aemilius Ferettus , hæc dicit, magna profectò quadam res est , ac utilior, quàm vulgo credatur historia cognitio, per quam tutò idem propè in otio, umbræ. consequimur, quod vix per multos, magnosq. labores , summaq. pericula vitæ , ac fortunarum industria nobis nostra comparatur . Quamobrem si eos homines , prudentiores cæteris existimamus, quos usu, ac experientia rerum peritos cognoscimus : eos medius fidius, vel aquare , vel proximè saltem ad illos accedere iudicamus, qui infinitis ferè actionibus hominum historia beneficio speculatores diligenter interfuerint , qui etiam eò mihi præstare videntur, exercitatus tantum hominibus, quòd propter angustias temporũ , quibus in hac nostra breui, & incerta vita præmimur, & propter eas solitudines, quæ vel diligentissimè agentes, & accuratissimè aliquid a perfectâ meditatione rerum nos auocant, paucissima agere possumus, cum ille tamen interim, qui in litteras, & monumenta veterum incubuit, usque ab ipsius orbis initijs repetita memoria consilia , & facta in utramque partem insignia discere valeat, atque representare : præsertim cum paucissimi possint res tractare magnas, neque enim multis contigit, aut principes esse, aut principum virorum consilia regere, omnibus verò licet, qui non omnino illiterati sunt, quæ multis ætibus gesta fuerunt, ab infinitis pænè hominibus, veluti subiecta oculis per rerum memoriam in paucissimos dies unamq. mentem conclusa recognoscere .

Historiarum notitia confert ad intelligendas scripturas , nam S. Aug. de adif. doc. chri. quicquid de ordine temporũ transactionum indicat ea, quæ appellatur historia, plurimum adiuuat ad libros sacros intelligendos. Nam & per Olimpiades, & per Consulium nomina multa sæpe quærentur a nobis .

Isidorus 1. Ethimolog. multi sapientes præterita hominum gesta ad instructionem præsentium historijs indiderunt , siquidem & per historiam summa retro temporum annorumq. supputatione comprehenderunt , & per Consulium , Regumq. successum multa necessaria perscrutantur .

Sallustius memoria rerum gestarum vehementissimè animus accenditur ad virtutem, nec prius egregijs veris flamma sedatur, quàm eorum virtus famam, atque gloriam maiorum adequaueris . ex negotijs , qua ingenio exercentur in primis magno usui est memoria re-

rum gestarum, cuius de virtute multi dixerunt.

Franciscus Patritius de regno lib. 2. cap. 10. historiarum cognitio Regibus, Ducibus, Imperatoribus, & omnibus Principibus per quã necessaria habenda est, quam Cicero appellat testem temporum, vitæ magistræ, veram memoriæ, ac veritatis nunciā.

Politianus in præfatione in Suetonium, ea est una, cuius ope adversus omnem fortune temeritatē, quasi Vulcanis armis muniti sumus, atque armati, ea hoc quoque nobis præstat, ut quod ad rerum cognitionem attinet, superioribus etiam vixisse atatibus videamur: Neque non tamen, & illud historiæ ingens est meritum, quod & bonos viros laudando extollit, & improbos vituperando detestatur; sola denique custos est fidissima temporum, & ipsa a temporibus, quasi mutuo referentibus gratiam custoditur; & inferius historia & felicitatem participat nobis, & citra illud nocumentum prodest homini, & veritatem ipsam velis, equisq. quod aiunt inter prima prosequitur. Quapropter ut in pauca conferam, verè hoc mihi videor esse dicturus, nullius, aut facultatis, aut disciplinæ tantam utilitatem, quantam historiæ existere, nam cum perpetua stigmata inurat improbis, cum sempiterna gloria afficiat bonos, illos a malis actibus metu dedecoris absterreat, hos ad præclara facinora spe laudis adhortetur, magna meritò ex parte præstantissima quaq. excellentium virorum opera dicta, factaq. ipsi accepta referentur historia.

Quintilianus, historia per sese tenet lectores, nullius, aut tanta facultatis, aut disciplinæ tanta utilitas, quanta historiæ existit.

Quidam, nullis ex libris plus utilitatis capi potest, quàm ex eorum monumentis, qui res publicè, priuatimq. gestas bona fide posteris prodiderunt. Ex bonæ enim fidei scriptoribus super alias innumeras, hæc præcipua capitur utilitas, quod nulla res aquè, vel bonorum Regum animos ad res cum laude gerendas accendit, vel Tyrannorum cupiditates cohibet, ac refrenat; dum utrique cernunt horum litteris suam vitam omnem mox in totius orbis; imò seculorum omnium theatrum producendam, & quicquid in abdito nunc vel faciant, vel ascito furore pratexunt, vel metu dissimulari cogunt, verius, quàm ignorari, paulo post clarissima in luce sub oculis omnium traducendum, cum iam metu pariter, ac spe libera posteritas. Nec ulla corrupta studio magno consensu rectè factis applaudet, pariq. libertate his diuersa explodet, exhibebitq.

Andreas Alciatus, Maxima semper apud veteres fuit historia auctoritas, eoq. omnibus temporibus in honore habita, ut cum plurima variarum rerum studia, & quidem nobilissima haberentur, rerum tamen gestarum scriptores semper primas partes sibi vendicarent.

Profit

Profit corporibus medicina, publicè interfit plurimos esse Turis consultos, summo se in fastigio positos credant Philosophi, de gradu deijci non sinat se militaris gloria, cedunt, hac tamen, cessereq. omnia historiae Autoribus: cum qua nulla non artium aliquo tempore malè audierit, solam hanc professionem extra aleam esse, semper existimatum est. Eiecti Vrbe Roma pluries Philosophi, & Rethores fuere Senatus consultis, quoque diffamati, mathematici, nec medici, nisi post sexcentiesimum, & eò amplius annum conditæ urbis admissi, cum tamen interim Piso. Fab. Piëtor, cateriq. Annalium scriptores summam dignitatem nanciscerentur. Si enim id genus professores cur tanto opère suis studijs incumbant, diligenter animaduertimus, non aliud certè causæ erit, quàm pecuniæ cupiditas. Quid enim as medicis parat, nisi abominatione dignissimus morbus, maliq. aliqua lues? quid militibus, nisi humani generis discordia, rapacitasque? quid aliud nostrorum temporum Philosophia respicit? At sola gloria cupiditate scribitur historia non mercenario obnoxia stipendio, sed quæ sola sibi ipsi pulcherrimum premium sit. Hinc non à vilissimo quoque tentata, sed in Principum ferè, & illustrium virorum exercitamentis fuit.

Marcus Antonius Muretus in Sallustium. In deliberationibus nihil utilius est cognitione historiae. Similia enim è similibus eueniunt, extant in historijs praeclara exempla omnium virtutum, quibus animus ad imitandi studium accenditur, neque vlla pars est historia, quæ non profit ad vitam, vides bonis benè succedere, malis malè? disce qualia consilia sunt, tales plerique esse & euentus. Vides bonis multa aspera, atque incommoda obijci? paupertatem, ignominiam, exilium, cruciatus corporis, &c. Disce ea mala non esse, neque tantum acerbitatis esse in eis excipiendis, quantum gloriae in fortiter perferendis. Vides homines improbos abundare diuitijs, gloria, honoribus, potentia, & similibus? disce ea vera bona non esse. Nihil enim verè bonum est, nisi quod meliores eos, in quibus est, & laudabiliores facit; & in oratione in Cornelium Tacitum. Si nihil est hominis animo iucundius, quàm discere, & eorum, quæ suaptè vi, ac natura iucunda sunt, tanto quidque iucundius, quanto laboris, ac molestia minus exhibet, dubitare de historia suauitate nemo potest, cum scripti genus nullum sit, ex quo aut plura, aut citius, & minore animi contentione discantur. Artium praecepta, dum traduntur molesta sunt, Mathematica non plus pulchritudine inuitant, quàm difficultate deterrent. Illa ipsa Princeps. ac Regina artium Philosophia nunquam tam multos habuit studiosos sui, ut non plures oblectatores habuerit; una historia est, quæ omnium studia alliciat,

ceat, aures teneat, animos mulceat, à qua si quis abhorrere se dicat, parum absit, quin ipse se ne hominem quidem esse fateatur, & inferius, neque ulla certior est regula iudicandi, quò quaque res euasura sit, quàm inspicere, quem exitum similia in longinquitate temporis sapias, ac frequentius habuerint. Quòd si aut temporis hominibus ad viuendum concessit breuitas, aut ipsa vita ratio pateretur, ut idem homo multa secula integra, mente, integrisq. sensibus vixisset, multas prouincias obijset, ad intimas Principum virorum de grauissimis rebus consultationes frequenter adhibitus esset, omnium sententias audijset, rationum, quibus quisque niteretur, pondera, ac momenta diligenter expendisset, obseruasset postea, & notasset diligenter, quid ex ipso consecutum esset? quis non incredibilem quandam in eo vigere vim consilij crederet? quis non eius sententiam de rebus gerendis, in Oraculi propemodum loco, ac numero habendus fateretur? At qui quod natura nobis denegat, præstat historia, ut qui eam diu, ac diligenter peruolutarunt omnibus ætatibus vixisse, omnes regiones perlustrasse, omnibus publicis consilijs interfuisse, omnia, quæ unquam contigerint præsentibus spectasse, atque annotasse videantur.

Fridericus Furius, boni consiliarij etiam nota est historiæ cognitio, nimirum, si viderit, & legerit singulari attentione, & diligentia omnium seculorum memoriam; maximè autem hist. sui Principis, necnon amicorum vicinorum, & inimicorum eius, hunc, qui in lectione hist. diligenter versatus, & rerum fructum ex ipsis decerpere nouit, perfectum Consiliarium, & officialem prudentem dixerit. Nihil tali deest, in omnibus negotijs gubernationis est exercitatus, imò viuæ quasi exercitatio, & experientia censetur.

Adamus Kellerius lib. 1. cap. 8. de off. iur. polit. Historia adeò studium circa omnem cognitionem versatur, ut & leges non sint nisi historia, quæ continet sententias, atque consilia veterum prudentium, quibus Respub. constituerunt, & Ciues in pace, atque virtutis cultu continuerunt, nec alia de causa eæ hodie addiscuntur, nisi ut idem præstare valeamus.

Est igitur vitæ humanæ compendiaria instructio, exemplum morum, ac naturarum hominum, negotiorum index, certa actionum experientia, prudens, atque fidelis in rebus dubijs consultrix, magistra pacis, lux belli, portus, ac requies omnis generis hominibus.

Iustus Lipsius, si ulla quidem res ad prudentiam publicam, priuatamq. facit, facit historia, eademque ad ciuilem banc partem utilissima.

Beroaldus in oratione per eum habita in enarratione Titi Liuij.
cum

cum omnium disciplinarum cognitio utilis, atque iucunda mortalibus sit, historia cognitionem mediusfidius utilissimam, iucundissimamq. esse censeo, ex quo cum multum omnibus scriptoribus debeamus, qui non sibi, sed etiam posteris vixisse creduntur, plurimum profecto historicis debere nos non possumus inficiari, quorum labore, ac industria effectum est, ut omnium aetatum, omnium gentium, omnium populorum res gestae, omnia praecleara facinora scirentur à nobis, intelligerentur, & cognoscerentur, ut iuxta illustrissimorum virorum dicta, factaeque memoratu digna contueri, ediscere, & recordari liceret, quae quidem re nihil pulchrius, nihil iucundius, nihil magnificentius excogitari posse contenderim.

Insuper S. August. lib. 1. suarum orat. in orat. de laud. hist. & orat. dicit, quod magna semper apud praecclaros Principes, ac populos non modo Graeciae, ac Latij, sed etiam ceterarum totius Orbis nationum, atque gentium laude, & gloria, digni habiti sunt gestarum rerum scriptores, qui vel hist. vel annal. litteris commendauerunt, quod plurimum, tum ad antiquitatis memoriam, tum etiam ad iuuantandam Rerum publicarum administrationem, scriptorum monumenta prodesse videantur.

In tantum etiam sunt utilitatis Chronicae, quod probant in causis decidendis, secundum Bart. in l. 1. ff. si cert. pet. Bald. Anton. & alij in c. inter dilectos, extra, de fide instrum. post gloss. ibi, in verbo, magis, & etiam gloss. in verbo, transultit, in c. per venerabilem extra, de elect.

Plinius ad Tacit. dies noctesq. cogitare se scribit, quae quoque possit tollere humo, id autem solam prope historiam polliceri, beatosq. putat, quibus Deorum munere datum est, aut facere scribenda, aut scribere legenda, beatissimos quibus utrumque.

His de causis, mirum haud est, si historici Principibus gratissimi fuere, ut Antipater Seuero, Clitarcus Alexandro, Restius Theodosio, Hieronymus Rhodius Demetrio, & Aristoteles Alexandro, qui beneficium octingentorum talentorum animalium historia conscribenda causa in eum contulit, ipseque Homerum, ut militiae magistrum, praemanibus semper habebat; ostendunt enim Historici plurima de exercitu, de eligendis, ac cognoscendis militibus, de acie instruenda, de Castris, de agminibus, de arcium oppugnationibus, de defensionibus, de annona, de insidijs faciendis, atque evitandis, deque ceteris rebus, quae propriae sunt belli. Historia ad virtutem animos inflamat, à vitijs remouet, vitam virtute praeditis donat, scelestos perterrefacit, benemeritos aeternis praemijs afficit, infames opprimit, eruditos fame, ac splendore locupletat, in Deum pietatem commen-

dat,

dat, in parentes, in patriam, beneuolentiam, ac charitatem laudat, bonestatem extollit, prudentiam exaltat, perpetuaq. fama honore dignum nobilitat, animæ internos mores, actiones, naturam, operationem patefacit, tempora refert, ordinem narrat, noua declarat, gesta demonstrat, curiosos satietate explet, documenta omnibus tradit, homines cautos, ac prudentes reddit. Hac mali à bonis, à vili- bus audaces, iusti ab iniustis, miseri à fortibus cognoscuntur. Hac rerum veritatem, hominum casus, ac infortunia, rerum gestarum sagaces actiones, cum prudentia coniunctas scimus; intellectum de- mum acuit, memoriam auget, phantas. delectat, auditorem recreat, latos, mœstos, ambiguos homines reddit, ut inquit Thomas Garzo- nius in platea vniuersali.

Mentes etiam barbarorum delectat, afflictis consolationem, vili- bus audaciam præbet, imperitos docet, omnesq. denique ad virtutem excitat, atque inflamat. Selimus Turcarum Imperator Casarem imitari conabatur, lectione ipsius historia in Turcicum sermonem versa. Lucium Lucullum scribit Cicero, cum esset Roma ad bellum Mithridaticum profectus, rei militaris omnino rudis, tantam tamen inter nauigandum, in percunctandis peritioribus, in rebus gestis legendis operam posuisse, ut cum in Asiam planè Dux factus perue- nisset, tantus in omni genere belli extiterit, ut maximi illius Regis confessione, atque iudicio omnibus quorumcumque seculorum Impe- ratoribus anteferreretur. Alexander autem Seuerus Romanus Prin- cept, quoties sibi deliberandum de negotio bellico foret, peritos historia homines primò consulebat, neque id iniuria, ut inquit Politianus, si enim sapientiam, quod ait Afranius, usus quidem genuit, mater au- tem peperit memoria, qui nam tandem sapientiores vel esse, vel haberi debent, quàm ij, qui non ætatis vnius, atque Urbis, sed omnis æui, omniumq. nationum facta, atque mores animo, & memoria com- præbenderunt.

Tandem qui historia cognitione destituti sunt, puerorum similes videntur, præclare enim Cicero, nescire, quid gestum sit, anteaquàm nascereris, hoc est semper puerum esse.

Ex his satis constat, omnibus, ac Principibus præsertim, historiam non solum utilem, verum etiam necessariam esse, nam nulla res ma- gis prudentiam perficit, quàm historiarum cognitio, multa enim videntur facilia, quæ si executioni traduntur, & ad experientiam deueniuntur, impossibilia cognoscuntur, quæ quidem rectè digno- scere Princeps historiarum cognitione poterit. Et si non impossi- bile, saltem difficile est, quòd Princeps verumius cognoscat, sine optimo- rum historicorum cognitione. Quare de historicis dicendum est.

Non

Non enim omnis historia prudentiam civilem gignit, Lipsius praeclaros hos existimat. Inter Græcos Thucydidem elocutione tota grauem, & breuem, densum sententijs, sanum iudicijs, occultè ubique instruentem, actiones, vitamq. dirigentem, orationibus, ac excursibus penè diuinum. Polybium iudicio, ac prudentia Thucydidi haud disparem, cura, ac stilo solutiorem; qui excedit, obrumpit, diffundit, & sæpè non tam narrat, quàm ex professo docet. Lectione Principis dignum Plutarchum, si quem alium Principe scriptorem. Xenophontem suauem, fidum, circumspèctum, è quo tamen haurias magis prudentiam civilem, quàm ut ultro eam propinet. Nicetam Crotoniatem parùm vulgo notum, sed dignissimum notitia, ut historicum enarrationis distincta, composita, sine vanitate, sine ineptijs, breuem, quod satis sit, ac fidum. Nicephorum Greg. iudicijs crebrum, & plerumque rectum.

Inter Latinos autem Cornelium Tacitum mirabilem omnino scriptorem, de quo initio diximus. Caium Sallustium omninò primum. Titum Liuium diffusum illum, & placidum, in concionibus maxime disertum, iudicijs, sententijsq. bonum, & si non frequentem. Q. Curtium probum, legitimumq. historicum, mira in sermone facilitatis, in narrationibus leporis, verum in iudicijs, argutum in sententijs, in orationibus facundum. Caium Casarem, qui res suas ipse digessit, compositè sanè, & pari modestia, ac libertate. Inter medie autem ætatis scriptores Ammianum Marcellinum fidei, ac iudicijs satis clarum. Lambertum Schanaburgensem non contemnendum, in Germanicis rebus. Rodericum Toletanum in Hispanicis. Philippum Cumineum omnia videntem, penetrantem, arcana consiliorum eruentem, & sabinde instruentem nos salutaribus, rarisq. praeceptis. Paulum Aemilium, cuius scribendi genus est doctum, neruosum, pressum, ad subtilitatem, ac argutias inclinans, & relinquens, defingensq. aliquid in animo serij Lectoris. Acui superioris Historicos duos, Franciscum Guicciardinum, prudentem, peritumq. scriptorem, & tales suos lectores facientem, liberum, & veracem, ab affectibus immunem, non tamen ab odio, quod retegere non semel videtur in Ducem Vrbinate. Paulum Iouium, stilo bonum, grauemq. & planè ad historiam, iudicio, ac fide ambiguum, ubi affectus non distrabunt, rectum, ubi illi adsunt obnoxium. Hæc sunt Lipsii iudicia; Cæterum Flavius Vopiscus, non dubitanter affirmat neminem scriptorem, quantum ad historiam pertinet, non aliquid esse mentitum, ac gloriatur se multa prodidisse, in quibus Licuus, Sallustius, Cornelius Trogus manifestis testibus conuincerentur. Et Guicciardinum, qui omnium opinione verior existimatur, Ioan-

nes

nes Baptista Leo mendacij arguit. Riccobonus ferè omnes in stilo reprobendit. Plinij scabrosum, Suetonij leuem, grammaticum, non historicum. Lucij Flori concisum, Taciti asperum, Paterculi, Iulij Capitolini, Aelij Lamp. Trebellij Pollionis, Flauij Vopisci, Aelij Spartiani, Volcatij Gallicani tenuem. Sexti Rusti corruptum, Eutropij inelegantem, Ammiani Marcellini durum, Procopij naturalem serè, ac sine artificio; Agath. & Iornandi confusum. Pauli Diaconi, ac Blondi barbarum esse dicit. Verumtamen quia lectores supradictorum historicorum cognitione non expleantur, sed alios legere volunt, opere pratium erit hic circa tam bonos, quàm malos historicos aliquid notare, ut fructum ex eorum lectione haurire possint; quamobrem, ut inquit Lipsius epist. 61. ordine opus est, ne confusa, & vaga lectio sit, aut desolutaria, vel interrupta, traicere se ex una, in aliam, est momentanea voluptatis, & tempus suum, imò, & se fallunt. Attentio, & lectio cum legis non suspensum, aut attonitum te habeat, tantum nouitas, aut magnitudo euentuum, insiste, inquire cui hoc rei facere possit, ecquid usus sui præbere. Mora hic aliqua inter legendum, & tarditas fateor, sed nimirum dicto veteri, nulla res potest esse eadem festinata simul, & examinata, nec esse quidquam omnium, quod habeat laudem diligentia simul, & gratiam celeritatis, tarda igitur, & quare, iam reperisti, tum sit electio, idest, ut stilum capias, & exerceas, & velut annonam in horrea quadam reponas. Trade libris, in quo labor aliquis & virum in legendo remota, sed mihi crede utilis, si quidquam in omni ratione studiorum libri isti quattuor totidem titulos habeant, rerum, quas præcipue in historijs notes, memorabilium, ritualium, ciuilium, moralium, quorum memorabilium res designo magnas, & cum admiratione, aut metu legendas, siue audiendas, ut est notabilis potentia alicuius Regis, aut populi opera, vel opes, prodigia, & noui, aut insoliti euentus, uno verbo quicquid non obuium, & magnitudine, vel raritate commendat. Ritualia autem, quæ pertinent ad instituta, ritusq. veteres, siue quos in publico, siue quos in priuato usurpabant. Ciuilia, quæ ad vitam, & regimen commune faciunt, & hanc hominum verè, & legibus deuinctam societatem. Moralia denique ea, quæ priuatim ad nos, & vitam formandam virtutibus amicam, vitijs alienam. Ecce quattuor sunt tituli, quod superest referre in eos, quidquid illos singules facit, siue sententiarum, siue exemplorum, idq. cum hac attentionis cura, & iudicij item norma.

Princeps nobilis, ac quilibet alius bonos versabunt historicos, ut inquit Antonius Posseuinus in bibliotheca selecta par. 2. cap. 4. lib. 16. quod item ad sese perficiendos attinet, id sumant. Reliqua Dei gloria

cora.

commendanda detestandis peccatis , fugiendisq. vitijs tanquam normam adhibeant, & maximam sese victoriam reputaturos de hostibus intelligant, si seipsos custodierint. Neque verò eos legant, ut gentem suam iactabundè alijs præferant, animorum plus uni, quàm alteri nationi adbereant, aut inde obloquendi de alijs capient occasionem. .
 Quamquàm enim in bello iusto ab ijs, qui militiæ adscripti sunt pugnare liceat pro eo, cui causa iusta adiudicata est: non tollitur tamen id, quod Christus tam seriò mandauit. Diligite (inquit) inuicem, sicut ego dilexi vos. Alioquin pessima nobis esset historia, quæ charitatem, quæ finis est legis, & Euangelium tolleret, sicuti & Euangelium esset mutilum, si disciplina militaris suis exculta legibus abijceretur, cum Apostolus dicat, gladium non sine causa stringi ad vindi-
 ctam malorum, laudem verò bonorum. Neque verò abijciant animum in legendo, non inchoatas relinquent historias, non modò hanc, modò illam curiosius arripient, sed integras absoluant, ut & in reliquis ad exitum abducendis viros sese præstare cordatos, & fortes assuescant. Porro ætas historiæ studijs idonea semper est: tenerior quidem ad mandanda memoria, quæ audit; prouectior autem ad percipi-
 enda, aut efficienda, quæ percepit. Præterea, cum non eorumdem, qui militiæ seruiunt, sint eadem officia, artes, munera, ideo suus cuique status agnoscendus est, ad quem propria disciplina, & lectiõis historiæ ratio referatur. Neque enim Sacerdoti, qui sequitur Castra, versandi sunt libri, qui de ratione arces expugnandi, strata-
 gemmata moliendi, copias in aciem educendi, equitandi, cursum in mare tenendi, ad scopum collineandi, & iaculandi lanceas, ad congressum aptandi, ac de alijs huiusmodi agunt, sed ij, quibus vitæ Christi-
 anæ institutio, ac conscientia militum vincula, & solutio, exempla. ad omnem virtutem, & cohortationes ad pietatem, hæresumq. atque Ethnicorum perfidia expugnatio, Sacramentorum denique administratio traditur. At, & cum maritima alijs, terrestria reliqui bella tractent, ita se vir militaris initio comparet, oportet, ut ne frustra ijs tempus terat, quod legendis alijs fuerat utilius infumendum. Hoc animo, qui ad legendas historias accefferit, alijs iam cautionibus, & legibus præmunendus est. Prima, ut nihil inde concipiat, ex quo te-
 pe-scat in Christiana pietate, ac religione Catholica Romana, vel alienior fiat à reuerentia erga Catholicos Principes obsequio, vel quid-
 quam remittat de diligentia, & fortitudine rei, quæ iustè, ac maturè legitimis Principibus deliberata promouenda sit. Itaque sicuti ab Historicis autoritas, bonum uè nomen Pontificum, & Principum, ac Rerumpublicarum carpitur, aut etiam non omninò iniustè repræhē-
 ditur nihil præiudicet, omnia verò, ut illicò respuenda, sic neque fa-
 cillimè

cillimè credenda esse arbitretur memor illius diuini verbi. Qui citò credit leuis est corde, fieri enim potest, ut Historicus haud aequè alterius, atque alterius Principis gesta, causas, persstates (hoc est circumstantias) sit asequutus. Aut si eas nouerit, expedire tamen non existimauerit, ut quæ essent recentissima (dum ij, de quibus agebatur, erant superstites) omnia prodirent in vulgus, unde videlicet erumperent dissidiorum semina, vel populi irritarentur aduersus Principes, aut composita aliqua pax turbaretur. Mitto spem premium, adulationem, odium, ceteras animi perturbationes, & alia, quæ forsitan, vel promissa, vel collata nonnullis fuerant, ut non ita religioni sibi ducerent, siquid silentio inuoluerent, vel obscurarent, vel exagerarent, aut denique falsarent. Et ipsa quoque rerum susceptarum consilia, variaq. rationes, quæ non statim omnibus liquent plurimæ esse possunt, puta, finium, personarum, temporum, ut qui in historijs repræbentur non modo non affines culpa, sed maxima potius laude afficiendi. Itaque & suscepti consilij, rerumq. gestarum exitus, tranquillo oculo spectandus est. Et si enim prudentiam inde, fortitudinemq. Principis aequitatemue, siue iniquitatem causa, haud semper rectè perpendes (quoniam, & hæc omnia possunt impediri peccatis aliorum, quæ pluribus haud innotuere, tantam nihilominus id lucem affert, ut deinceps planum fiat Deum ipsum (licet ijdem Principes cuncta fortè non prospexere) eorum cordibus illapsum obsfirmasse ijs in deliberationibus animos, quæ historicis, & reliquo Orbi Christiano longissimè à iusto videbantur abfuisse.

Sed hæc pauca notaße sufficiat: Si quis ampliora desiderat, & præsertim rationem, & ordinem legendi omnes historias ipsum Possuinum, Ioannem Bodinum in methodo ad facilem historiarum cognitionem, ex emendatis, Laurentium Duccium in arte historica, qui antiquos, & recentiores examinat, Ioannem Iouianum Pontanum, Ioannem Antonium Viperanum, Lucianum, Dionysium Alicarna., Sebastianum Foxium, Franciscum Robertellum, Franciscum Patritium, Vbertum Foliettam, Lambinum in Aemilij Probi vitas, Franciscum Balduinum, ac alios legat, ex quibus plurima, quæ ad ipsam historiam, & ad Historicos pertinet baurire poterit.

Postquam Bruto & Cassio cæsis, &c.

Super illa verba, ne ijs quidem annis, quibus Rhodi specie secessus, &c. de solitudine aliqua dicemus.

Quod

Quod Princeps solitudinem fugere deberet.

M Agnis viris secessus saepe aguntur, & frequentantur, quo intensius iram, simulationem, & secretos animi motus exerceant, ac meditentur, & in altitudinem se condant, occasione postea oblata promunt, quæ in illa solitudine concoxerant, ut inquit Scotus. Quare solitudinem fugere quisq. deberet: nam solitariè viuere, iucundè difficile est, non .n. est facile per seipsum assidue operari, cum alijs verò, & ad alios facilius, ut ait Arist. 9. Ethic. & ad Nico. c. 9. ratio aut cur solitudo Principes præcipientes, ac iracundos reddere solet, est atra bilis, quam solitudo generat, ut inquit Albertus de mot. animæ cap. 6. atra autem bilis homines pessima cogitare impellit, ad facinora perpetranda animos inclinât, ex quibus cades Ciuium, vindicta, suspiciones subâitis periculose exoriuntur. Soli, opportuniorē habent occasionē malè cogitandi, malè exequendi, & malè peccandi; malum enim, quod nemo videt, nemo arguit, ubi autem non timetur reprehensor, securus accedit tentator, licentius perpetratur iniquitas, ut Hieron. affirmat. Exemplū non quæramus, Tiberij habemus, qui Rhodi non aliud, quàm iram, & simulationem, & secretas libidines est meditatus, quiq. rectius administrauit viuētibz Germanico, ac Seiano, quibus aliquam rationem habebat, quàm solus. Omnia nobis mala solitudo persuadet, inquit Seneca epist. 61. quare rectè Arist. homo solitarius, aut Deus, aut bestia. prompti aditus, obuia comitas sunt Principis virtutes non vitia, ut ait Tac. lib. 2. Quamobrem Princeps habere cum multis consuetudinem debet, Augusti imitatione, qui Mæcenate, Agrippa, & alijs familiariter utebatur, & in motu, gestu, affectu, & conuietū maximam seruare affabilitatem: minuta quædam, ut ait Phedon. animalia cum mordent, non sentiuntur. adeo tenuis illis, & fallens in periculum vis est, timor indicat morsum, & in ipso tremore nullum vulnus apparet. Idē tibi in conuersatione virorum sapientium eueniet, non deprehendes quemadmodum, aut quando tibi profit, profuisse deprehendes, ut inquit Seneca lib. 2. epist. 95.

At dices solitudinem a multis laudari, ac probari; Respon. aliquos loqui de solitudine mentali, non autem corporali, aliquos, ut Senecam de solitudine, quæ ad comparandam philosophiam facere videtur. Caterum solitudinem non religione, non rerum celestium indagine tractam, sed prauo affectu, & rigore naturæ ductam, om-

K nibus

*nibus perniciosam, sed maxime Principi esse constat.
Super illa verba seruendum fœminæ contigit dubitare.*

Vtrum fœminæ viris præferri in regnando debeant.

Quamquàm multa sint exempla mulierum, quæ rectè resp. administrarunt, dicendum tamen est viros fœminis præferri debere.

Primo quia, ut ait Lipsius vir ad virtutem, ad regimen natus animo, corpore, voce, visu robustior, & quem magis vereare, aut venerere. In fœmina omnia leuia, mollia, quæ amorem, non reuerentiam, creent. A natura ipsa magis timida sunt, quàm timenda. Non igitur hic autoritas. Iam in viro prudentia, & constantia: in illis calliditas, aut argutia, imbecillitas deinde iudicij, & in decretis, sensibusq. Euripus septies in die mutant. Rarò etiam altum, honestumq. spirant, sunt in vanis, aut vilibus curis; non ergo ad sceptrum, & publicum decus idonea. Duæ etiam virtutes Principum primæ. Iustitia, & fides firmiter vix sunt in istis. Non prior, quia inclinant facilliter, miserantur facillimè, & gratia, aut affectui obsecundant. Non altera, quia mobiles ingenio sunt, & mutant, ut ventus. Ne clementia quidè sit, quæ putetur, & benignior ille vultus, nescio quomodo seuum sapè animum, & vindicem celat. Quid de lasciuia, aut luxu dicam? utriusque vitio opportunas scimus, & pudorem, atque opes prodigere: præsertim cum sui iuris, ac spontis frenum non habent, quod adstringat.

Secundo, quia nimis præcipites sunt, & dum quod facerè imbiberūt, efficiant, fas, nefasq. pro eodem putant, ut affirmat Muretus; quo minus omnia turbentur, ac ruant, quo minus cælum terræ misceatur, dū potiantur eo, quod cupiunt, non recusant. Metum, pudorem, religionem, charitatem etiam coniunctissimorum exuunt, ut ad honesta pauida, sic ad illicita audaces. Cum autem per se fœminæ parere, miserum est, tum longe infœlicissima gens, cuius ipse Princeps fœminæ paret. Minus interdum malorum efficiunt solæ; quâquam enim omnia præ sua libidine nihili faciunt, interdum tamen si solæ sint naturali sexus sui timiditate refrenantur, non ut virtute vitium, sed ut vitium contrario vitio paulum reprimatur, ac retundatur. At si cupiditatem suâ virorum, vel autoritate velari, vel nomine ipso firmari posse videant, nihil tam periculosum, quod aggredi, nihil tam munitum, quod labefactare, nihil tam sanctum, quod violare non audeant. Magna populi
cala-

calamitas est, uxorius Princeps, terque, quaterque, ut Poëta loquuntur misera gentes, quarum Principes uxoribus suis nubunt. Nam ut cicuta, si sola bibatur meri potione, ne exitio sit, impediri potest, sin permixta cum vino hausta sit, nullus iam superest remedio locus; ita muliebris impotentia si sola bacchetur, Imperio viri frenari, ac coerceri potest, sin virili autoritate, vallata & illo quasi vehiculo adiuta, ad Reip. vitalia penetrarit, vix ab imminente exitio populū salus, ut aiunt, ipsa seruauerit. Desperata, & profligata res est, ubi venenis remedia miscuerint.

Tertio quia, ut Arist. 2. polit. genus mulierum nimis imperiosum est, & animi mores hominum sibi subigere valde desiderant, & Iuuenalis testatur loquelas hasce illis proprias esse.

Sic volo, sic iubeo, sit pro ratione voluntas.

Novi ingenium mulierum, nolunt ubi velis, ubi nolis cupiunt ultro.

Verè ait Comicus, crede mihi inquit August. si totum cælum esset papyrus, & totum mare atramentum, & omnes stellas penna, & omnes Angeli scribentes, non possent describere astutias mulierum: & multi sunt ita fortè suarum iugo subacti, ut ab istis semper pendeant, tunc etiam si litteras scribant, participant de consilio grauium, & arduarum rerum, & malint vicissim pensum, & colum cum Sardanapalo tractare, numerare rapas, olera, vaccas, caseos, butyrum, carnes, oua, linum, fila, & eiusmodi muliebria agere, quàm portare cum Alex. Magn. hastam, ut asserit Tholosanus de Rep. lib. 2. cap. 21. & est scemina, ut ait Plinius interdum pestis generis humani.

Quarto, quia lex diuina subesse, non imperare viris sceminas iubet. Gen. 3. & in Epist. D. Petri cap. 3. ad Ephesios 5. ad Coloss. 3. ad Corinthios 1. cap. 11.

Quinto quia, & virilia munera multa sunt, sceminarum sexui, ac pudori contraria; Magistratus enim publica est persona, & palam, atque publicè sui facere copiam debet, quæ sunt contra muliebrem impudicitiam. scemina est manere domi, tolerare colo vitam, famulas ad lumina longo exercere penso, ut inquit quidam.

Sexto, crudum nimis seruitium est mulieribus obedire, & ubi hæ imperant, non modo a libertate, sed etiam a seruitute homines degenerant, ut affirmat Tac. de mor. ger. & Lipsius lib. 2. polit. 3.

Septimo, quia iura humana eas immunes ab omnibus publicis officijs esse voluerunt, ut Dynus, ac Decius in l. quod scemina, ff. de reg. iur. prosequuntur, idq. secundum Ludouicum Vives de scemina

christiana, ut pudicitiam, ac castitatem omiſſis omnibus negotijs diligentius poſſent cuſtodire.

Octauo, quia indecorum eſſet, imperfeetum perfeeto imperare, at mulier eſt quid imperfeetum, cum ſit ſecundum Ariſt. 2. phif. maf. occasione natus, ergo.

Nono, quia quemadmodum lex Dei videtur remouiffe a principatu mulierem, ſic etiam lex nature ab eodem, eſt autem ordo naturalis in hominibus, ut ſeruiant ſœminæ viris, filij parentibus, quia nulla iuſtitia eſt, ut maior ſeruiat minori, ut inquit Tholoſanus lib. 7. cap. 11.

Decimo, quia mulier eſt peccati ſymbolum, labilis enim mollis, & ad delinquendum procliuſ admodum eſt mulier, tantaq. infirmitate, ut Salamon dixerit, meliorem eſſe iniquitatem viri, quàm mulierem beneficientem, cui concinnit Menandri Verſiculus

Muliere nihil eſt peius, vel etiam bona.

Alter quoque ubicunque mulieres ſunt, ibidem mala ſunt omnia, quoniam mulier homini conſuſio eſt, continua ſolicitudo, indeſiciens, pugna, quotidianum damnum, adoleſcentiæ naufragium, animal peſſimum, pondus grauiffimum, aſpis inſanabilis, humanum mancipium, & ut ait Chryſoſt. amicitia inimica, inefſugabilis pœna, neceſſarium malum, naturalis tentatio, deſiderabilis calamitas, domeſticum periculum, delectabile detrimentum, mali natura, boni colore depiſta, malum omni malo peius, ſiue illa mulier pauper ſit, ſiue facultatem habeat cooperatrix eſt malitia ſua, ſi iniuriam patitur inſanit, ſi honorem accipit extollitur. ſi potentis vxor ſit, non ceſſat noſſe, atque die callidis ſtimulare ſermonibus, blanditur nequiter, & quod vult, rapit violenter. ut refert in num. myſterio. P. Bongus. Qui vitia mulierum ſcire deſiderat, præter ſatyricos, & tragicos, ac Venereos poëtas, legat bibliam auream, de fallacijs mulierum. Platinam contra mores pag. penult. Roſarium Buſti. lib. 11. ſimpl. apud Celeſtinum cap. 1. Alanum Card. in clem. ſi benef. quæſt. 10. Antonium Gueuaram in vita M. Aurelij, de malitijs mulierum. Ioannem Alexandrinum, Campanellam mulierum, Arioſtum in poëmate cantu 25. & 26. Corbaccium, & Nouellas Io. Boccacij, Gbirardi, & aliorum. Maganellum. Albericum in diſtionario in verbo mulier, maleum, maleſ. Polyantheam in verbo adult. & mulier. Iosephum Paſſum in deſectibus mulierum. Antonium Porracium de mulierum conſortio fugiendo. Petrum Paulum Camertiniũ de inſidijs mulierum euitandis. Rinaldum Olanum de arte meretricum. Paulum Filardũ in libello, quod Lenones ruina ſunt adoleſcētiæ. Torquat. Taſſum in poëmate cantu 4. Fridericũ Fernandium de illecebris mulie-

mulierū. Petrum de Albo in libello cur mulieres peius sequantur, & in alio, cur mulierū consilia improuisa sint meliora. Gregorium Touagliā in libello, vtrum in mensa aliquis anteaquā bibat honestè possit mulieri præbire, & vtrum mulier vicem reddere ante compotori teneatur; Martinum de luce in libello de 45. mulierum principalibus artificijs. Remigium Siluanum de mulierum malitia, & nostros libros de curiosa doctrina lib. 4. cap. 7. & lib. nostrum de muliebri excellentia, & quæstiones amatorias.

His de causis, & quia in sacra Scriptura non legitur fœminas in Regno vnquam successisse, & ut ait Lucas de Penna in l. penult. C. de prof. & med. lib. 10. quod si regna regunt vuluæ, gens tota proclamatur simul, concludendum est eas Imperio dignas non esse, bonas autem honore esse celebrandas, ut prosequitur Bartholamæus Cassaneus in catalog. gloria mundi.

Illud autem verum est, uxores, & matres principum summo honore homines afficere debere, uxores præsertim, quia radijs maritorum corruscant, quare post Principes præcedere debent, & eadem priuilegia, quæ habet Imperator, habet, & Augusta, tex. in l. Princeps, ff. de leg. & ideo sedent a dexteris iuxta illud, astitit Regina a dextris tuis, in vestitu deaurato, circumdata varietate; & ideo Augusta utitur eadem prerogatiua, qua utitur Imperator, ut facit l. Fiscus in fine de iure fisci, & Lucas de Penna in l. 3. C. de præfecto cubi. lib. 12. dicit etiam Ministros Augustæ eodem, quo & ministros Principis priuilegio gaudere.

Matres deinde sequuntur, ut habetur 3. Reg. 2. positus est thronus matris, iuxta thronum Regis, prout dicit Ant. Flor. in par. sua summa tit. 15. cap. 20. & textus dicit in illo loco, quod Rex Salamon fuit in occursum matris suæ venientis ad eum, adorauitq. eam, & fecit poni thronum ad dexteram suam, quod verum est, quando Regina non adest, ut interpretatur Cassaneus, & Corn. Tac. idem dicit de Nerone, qui etiam fuit in matris occursum. Quare maxime debent homines honorari mulieres, eisq. locum, quod præcedentiam cedere propter sexus debilitatem, non autem dignitatem, quæ hominibus, non illis videtur naturalis esse.

Hæc, atque talia agitantibus grauescere valetudo Augusti, & quidam scelus vxoris suspectabant, &c.

Super illa verba dabat, & fama, ut vocatus, electusq. &c.

Vtrum melior successio, an electio.

Prima opinio est Plinij in Paneg. qui ait Imperaturum omnibus, eligi debere ex omnibus; videtur etiam Tacit. 2. hist. quia optimū quemq. electio inuenit, nam nasci, & generari a Principibus fortuitum, nec ultra æstimatur cooptandi iudicium integrum, & si eligere velis consensu monstratur.

Videtur etiam electio quandam libertatem habere.

Potest hac opinio probari primo, quia ex omnium sententia mixtū Imperium hominum ex Rege, & optimatibus est omnium perfectius, & utilius, hocq. Lacædæmones ab omnibus laudatos vsos fuisse constat, at Lacæd. Reges eligebantur, ergo.

Secundo quia, ut ait Buridana, per illam viam est melius principem assumi, per quam contigit meliorem accipi, sed hoc est per viam electionis, ergo, maior est nota, quia semper expedit, quod Princeps sit optimus, & minor probatur, quia electio fit cum consilio, ratione, & deliberatione, etiam electio habet præferre maius bonum, minori.

Tertio, quia melius est principem eligi per illam viam, quæ nunquā deficit a nostra potestate, sed electio est eiusmodi, successio enim generis deficit, ergo est melius illam viam assumi, per quam cedunt rixæ, & dissensiones in Ciuitate, sed hoc est per electionem, ergo.

Quarto, quia in successione pessimi possunt admitti, non in electione, in qua optimi, & aptissimi per eam capiuntur, possunt etiam succedere infantes, & pueri.

Quinto, quia in electione, ut inquit Lipsius cap. 3. in monit. & exemp. polit. 3. aperitur virtutibus campus.

Sexto, quia electione regna crescunt.

Septimo, Reges, ut ait Philosophus absoluti boni esse debent, sed hæc perfectio virtutis certius per electionem, quàm per successionem acquiritur, ergo electio magis, quàm successio approbanda videtur; minor probatur, quia ut habet Arist. 2. lib. reth. nobiles multi a parentibus degenerant, & in deteriores mores prolabantur, at in tota multitudine instar monstri est, si unum studiosum, & prudentem virum non inuenias.

Octauo, quod est secundum virtutem, melius est eo, quod sit secundum naturam, sed electio fit secundum virtutem, successio verò secundum naturam, ergo electio est successione melior.

Nono, Athenienses, Lacædæmonij, Carthaginenses, Romani, magna illa mundi lumina diu floruerunt, at isti omnes electione suorum
Consu-

Consulum, & Regum utebantur, ergo electio videtur esse nobilior.

Decimo, successio ab Aristotele rejici videtur, ergo male secundum Aristotelem defenditur, antecedens patet, dicit enim perniciosum esse, ut patribus filij dissimiles Regnum obtineant, hoc etiam addit, quod tam cacutit amor parentum in suos filios, ut aliquando ineptos successores post se relinquunt.

Undecimo successio, in Regibus elationem subditorum gignit, despicientiam, negligentiam in rebus administrandis, regendisq. publicis adfert, cum iure quasi hereditario sceptrum illi deberi sibi existimant, nec de amittendo eodem curam, atque cogitationem ullam suscipiunt. At est illa, libera cum eligendi, tum remouendi reges ratio dignitatis, modo atque libertatis magnum sit argumentum, sed & vinculum, ut inquit quidam, quo coerceri Reges, atque Principes, eoq. impelli possunt, ut hominibus, non bestijs imperare sese cogitent, ita gerendum esse Imperium sciant, ut rationes ordinibus reddantur, nisi alto de solio magno cum dedecore descendere velint.

Secunda opinio est Taciti ann.lib.2. qui affirmat minore discrimine sumi principem, quam quari; nam est paratior, quia magnis, aut nouis conatibus opportuni sunt transitus rerum, & securior, quia prauæ aliorum spes cohibentur, si successor non est in incerto 13. ann. & 4. hist. non classes, non legiones perinde firma Imperij munimenta, quam numerum liberorum. est Buridana, qui etsi in prima conclusione asserat, esse melius principem assumi per electionem, quam per generis successionem, tamen secunda conclusione consideratis circumstantijs asserit, melius Principem assumi per successionem generis, quam per electionem; quod quattuor modis, primo considerando paternam nobilitatem, secundo obedientiam subditorum, tertio eligentium dissensionem, quarto inspiciendo regni vacationem. primo, rex filium suum instruit; secundo, subditi assueti sunt obedire; nam, ut philosophus, diuturna consuetudo facit obedientiam; tertio, quia favore, vel odio eligi posset aliquis; quarto, inspiciendo Regnum vacat regimine, quod non fit, cum immediatè Regnum acceptet. Est Lipsii, qui tribus de causis utilius esse affirmat; prima, quia nullum est interregnum, atque ita nec competitio, nec bellorum materies, præsertim cum iura successionum legibus, aut moribus ubique firmentur; secunda, quod charitas utrimque maior, & subditorum in genitum, & sanguine Principem, & Principis in subditos certo, & veteri iure suo. Tertio, quia Imperium est adstrictius, & reuerentia, aut obedientia promptior. Est Lelij Zechij lib.1. de principe; quia facilius populi obediunt principi comperto, quam nouo, & difficile alienigenis subijciuntur: secundo, quia populi nouis exactionibus non grauan-

tur, sed impositis a patre continuatur: tertio, quia sic Vita Principis viuentis, est tutior, cum insidijs non pateat, ut quando nescitur quis ex extraneis ei sit successurus, & etiam quia mortuo Principe electio Respub. vexatur, & ex mutatione principum alterius generis facile regna intereunt, & transeunt in aliud nomen, & ditionem, ex mutatione Regum ararium minuitur, & iura Regni omnes evertunt, videntes Regem morti proximum, nec ullos successuros, est & multorum aliorum, quos longum esset recensere.

Probatur præterea hæc opinio, primo, quia aliquam oportet intercedere moram in eligendo, sed si procrastinatione aliquid intermissum fuerit, illud verum esse deprehenditur, quod in sacris litteris deturbato rerum statu legitur in diebus illis Regem in Israel nullum extitisse, fecisse unumquemque, quod sibi rectum videretur, ut quidam dicit.

Secundo, quia in electione locus est malis, aliquando iusiurandum violatur, locus datur largitionibus amoris, & gratia aliquid tribuitur, largitur eligendus multa ambitione, multa contentione fiunt, contentiones, ac dissidia excitantur, quæ omnia in successione non eueniunt.

Tertio, quia naturam sequendo, raro fallimur, sed natura successionem amat, nam in domo patri filius succedit, ex una familia multa alia, ex his pagi, inde Ciuitates, regna, imperia fluunt, & quattuor monarchiarum principes, orbis successione quadam translata in filios fuerunt, ut quidam affirmat.

Quarto, quia tardius ad comitia electores veniunt, quare sapius occasiones rerum gerendarum amittuntur, & Tac. hoc vitium inesse Germanis scribit, ut ad publicos conuentus non simul, nec iussi conueniant, contentionibus aliquot dies consumant. Idem de Romanis Cicero queritur, nec ut sacrificijs, sic consilijs certum expectari tempus posse, diem imò horam, nisi prouisum fuerit magnas sæpe adferre clades docet, & de Græcis Thucydides affirmat, quod ægrè, ac tardè ad comitia veniant, & ubi conuenerint plus temporis priuatis controuersiis, quàm publicis negotijs tribuant, ita optimas rei gerendæ occasiones negligant, quod si verò illa in re alia in regum certè electione celeritate est opus.

Quinto, quia aliquando externos eligere oportet, quod quidem indecorum est, & tutum minus, leges iura, immunitates, aras, focos, vitam denique ipsam, exteris, atque ijs credere, qui lingua, moribus, rebus alijs plurimum a nobis discrepant, ut ait quidam.

Sexto, quia noui Reges, vel Principes plerunque sine subditorum magna offensione, aut etiam perniciæ creantur. familijs enim mutatis,

lis, reges noui queruntur, atque constituuntur, dum ad opus, atque potentiam alij respiciunt, alij familie vetustatem, ac splendorem propositum habent, alij ad rei militaris peritiam oculos, atque animos conuertunt, de alijs alij cogitant. Ipsi quoque Reges, qui successionem quadam ad suos Regni peruentura gubernacula norunt, maiori cuncta studio, cura, diligentia administrant liberorum amore, quasi stimulo quodam excitati, sollicitè sceptrum tenent, religiosè leges, aut nouas ferunt, aut ante latas tuentur, pacis, atque concordie amantes sunt, in id sedulo incumbunt, ut quæ sunt Regni, ac subditorum, non ut aliena, sed sua sarta, quod aiunt tecta, retineant, ut quidam probat. Ex his patet successionem electione esse meliorem, sed anteaquã argumenta primæ opinionis soluamus multa erunt hic, quæ ad electionem, ac successionem pertinent notanda.

Notandum primò ex Philone Hebræo, de creatione Principis, Principes sortitò creari non decere, fors enim ad felicitatem, non ad virtutem attinet, itaque sæpe accidit, ut ad principatum fors eueheret, quos vir bonus non ferret in subditorum numero: Nam & minores Principes, qui ab alijs vocantur Domini, non omnes vernas, emptitiosue assumunt in famulatù, sed solos morigeros, obsequentesque ceteros refractarios, & incorrigibiles gregatim, interdum hasta, aut elioniq. subiiciunt, ut indignos, qui vel seruiant in boni viri familia. Quantò minus decet, dominium, principatumq. integrarum Ciuitatium, gentiumq. sorti committere, lubricæ rei pendenti à fortuna instabili, certè in agrotis curandis sortium nemo meminit, nec enim sorte capiuntur Medici, sed peritissimus quisque eligitur. Item cum de prosperitate, saluteq. nauigantium agitur, non sorte decernitur quis gubernaturus puppim ascendat, ne fortè aliquis imperitus, vel in tranquillitate, ac serenitate asciscat naufragium, sed queritur aliquis, qui artem gubernandi à iuuentute didicerit, hoc est qui sæpè nauigauit, perlustrauitq. aut omnia, aut plura maria, qui benè nouit emporia, portus, stationes, receptacula, quæ vel in continente sunt, vel in insulis, qui in mari quoque callet inuenire semitas ex obseruatione syderum, peritus stellarum, & suos cursus ad illarum motus dirigens, ita, ut per inuia viam expediat, & nouo more maria terrestri animanti aperiat, reddatq. traiectu facilia, & postea Ciuitates magnas, populosas, plenas habitatoribus, eorumq. administrationem, & curam rerum priuatarum, ac publicarum, sacrarum, ac profanarum, quam meritò quis artem artium, & scientiam scientiarum dixerit, committemus incerta rei, fortuiteq. reiecto veritatis examine. Est autem veritatis examen rationabilis probatio.

Notandum secundò, ex Martino de Cazarijs tractatu de Principe,

cipe, quando duo sunt electi Imperatores in discordia, quilibet administrat, donec declaretur, cuius electio est validior, & priuilegium, ab altero concessum, valet, qualiscunque sit exitus questionis, secundum Oldra. cons. 22.

Tertiò, ex eodem, quòd Imperatoris electio non habeat certum tempus præfixum, sed sufficit certum terminum electoribus assignare, quo elapso si negligunt eligere, superior eliget.

Quartò Electores Imperatoris, qui elegerint vnum, possunt vocare, & eligere alium, & negligentibus electoribus eliget Papa, etsi sunt electi duo, cognoscet Papa.

Quintò, Rex in vita sua potest determinare, qui sit Rex, an primogenitus, an secundus genitus, ut ait Baldus in proem. Decret.

Sextò, si ij, quibus competit electio, tenerentur eligere ad voluntatem alterius, esset tollere substantiale electionis, cum eligere sit vnum ex pluribus assumere.

Septimò, si vnus ex ijs, ad quos spectat electio, debite vocatus, noluit interesse, non habetur pro contradicente, & erit, ac si non esset elector, & presentes poterunt eligere sine eo.

Octauò, ex Stephano Malereto de electione liberè facta, & potestate regia, in electione requiri consensum liberum. Itaque cessat electio, cum adimitur eligendi libertas, & ubi non est voluntas libera, ibi non est electio. 23. q. v. c. ad fidem; Vnde si in actu electionis adhiberetur metus, cessaret libertas consensus, & ideo electio non valeret; & hinc dicit Bart. in tractatu de Tyranno, quòd Ciuitas habens electionem rectoris, si per Tyrannum sit compulsa eligere Rectorem, non valet electio. Et si Tyrannus iuit ad Ciuitatem liberam cum exercitu magno, & propter timorem exercitus, Ciuitas elegit Tyrannum in Dominum, transferendo in illum omnem iurisdictionem, non valet, quòd tali timore agitur, & sic in similibus actis, ut in electione Regis, in translatione iurisdictionis non voluntas requiritur simpliciter, sed etiam, quòd adsit voluntas libera. Ideo quando voluntas est coacta, habetur pro non voluntate.

Hoc tamen intelligitur de coactione conditionali, non autem absoluta, nam metus circa personam incertam non vitiat actum electionis, nam si compellitur eligere incertum de certis, tunc enim valet electio, secus quando electores coguntur eligere aliquem in individuo.

Nonò, ex Lelio Zebio libro 1. de Principe, quòd si plures filij extent, solus primogenitus in Regno succedit, nisi mos contrarius receptus, vel lex Regni aliud exposcat, cum eiusdem rei duo in solidum domini esse non possint. l. si ut certo §. si duobus. ff. commod. idq. ex consue-

consuetudine omnium ferè gentium seruatur, ut unus tantum sit Rex, & is primogenitus arg. c. in epi. 7. q. 1. c. 1.

Decimò, si duo gemini nati sunt, prior editus in lucem succedit, et si id dubites, prior masculus præsumentur genitus, quàm fœmina. l. si fuerit legatum §. fin. de reb. dub. sed si ex futo utero nati sint, sorti res erit committenda, vel erit locus gratificationi, si pares sint meritis, ut dicit Io. Andr. in add. ad spec. l. 4. par. 3. c. de fœudis.

Vndecimò, consuetudo Regni, quòd primogenitus præsferatur, non debet interpretari contra utilitatem totius Regni, quare si primogenitus est insufficiens ad regendum Principatum, vel Regnum, possit secundogenito suo fauenti Regnum concedi, secundum Bald. in auth. hoc amplius C. de fid. commiss.

Duodecimò, Spurij ad successionem Regnorum non admittuntur, iuxta probabiliorē sententiam, & usum, nam spurij non possunt dici ex stirpe regia legitimi, cum non sint nati in matrimonio, ubi est tantum coniunctio legitima. Exo. 20. Mar. 10.

Decimotertiò, si Rex ante adaptionem Regni, filium susceperit, & post alium, praponi debet natus ante, cum non sit spectanda ratio temporis adaptionis dignitatis, sed naturæ, sic natus ex Senatore, etiam ante adeptam Senatoriam dignitatem dicitur Senatoris filius. l. Senatoris filius. ff. de Senat.

Ad argumenta, respondetur electionem per seipsam consideratam; successionē nobiliorem esse, cum in electione præstantes tantummodo eligi debeant, sed ob sæctiones, & seditiones, ac alias grauissimas circumstantias utilior, ac melior est successio. quare ad.

Primum respond. secundum quid tantummodo fuisse eam electionem meliorem, quare, & ad decimum idem respondetur dicendo, Aristotelem secundum quid intellexisse, & non mirum, quia Græcus, & liber Regna amat proxima libertati.

Ad nonum dicendum, quòd non concludit, nam præponderant exempla alia, & pro vno electionis, centena sunt successionis, ut inquit Lippius; præterea Historici existimant electionem Principum in hisce Imperijs ipsorum ruinam peperisse.

Ad octauum respondet quidam, quòd etsi natura aliquando sit imperfectior virtute, incertior tamen non est, præterea non solum naturam, sed etiam virtutem, non sortem, sed prudentiam in successionē composito spectari, quippe ad hanc populi consensus, optimorumq. Senatus requiritur, eodem modo ad septimum respondetur.

Ad vndecimum dicendum non semper vera esse, & peiores esse electionis conditiones, quàm successionis, ut probatum est, & ad omnia potest responderi electionē secundum quid, non simpliciter meliorem esse.

Quod

QVOD ad creationem Summi Pontificis attinet, dicendum est, neminem humano discursu de eo disputare posse, nam & illi aliquando eliguntur, de quibus nulla mentio facta est, & qui longissimè ab humano distant ingenio, non enim humana libidine, sed diuino decreto fiunt, ut inquit Iouius in vita Had. 6. Cardinales, Principes huic, vel illi faueant; hæc vel illa moueant, omnia corrumpent, immediatè, & simpliciter à manu Dei Pontificatus emanat, Spiritus sanctus visibiliter operatur, & Cardinales illum à Deo esse electum ostendunt, idq. consuetius his modis.

Mortuo Romano Pontifice, sacrisq. nouem diebus à Cardinalibus celebratis, & Missa Spiritus Sancti die decima solemniter decantata, Patres Conclauē ingressi, diem integrum sequentem formandis legibus impendunt, ad sanam Romani Pontificis administrationem, maximè necessarijs. Quibus Patrum quisque subscribens iure iurando, votoq. promittit obtemperaturum se illi, si Pontifex factus fuerit. His actis statim quodam die comitia prima indicuntur: Mane autem eius diei Patres omnes induti pallijs à summo deorsum apertis, quas crocias appellant, in cappellam, ubi Corpus Christi asseruatur, conueniunt; ibi diuina Spiritus Sancti ritè sacra celebrantur: Quibus absolutis suo loco disponunt se per subsellia: Quisque autem, quos eligere decreuit, in codicillo ante describit, huncq. anulo suo obsignat. Inde tres ex Patribus ad Altare ascendentes, Decanus videlicet Presbyterorum, & Diaconorum primi, calicem, in quo eo die sacra facta sunt, ad medium altaris constituunt, Custodes ipsi omnium, ac inspectores instantes. Post hæc eodem ordine procedunt, & reliqui Patres, atque ante Altare in genua procidentes, codicillum sigillatum in calicem immittunt. Id autem postquam ab omnibus factum est, tres illi, quos dixi, calicem ipsum ad cæteros inferius consedentes sublatum altius ostendunt, consistentes in subselliorum medio, unde spectari, & adiri à circumstantibus possunt. Numerant mox codicillos, quorum, ut conuenisse numerus inuenitur, singuli à Decano aperiantur, & leguntur, ac Diacono proximo pronunciandi traduntur. Patrum quisque papirum tenens, ac pugillar, quos quisque eligit chirographo annotans. Nullus autem ex Alexandri Tertij constitutione, pro Pontifice haberi potest, qui duarum partium, ex Cardinalibus integra suffragia tulerit, qui numerus si ex codicillis adimpletur, tunc Pontifex creatus est, sin minus, liberum est cuique quem voluerit Patrum non elatum à se scripto, voce eligere, quæ electio ratio accessus appellatur. Datum est quempiam ex solis codicillis eligi vocum accessio conficere opus soleat. Alius est quoque creandi Pontificis mos, qui per adorationem dicitur. Hoc autem est cum duæ partes

tes Cardinalium, non expectato (ut aiunt) scrutinio, sed voce tenus omnium consensu, & voluntate quempiam ex Cardinalibus in Romanum Pontificem salutant, atque venerantur, qua ratione multi renuntiati sunt.

Quando autem in creatione Pontificis dissentiunt, electionisq. ratio discordijs agitatur, & res protrahitur, dum unusquisque ipsorum ad Pontificatum aspirans, nemini cedere vult, per viam compromissi in paucos Cardinales facti, qui Pontificem eligant, se concordant, quomodo Kal. Septembris, Anno M. C. C. L. X. X. I. in Pontificem Maximum renunciarunt sex Cardinales Thedaldum Vicecomitem Placentinum Archidiaconum.

Hi sunt precipui modi Pontificem creandi. Sed antiquis temporibus alio modo creabantur. Obtestatur Clemens Septimus in Bulla, Cardinales, ut in electione Summi Pontificis deponant omnem priuatum affectum, & cassent omnia facta, obligationes, & iuramenta, quae data, vel facta essent de aliquo eligendo, monet omnes fideles, ut statim audita Summi Pontificis morte, eius celebrent exequias, & quotidie orent pro vigili concordia, & utili prouisione Romanae Ecclesiae. Praelati autem in suis praedicationibus ipsos subditos ad hoc hortentur, ut eis frequentiam orationum, & obseruantiam ieiunorum indicent.

Contra eligentes Pontifices simoniace est Bulla Iulij II. & contra ipsos electos sub multis poenis emanata, & precipue, quod tam electi, quam eligendi cadant, & priuantur omnibus dignitatibus, honoribus, officijs, beneficijs, &c. multa sunt, quae obseruantur in ipso conclauis, & ante, quae recensere nimis hic esset.

Nihil primo Senatus die agi passus, nisi de supremis Aug. &c. Super illa verba: cuius testamentum illatum, dicendum est.

De praestantia testamenti, & de testamentis pijs.

RECTissime profecto Valerius Maximus lib. 7. cap. 8. testamenta aetorum hominis, & precipue cura, & ultimi esse temporis scriptum reliquit; nam hic ultimus hominis actus est perfectissimus, quippe qui a maturo, atque exacto, & diu praemeditato iudicio nanciscitur. In omnibus quidem rebus aliquod fuci inesse potest, ac in testamentis pectora nuda patent, ipsaq. veritate moribundi vtuntur, qua viui, & incolumes tantummodo fruebantur. Quare Nazian. in
orat.

orat. in Athan. suprema iudicia saniora, & ab omni fūco remotiora esse testatur. Cuius rei præclarus extat Seneca locus lib. 8. de benef. cap. 11. qui eiusmodi est. Quid cum in ipso vitæ fine constituti sumus, cum testamentum ordinamus, non beneficia nobis nihil profutura diuidimus, quantum temporis consumitur, quamdiu secretò agitur, quantum, & quid demus.

Quid enim interest, quibus demus, à nullo recepturi. Atqui nunquam diligentius damus, nunquam magis iudicia nostra torquemus, quam ubi remotis utilitatibus, solum ante oculos honestum; stetit tamdiu officiorum mali iudicis, quamdiu illa depraua spes, ac metus, ac incertissimum vitium voluptas, ubi mors interclusit omnia, & ad ferendam sententiam incorruptum iudicium misit, quarimus dignissimos, quibus nostra tradamus. Nec quidquam cura sanctiore componimus, quam quod ad nos non pertinet; qua de re fortasse Plinius epi. 18. lib. 8. testamentum speculum cuiusque morum esse dixit. Cicero verò lib. 1. Tus. quæst. testamento, tamquam argumento ad immortalitatem animorum confirmandam utitur; dicit enim, quid procreatio liberorum, quid propagatio nominis, quid adoptiones filiorum, quid testamentorum diligentia, quid ipsa sepulchrorum monumenta, quid elogia significant, nisi nos futura etiam cogitare, & Romani adeò testamentum magni fecere, ut legitima testamentorum latina dumtaxat lingua concipi potuisse voluerunt. Proinde legatum Græcè scriptum non valebat, teste Vlpiano tit. 25. Fideicommissum verò Græcè scriptum valebat, ut idem tradit. Hæc pauca de testamento, cuius si quis exactiorem materiam legere cupit, Barnabam Brissonium lib. 7. de formulis antiq.

Ceterum, ut ex illis verbis patet, populum, & milites dono affectit, quod deinde multi sunt imitati Imperatores.

Nostri verò pro animabus, locis pijs mortis articulo donant, qui donationis usus apud gentiles non fuit, antiqui enim solummodo ea Deis donabant, quæ ad placandam eorum iram conducebant; quare Cic. lib. 2. de leg. impius ne audeto placare donis iram Deorum, & Plautus in prolog. rudentis Iouem se placare posse donis, hostijs; & Virgilius.

Dona ferunt, onerantq. aras, mactantq. iuuenecos.

Quæ & dona propriè vocabantur, nam ut Cornelius Ponto in libro de nominum, verborumq. differentia scribit, donum dicitur propriè, quod Dys datur, munus verò, quod hominibus; neque si mortuorum animas frustra placare conabantur, id non donatione delubris facta nostra similis efficiebant. Sed animalibus nempe porcis, tauris, agnis, ouibus, vel herba, ut verbena, faba, &c. quæ Natalis Comes in sua

sua mithilogia elegantissimè ostendit, quæq. nos, ut à nostro instituto aliena missa facimus.

Quod ad nos attinet, hortamur oēs, ut articulo mortis Ecclesia, vel pauperibus aliquid erogent, & testamenta sacrarū rerum causa condita, suos effectus sortiri heredes sinant, est enim à natura, à pietate, à religione, & à lege alienum, ea directè, vel indirectè impedire; sunt multi Nepotes, qui ut pietatis inimici, Auorum, vel Auunculorum testamenta irrita facere omni studio conantur. Semper apud probos homines piæ causa commendatio maxima fuit, & qui eam impediunt in sua causa patrociniū se esse pauperes asserentes, rerum humanarum, ac diuinarum sunt ignari, impièq. agunt, quasi res Deo credita tutiores non essent; patrimonium Deo creditum, inquit ille, nec Respub. eripit, nec Fiscus inuadit, nec calumnia aliqua forensis inuertit. In tuto hereditas ponitur, quæ, Deo custode, seruetur, hoc charis pignoribus in posterum prouidere, hoc est futuris hereditibus paterna pietate consulere; & ut sanissimè Diuus Hieronymus libro secundo epist. ad Eliodorum, licet paruulus ex collo pendeat Nepos, licet sparso crine, & scissis vestibus vbera, quibus te nutriuérat, mater ostendat, licet in limine Pater iaceat, per calcatum perge patrem, siccis oculis ad vexillum Crucis euola. Solum pietatis genus est in hac re esse crudelem.

Obseruanda est ergo mortuorum ultima voluntas, quoties vel in pauperes, vel in Ecclesiam homines liberales sunt. Sidonius Appollinaris libro octauo, epistola quarta ad Cosentium dicit: inuigilet cælestibus lingua præconijs, anima sententijs, dextera donarijs, quia quicquid Ecclesia spargis, tibi colligis. Quamobrem diuites aliquid pauperibus in testamento relinquere deberent, ut inquit Chrysost. in hom. 2. super Psal. 50. idem de Ecclesijs, ac Sacerdotibus, ijs præsertim, qui quadam sunt feruentiore religione præditi, nam ut optimè Saluianus, nullos pietas minus respicit, quàm quos præcipuè religio commendat, quod quidem Principes Christiani superioribus seculis pietatis zelo fecere, aurum, & amplos redditus Ecclesia donarunt, qui pristinus donandi ardor, non Clericorum deprauatis moribus, ut nonnulli impiè asserunt, sed hominum auaritia frigere cæpit.

Quomodo enim præstantissima Monachorum, vel Fratrum institutiones, ad publicam utilitatem institutæ in Scholis legere, in Templis concionari, peccata audire, rem sacram celebrare, sexcentaq. alia officia exercere possent, cultuiq. diuino vacare, si alimentorum victu, pecuniaq. cura detinètur, quomodo possunt incrementa capere, Monasteria adificare, Religionem numerosam reddere, caterasq. sine pecu-

pecunia propagare. Religio, ut Lupus Ferrariensis episc. 42. dicit durare non potest, nisi facultatum fulciatur augmento, nec propagari, & multos in Religionem accipere non potest, nisi ei denuò aliquid subministratur.

At quidam primò impiè dicunt, Religiones his temporibus otiosas esse, scandalosas, peruersas; quare non mirum, si non amplius feruet ille donandi affectus, quo primi Christiani ardebant, opulentiamq. Sacerdotum luxuriam generare, & similia, ad quod

Respondemus, otiosos Sacerdotes non esse, & has voces impias, & sacrilegas esse, nam, ut Saluianus libr. 8. de guber. Dei, inquit, sacrilegij, quippe genus Dei odisse cultores, sicut enim si seruos nostros quispiam cædat, non in seruorum vicem cædit, & si à quopiam filius verberetur, alienus in supplicio filij pietas paterna torquetur, ita, & cum seruus Dei à quoquam læditur, Maiestas Diuina violatur; & Anacletus Papa Episc. 1. dicit: Iniuria Sacerdotum ad Christum pertinet, cuius vice funguntur, otium venerabile exprobant, & ita sunt iudicij expertes, ut non videant, dum illud otium damnant, necesse sit etiam manus Moysis, qui cæteris pugnantibus, Deum in monte inuocabat, damnare; damnabit, ut inquit Anneus Robertus lib. 1. cap. 2. rerum iudicatarum otiosas, & inutiles ambas illas Moysis palmas, quibus quiescentibus, & demissis infelicitè pugnabatur. Exod. 17. continuò ad Deum eleuatis Israelita victoriam reportabant. Imperator Constantinus rescribit, magis religionibus, quàm officijs, & labore corporis, vel sudore Remp. contineri. Lupus Abbas Ferrariensis ad Carolum Regem de Monachis suis rescribens, qui indefinenter vobis in diuersa occupati, pro salute, ac prosperitate vestra excubant, Monachos, quos Diuus Aug. de oper. ad Monac. laboriosos vocat, illi otiosos appellabunt, ut prosequitur Anneus Robertus loco citato.

Quòd autem Monachi, Fratres, & Presbyteri non modò utiles, verum etiam necessarij sint, ex eo probatur, quia certissimum est, populos Principibus, & vi, & numero potentiores esse: quamobrem, quando volunt, possunt à Principe desiscere, & tamen non desiscunt etiam duris vectigalibus impositis, huius causa Religio est, quæ una est in Principe, & in subdito, quare nulla accidit rebellio, & si accidit statim extinguitur, ratio autem, cur populi non desiscant, est religio, Presbyteri, ac Fratres, & Monachi, hi enim anima sunt corporis, Reipub. & membra, dum eandem habent animam a corpore desiscere non possunt.

Quare quando Principes male subditos tractant, religiosi causa sunt, ne desiscant, imò causa sunt feruentioris obedientiæ, idq. con-

cioni-

oionibus, ac secretis confessionibus, eos ad bene agendum hortantur, ac animos peruersos, ac male coluctantes bonos reddunt, & paradysum, ac infernum ante eorum oculos ponentes, eos adhortantur, atque perterrefaciunt, & ad Ecclesiam eos proficisci impellentes, in quibus, dum res sacras audiunt, dum diuinis officijs vacant, dum omnia sacra intuentur, dum lectores, ac concionatores audiunt, dum deuotos homines inspicunt, ac humiles viros, futurum seculum credant, & hoc libentissimè deserunt, & si iniuria afficiuntur, in Deum credunt, eumq. scelerum ultorem, ac premiorum remuneratorem esse sibi persuadent. His, & alijs actibus animi ad sequendam pietatem inflammentur; aliter Leone, ac teterrimis bestijs essent peiores, cum eis ne ingenium, nec potentia, nec vis deficerent: sola ergo religio est Principum conseruatrice.

Præterea bona Ecclesiæ sunt omnibus Catholicis communia, quia multi Clerici illa participare possunt, & sustentare vitam. Ingenio præditi, & bona indolis adolescentes, qui ob fortunæ incommoda studia assequi non possunt, Reip. Eccles. beneficio in ea incumbere valent, præsertim in monasterijs, in quibus maximam nanciscuntur commoditatem. Plerique verò tam nobiles, quàm plebeij fructibus, ac prouentibus canonicatum, ac Episcopatum viuunt, & ne familia nobilium pauperum in peius ruant, quæ Reip. corpus, ac gloria sunt, hanc habent commoditatem pro secundis genitijs, ac filiorum multitudine; & quia litteræ ad hos gradus præuia sunt, hinc virtutis amor oritur in omnibus, hinc Cardinales, hinc summi Pontifices. Qua remota commoditate, nemo est, qui nesciat summos quoque gradus remoueri: nullus enim Cardinalis, nec Pontifex fuit sine religione, quæ non solùm ob communem, verum etiam ob priuatam commoditatem unusquisque fouere, locupletare magnoperè deberet; neque dicas ego Laicus sum, nec ullum negotium mihi est cum Ecclesiâ, nam nati, & natorum, & propinqui, & agnati Ecclesiastici esse possunt, & priuatas facultates in nihilum redigere possunt, non autè, quæ religioni tribuuntur, cum perpetuò maneant: neque dicas sacerdotes aliquos malos esse; nam hoc est dicere, te Christum non amare, qui enim Christum diligit, qualis sit sacerdos, ipsum quoque diligit, quoniam per eum tremenda mysteria consecutus es, ut dicit Chrysost. hom. 10. in priorem ad Thessalonicenses, dic mihi si cupidus visendi regias aurò multo splendentes, & lapidum pretiosorum splendore undique corruscantes, inuenires eum qui clauis haberet, si autem rogatus abs te confestim illas referaret, introque te mitteret, an non illum præ omnibus honorares? an non aquè, ut oculos tuos diligeres? Sacerdos verò tibi Cælum aperuit, & illum nec amas, nec amplecteris. si uxorem habes, an non eum, qui tibi eam conciliauit

L

ciliauit

ciliauit omnium maxime amas? Ita si Christum amas, si amas regnum coelorum agnoscere eos, per quos illud habes, quapropter legitur 1. Thess. 4. propter opus ipsorum, pacem habete cum illis.

Dicunt secundo, & haeretici sunt, quasdam religiones, ut Iesuitarum arte, & ingenio vasis argenteis, & omnibus ornamentis aureis viduas, iuuenes, homines spoliare; non pium esse domos pauperum dissipare, sacerdotes aetate, ac morbo confectos sedibus suis exigere, villas parochorum eripere, nobiles exterminare, haeredes patrimonio priuare, cogere, ut viduae facultates opimas relinquunt; fertiles agros, ac delicias ne Laicis quidem tolerabiles emere, arte multa praedia colligere, opibus eminere. praeterea nihil in illis nisi ficta frons, perpetua rapidi cupiditas, ac quaedam ex arrogantia autoritas, quippe qui maximos honores sibi debere existimant, & sicut Turca mundi monarchiam appetit, sic, & illi religionum omnium principatum, nullas insidias, ut ad illum perueniant intentatas relinquunt, nulli labori parcant. Homines fallaces, & adulatorem, qui sub specie religionis, ac sanctitatis, homines noua, ac insidiosa, & perniciose arte decipiunt, quippe qui vultum ad decipiendos homines, & totius corporis habitum, atque ipsam rationem ad simulandum, & dissimulandum accommodatam habent; pauperes contemnunt, neminem amore, vel obsequio, nisi Reges sequuntur, & ut expeditius rei suae conducant choro carent, nec longa, nec parua, sed nulla psalmodia utuntur; quare Sotus lib. 10. de iust. q. 3. ar. 3. dicit vix mereri nomen religionis ordinem illum, qui caret choro; lucris, & honoribus secularibus inhiat, in curijs principum cum scandalo versantur, secularibus negotijs plus nimio incumbunt, nec exemplo Petri, qui in atrio Principis Christum negauit, commouentur, sed volunt inter homines disparis professionis agere; eorum intolerabilis arrogantia negari non potest, qui ut alij sese anteponant, suamque sanctimoniam iactent, adeo Christiano nomine contenti non sunt, ut a sanctissimo Iesu nomine, Iesuita voluerint vulgo saluari, & ita in omnibus sunt operibus fallaces, ut Gabonite a multis appellantur, & monasteria, quae aedificant regia palatia, ac propugnacula videntur, quasi mundus aeterno esset duraturus; & nonnulli etiam dicunt ipsos superbia causa nolle se fratres vocare, sed patres, quia volunt multos spurios principibus generare, quos semper habent in utero charitatis.

Ad haec omnia, quae falsissima sunt, dicimus istam religionem a summis Pontificibus approbatam, ac laudatam sine maxima Dei, summiq. Pontificis iniuria neminem posse vituperare, nam cum Paulus III. Pont. Max. institutum societatis breui formula comprehensum legisset, vehementer illud approbauit, & in eo Spiritum Dei inesse testatus est, seq. non tenues fructus sperare, neque exiguas, ex tam exiguo,

exiguo, tenuiq. principio utilitates ad Dei ecclesiam peruenturas expectare, quamobrem illam. Apost. sua aut. anno 1540. approbavit. Iulius vero III. ipsam etiam formulam litteris suis inseruit, recepit, & approbavit. Greg. quoque XIII. anno 1584. aperte confitetur, non immeritò fuisse ab antecessoribus suis Romanis Pontificibus multa huic Societati concessa, ob egregias, sic enim loquitur, virtutes, & dona diuinitus elargita; cum illius finis precipuus sit catholica religionis defensio, ac propagatio, animarumq. in Christiana vita, & doctrina profectus, tum etiam proprium esse gratia eius vocationis testantur, diuersa orbis terrarum loca ex Rom. Pont. per Prapósitos Generales directione peragere, vitamq. in quauis mundi parte agere, ubi saluandarum sua opera animarum copiosior prouentus ad Dei gloriam speretur, ut dicit Stanislaus Rescius in sua spongia; quare illi nequaquam homines vasis argenteis expoliant, neque ius argenteum, ac aureum in omnibus eorum contubernijs, & cœnaculis vllum aspexisse, quod ereptum diceretur. Diligunt illi quidem, cum propheta decorem domus Domini, idq. summopere laborant, quod Paul. precipit, ut ea, qua Dei sunt, omni adhibito ordine, summaq. fieri potest dignitate, & Cerimonia Deo reddantur. Inde porro fit, ut audientium, & intuituentium animi vehementius excitentur ad cultum diuinum, aureis, & argenteis ornamentis illustrandum, nec contigit adhuc videre neminem, qui quidpiam apud Iesuitas inuenerit, quod suum dicere possit. Quare illa verba sunt flosculi dicendi, loquendiq. moduli olim in Iuliani capite, & in eius schola meditati, qui ut falsi nihil agunt.

Frons ficta illis non est, sed tota charitatis, ac amoris plena, nec vlli blandiuntur, nisi salute hominum ducti.

Quod ad Chorum attinet Gregorius de Valentia summus Theologus dis. 10. q. 6. de disc. religionum puncto 11. dicit, quod comparatio religionum facienda est, attendendo ad illa, in quibus differunt, videlicet ad finem immediatum, ad obseruantias, seu exercitia, qua usurpant causa eius finis. Ex fine immediato perfectior est, religio destinata ad vitam contemplatiuam, quam qua ad vitam actiuam refertur, & adhuc illa perfectior, qua non solum ad vitam contemplatiuam, sed etiã ad opera spiritalia vita actiua ordinatur, ut ad audiendas confessiones, concionandum, & docendum illa, qua quis est contemplatus. Hoc enim tantò melius est, quantò perfectius est illuminare, quam lucere solum, sicut rectè differit Thomas ar. 6. ex parte finis immediati generatim loquendo: Religio aliqua eò erit perfectior, quò opera charitatis, vel plura, vel praestantiora sibi proposuerit. Ex parte verò obseruantiarum, & exercitiorum perfectio maior religionis ita metienda est, ut

L 2

illa

illa Religio perfectior censeatur, quæ utitur obseruantijs, magis accommodatis ad suum finem immediate consequendum: Quare sicut rectè docet S. Tho. art. 6. ad 3. non ideo perfectior Religio existimanda est, quia absolute loquendo usurpet maiores corporis afflictiones, & vigiliæ, sed respondendum est quàm accommodatè eiusmodi obseruantia adhibeantur ad finem religionis. Tota enim ratio mediorum æstimanda est ex propositione ad finem.

Hinc rectè docet S. Tho. ar. 7. non ideo religionem esse perfectiorem, quod strictiorem paupertatem absolute seruet, sed quod illa, quæ maxime confert ad finem religionis. Hinc etiã ar. 3. rectè idem docet, vitæ solitudinem absolute loquendo, non pertinere ad perfectionem religionis, quin imò incipientibus periculosam esse, tantumq. perfectis conuenire. Vnde in Conc. Agathensi c. 38. eiusmodi institutum vitæ tantum ijs permittitur, qui prius longo tempore sese in communi vitæ probauerint. Et in 6. syn. can. 41. requiritur, ut prius aliquis laudabiliter vixerit in Societate per duos annos, vel tres: Sed & Basilii longiorem absolute præfert Societatem solitudini.

Denique ex eodem fundamento patet, religionis perfectionem minimè mentiendam esse ex cantu, vel longa psalmodia; nam fieri potest, ut eiusmodi institutum chori minimè conferat ad alicuius religionis finem, sicut reuera non satis conuenit ijs religionibus, quæ sunt ad concionandum institute. Vnde & Caiet. art. 6. asserit in eiusmodi ordinibus illos solum debere recipi, qui ad eiusmodi munera sint idonei, & præterea nullos exceptis sufficientibus ministris. Atque etiam D. Tho. supra q. 91. art. 7. ad 3. asserit cantum non cõpetere Episcopis, & alijs, quos ministerijs spiritualibus vacare oportet; Quare cum eadem sit ratio Religiosorum, eiusmodi ministerijs deputatorum, fatendum est in eius generis ordinibus conuenienter statui posse, ut Officium diuinum publicè in choro non dicatur, maximè cum deceat nullos esse in talibus ordinibus ineptos ad ministeria spiritualia. Si quando autem in aliquo ordine simili, chorus introductus est, causa videtur fuisse, ut inepti ad alia ministeria spiritualia in his occuparentur, non igitur tales recipiantur, & non erit in huiusmodi religionibus necessarius chorus.

At responderi posset, quod etsi religio attendenda sit ex immediato fine, attamen sicut pars eorum est a confess., pars legit, pars ministrat, pars concionatur, sic pars choro vacare deberet, ut populo satisfaciat.

Si in aula versantur, id non faciunt, ut Christum regent, neque ut gula satisfaciant, sed ut animas Christo lucrifaciant, ipsumq. Christum imitantur, quem legitur in domo cuiusdam principis Iudæorum intrasse, in qua hydropicum sanauit.

Si adi-

Si adifeia illorū palatia videntur, numerus eorū ingens id exigit, si propugnacula videntur, faciunt, ut diutius durent, quare nec Principes, nec Respub. muros, ac propugnacula construere deberent, quia, & ipsi credunt mundum non esse aeternum; & tamen vellent, ut longissimo tempore durarent. Quare potius dicere debuissent maleuoli eorum domos esse cupiditatum carnificinam, flagitiorum pestē, frenum furoris iuuentutis, mortem cupiditatum, & lasciuiarum omnium.

Artes eorum bonae sunt, non male, nam si arte iuuentutem numerosam in suas scholas colligunt, benefaciunt; nam nil in discipulis prater discipulos amant, quidquid docent, faciunt; aestimari autem praeceptoris magnitudo non potest vita, qui docet doctos facere discipulos, sed magis bonos contendunt, ut inquit Rescius ad usum vitae non ad consuetudinem scholae loquuntur. Nihil habent melius, quod optent, quam ut discipuli Deum, & proximum diligant, & hoc solum auditoribus suis ex omnibus, quas profitentur, litteris proponendum putant, quod bonus vir faciat operam, quam praestant, non tantum ipsis praestant, sed tanquam ipsis. Nemo potest dicere nullam habent cogitationem mei, non in sinu meo ponit, sed in medium projicit verba. In turba enim multorum praecipuam de singulis curam habent, non tanquam publici partem, sed tanquam proprium cuique dantes beneficium. Laborem in docendo, & molestum illud tedium, quod oscitantes discipuli pariunt, sine supercilio deuorant, hortando, bonam indolem erigunt, laudando animum addunt, monendo desidia discutunt, ingenium latens, & pigrum iniecta manu extrahunt, molentibus timorem adhibent: nec ideo discipulis profunt, ut profint & sibi, aut eos faciant utilitatis suae instrumenta, sed omne laboris sui praeium in eorum profectu statuunt, ad suspecta tempora occurrunt, nullum illis ministerium oneri, mortem inertiam putant, praeceptores profitentur, amicos agunt, & quod in omnibus eorum studiis eximium est, cum sciant paucis opus esse ad bonam mentem litteris, omnem simul sapientiam in compendio tradunt, timere Dominum, cui omnes suas scientias dirigunt.

Si Iesuita voluerint appellari, id non ambitione factum est, sed tota errant via, ut inquit Io. Perellius in dialogo de catholica doctrina, qui putant homines illos, a fastu, & ostentatione semper alienos, omniq. modestiae deditissimos, hoc sibi nomen vnquam assumpsisse, ut Iesuita nuncuparentur. Quod illis vel inuitis vulgus indidit, & loquentium consuetudo passim confirmauit, frustra illis reclamantibus, qui inde ab initio Societatis Iesu nomen acceperunt, etenim res ipsa postulabat, ut qui unum, idemq. religiosae vitae institutum am-

plecterentur, seq. totos publicis Ecclesia commodis procurandis addicerent, ut sub Iesu ducis, ac principis vexillo peculiarem militiam instituerent, certum aliquod nomen præ se ferrent, ut & ab alijs piorum, & religiosorum cœtibus distinguerentur. Itaq. non abs re fore visum est, si quemadmodum cohors aliqua suam a Duce, & Principe appellationem mutuatur, sic ipsi a Duce suo, nomen, & peterent, & acceperunt, eo nempe, quem unum semper in oculis ferre, ad cuius vitam imitandam sese totos componere, cuius denique gloriam in Ecclesia sincerè promouere coniunctissimis animis maximè desiderarent. Neque sanè illi tam iniquos, & maleuolos illos fore putarunt, qui probo ipsis verterent, nomen animo planè simplici delectum, atque susceptum, quod Christianis atque omnibus congruebat, & cui similia quædam religiosarum familiarum cum Itali tum Hispani sonare solerent, vocant enim religiosos quosdam Iesuatas, & pias societates, siue congregationes nonnullas de bono Iesu, alias sanctiss. Trinitatis, quasdam Christi Crucifixi. &c.

Quamobrem, qui in Iesuitas inuebuntur sunt furijs abrepti, fluctibus obrupti, procellis implicati, Megere facibus accensi: indolis sunt impurissimæ, animum fartum calumnijs cupiunt exonerare, mentem mendacijs pregnantem excutere, gestu equidem ita prompti, & acuti sunt ad omnes calumnias omnibus vestigijs persequendas, ut ab illis nihil aliud expectemus, ut inquit Rescius, quàm ut affirmant Iesuitas in Paradiso serpenti persuasisse Euam, ut seducerent, aut Pilato autores extitisse Christum, ut in Crucem ageret; quæ est per Deum hac tanta calumniandi libido, quæ laceranda fama cupiditas? quod intorquendarum calumniarum desiderium. Iam & vereri pij homines possunt, ne & Græcis adfuisse dicant Iesuitas, cum Helenam raperent. Et equidem contra omnem iudiciorum tum ciuiliū, tum Eccles. consuetudinem, eos qui nec sibi malè sunt conscij, nec ullius adhuc facultatis a quoquam conuicti, & ne citati quidem, & auditi fuere innocentissimos, ut protekti ad omnem audaciam sicophanta criminibus atrocissimis accusant ijdem, ut Iudices condemnant, ut Tyranni proscribunt, ut Carnifices flagellant. Quis verò sit tam emotæ mentis, & ignarus, ut in re graui seu viliter, & more puerorum stilo exercenti fidem accommodet, qui magno numero maledicendi formulas, quæ apud M. Tullium in Philip. Verrinis, & alibi leguntur in unum quasi fascem, ut inquit Perellius, colligant, & in Iesuitas immerentes effundant, nimirum, ut quos ratione, & veritate superare non possunt, eos falsis criminationibus in vulgi saltem odiū, & contemptum si quomodo possit adducant.

Verum enim vero Societatis huius homines, ut sunt Euangelica
philo-

philosophia obseruatissimi, simulq. modestissimi istorum canum notis iam ante latratibus, ac moribus adeò non commouentur, vt etiam infelicitatis parte ponant a talibus amicis, tam blandè saluari, a quibus vituperari, nihil profectò sapientum iudicio aliud est, quàm laudari. Nunquam illi maledicta pensant maledictis, sed potius pro maledicis, amulis, & iniquis criminatioribus Dominum precantur, qui mentem illis meliorem aliquando inijciat, & Saulos in Paulos diuina sua virtute, & potentia conuertat. Et quoniam temporis parcissimi sunt, nullum illis otium datur ad iurgandum, ipsaq. pietatis ratio vitat, ne ad bonas horas male collocandas, aut voluntatem adferant, aut facultatem adimant. Cur verò illi tam diris vnus homuncionis probis acceptis sese vel purgarent, vel defenderent, quorum virtus, & pietas toti iam orbi nota, atque testata est. Qui summis quibusq. principibus, & magistratibus iam pridem suum studium operam, eruditionem, pietatem probauerunt? Quorum in Ecclesia functiones, & fuerunt, & sunt plurimis vbique gentium mortalibus salutares: qui huius vitæ illecebris, & prauis animi cupiditatibus prorsus Nuncium remittentes religiosæ sanctimonie, & perpetua morum bonestati, atque integritati se se consecrarunt, qui ad extremos in Ecclesia Christi sustinendos exatblantosq. labores, quocunq. a suis maioribus mittantur, semper accincti, & expediti sunt, qui sine quaestu, & emolumento gratis diuinas, & humanas litteras interpretantur, & in iuuentute ad omnem doctrinæ, & christiana probitatis excellentiam conformanda, & instituenda maximas quasque, & incredibiles molestias subeunt, imò contemnunt; quorum in Euangelio prædicando studium, ac diligentia tot Ethnicorum myriadas in Orbe nouo superioribus annis ad Christum, & Ecclesiam adiunxit, quorum patientiam, & barbarorum furor, & Hæreticorum crudelitas sic exercet, ac probat, vt suam de Ecclesia benè merendi voluntatem, & officium ipsa vitæ huius despicientia, & sanguinis profusione subinde testari debeant, quorum vitæ sanctimoniam, & doctrinæ sinceritatem multis, & illustribus sape miraculis Diuina Bonitas illustrauit, quorum denique eximia literarum doctrina, & in omni disciplinarum genere præstantia tanta est, vt nisi ab ea hæretici magno pere sibi metuerent, non tantis viribus, & machinis hoc vnum scdali-
tium oppugnarent.

Satis responsum videtur ijs, qui Religiones contemnunt, ac illudunt, quiq. ea inuenerūt, quibus iniuria Dei, ac Ecclesiæ locupletètur, apud quos plus pecunia cupiditas, quàm Dei cultus, ac timor potest; cum enim peccandi liberam habeant consuetudinem, deuorare pauperum, vel Ecclesiæ pecuniam non dubitant, & cupiditate inflammati

L 4 non

non solum in auaritia sua viam questus illicitam inueniunt, verum etiam exitum, ac rationem defensionis instituunt, belli, ac armorum necessitate aliqui prætextu, intolerandam licentiam, ac inexplebilem auaritiam obtegunt, ius natura confundunt, legari quidpiam pia causa vetant, vel exitum, vel emptionem bonorum Eccles. impediunt, & tamen semper sub Christianis Principibus Ecclesia bona augeri, & prouentus Ecclesiasticos emptionibus, ac acquisitionibus multiplicari semper non modo licitum, sed honestum fuit. Predij autem Eccles. immunitatum priuilegia auferri, & rescindi adeò indignum foret, quod ne barbari quidem infideles, & pagani sacerdotibus suis, & sacro patrimonio exemptiones, priuilegia, & immunitates inuidiosè denegauerint. Apud Aegyptios sacerdotum agros immunes fuisse legimus apud Herodotum lib. 2. Non permisit Artaxerxes, ut quis ullum Leuitico ordini tributum imponeret. Esdras lib. 1. cap. 7. edixit Romulus, ut sacerdotes a militaribus officijs, ceterisque muneribus, & præstationibus publicis immunes, & liberi essent, ut inquit Halicarnas. lib. 2. Coi cum tributorum immunitatem ab Imperatore Claudio peterent, insulam suam Aesculapij veneratione præcipue commendarunt. Ac refert Tacit. lib. 12. Claudium hoc potissimum respectu voluisse, ut omni tributo vacui Coi sacram, & tanti Dei ministram insulam colerent. Druydes in Gallia, ut refert Cæsar lib. 6. com. omnium munerum, ac tributorum vacationem, & immunitatem habuerunt. Eandem sequentes Imperij ratam esse voluerunt: Itaq. Clericis, & Religiosis immunitatem inuidere, quàm Ethnicis sacerdotibus suis nunquam denegarunt, impium esset ingratum, ac iniuriosum, ut inquit Anneus Robertus lib. 2. rerum iudicat. cap. 2. Nam & Constantinus constitutionum Romanarum libri, & sacri Canones, & Pontificum decretales Epistolæ habent frequentes de immunitate Ecclesiarum.

Quare qui non cognoscit illos, qui Ecclesiastica doni specie rapiunt, vel legata, & emptiones impediunt, esse principatu indignos, testatoris voluntatem, quæ apud omnes iuris peritos est lex, foci pendentes, nec pudet pietatem violare, nam veniens contra voluntatem testatoris, ut inquit Baldus in tract. de dote, in princ. 5. par. dicitur iura pietatis violare, etiamsi hominis voluntas tendat contra fauorem libertatis: quare seruari debet, nam ut Scholasticus Poeta in versibus, quos de Strigibus Aeneide sub Octauij Augusti nomine scripsit.

Sed legum est seruanda fides, supremaq. voluntas,

Quod mandat, fieriq. iubet parere.

Et Seneca lib. 3. contro. Agitur de iure testamentorum, quorum interit omnis potestas, si viui neglexerint Imperia mortuorum, nec mediocri

dioceri utique ratione, quemadmodum scitè Quintilianus declam. 308. docet moribus, & legibus comparatum fuit, ut quoties fieri posset, defunctorum testamentis staretur. Neque enim aliud (inquit ille) videtur solatium mortis, quam voluntas ultra mortem: Alioquin potest graue videre, etiam ipsum patrimonium, si non integram legem habet. Et cum omne ius nobis permittatur viuentibus, cur aufertur morientibus? Quamobrem si tu tributa a Clericis exiges, si emptionem impediueris; si legata irrita feceris, si Ecclesiam veneratus non fueris, si Sacerdotes iniuria, vel damno affeceris, si volueris res Dei tollere, Deus regnum tuum velocius tollet, nam ut refert Greg. Turonensis lib. 4. Clotharus Rex indixerat, ut omnes Ecclesia regni sui tertiam partem fructuum fisco exoluerent, quod licet inuiti cum omnes Episcopi consensissent, atque subscripsissent, viriliter Beatus Incuriosus respiciens subscribere dedignatus est, dicens Clothario, si volueris res Dei tollere, Deus regnum tuum velociter auferet, quia iniquum est, ut pauperes, quos tuo deberes alere horreo, ab eorum stipe tua horrea repleantur, qui enim sacerdotes tangit, pupillam oculi Dei tangit, ut habetur Zach. 2. quare venerandi sunt, ac obseruandi sacerdotes, non autem extorquendi, non fraude decipiendi, non ignominia afficiendi, ut tua pareant voluntati. Quasi vacca lasciuentes declinarunt, & dilexerunt asferre ignominiam protectoribus suis loquitur Oseas 4. & qui sacerdotes carcerare conantur, vel qui Domino rectè sacrificant, indubitanter persequuntur, & dilaniant, cuius vicem funguntur, ut ait Dominus per Iob. prop. cap. 3. nunquid ultionem reddidistis mihi, & si ulciscimini vos contra me cito velociter reddam vicissitudinem vobis super caput vestrum, nam si modo quisquam oculos Principis seculi erueret, quid de illo esset, si pro seculi potestatibus, talia ab hominibus fiunt, quid pro his fieri putatis inquit Alex. epist. 1. de sacerdotibus non vexandis, de quibus Dominus ait, qui vos tangit, tangit pupillam oculi mei.

Super ea verba, ea sola species adulandi supererat dubitari potest.

Vtrum assentatio aulica causa sit Tyrannidis.

Dubium non est, quod omnium nocentissima bestia sit assentatio, maxime in aula Principis, nam ut fulmen sæpe diffringit illa cute, ita assentatio Regum præcordia vulnerat, ut inquit quidam sub specie amicitia. Assentatio enim dulcissimam vocem Hycnis, & vora.

voracissimum ventrem Charybdis habet; blanda est, & tamen aspera, dulcis, & tamen amara, candida, & tamen nigra, quid multis? facie humana est, & tamen vipera. Arist. assentatores Tyrannorum comites esse affirmat, illosq. causas esse, cur pro ratione, libido, pro lege, voluntas, pro institutis, maiorum placita, & decreta populi dominantur. quidam probat hæc monstra esse ipsas calamitates, & pestes Rerump. in quibus admittuntur natura assentatoris, qui est specie amicus, hostis verò animo, totus dissimulator, & insidiator vitæ, quòd si ita sit non aliter, quàm ignis omnes, quibus cum agit, in suam naturam conuertere, & transferre nititur. At si Reges, virosq. principes, apud quos maximè viuit, & versatur semel inficiat, periculum est, ne ipsi dissimulatores fiant, rationisq. imperio relicto passiones animi, ac affectus assequantur, & quid aliud est, quàm secundum affectum regere, quàm Regnum in tyrannidem commutare: Verum, tamen si lætania olera assentantium viri primarij suxerint, veluti aspidum aculeis uti statim in lethargum, & alium soporem incidunt, in vallo phantasmatum perpetuò somniant, qui sint, & unde oriuntur obliuioni tradunt, indulgent affectibus, contemnunt leges ciuēs, corrumpunt Ciuitatem, fallunt toti Tyranni, & crudeles fiunt: quare insidiosa est assentatorum vita, eòq. tendunt, ut oculi principum primo cacutiant, & effodiantur, quo facto principes primum ad philautitiam, & amorem sui, tum ad contemptum, & odium aliorū ruant; hinc fraus, perfidia, imperiosa voluntas, velox appetitio vindictæ, abrogatio legum, aliaq. sexcenta mala in Ciuitatem fluunt, quæ potius tyrannidem, quàm pacatum Reip. statum, & administrationē arguunt, & representant, quare rectè Elysius Calentius quadam epistola principem quendam hortatur, ut has pestes abijciat his verbis.

Parasitos istos, & quos tu recipis nebulones, quanti æstimes non intelligo, eos te amare iudicas, qui te cœnandi gratia laudant, erras, si tales putas amicos, qui de te aliter Domi, aliter foris sentiunt. Illic si sapientiam tuam admirantur, illic dementiam tuam rident, qui tam facile omnia credas; Genus hominum pessimum, & latenti profectò aspidi simile. Amicos tibi existimato, qui te errare posse, ac consilio egere dixerunt, qui assentatores amouerint, rei tuæ seruanda intenti te amarunt, paruerint interdum, obiurgarint, quòd si secus acceperis, illud in te rectè dici poterit, obsequium amicos, veritas odium parit; pessimè consulere istos video, quos tu diligis adolescentes, dum studia litterarum deferenda, libidines verò, conuiuia, venatus, catæraq. eiusmodi animi oblectamenta molliter ante oculos ponunt. Non conuenire aiunt Regibus studia humanitatis, quæ fabulas vocant, bisfrío.

bistriones autem, & meretrices habere ad voluptatem conuenire, iudices, ac Sophistas discere litteras oportere, non Reges, qui cum Imperio nati sunt. Improbam quidem vocem, & nequaquam libero homine dignam; quis Regem negat sapere oportere, nisi Regem non esse eum debere profiteatur, sapientia ne? an stultitia? & ignauia populos sic regendos putant. Iudices habendos esse dixerint, qui regimen consultant. Illud est dicere canes habendos esse, qui cæcum ducant, qui si non recta proficiatur via, præcipitem Comitem trahant: Tutius ne esse existimant aliorum iudicio, quam ex sententia viuere, longè profectò errant, tu quoque longius Hiarca, si tales auscultaueris. Regem te esse vis, discere prius, quid sit, quod Regem agere oporteat, & in primis sapientiæ studia, & humanitatem cole, Philosophos sectare, poetas delectare, leges scito, quæ tibi oculos faciant, & quò profecturus sis largius ostendant viam. Hoc maximè operè nostrates Principes considerare deberent, his calamitosi temporibus, in quibus tanta est adulationis pestes, ut quicquid Reges delirent, ac Principes ex istorum maximè lenocinio oriatur, ut inquit Lucius Vitruuius Roscius, quod animaduertens Antisthenes Atheniensis satius esse dicebat, cum necessitas urgeret, in Coruos, quam in assentatores incidere, quòd illi mortuos, hi viuentes deuorent. Desertos enim aiebat Crates Thebanus, qui cum assentatoribus essent, non secus ac vitulos, cum inter Lupos sunt. Isocrates sic admonebat Nicoclem: Da libertatem benè sentientibus, ut habeas autores, & comprobatores eorum, de quibus ambiges, considera illos, qui bona mente obsequuntur, ne mali plus habeas, quam boni. Idem Dom. cum sic hortabatur: odio tibi sint adulatores, tamquam deceptores; ambo enim iniuria illos afficiunt, qui faciles aures patefaciunt. Caue, dicebat Solon: singulos obserua, ne fortè odium in corde tegant, dum blanda, ex accidenti facete alloquuntur, duplaq. illis lingua ex mente sonat: adulationes indecoras pellendas esse dicebat Augustus. Assentatio (inquit Cicero) minimè nocere potest, nisi ei, qui eam accipit, atque delectatur. Scribit D. Hieronymus: Adulatores, & inimicos caue, quorum sermones super oleum molles, & ipsi sunt, corrumpunt fidei laudibus animas leues, & malè credulas mentibus blandum vulnus insigunt. Creuit hoc in nostra ætate vitium, & in ultimo fine stetit, nec augeri potest, in banc omnes nos scholam, studiumq. dedimus, ut officium putemus illudere, quodq. ipsi ab alijs libenter accipimus, id alijs quasi quoddam munus offerimus, & spe recipiendæ laudis eos, à quibus laudari volumus, ante adulamur: sæpè adulantium resistimus verbis ad faciem, & in secreto mentis fauimus, maximumq. fructum cæpisse nos dicimus; si vel fidei laudibus prædicamur, nec cogitamus,

abieci, nihil tamen sibi deesse putent, nec ad honestatis elegantiam, nec ad honestatis magnitudinem; quantum enim ad honestatis opinionem attinet, flagitijs, quibus homines scelerati Principes deditos esse vident, virtutum nomina imponunt, temeritatem enim appellant fortitudinem, ignaviam, ac timiditatem, prudentiam nominant; & si Rex crudelis extiterit, eam crudelitatem, severitatem salutarem esse dicunt: Si verò fuerit in animaduertendo dissolutus, eam negligentiam, & timiditatem clementiam esse prædicant, immortalī laude celebrandam; si Regni opes temerè profundit, magnificum, si pecuniā magno studio coegerit, sapientem vocant, sic etiam si bibit liberalius, bilarem, atque festivum, si ludit intemperantius, urbanum, si se abicit moderatum, si effertur insolentius, magnanimum esse confirmant. Hac igitur ratione, dum hæc, & alia flagitia virtutum nominibus ornant, id assequuntur, at quamvis Reges sint omni flagitio corrupti sibi tamen summam honestatem augent, & in magnitudine falsi decoris insoleseunt. In gravitate verò constituenda, quibus rationibus utuntur, illi ceota sunt, qui gravitatem, & auctoritatem ex prudentia magnitudine, & ex virtutis constantia, & ex iustitiæ splendore, sed ex superbia, & inhumanitate petendam existiment. Summo igitur studio cauent, ne Rex omnibus suis conveniendi potestatem faciat, ne benignè homines appellet, ne cum populo loquatur, ne quidquam popolare habeat, sed vultum sibi severum, gravem, & mutum denique fingat, seq. quasi per signum dedicatum domi contineat, quod certis tantum diebus sit in aperto, ac pro patulo collocandum. Ad illam verò superstitionem, cum qua Reges adiri solent, cupiunt semper aliquid adicere, quo Regis nomen diuinius esse videtur, ut cum homines Regem aspexerint, non se populi moderatorem, atque patriæ parentem, sed numen cælo delapsum intueri putent, ad cuius aspectum commoveantur animo, & toto corpore contremiscunt. Hac igitur superstitione plerique homines imbuti, non laborant, ut Reges debito amore, & pietate presequantur, sed ut aperte, atque concinnè sese ad illorum pedes abiciant, & illorum manus, quoties illis verbum solito benignius excidit, osculentur, & ut sibi sint propitij tam suppliciter, atque demissè postulent, ut non cum Principibus; sed cum ipso Deo loqui videantur, quæ quidem res eò prouexit ipsorum Regum amentiam, ut se Deos existimarent. Observant etiam quod Poeta dicit.

— Si cupis autem
Delectare aliquem, verbis laudato decenter
Ipsum, resq. suas, vel si quid gesserit unquam,
Egregiè ne te pigeat laudando probare.

Nam

Nam sapiens neque, ac stultus laudari optat,
Interdum lepidis, risumq. mouentibus, aures
Mulceto dictis, referendo; si qua iocosa est
Fabula, vel si qua est vetus, aut noua digna relatu
Historia, & demum, si quid scis posse placere,
Non contradicas, immò assentire loquenti
Sint non vera licet; quod si pudet illà fateri.
Tu saltem taceas: Nam dissimulare tacendo
Maxima plerunque est prudentia, vt verè nescit
Vt benè vulgus ait, qui nescit dissimulare,
Nunquam mihi crede, nocet defendere verum
Temporis, atque loci proinde est seruanda, hominumq.
Conditio semper, ne quid te lædere possit, &c.

Et quod Terentius ait.

Istud nimirum esse sapere, qui vbicunque opus sit
animum possis flectere.

*Aulicum quemdam in speculo vita aulica libro primo, capite quinto
sub finem introducit per fabellam Hartam Scopperus de seipso glo-
riantem.*

Quodcumque Princeps expetit,
Meusq. mandat: consulo,
Quamuis id Vrbes perderet,
Aut Ciuium concordiam,
Et omnium Respublicas:
Partem, vel omnes rideo.

Similem Terentiano isti in Eunuchis dicenti.

Est genus hominum, qui esse primos se omnium rerum volunt;
Nec sunt, tamè hos cōfector, hisce ego nō paro me, vt rideant:
Sed his vltra arrideo, & eorum ingenia admiror simul.
Quicquid dicunt laudo, id rursus si negant, laudo, id quoque
Negat quis, nego, ait, aio, postremò imperavi egomet mihi
Omnia assentari, is quæstus nunc est multò vberimus.

Ratio cur hunc amant quæstum, dicit Antiphanes his verbis, nulla ars
est, aut esse potest iucundior, aut prouentus alius, quàm adulandi in-
dustria, pictor labores duos, ac amaros tolerat, agricola rursus in
quantis periculis versatur omnibus præstò est sollicitudo, & labor; nobis
vero cum risu, & delicijs transigitur, non enim maximum opus est
iocari, dulce ridere, cauillari cum aliquo, ebibere multum, non suaue
mihi quidem; ac post diuitias 2. locum tenen. benignitatem fa-
cile ostendit, subsequitur, & obsequitur, cunctos honorat, vniuersis
inclinat, frequentat curias, & aulas visitat optimates, multa fert no-
na,

ua, aures mulcet, adfurgit, & amplexatur, applaudit, & adulatur. Promptus, & feruidus, ubi placere cognouit; remissus, & tepidus, ubi putauerit displicere, ut inquit Innocentius Tertius de contemptu mundi cap. 2. cap. 26. res minimas adulator non tangit. Nam quemadmodum pediculi discedunt à morientibus, & corpora relinquunt, cum primum sanguis extinctus fuerit, quo nutriri solent, sic assentatores res aridas, ac frigidas minimè tangunt, nobilibus, ac potentibus imminet, hisq. aluntur, sed ijdem commutatis rebus statim aduolant, ut loquitur Plutarchus lib. de discrim. adul. & amici rectissime præcipit Piætorius illo epigrammate.

Accipitres ubi vidit Anas, & aprica Phileni

Cerua Canes properæ dant sua terga fugæ.

Sic velut hostileis fuge dulcia verba sagittas

Mollis adulator non minus hoste ferit.

Verba enim adulatoris nihil prudentiæ, nihil sobrietati addunt, ut inquit Plutarchus, quemadmodum sunt cibi nonnulli, qui neque sanguinem iuuant, neque spiritibus, neque neruis, aut medullis vim aliquam addunt. Sed pudenda tantum permouent, aluum tumefaciunt, & carnem gignunt subputrem, ac flauidam; sic assentatoris oratio, nihil addit sobrietati, nihil prudentiæ, sed aut quadam amoris delectatione delinire, aut stultam tracundiam, aut inuidiam irritare, aut molestum, & inanem animi fastum inducere, aut in dolore collacrimari, aut morum difficultatem, & illiberalitatem, ac pertinationem semper delationibus turbulentam, ac suspicantem reddere, non ignorabit, quisque animaduertit bonis eiectis, exules nobilibus, & generosis ingenijs insidiantur, neque hæc solum perdunt, verum etiã magnas sæpe familias, Dynarchias amplas, florida Regna, potentissima Imperia labefaciunt, destruunt, euertunt, & hoc ita rectè, astute, occultè, callidè faciunt, ut esse viri boni, amici fidi, socij candidi, & sinceri videantur, non nisi damno iam accepto agnoscantur, ut inquit quidam.

Conclamant Patres, corpus ad rogam Senatorum ferendum, &c.

Super illa verba ius apud Ciues dicendum erit.

De

De Iustitia.

P Rincipes iustitiam facere iure diuino tenentur. *Psalm. 71.* Iudica populum tuum in iustitia tua, & pauperes tuos in iudicio. *ibid.* Deus iudicium tuum Regi da, & iustitiam tuam filio Regis. *Legimus* Saul Regem reprehensum, & contraxisse offensam, quia non exercuit iustitiam, & non solum sunt iussi iustitiam ministrare, sed etiam non esse partiales, & sine personarum acceptione. *Vnde legitur Deut. 13.* Si frater tuus, & amicus tuus, & uxor tua, quæ in sinu tuo dormiuit deprauare voluerit veritatem, sit manus tua super eos, & effundes sanguinem ipsorum, & ut melius iustitiam antiquitus possent iustitia administratores administrare, querelas populi tabernaculum Dei ingredientibus ad Dominum referebant, ut secundum illius Imperium iudicarent. *Exod. 32.* Maledictus, qui prauertit iudicium aduenæ, pupilli, & viduæ, & qui iustificat impiū, & qui condemnat iustum, abominabilis est uterq. apud Deum. *Audite ergo Reges terræ, & intelligite, discite iudices terræ, præbete aures vos, qui continetis multitudines, & placete vobis in turbis nationum, quoniam data est a Domino potestas vobis, & virtus ab altissimo, qui interrogabit opera vestra, & cogitationes scrutabitur, quoniam cum essetis ministri regni illius, non rectè iudicastis, nec custodistis legem iustitiæ, neque secundum voluntatem Dei ambulastis. Sap. 6.* Quoniam conuertistis in amaritudinem iudicium, & fructum iustitiæ in absinthium, qui letamini in nihilo, ecce ego suscitabo super vos domus Israel dicit Dominus exercituum gentem, & conteret vos. *Esa. 5.* Væ qui condunt leges iniquas, & scribentes iniustitiam scripserunt, ut opprimerent in iudicio pauperes, & vim facerent causæ humilium populi mei, ut essent viduæ præda eorum, & pupillos diriperent. Quid facietis in die visitationis, & calamitatis de longè venientis, ad cuius confugietis auxilium. *10.* Ego Dominus diligens iudicium, & odio habens rapinam in holocaustum 61.

Item in nouo testamento, Christus Rex super omnes Reges, volens qualis erat iustum se ostendere, & iustitiam facere legitur. *Matth. 22.* Dixisse interrogantibus Iudæis, si esset licitum dare tributum Cæsari, reddite quæ sunt Cæsaris, Cæsari, & quæ sunt Dei, Deo, & legitur Christum dixisse, nisi abundauerit iustitia vestra plusquàm Scribarum, & Phariseorum non intrabitis in Regnum cælorum. *Matt. 5.* Dans in exemplum Principibus, ut inquit Petrus Bullega in speculo

M

Prin-

Principis rubrica 11. de propositione grauaminum coram Principe quod ubi iustitia obfuscatur per Scribas, & Phariseos, id est per malos Iudices, Regna euertantur, & certè si Princeps rectum iudiciũ, & iustitiam non seruauerit, a Deo redarguetur; unde legimus Ioan. 16. Arguet mundum de peccato, de iudicio, & de iustitia; & noua lege æqua lance iudicandum est, sicut antiqua lege; unde scriptum reperiemus ita magnum iudicabis, ut paruum, & non erit apud te acceptio personarum. Deut. cap. 1.

Quamobrem Princeps, & illorum officiales, ut dicit Camillus Borellus in add. Spec. princip. debent, sicut eorum potestas a Domino Deo est, ita grato animo illa uti, ut ad ipsorum exemplum ceteri discerent; principum namq. vita, ut Plinius nepos in Traiani Caesaris panegyrico astringit censura est, eaq. perpetua ad hanc dirigimur, ad hanc conuertimur. Ipsi surda aure serpentum more fingunt longius ire, & ne videantur eorum opera praua officiales eligunt, qui postergatis penitus legum, Canonumq. placitis, nihil aliud student, nisi ut Domino placeant, ob quod laxatis penitus voluntatis habenis in miseros subditos infelicitè seuiunt, ipsosq. bonis spoliant, ut dominos ditent, ac vestiant, ipsosq. excoriant, & ad sanguinis usque, ac animæ deliquium emissionem totalem reducunt. O miseri, o terque, quaterque miseri, & infelices, cum una simul ante Dei tribunal exactam reddent gestorum rationem usque ad ultimum quadrantem. Ignorat Borellus, cui potius infelicitatem hanc tribuat, an officiali talia gerenti, vel domino potius non reluctanti. De his dici potest, quod cæcus cæcum ducit, & ambo in foueam cadunt, & equidem indigna, & infamis res est hominem nobilissimum munus corrumpere, præfectura enim, atque iudicandi munus, quàm necessarium vitæ humanæ, quàm excellens, quàm præclarum sit exercitium, & a cunctis mortalibus honori habitum nemo est, qui nesciat, nisi qui legibus reijci recusat, aut alienis iacturis ditari peroptat, ut inquit Rodericus Zamorensis in specul. vitæ humanæ lib. 1. cap. 13. Quare non debent fieri Iudices homines, nisi virtute valeant rumpere iniquitatem. Ecclesiast. 7. Nam & multa onera, & labores, & incommoda, & pericula illos concomitantur, sed præsertim quæ Rodericus ponit primum periculum ex eo maxime imminet, quia plerunque ex causarum multitudine defectus accidit sollicitæ discursionis, quod utique periculum cauens beatus Iob. 29. dicebat causam, quam nesciebam, diligentissime inuestigabam. Super quo Gregorius, ad proferendas sententias videamus, ne vnquam præcipientes simus, ne temerè indiscussa iudicemus, & qualibet audita mala statim moueant.

Secun-

Secundum Iudicis periculum sequitur, affectus a iud. & inordinata passio, quæ tanto certius ab eo committuntur, quanto difficilius ab eo superantur. Vnde Aug. quasi pro quodam miraculo narrat Appium collegam suum nullo affectu, odio, timore atque præmio iustitiam subuertisse.

Tertium Iudicis periculum paratur ex obliqua intentione, aut iniusto animo. Vnde scriptum est, quod iustum est, iuste exequaris, quasi dicere velit, non est satis Iudici iusta decernere, sed necesse est, si periculum vitare cupit, ut iuste iusta decernat, idest recto animo agat ea, quæ leges iubent.

Quartum periculum, Iudicis continuè tentat donorum, videlicet, & munerum cupiditas. Quis enim ille est, de quo verè dicere possimus, qui discutit manus suas ab omni munere in excelsis habitabit. Ea siquidem pericula tantò Iudicibus promptiora sunt, quantò facilius euitantur. Vnde Isidorus multi tribunal ascendunt, sed rarò Iudices inveniuntur, qui populos legum moderamine regant, & si vetera ad hoc vitandum periculum persuasioni desint, illud Petrarche occurrebat, quia Iudex ipse populorum honorato quodam exilio damnatur, dum otium domesticum, cum externa sollicitudine permutatur. Amara certè, & turbida iudicum fors est. Habent enim domum non modo muneribus apertam, sed & litibus silentio vacuam, querimonijs plenam, iniurijsq. refertam. Quicquid languidum, quicquid agrotum in prouincia, seu Ciuitatis visceribus latet, totum sibi tractandum, curandumquè reseruatur. Vnde Plautus durum admodum opus dicebat multos corrigere, quia sese corrigunt paucissimi. Adde illud Plutarchi præclarum exemplum, qui cum Iudex eligeretur, renuit dicens, quare sic iudicabo, quasi statim ab alijs iudicandus. Nec modo ab hominibus iudex ipse iudicatur, quippe in quem totius populi oculi vertuntur, sed durius a Deo summo omnium iudice iudicari timeo, dicente scriptura iudicium durissimum his, qui præsumunt. Postremo pudor est, quod Iudicibus, & Magistratibus pudor nullus sit his præesse, quibus subesse dignius fuerat. His de causis noli fieri Iudex, nisi virtute vales rumpere iniquitatem; Reges enim constituti sunt, ut iustitiam ferant, ut inquit Cic. 2. de off. ut summos cum infimis pari iure retineat, ut nec opulenti iniustum aliquod patiantur, nec plebs contumeliam accipiat; quamobrem iudicium, & iustitiam in omni tempore princeps faciat, & Iudicibus suis præcipiat, & graui quidem autoritate, ut in officio sese contineant, ne pecunia corrupti iniuste causas iudicent, iudiciumq. peruertant. Ad hæc nibilo minore studio monebit, ut omnino manus a muneribus abstinentes habeant, ut inquit Io. Bernardus Gualandus,

duſ, nulla enim incitatioꝛ eſca ad iudicia corrupenda, quã mu-
neribus inferuire. Is morbus è foro, è curia, è regia ſummopere ar-
cendus. Nam quibusdam hoc præſentaneum eſt venenum, qui-
busdam vero alijs ſenum illabitur, & cum aliquanto potentius pene-
trauerit morbidè inſcit, animumq. & corpus effæminat. Sic nullum
officiũ Tribunali redditur, ſic nullus pudor ibi conſiſtit, ſic inopum
cauſæ patrociniũ deſtituuntur, ſic legitima iuſtitia partibus, ac legi-
bus omnibus ianua clauditur, & delictis aperitur, atque poſtremo ip-
ſum imperium euertitur. Caueat igitur optimus Princeps, ne quis
iudiciũ ſubuertat, ac eò ſtudioſius, quò liberus populus ca-
lumnias pro huiusmodi in ipſum refundere conſueuit. Camby-
ſes inaudita ſeueritatis exemplum in mentem veniat, qui prauĩ cu-
iuſdam Iudicis ex corpore pellem detractam ſelle intendi in ea. filiũ
eius iudicaturum ſedere iuſſit;exquiſitum hercle pœna genus,quo Iu-
dicibus æternũ documentum, atque horrendum reliquit,ne præuer-
tere iudiciũ poſtea tentarent; nam aufer impietatem de vultu Iu-
dicis, & firmabitur iuſtitia thronus eius.

Iuſtitiam, & perpetuos illius,vt poætæ loquuntur, ſiue comites,ſi-
ue ſorores, veritatem, & fidem, pax, & amicitia, & bonarum artiũ
cultus, & omnium rerum expectandarum abundantia conſequitur,
vt ait Muretus oratione 6. Eam ſi colerent omnes, numquã tubæ,
numquã litui audirentur, arma aut exederentur rubigine, aut in
ligones, ac vomeres conſlarentur, belli, diſſenſionis, inimicitiarum ne
nomina quidem cognita eſſent.

Iuſtitia aurea ſecula vigent, vt idem dicit, ubicumque enim iuſti-
tia dominatur, illinc fraudes, illinc doli, illinc periura exulant, non
adulteri, non captores, non fures, non ſicarij, non venefici, non la-
trones, non teſtamentorum ſubiectores, non obſeſſores itinerum repe-
riruntur, ea denique propemodum eueniunt, quæ aureæ ætatis homi-
nibus eueniſſe memorantur. Sine iuſtitia autem, vt inquit Macro-
bius de ſomnio Scipionis non ſolum Reſp. ſed nec exiguus hominum
cœtus, nec quidem parua domus conſtabit. Quamobrem cum Reges
facienda iuſtitia cauſa conſtituti ſint iuxta illud 3. Reg. de Salamo-
ne, conſtitui te Regem, vt faceres iudiciũ, & iuſtitiam,iuxte iudi-
cent, & quid exigit iuſtitia faciant.

Iubet iuſtitia, vt communibus quiſque,vt communibus: priuatis,
vt ſuis vtatur, ſuum cuiq. ex æquo concedatur, non vel vi, vel dolo, cui
inferatur iniuria, ad publicum cuncta commodum referantur.

Iubet iuſtitia, vt in contractibus locum fides inueniat, hac eadem
ne quidem hoſti data violetur, omnis in dictis, factisq. fraus abſit,
amoueatur leuitas, inconfantia exulet.

Iubet

Iubet iustitia, ut nec impunita maleficia relinquantur, nec seuerè nimis, acriterq. puniantur, in ultione ratio, in vindicta modus adhibeatur, sit clementia temperata seueritas, coniunctam eadem misericordiam habeat.

Debet esse clemens, sed si non iuuat, sit seuera; nam agroti intemperantia facit, ut Medicus cogatur ad duriora remedia descendere, nempe sectionem, vstionem, & similia.

Princeps, quàm acerbus est subditis, & durus, tam durum Deum, & ipse quoque experietur, ut ait Agap. 8. & qua mensura alios fuerit metitus, eadem illi Deus remetietur, ut idem inquit, &

Seuitia, & crudelitas siue in suos, siue in extraneos, tandem a Deo punitur, ut rectè Cum.

Potest quidem in leuissimis nobilium delictis conuiuere; nam, ut Liuius lib. 55. Dion. in orat. ad Aug. nobilitas generis, amplitudo dignitum, fortitudo animi, & magnitudo potentie, in errores homines inducunt, non praua voluntas. Ceterum sit omnibus equalis, quia equalitas facit Ciuitatem perfectam, firmam, & stabilem.

In facinorosos etiam familiares suos animaduertat; nam sit iniuria bonis, cum impunitas datur malis; pauciores enim boni futuri sunt, si liceat impunè malos esse, nam cum expedit esse malos, tum noceat esse bonos, & cum præmium est male factis, tum benefactis pœna est.

Prius medicamentis leuioribus, deinde acioribus utatur; nam ut Liuius in orat. ad Aug. multo plura corrigi possunt humanitate, & benignitate, quàm vlla crudelitate; imò aliquando odiosos reddunt subditos, & magis exasperant. Medici rarò veniunt ad vrendum, & secandum, ne morbos efficiant grauiores, & eos perfusionibus, ac mitibus medicamentis curent, atque molliant; nec existimet Princeps inter morbos corporum, & has animorum perturbationes interesse; nam ea, quæ corporibus accidunt, sæpè solent cum animis nostris, quamuis incorporei sint, conuenire.

Res, quæ inter subditos versantur, princeps curare debet, ut omnes inter eos versentur iustè, quod fiet, si vis auferatur, ut inquit Zechius, eos tuendo a Latronibus, exulibus, homicidis, furibus, & eiusmodi; ijs etià se grauib, & validis manibus opponendo, & pœnas de male meritis sumendo, tum si fraudes, quæ in contractibus, ponderibus, mensuris, scripturis, monopolij victus subtractione, vel usuris versantur, auferantur. Tandem sciat iustitiam esse principatus arcem, ut inquit Michael Verinus.

Iustitia, & charitas validæ sunt principis arces,

Nulla Tyrannorum vis diuturna fuit.

M 3

Et

Et cultus regius non est purpura, non aurum, non gemma, sed maxime pietas, iustitia, & inuictus in rebus intrepidè agendis animus. quare ita se præbeat, ut ab ijs, quibus præest, alius non desideretur, ut inquit Cic. lib. 1. epist.

E contra iniustitia est cuiq. odiosa, quis est omnium, ut inquit Muretus loco citato, quem iniustum esse opinetur, aditu, congressione sermone dignum iudicet? quin eum, quasi maleficum aliquod, & noxiū animal refugiat, auersetur, odio habeat? qui eius concursus dirum, sibi, ac tetrum, atque ominosum putet? Quamuis enim omnia vitia bonis viris odiosa, atque inuisa sunt, tamen iniustitia præcipuè alienat ab ijs, in quibus est, aliorum animos, omniumq. sibi odia conflat, conciliat, colligit. Ceteris vitijs affectos aliquando ferimus, quibusdam ignoscimus, quibusdam non nimis offendimur, quibusdam in hac vita, ac morum corruptione etiam oblectamur: Prodigios multi amant, auaros tolerant, multos aliena intemperantia non offendit, qui voluptates nimis refugiunt, etiam seueritatis, ac castimonia laudè ferunt, audacia in bello interdum aliquis usus est; timidus, & nimis cupidus vita ignoscitur, iniustus communi omnium mortalium odio flagrat: suis, alienis, Ciuibus, peregrinis, notis, ignotis iuxta omnibus inuisus, exosus, intolerandus est. Itaq. & si illud omnibus hominibus a natura tributum est, tum raro sua vitia agnoscant, eaq. modis omnibus tegere, & occultare conentur, aut etiam eis virtutum nomina imponere, ut se prodigi pro liberalibus, auari pro paruis, ac timidi pro cautis, ac consideratis, audaces pro fortibus haberi, & prædicari velint; facilius tamen reperiatis, qui se auarum, timidum, audacem, libidinosum, quàm qui iniustum esse fateatur. Hæc ille, & satis, inferius autem alia dicentur.

Super illa verba, caterum cupidine dominandi, dicendum est.

Vnde fuerit vis dominandi, & de causa formali, materiali, & finali dominij, & de multis ad Dominum pertinentibus.

Dico primo, dominium, quod homines in animalia, ceteraq. anima carentia habent, esse a Deo, iuxta illud, faciamus hominem ad imaginem, & similitudinem nostram, & præsit piscibus maris, & bestiis vniuersæq. terræ, omniq. reptili, quod mouetur in terra. quæ verba

verba non modo ad statum innocentiae, sed ad quemcumque alium hominis statum referri debent, ut inquit Valentia dis. 7. q. 3. de fine hominis in statu innoc. p. 2.

Primo, quia in omni etiam statu, est homo imago Dei, quia cum imaginis dignitate coniunctum est illud dominium, siue Imperium. Secundo, quia statim homini condito benedixit Deus, illis verbis. Crescite, & multiplicamini, & replete terram, & subijcite eam, & dominamini piscibus maris, & volatilibus Caeli, & uniuersis animantibus, quae mouentur super terram. Ex quo loco patet, ita in omni statu competere homini istud dominium, sicut eidem competit multiplicatio secundum speciem. Vnde etiam post peccatum, dixit Deus Noe, & filijs eius. Gen. 9. Terror vester, ac timor sit super cuncta animalia Terrae, & super omnes volucres Caeli cum uniuersis, quae mouentur super terram: Omnes pisces Maris manui vestrae traditi sunt; Ac similiter ad hominem, in quocumque statu pertinet illud Dauidis. Psal. 8. Constituisti eum super opera manuum tuarum; Omnia subiecisti sub pedibus eius, oues, & boues uniuersas insuper, & pecora campi; Volucres Caeli, & pisces maris: & illud Ecclesiast. 17. Posuit timorem illius super omnem carnem, & dominatus est bestiarum, & volatilium. Secundo idem probatur ex Patribus, qui homini adhuc competere dominium in bestias recte inde probant, quod omnes illae capi, & domari possunt ab homine, ut etiam affirmat D. Iacobus in sua canonica cap. 3. Qua de re praecleara scribit D. Basiliius homil. 10. in exam. & D. Gregorius Nyssenus orat. in illud. Faciamus hominem, praesertim de hominum ingenio, & artificio, quo in mari capi solent pisces grandiores; atque huc etiam illud spectat, quod D. Aug. lib. 83. quaestionum q. 13. scite scribit hoc modo; Inter multa, quibus ostendi potest hominem ratione bestiis antecellere, hoc omnibus manifestum est, quod beluae ab hominibus domari, & mansue fieri possunt, homines a beluis nullo modo: Et illud item, quod scribit lib. 9. super Genes. ad lit. 20. Homini donauit Deus, ut etiam carnem peccati portans, possit non solum pecora, & iumenta suis visibus subdita, nec tantum domesticas aues, sed etiam liberae voluntatis quasi libet etiam sauas feras, & capere, & mansuetas facere, & eis mirabiliter imperare potentia rationis, non corporis, cum earum appetitus, & dolores captans, paulatim illectando, laxando, premendoq. moderans agresti eas exuit consuetudine, & tamquam humanis moribus induit.

Verum illud est, hominem munere diuino multo excellentius in statu innocentiae habuisse, & fuisse habiturum in animalia dominum, quam nunc naturaliter habeat, quia in statu innocentiae habuisset non

M 4

modo

modo subiecta, sed etiam perfectè obedientia sibi animalia, ut Theologorum multi declarant, nunc autem & si subiecta sint homini naturaliter animalia, non sunt tamen ei perfectè obedientia, nam quædã sunt fera, & indomita, quæ illi minime inserviunt, & alia domestica non sine labore, & difficultate ad hominum utilitates, atque obsequia accommodantur. in statu autem innocentie ad nutum paruiſſent, nõ quouis modo, sed eo tantum, quo potuiſſent, percipiendo aliqua ratione imperium hominis persensum. Quare si homo nullam significationem externam voluntatis, & imperij sui dedisset, aut eam animalia percipere nequiuiſſent, utpote longè diſſita, vel aliter fortè impedita, nequaquam paruiſſent, ut idem Valentia dicit.

Remanent multa veſtigia in animalibus ſeruitutis in hominem; nam omnia animalia hominem, ſicut principem timent. Elephas enim, ut Plinius ait homine obuio fortè in ſolitudine, & ſimpliciter obrante clemens, placidèq. etiam demonſtrare viam traditur. Idem veſtigia hominis animaduertens, priusquàm hominẽ intremiſcere inſidiarum metu ſuſſistere, ab olfactu circumſpectare, vias perſtare, & alijs indiſijs hominem timeri; hoc eodem modo Tigris expauit, quæ feris cæteris truculentior, atque ipſa Elephantis ſpernens veſtigia, homine viſo transferre dicitur protinus catulos. Quoniam modo agnito, ubi ante conſpecto illo, quem timens, etenim eiſmodi ſyluas minime frequentare certum eſt. Vnde ſciunt timendos eſſe, imò verò cur ſæpius conſpectum pauent, tanto viribus magnitudine, velocitate præſtantioreſ. Hanc hominis naturam feris timorem incutere declarauit Apollonius: Nam dum Apollonius, Pharaotis Regis Bactrianorum Elephantibus duceretur ad Brachamanoſ, cum vidiffet periculum unico quodam Elephantis ceruici inſixo ducere ipſum ingens animal, tentauit Damaum eiſ indiuiduum Comitẽ, unde eſſet hæc tanta tam vaſti animalis erga puerum obedientia, & ignorantia, atque doceri exoptanti. Homo dixit, id eſt ex timore quodam ætuo homini ab opifice immiſſo, quem perſentientes inferiores, & animalia omnia ipſum hominem timent, & reuerentur.

Verùm hanc potentiam (ut inquit Georgius Venetus) propter peccatum amittamus, & quantò magis aggrauatur peccatum in homine, tantò magis a dignitate illa terrorẽ incutiente, & benignitate attrahente, decidit in timorem, & ſeruitutem aliorum. Inde primus Patricida, qui peccato parentis, quod contraxerat, addens homicidium ſe à dignitate illa deiectum ſenſit adeo, ut timens dixerit ad Dominum: Omnis, qui inuenerit me, occidet me.

Sed quantò magis homo pius eſt, tantò magis dominatur, ſicut patet de Noe, qui iuſtus in generationibus ſuis arcam fabricat, in
quam

quam introducuntur ab eo aduocate omnes bestiarum, ferarumq. & auium species, atque sub eius imperio morantur quiete, donec cessent aquae diluuij.

Moyſes etiam quamplurima animalia in flagellum Aegyptiorum vocauit, multiq. Sancti ſeuis animalibus dominati ſunt, beſtias crudeles manſuetiſſimas reddidere, & adueniente Chriſto dominium confirmatum fuit, data diſcipulis poteſtate calcandi ſuper ſerpentes, & ſcorpiones, & ſuper omnem virtutem inimici, quod dominium tamdiu durauit, & durat in credentibus, quamdiu perſeuerauit, & perſeuerat fidelis, & perfectæ ſeruitus in Chriſtum, non enim eſt abbreviata manus omnibus, qui ipſi fidele exhibent obſequium; Quare qui magis domino ſimilis efficitur, & unitur, tanto maiorem vim dominandi conſequitur. Qui crediderit in me, faciet opera, quæ ego facio, & maiora horum faciet. Et nihil minus.

Plerosque videmus, & ſerè omnium hominum turbam. mancipari potius, quàm dominari, quod euenit, quia homo Deo rebellis eſt; unde vim dominationis habet.

Hinc homini à ſua dignitate delapſo, repugnant omnia, neque dignantur habere in Dominum eum, qui tam vile mancipium iam effectus eſt, atque ipſi obtemperare recuſant, quouſque in priſtinum honorem, à quo deciderat, reſtituatur, & vnanimis fiat cum Deo, à quo dominandi vim reſumat, ſicuti à principio iam acceperat. Tunc venena, & hoſtes non timebit, tunc ſeras non metuet, ſed ipſas terrore conculcet.

Hæc confirmat Sanctus Auguſtinus in 3. ſuper Geſenim ad litteram afferens animalia non fuiſſe à Deo homini venenosa, & moleſta producta, ſed poſt peccatum infeſta, inimicaq. conſtituta ſunt, quod ex Domini ſententia in pœnam iniuſtæ rebelleonis primorum parentum delata, ut de ſerpente apertiffimè patet.

Dico ſecundò, vera dominia eſſe à Deo, iuxta illud Ioan. 19. non haberes poteſtatem aduerſum me, niſi data tibi eſſet de ſuper. Prou. 8. per me Reges regnant, & legum conditores iuſta discernunt 3. Reg. 10. Sit Dominus Deus tuus benediſtus, cui complacuiſti, & poſuit te ſuper thronum Iſrael, & quod dilexerit Dominus Iſrael in ſempiternum, & conſtituit te Regem, ut faceres iudicium, & iuſtitiam. Salomon fatetur ſe Regem à Domino conſtitutum, non enim eſt poteſtas, niſi à Deo, & Deus ipſe Deuter. 16. conſtituit iudices, vel magiſtratus conſtitui iuſſit, ubi ante non erant, & Sap. 6. & Deus ipſe præfecit populo Moyſem Exod. 8. & Dauid quoque diuina ordinatione eſt electus 1. Reg. ibi idem aſſerunt D. Thomas opus. 20. lib. 3. cap. 1. Aug. lib. 4. ne Ciuit. Dei. Cumineus cap. 90. Lipſius in monit. polit.

polit. Zechius, Biesius, & omnes boni politici. Homo enim in hominem non habet dominium, nisi id habet à Deo, nam rector omnibus subditis sapientia debet antecedere, si eos rectè regere, & potentior, si reprimere velit, quare cum homo eiusdem sit speciei, neque excellentiori polleat intellectu, quoad essentiam, neque acrioribus viribus abundet, quàm subditi simul, imperium in illos, nisi à Deo habet, non potest exercere. Caper non potest esse Dominus Caprarum, nec Taurus Vaccarum, neque Aquila Aquilarum, sed pastor, qui diuersa est speciei, est Iumentorum dominus. Belluæ verò non Regem habentes diuersæ speciei per anarchiam viuunt, ut Lupi, Passeres, & id genus, vel per democratiam, ut Formica, Grues, Locusta, vel per monarchiam, ut Apes, quæ diuersæ speciei Regem habent, multa animalia habent coronam à natura in capite, sed inter homines nullus est corona nascitur, quare homo, ut homo alijs præesse non potest, nisi à Deo auctoritatem aliquo titulo non habuerit, vel electione, vel successione, iure belli, &c. Quare Respublica à Deo duxerunt ortum, & à Deo modo vario nobis fuerunt patefactæ, & homines per naturam, interq. commotionem eas instituerunt, ac informarunt.

Dico tertio, multa dominia ex superbia, & mala hominum intentione processisse, ut de Lucifero, qui in alios dominandi maximo desiderio flagrabat, Ezech. 34. & de Nembrot, cuius consilio adificata est Turris Babel; hæc dominia, & alia ab iniquo corde profecta, Deo nequaquam grata fuere. Nam Pharaon, Rex Aegypti in mari rubeo submersus est, ut habetur Exo. cap. 9. Nabucodonosor, Dathan, & Abyron dominari volentes, absorti sunt terra, Num. 16. Sennacherib à filijs iugulatus, 4. Reg. 19. Antiochus à vermibus consumptus, secundum Machabæorum, quare horum, & aliorum iniquorum Principum Deum non causam efficientem, sed permissiuam fuisse censendum est, nam, ut ipse dicit Exo. 23. mendacium fuges, iustum non occides quia, auersor impium, Prou. 11. abominabile domino cor prauum. Prou. 15. similiter odio sunt Deo impius, & impietas eius. Eccl. 15. nemini mandauit impiè agere.

Notandum est primò, tres esse causas, quæ dominia fundant, Deum, prudentiam, & occasionem; in aliquibus una, altera notior apparuit, in Hebræo Regno Deus, in Romano prudentia, in Hispano occasio euidentior visa est, quamuis omnis causa in natura ad Deum refertur, nam omnes prudentiam, & occasionem in rebus humanis, non omnia posse cognouerunt, quamobrem indirectè Deum omnes Aegyptij, Persæ, ac Assyrij in stellis, ac syderibus, in oraculis Græci, Romani in auspicijs, & augurijs Deum inuocauerunt. Christiani autem directè Deum cognoscunt.

Secun-

Secundò, Religionem esse totale fundamentum dominij; quare nulla natio sine Sacerdotio fuit.

Tertiò, Tribus dominia potissimum acquiri, lingua, gladio, ac thesauro. Lingua est studium, eloquentia, persuasio. Gladius est disciplina militaris, ac potentia. Thesaurus est ars parandi pecuniam; sed hæc tria sunt etiam aliorum instrumenta, lingua enim est instrumentum religionis, & prudentiæ ad bonum animi, gladius ad corpus, ac fortunam, pecunia vero, ut secundarium instrumentum corporis, quod industria subiacet.

Qui solo gladio utuntur, citò acquirunt, & citò amittunt, ut Tamberlanus, Attila, Brennius, & alij.

Qui solo gladio utuntur, imperium animarum acquirunt, & paulatim sine ulla molestia politici Imperij fundamenta iaciunt, quamvis aliquando vitæ, propter veritatem, quam prædicant, iacturam faciant: sed successores statum fundant, ut his temporibus Iesuite in India efficiunt; lingua enim animos hominum captat, animi deinde corpus, unde Hispani hoc modo rerum potiuntur, & tale dominium validum est; sed hæc lingua vera, & non dissonans à veritate esse debet, nam noua secta concionator non imperium fundat, sed bellum interpretam, & secundam religionem commouet; quare imperium mali durare non potest. Si verò gladio, & lingua mendacio utitur, quamvis citò asquirat, & imperium aliquandiu duret, tamen amisso imperio lex corrumpit, cum absint arma, quæ illam defendebant, è contra si lingua est verax, corrupto imperio, remanet lex, & ad alias transeunt nationes, ut Moyses, qui gladio, ac vera lingua imperium fundauit, & Hebræi si imperium amiserunt, lex tamen illis superstitionosa remansit, ad nos autem reformata, est translata, & veri Catholici amisso Imperio, veram legem Christianam etiam in centro infidelium retinuerunt.

Quartò, fundamentum dominij in belluis vis esse videtur, at in hominibus sapientia, qua elephantibus, equis, & alijs animalibus præcipit.

Quintò, omnes dominij titulos quos refert Bellarminus lib. 1. de translatione Imperij cap. 8. ut sunt, ius belli, electio populi, successio hereditaria, donum Principis, &c. in sapientibus naturalia esse, in ignavis violenta, & contra naturam, nam naturaliter solummodò mas, femina, senex iuueni, pater filijs, fortis debili, pius impio, sapiens ignaro est superior.

Sextò, Etiam si homo sapientissimus esset, tamen deficiente bonitate, nunquàm præesse potest, quia sine illa non potest Dominorum fundamenta iacere, cum impietas absit à Deo, qui dominus

nij's fundamenta impertit.

Septimò, Sapientiam esse unum ex fundamentis dominij, nam sapientia si in viro forti reperitur, sufficere videtur, impietate tamen absente. Vnusquisque in arte sua Rex est, & omnibus præcipit; gubernator enim Nautis omnibus religiosus, etiam Principibus, ac Regibus necessitatis tempore præcipit, & cæteris, qui cum illo nauigant, dicens: remoue hoc, vel illud; oportet dare vela ventis, & eiusmodi. Medicus pariter infirmo etiam Regi, pædagogus Principum filiis, tutor pupillis: quare patet naturæ dominium in ignaro esse non posse, sed in sapiente, idèd sapientia est dominij maximum fundamentum. Ille natura cæteris præstat, qui sapiens est, cui subditi libenter obediunt. E contra Tyrannus homines regere nescit. Verum, quia in aliquibus Principibus ista sapientia, non vera, sed sophistica est, necesse est breui tempore Imperia ruere.

Octauò, Illum esse verum Dominum, qui perfectè Deum, & subditos, ut filios amat, & periculis etiam vitæ discrimine pro illis se exponit, & omnes suas actiones, ad Dei gloriam refert, fortunas, ac diuitias, ut finem proprium non ambit, sed tamquam conseruationis instrumentum.

Nonò, In omnem vniuersitatem dominatur, aut unus, ut in Hispania, & Gallia Rex, aut multi, ut in Genue, Venetiarumq. Ciuitates nobiles, aut omnes, ut olim Athenienses, & his temporibus Heluctij, aut unus, & multi simul, ut in Poloniam, aut multi, & omnes, ut olim in Romanam Ciuitatem plebs, & Senatus, aut unus, & multi, & omnes simul, ut in Lacademon. ille verè dominatur, apud quem summa Reip. potestas est: Quare

Dux Venetorum, ac Genuensium non sunt propriè domini, sed habent quandam præminentiam: nam Consilium generale Ciuitatis Venetiarum, vel Genue habet principatum, & dominium, ut notauit Iacobus de Ardizano in tit. de pace, & iuram.

X. Neminem in seipsum habere dominium, cum homo non sit dominus membrorum suorum, Quare dominium dicit ad alios relationem, cum plures respiciat.

XI. Principes nonnullos subditos habere, & animo, & corpore unitos, ut sunt Catholici Principes, qui subditos habent eiusdem religionis; aliquos corpore tantum, ut Turca, qui Iudaos, Turcas, Christianos habet, corpore unitos in terris suis, animo autem diuersos, cum sint diuersæ religionis; aliquos, omnes animo, ut est Summus Pontifex, qui omnes Catholicos animo habet unitos, cum eosdæ articulos credant; ubi est eadem religio, ibi est perfectæ animorum coniunctio, & quo feruentior, eò subditi fideliores, ut videre est in Hispanis, qui
summe

summè religiosi Regem suum ardentissimè amant. Sed ubi est religionum varietas, consequenter perfectà coniunctio non reperitur; quare dominia rebellionì exposita sunt; priuata enim studia, quæ varia religio parit, causa est, ut non omnia ad publicam referantur utilitatem. Quare sicut facile est eos, qui eiusdem, sic difficile eos regere, qui diuersæ sunt religionis, appello autem varias religiones sectas, ac hæreses multorum, qui sum. Pont. audire nolunt. Est enim summus Pontifex caput omnium Christianorum, cui præcepto diuino omnes obedire tenentur, & omnis gladius temporalis debet esse ad nutum Pontificis, qui vna religione omnium animos coniunctos tenet, & copulatos, & qui eum non recognouerunt, corruerunt, nam membrum, quod capiti non adhaeret, viuere non potest. At Rex Hispaniarum, qui capiti suo rectè adhaeret, maximo, & incredibili dominio, pacificè, eoque perfectissimo, & tutissimo fruitur. Reges enim, quanto sunt in maiori felicitate terrena, tanto magis humiliare Deo debent, ut inquit D. August. lib. 8. de Ciuit. Dei.

XII. Ex Iacobo Bornito part. polit. lib. 1. de Repub. fund. iussione, quæ est pars dominij, qua præcipit, ut aliquid fiat, quod si non fiat exequatur, quod iustum est, è contra facta cohæreant, non se extendere nisi ad externa hominis opera; propterea cogitationes mentis, & actiones voluntatis vitiosæ, iussioni non subiacent, sed informationi tantum relinquuntur.

XIII. Eas Ciuitates, quarum Princeps in manu fortunas non habet, imperfectissimas esse, ut Genuensis, quæ, ut dicit Boterus commodum priuatum sequens, publicum negligens, in manu Regis Hisp. omnia ferè bona habet fortuna.

XIIII. Discrimen esse inter Ciuem liberum, & Ciuem regium, nam Ciuis liber est, qui liberè viuunt in societate quadam hominum; ciuis autem regius, qui sub alicuius viuunt imperio; ad hunc autem ex se non pertinet Resp. cum vni soli sit obediendum: ad alium verò ex se Resp. pertinet, debetq. omnia ad Resp. salutem conferre, quando opus est, quin bonum ducat oportet, qui proprijs bonis commune anteponeat, non omnia confert ad salutem Resp. sed sufficit, ut nullum priuatum bonum bono communi anteponat.

XV. Titulos, quibus acquiritur dominium esse ius belli, electionem populi, successionem hereditatis, beneficium diuinum, donum Principis, & summi Pontificis decretum, ut inquit Bellar. loc. cit. quibus addi potest emptio.

XVI. Ex Ioachimo Hoppero de inst. princ. quod sicut ij, qui subsunt, non tam homini, quam Deo se subesse censere debent, nam omnis potestas à Deo, & qui potestati resistit, Deo resistit. E contra id ipsum

id ipsum animaduertat non suum, sed Dei esse imperium, se autem, Vicarios esse dumtaxat, nec paucos sibi parere mortales, qui multo, quam ipse sint meliores; quare ut Marius Salominius lib. 3. de Principatu dicit, nolint existimare à Deo creatum mundum, & in eo homines, ut Principum seruirent emolumentis absurdum quidem est supra quam dici potest, propter Principes factos homines opinari, nam liberos, atque aequales nos Deus genuit, Principes solum ad commoda populorum, quò facilius humanam, atque ciuilem societatem innocenter custodirent, multis se beneficijs iuuantes creati sunt.

XVII. Ex Liuiio, quod vinculum fidei est melioribus parere; & ex Dionysio, quod aeterna natura lege receptum est, ut inferiores praestantioribus pareant, & ex Arist. qui alios ingenio, & iudicio superant, iure natura Principes esse vult.

XVIII. Inter omnia dominia, quæ fuerunt, vel sunt, nullum fuit, quod Hispanum superauerit, vel est, quod superet. Europa non omnino tertiam partem possederunt Romani, Africa vix sextam, Asia ne quadragesimam, quidem, Americas porro Occidentales Indias, Oceani meridionalis insulas ignorabant. Ita ut si Orbem vniuersum in pares partes diuidas, Catholici Regis imperium latius hodie patere viginti partibus comperies, quam olim Romanum, quippe quod in Septentrione, Rheno, & Danubio, ab Occidente, Oceano, à meridie Atlante mari, desertisque locis Africa ab Oriente, Tygri fluuiio clauditur, omnes enim oras Africa, quas aluit Oceanus ipse possidet, In Indiacis Gangem prope omnes maritimas vrbes, & insulas; Malacca quoque regnum nobilissimum, & in conspectu positas Moluchas Insulas, innumeras. Ad ostia maris Rubri Zaothoram insulam, in sinu Persico Ormuntium, cum plurimis simul in Arabia, & Persia nobilissimis portubus. Adde Philippinas nouæ Guineæ regiones, Americæ loca vastissima, quæ Oceanus ambit, interfluitq. ad fretum Magalianis unde Hispaniolam Cubâ Canarias Terceras, ac deniq. quouis Hispaniæ Lusitaniæq. regios portus petas. Inde si in Siciliam Regnum Neapolitanum, Mediolanum, & inferiorem Germaniam perrexeris, vastum penè circumdederis Orbem, & extra Catholici Regis imperium vix pedem aliquando extuleris, ut inquit Rescius: Hæc dicta sunt, ut unusquisque sciat, quam dominij molem illi destinauerit Deus.

XIX. Ex Francisco Topio de potest. Princ. secul. S. 4. omnem cuiusque rationis, & ordinis gubernationem, seu regimen maxime pertinere ad rationem, esseq. rationis opus: videmus enim ita natura comparatum esse, ut quacunque ratione pollent, natura etiam magis imperare, & regere, unde hominum genus omnibus alijs animantibus imperat,

imperat, quæ rationis minime capacia existunt. Inter homines verò senes regunt, ac gubernant iuniores, viri feminas, sic in unoquoque qui seruat ordinem à natura institutum, ratio sensui, & anima corpori imperat.

XX. Duplex esse dominium temporale, & spirituale: primum ad seculares Principes attinet, utrumq. ad summum Pontificem, qui enim est dominus spirituum, consequenter est temporalium; non è contra. Quare sum. Pont. dominium habet super omnes, etiam super Imperatorem, qui Dominus mundi dicitur, nam, & ipse ita eum eligi mandauit, & electus obedientiam Papæ iurat, nec hodie Popul. Rom. posset reuocare Imperatorem, nec degradare secundum Baldum in cap. 1. de iniur. inter dom. & vas. Sed solummodo Papæ, & vacante Imperio, non succedit Pop. Rom. Sed Papæ tex. est in past. de re iud. ideo a Iudice laico appellaretur vacante Imperio, ad Papam, loco Imperatoris 11. q. 17. c. omnis, & ipse Imperator non potest renunciare Imperium, nisi in manibus Papæ, qui est ei superior, sed Papæ, qui nullum habet superiorem potest renunciare cap. 1. de renunciat. lib. 6.

XXI. Quod Papæ est maior in administratione, quàm Apostolus, ut ait Innoc. in c. super eo bigam. & Papæ non potest deponi, propter insufficientiam, vel negligentiam, licet alij. sic glos. in c. 1. de renunc. l. 6.

XXII. Quod Papæ loquitur de sese in plurali semper, 1. q. graui de fal. sed Imperator aliquando loquitur in singulari persona de se ipso, ut l. 3. C. ad l. falcid.

XXIII. Principibus nescientibus regere Principatum, & pacem, & iustitiam seruare, ad instantiam subditorum datur coadiutor a Papæ.

XXIV. Papæ a nullo pendet, sicut Sol se habet in planetis, sic Papæ in omnibus.

XXV. Imperatorem, & Augustum non antea dici solitum, quàm post acceptam coronam a Rom. Pontif. ut scribit Paul. Diaconus, & Germani scriptores testantur Henricus, Mutius, & Albertus Crantius, & ex nostris Ptolomeus Lucensis, & Sanct. Antoninus Archiepiscopus Florentie, Georgius Merula in lib. de rebus gestis Vicecomitum. Blondus, & reliqui, apud quos scriptum inuenitur Greg. V. concessisse Germanis Principibus, propter eorum in Rom. Eccles. beneficia, ut eligerent Regem Romanum, sed ea tamen lege, ut autorem Pontifice iustum, ac legitimum Imperium possideat, neque potest Augustus, aut Imperator vocari, nisi prius benedictione imperiali a Rom. Pontifice accepta. Idquæ seruari solitum scribit Innocentius in epist. de Coronatione Caroli IIII. Imp. iniuncto inquit, & coronato

Regi

Regi acclamatur Domino inuictissimo Imperatori Romano, & semper Augusto salus, & victoria. Romanus Pontifex ex prisca consuetudine Regem electum approbat, ad Imperium promouet, Augusti vocat, & iniungit. Rex enim Regum, & Dominus dominantium Iesus Christus, cui dedit omnia pater in manu, sub pedibus eius subiiciens vniuersa, cuius est terra, & plenitudo eius orbis terrarum, & omnes habitantes in eo; imò cui flectitur omne genu cœlestium, terrestrium, & infernorum, summum Apostolicæ Sedis, & Ecclesiæ Romanæ Pontificem, quem in beato Petro sibi Vicarium ordinauit super gentes, & regna instituit euellendi, destruendi, disperdendi, & dissipandi, adificandi, ac plantandi potestatem contulit, & ipso facto hanc potestatem exercuerunt; nam regna instituerunt, ut Bohemia, ut apparet in Innoc. III. registris Dux enim Bohemia ab Apost. Sede obtinuit, ut in litteris posset titulo regio se appellare; eiusdem etiam Sedis Apost. auctoritate obtinuit Balduinus, ut posset Rex Ierosolomit. constitui, & Regnum Armenia ab Honorio III. fuit confirmatum Regi Ierosolomitano, & Rex Vngariæ a Romano Pontifice accepta corona solitus fuit Rex appellari, & Hybernia a Paulo IV. & multa alia, quæ longum esset recensere; Regna etiam ipsa transtulerunt ut a Græcis, ad Germanos, regna præterea confirmauerunt, ut Zacharias Pipino, Imperatores deposuerunt, ut Innocentius VIII. Fridericum, & alij alios, & aliquando eandem potestatem ipsi exercuerunt, ut Gregor. V. qui Othonem III. coronauit, & Clemens VII. Carolum V.

At dices, cur hanc potestatem non semper exercent; respondetur tunc illam Pontifices exercere, quando illis expedire videtur; religio enim cuncta moderatè, & patienter agit interuallo temporis iniecto, ut inquit Augustinus Stheucus contra Laurentium Vallam de falsa Constant. donatione, multa contemnit, ius suum non agnoscit, execratur iactantiam, tumultum, insolentiam, superbiam. Nihil ei cum strepitu, & perturbatione, ac contentione agere consuetum est. Patienter tempus expectat, si quis etiam res illius capiat, haud properè confurgit ad arma, regnare patitur, quos ad Regnum cupiditas rapuisset. omnia suffert, benigna est, patiens est, regna enim, & simul religionis esse, & simul a Regibus, & Principibus, Imperatoribusq. teneri possunt, ipsis Pontificibus consentientibus.

Ex his patet temporale dominium, spirituali iurisdictioni adiunctum esse, quare Pontifici oportet agnoscere; nam omnes, qui a veritate declinarunt, & qui contra Pontificiam maiestatem latraverunt, miserè corruerunt, ut prolixè probat Hieronymus Albanus in lib. pro opugnata Rom. Pont. dignitate.

XXVI. Ex

XXVI. Ex Bornito summum imperium esse summam imperandi potestatem, quod maiestatis est, a quo inferius quod ius, tum quavis alia potestas prater illud dependet; unde potestas prima, & a prima dependens existit in Rep. & quæ oritur, & quæ informationem, nec non sustentationem ab ea obtinet. partes, & iura summi Imperij, siue maiestatis sunt functiones, quibus suam vim propriè, & distinctim exuit, propterea, quia id ipsum indiuisum ita, & iura eiusdem propria, & indiuidua sunt, propria, quod omni, & soli, nec non semper conueniant maiestati; Indiuidua autem, quod neque cessione, neque prescriptione subditis communicari queant, aut debeant, quæq. ut effecta formalia principem a subditis dispescant.

XXVII. Dominium ex tribus hominum generibus constare, diuitibus, inopibus, ac inter hos medijs, ut erant apud Rom. Senatores, equites, & plebei, ut dicit Liuius lib. 3. Plinius 33. cap. 1. Halicarn. 2. ideo omnibus oportet satisfacere, ut diuites plebe non abutantur, & plebs rebus diuitum non insidietur.

XXVIII. Alios natura esse Reges, ut Socratem, & Catonem, alios fortuna, ut Vitellium, & Neronem, & alios fortuna, & natura ut Alex. & Aug. alios verò natura magis, quàm fortuna, ut Scipionem, ac Annibalem, alios fortuna magis, quàm natura, ut Tiberium, & Galbam.

XXIX. Materia est duplex una remota, altera verò proxima, remota sunt omnes Ciues, proxima verò Ciues, qui Reip. administ. sunt capaces.

XXX. Forma Reip. consistit in nexu, maiestate imperantium, & obsequentium, rerumq. ciuiliū huic vniōi coherentium, & inseruientium.

XXXI. Causa finalis est bonum publicum, Princeps enim ad publicam utilitatem creatus est, & receptus, ut omnes politici affirmant. Halicar. lib. 2. dicit mihi quidem videntur omnes, qui & barbaras, & græcas Resp. constituere rectè, sanè commune bonum vidisse. Arist. in 3. polit. c. 6. finis, mensq. regentis est, ut quàm optimi, quàm felicissimi Ciues fiant, & in 5. c. 10. regia potestas eò comparata est, ut in populo bonum sit praesidium. Plato in lib. de regno, Rex bonus, & sapiens gubernabit semper ita ad salutem respiciens, ut ad Nautarum, nauisq. salutem respicit gubernator. Xenoph. in vita Cyri, lib. 6. Rex nullo modo dicendus est, qui res alterius quærit, atque desiderat, verum, qui Ciuitates, & homines felices reddit. Cic. off. 1. Omnino qui Reip. præsumunt, duo Platonis præcepta teneant; vnum utilitatem Ciuium sic tueantur, ut quicquid agunt ad eam referant, obliti commodorum suorum; alterum, ut totius Reip. corpus curent, ne cum partem aliquam

N tuean-

tueatur, reliquas deferant, ut enim tutela, sic procuratio Reip. ad utilitatem eorum, quibus commissa est, gerenda est. Tho. Campeg. in lib. de off. princ. in Eccles. in 3. off. sicut Deus, qui Rex Regum, & Dominus dominantium nec regit propter seipsum, sed propter nostram salutem, sic ad officium Principis spectat bonum subditorum principaliter intendere. Io. Gerson in lib. 1. de orig. iur. & leg. confid. 13. inquit, Dicitur autem unus ille bonus, vel Rex, vel Imperator, seu Monarcha, qui non bonum principaliter, sed commune bonum intendit in suo principatu: Quare Alphonsus Guerrerius in thes. Christi. relig. c. 54. nu. 1. quod Regnum non est propter Regem, sed Rex propter Regnum, & Natta in cons. 139 nu. 13 lib. 1. Est ergo principatus propter populum, non populus propter principatum.

XXXII. Qui in alios dominantur ius status adinuenerunt, quod duplex est, primum quando a iustitia non recedit, secundo quando remotum a iustitia calliditate regnum princeps iuuat, & auget. primum est verum ius status, quippe quod pro fine habet publicum bonum, & non priuatum commodum respicit, & idem est, ac ius domini, iurisdictionis, vel imperij, quod si iuri civili communi, & ordinario derogat, idq. ad publicum bonum faciat, erit excessus iuris communis ob commune bonum. Quare nihil nisi quod bonum est de iure status fieri potest; quod autem calliditate fit, non ius status, sed iniuria potest appellari, sed de his superius multa diximus.

XXXIII. Dominia acquiruntur, vel subditorum voluntate libera, vel coacta; libera iterum tacita, vel expressa, istud suffragio fit, ut in Imperatoris electione, illud successionem fit, ut in Hispania, ac Gallia; coacta subditorum voluntate acquiri Imperium aliquod dicimus, quod vi, armis, videl. obtinetur, ut ait Hippolytus a collibus de Principe c. 2.

Super illa verba, in Haterium statim inuectus est, Scaurum, cui implacabilius irascebatur, & c. dubitari contingit.

Cur Princeps facilius priuato irascatur.

LEui de causa principem irasci, sed nulla magis dedecet. Illorum verba nec contumeliosa, nec iniuriosa videntur; quare rectè Plato censuit homines natura iracundos, aptiores fore ad disciplinam, quàm ad Remp. capefendam; quo vitio cum se laborare Anibicenus sophista intelligeret, abstinuit ab administratione Reip. Irascuntur autem facilius Principes, quia se superiores esse cognoscunt, & alios expellere possunt. Quare & diuites, & superbi facile etiam irascuntur, fortes quoque, atque audaces, quibus vix incuti formido potest ad iram sunt procli-

procliuēs; nunquam enim ceteris se inferiores viribus, sed superiores potius arbitrantur. iratus autem cum se superiorem esse sentiat, tacet, & voluptatem capis suas iniurias posse vlcisci. Verum Tiberius Scauro pœnitentia ducto, ac leuia locuto, parcere debebat, & ei præfertim qui alium casu, imprudenterq. lædit (ut illi accidit modo factum non probet, sed doleat, venia dignus est. sed

Solent Principes leuissimum delictum grauitrr punire, etiam si ad præsens iram cobibeant, tamquam ignis in ligno delitescens, ubi tempus est oblatum reacendere, & erumpere, ut de Tiberio patet. & quod magis iram conseruant, eò malum atrocius exoritur. nam ut spiritus inclusus terræ visceribus, cum ea diu luctatur, ac tandem scindit, & in tremotus erumpit, contra locum exeundi nactus, euanesceat, sic ira in animo facit, ut inquit Peregrinus lib. 4. de moribus, quæ dato exitu, omni onere liberat, conclusa torquet, & cruciat, nec non nisi proficissum deserit. Quod ab Haterio cognitum statim iram lenire curauit; quem quidem Aulici imitari deberent, nec pati, si possibile in principibus iram protrahi, non enim sine periculo inueterascit; vehemens enim affectus est, ut inquit Chris. bom. 3. in Ioan. & omni flamma vehementior, quare celeritate nobis opus est, ut hunc ignem extinguamus, ne ve ad summum eum euadere sinamus. Iræ enim morbus, nisi mox sedetur, multas generat calamitates, domos, & familias totas euertit, veteres dissoluit consuetudines, & breui momento res infandas molitur. sed non licet Aulico iram Principis subito sedare, nam ut Medici vetant admoueri remedia, cum morbus in accessu est, ac sauit, sed cum se remittit, ita ut dicit Seneca ad primos illos iræ, & doloris motus non est adhibenda consolatio, vel admonitio, sed ubi tempore cœperint esse leniores. At quando Princeps statim iram euomit, etiam cum alicuius contumelia, non diligenti cautione opus est. Mare enim commotum cum algam, & spumam eructat, purgari dicitur, etiam si littus contaminat. Sed Princeps ira commotus, domesticos plectere non debet, nam ut rectè Xenoph. rerum Græc. lib. 5. sapius domini irati maiora perpeffi sunt mala, quàm intulerunt, & Principis ira aut nulla, aut aperta esse debet inquit Tacitus. Honestius puta offendere, quàm odisse, sed satius est conuicia spernere, præsertim leuia, nam ut Tac. ann. 4. conuicia si irasceris cognita videntur, spreta obsolescunt.

Notandum hic ex Philo. Hebræo neminem iratum principem adire debere, etiam si nihil in eum commiserit, nam facile est minas alio tendentes, curiosa temeritate in se conuertere, nam iratos dominos semper oportet fugere.

2. Nec graui, nec leui offensa quis Principem offendat, quia gra-

N 2

uiter

uiter quaque de causa indignantur, & ut ait Plautus plumbeas iras gerunt.

3. Principi irato non est danda occasio nocendi, sed potius adimenda.

4. Si Princeps iracundia motus sine causa cognitione aliquid irrationabile, vel crudeles vindictas mandauerit contra subditos, debet differri executio usque ad 30. dies, ut interim cesset iracundia Principis, tex. in l. si vendicari, C. de pœn. & prudentissime ij faciunt, qui iratas resolutiones tardissime exequuntur, ut inquit Cicærellus in Liuium discurs. 30.

Princeps liber, & vacuus ab ira erit, si primum considerauerit, quod cum omnium potestatem habeat, si adiunxerit iram, mortem sit illaturus multis, id quod est inutile, ac triste; si quis ex eo, quod omnia in sua potestate habeat, multos vita priuat, deinde si hoc etiam perpenderit, cum omnes habeat subditos, & nullam aduersantem, non est cur nemini sit irascendum; Postremo si hoc expenderit, Deum totum mundum gubernare cum mansuetudine sine indignatione, huncq. Princeps imitari debent, ut inquit Aristæas in hist. 45.

Super illa verba quæ casus obtulerat in sapientiam vertit.

De occasione.

Nulla res est, quæ magis imperatori in bello conducatur, quàm occasio, quæ ut Veg. lib. 3. cap. 26. ait in bello solet amplius iuuare, quàm virtus; quare Imperator, ut Liuius 22. dicit armatus, intentusq. fit, ut neque occasione desit, neque suam hosti det. & Leo Imperator cap. 17. de bellico apparatu, docet exercitus ducem semper, atque ubique occasiones, opportunitatesq. temporum, quæ adiuuare rem possunt, non præmittere debere. Nā opportunitas nō obseruata cum in omnibus quidem rebus ingens afferat malum, tum verò maxime in bello, in quo occasiones grauissima sunt, nec sine perniciē negligi possunt; & quoties magna res in paruo tempore data fuisse, quæ tempus mendicum sortita, nihil profecerunt: Quamobrem non sine causa Plato in polit. asserbat regem agnoscere debere vim rerum illarum, quæ in rebus humanis plurimum pollent, opportunitatis, & importunitatis præcipuè, & quia rarò sese offerunt, oblata statim etiam debent aripi, & quoniam faciliè percipi nequeant ultra potius, quàm citra consistendum, quippe mediocritates plus momenti habent, cum aliquid adhuc eis deest, quàm cum excedant.

Præ-

Premenda est occasio, modis omnibus instandum, nec omittendā ē manibus semel oblatam. tantam enim vim habet opportunitas, ut ex honesto inhonestum, ex damno lucrum, ex voluptate molestiam, ex beneficio maleficium faciat; & contra breuiterq. rerum omnium naturam permutet. Hæc in aggrediendo, conficiendoq. negotio præcipuum habet momentum, ut non sine causa veteres videantur eam diuinitate donasse.

Sed est patienter expectanda, nam si arte aliqua vocaueris exitus præter opinionem succedent, si aliter feceris artem cognosces, occasi- nem ignorabis, quæ præinopina, non autem vocata solet hominun- tabernas inuisere; unicuique negotio, unicuique actioni suum desti- natum est tempus. Vnde enim quæ per se bona sunt, si non bene quo- que tractentur, boni gratiam amittunt. recte Proclus quemadmo- dum totius mundi quidam circuitus sunt fecunditatis, sterilitatis ve causa animalium, atque plantarum, ita singulis actionibus aliud conuenit, aliudq. tempus ad actionem hanc, vel illam perficiendam; & apes peragunt opes suam non statis diebus, sed quoties cœli com- moditas inuitat, & Plinius lib. 17. cap. 24. morus omnium nouis- sima germinat, & tamen parit inter primas, ita qui tempus ido- neum operiuntur rei conficiendæ, etiam si serius cœperint, tamen maturius conficiunt, audius rapiendum, quod cito præteruolandum: quare illo dicto concludam, prælia non destinato, sed ex occasione sumenda, & pro occasione consilia mutanda, consilia noua nouis re- bus accommodanda, ut omnis temeritas absit.

Quia in textu autor militum seditionem recenset, nos quoque pauca dicemus.

De Seditione.

Notandum primo, bellum, seditionem, & rixam inter se differ- re, bellum enim, ut inquit Albericus in suo dictionario ad ho- stes pertinet, seditio autem ad Ciues, rixa verò tam ad Ciues, quàm ad milites. Differunt etiam, quia, ut inquit Angelus in sua sum- ma in ver. seditio. bellum propriè est contra hostes extraneos, quasi multitudinis ad multitudinem, seditio inter vnius multitudinis par- tes inter se dissentientes. rixa vero vnius ad vnum, vel paucorum ad paucos.

Notandum secundo, ex Claudio Modain. lib. de seditionis, & ex doctoribus bellum, & rixam importare impugnationem in actum,

ac seditionem dici posse siue sit in actu, siue preparatio ad eiusmodi impugnationem.

Notandum tertio, ex D. Thom. seditionem unitati populi ciuitatis, vel regni, iustitia, & communi bono opponi, ut in suo genere tanto grauius peccatum sit, quanto bonum publicum, quod per seditionem impugnatur, maius etiam est, quam bonum priuatum, quod per rixam impugnatur.

Notandum quarto, seditionem non solum in exercitu, & in classe, sed in Ciuitate, & ubique ubi adest hominum multitudo exoriri posse.

Notandum quinto, non solum eum seditiosum esse, qui dissensiones facit, vel discordias gignit, ut ait Isidorus, sed etiam, qui seditionem mouet, & amat; quare Cic. 3. in Verrem, malus ciuis, improbus Consul, seditiosus homo, & ad Attic. lib. 2. multa cum seditiosissime diceret, vocem exprimere non potuit.

Notandum sexto, rebellionem, & seditionem inter se differre; rebellio enim est subditorum contra dominos; seditio subditorum inter se.

Notandum septimo, ex Conrado Bruno lib. 5. de seditiosis, seditionem non semper crimen esse, nam & si ipsa mala sit, & de genere prohibitorum, tamen si non turbanda Reip. causa, sed ex alijs iustissimis, & honestis causis excitetur, neque mala esse dicetur, nec qui eam concitarunt, seditiosorum poenam subfinebunt.

Notandum octauo, ex eodem, materiam seditionum esse homines aduersus, quos excitantur. finis gratia cuius seditiones excitantur. Arist. quadruplicem finem statuit, lucrum, & honorem, & dedecus, siquidem lucrum, & honorem, vel proprium, vel amicorum affectare, vel damnum, & dedecus declinare intendunt; forma seditionis est, a qua denominatur seditio, ut concitator ille motus, & turba, & veluti imago, qua dissensio inter se hominum, & discordia representatur, & quasi ob oculos ponitur.

Causa autem efficiens in rebus publicis est ciuium inaequalitas, ut dicit Arist. polit. 5. c. 1. tunc enim mouentur, quando alij pares esse volunt ijs, qui plus possunt, & nisi hoc sit non acquiescunt, alij se preestare dignos putantes indignè ferunt, nisi plus babeant. Sed hæc causa efficiens multiplex est; nam & aliquando est seditionum causa situs, incrementum, peregrini impotentia, metus, contemptus. Arist. Tolos. de rep. Brunus de sedit. Modam de sed. & alij.

Omnis seditio periculosa est, ex paruis enim rebus magna proueniunt; quare vlla minima seditio non est negligenda, quia ut Q. C. ait sæpe neglecta scintilla magnum excitauit incendium.

Qua

Qua fraude, qua arte imperitorum mentes seditiosi impellunt, qui non tam premijs periculorum, quàm ipsis periculis leti pro certis, & olim pactis, noua, ambigua, ancipitia malunt; ostendit Tac. 1. ann. clam, & nocturnis colloquijs, aut flexa in vesperam die dilapsis melioribus deterrimum quemq. congregantes.

Illic inserūt querelas, & ambiguos de principe sermones, quæq. alia turbamenta vulgi, mox etiã promptis iam; & alijs seditionis ministros agunt audacius, & palam libertas, ac speciosa nomina prætexuntur.

Quare oportet statim acurrere; nam ut Tacit. 14. annal. Sape modicis remedijs primi motus concedere, & Cic. phil. lib. 5. Omne malum nascens, facile opprimitur, inueteratum fit plerumq. robustius. quæ remedia fusè Tac. hic ponit, & Lipsius lib. 6. polit. & auctores supracitati, & Frontinus cap. 8. de seditione militum compeſcenda. Vegetius lib. 3. de re militari. Ludouicus Foscerius de remedijs opportunis seditionum. Bernardus Grassia de turbulentia ciuiũ, & Matthæus Drurinus de militum audacia reprimenda.

Super illa verba immotum aduersus eos sermones, fixumq. Tiberio fuit non amittere caput rerum, dubitatur.

An Princeps per se, an per Legatos bella conficere debeat.

VIdetur, quòd sic, primò quia, ut dicit Castellanus de off. regis, lib. 2. Regis præsentia plurimum ad summam victoriam confert, accendit enim milites ad virtutem, quod vel metus pœnæ pudor ira, vel spes premijs alacrioribus reddat, ita sub Regis oculis operam quisque suam egregiè nauare nititur, unde Virg.

Urget inquit præsentia Turni, & Homerus non sine causa inducit, Agamenonem nunc suos hortantem, modo increpantem. Hinc etiã intentiores custodia sunt, quòd cum Rex in castris sit, resq. vereantur milites, nec ipse quòd aliquando fecisse, Caesar dicitur excubias, & vigilias circumeat. Adde militum beneuolentiam, & charitatem in Reges, ut Synnesius demonstrat, quas comiter, ac benignè inter milites, non sine labore versando ibi conciliantur. Adde Dionis illud, neminem aliena curare tam diligenter, quàm sua.

Est hæc opinio multorum; sed quòd per legatos bellum gerat, magis placet, primo quia caput discrimini, ac fortuna temeritati non est subiiciendum, sed ad Regni maiora pericula conseruandum; quare

rectè Tac. fixum Tiberio fuit, non omittere caput rerum, neque se, remq. Rempublicam in casum dare. At per filios pariter adiri maiestate salua, cui maior è longinquo reuerentia, quod aliud subsidium si Imperatorem spreuissent, quod & si de principe nondum in imperio corroborato possit intelligi, tamen absolutè est intelligendum.

Secundo quia hostis acriores vires parat. tertio magis animosus redditur, quarto victoriam illustriorem consequitur, duces sua præsentia negligentes reddit, irresolutus in sententijs manet, mala, quæ exercitus patitur, regi attribuuntur, & ipso mortuo regnum corrui: vel maxima fit mutatio, quæ ultima ratio illis prioribus præponderat, at exercitus duce mortuo, alius substitui potest. Quare ad bellum egregium ducem mittere debet, liberis mandatis, ut rebus turbidis pro tempore consulere possit, & pro re consilium capiat, ex distantibus enim terrarum spatijs consilia post res afferuntur.

Super illa verba, ludos Augustaless tunc idest cæptos turbauit discordia ex certamine histrionum dicendum.

De Histrionibus.

P Rincipes profectò histriones è suo dominio ejicere deberent, cum hominum genus sit pestiferum omnibus, ac exitiale, quomodo enim homines virtuti nati possunt audire ea, quæ ab impurissimo ore hominum inquinatissimorum turpissimè proferuntur, quæ hercle podicem ipsum (si ei loqui liceret) proferre maximè pueret; pessimè viuunt, pessimè dicunt, quæ citra morum, & fama periculum audiri neutiquam possunt, qui tot vitijs sordidi, & inquinatis concupiscentijs aditum ad omnia sibi aperiunt, scelerata via, exemplo pernicioso, moribus contaminatissimis, qui virus nequitie per ciuitates spargunt, & innumeras animas dant morti perpetua, & homines perfidos, ac adulteros iuuenes alunt, & concomitantur. Execrantur omnes eum, qui propinato veneno extinxerit hominem. At sic dum venenum melle circumlitum, quod tam multis exitio sit. caterum nulli esse commodo queat, palam proponunt, & publicè honorantur. quamobrem ut dicit Gabriel Puterbus huc nullo negotio spectat, quot enim scortationes, quot adulteria sibi format animus, quot quamq. acres stimulos, & qualia aconsta impura, auditio ista in imas cordis latebras inuehit, quàm facile moribus aditus parat, quàm minus morosas reddit, puellas procis, & scortatoribus, quot scelera callidorum lenonum, & lenonum vaframèta amatorias fabulas audiunt, & libenter arriident, quare iterum, iterumq. reuoluunt, recurrunt, repe-

repetunt, & ipsa sapius recogitata luxuria carneos sensus vehementius titillat. nimis est supina huius plebei seculi cogitatio, qui corruptelam suorum, & dedecorofam famam minimè vlciscuntur, neque Principes eiusmodi hominum pestes aqua, & igne interdiciunt. Nullus est tam benè natus, tamq. immotus integritate, qui ab hac perniciæ non corrumpatur. quot faces suppeditat N. quot N. quid N. quid N. ignibus impudentius, quibus nihil umquam luxuriosius videt hæc ætas. A floribus marcidis aduolant apes, & nos ad olera, & stercora conuolabimus. nihil est sceleris, quod non importet malorum histriionum auditio, præsertim si adferas animum illotum, & nondum purgatum vitiosis affectibus. Venerea enim historia sordidam mentem impotentem sui ad vilissima quæq. depruriscientem subinde retrudit, donec virus immedicabile illi hæreat in medullis. Quis ergo neget hos planè scelestos esse, & numeris omnibus corruptos, quos constat tam scelestæ, ac noxia dicere, & nulla lege reprimatur furiosa libido, sed in auro, & purpura degunt. Senum effœta corpora, & exbauſtos artus fugitiuo quodam igne cogunt recalescere, pueros docent, quod per ætatem non queunt capere. Iuuenes plus ipso Vessuio incedunt: Nam dum dramata nobis sua consuunt, belli illi rerum obscœnarum artifices, dum in ætæ suos conferunt modo adolescentem suos retegente ignes, modo amatorem sua, quæ gesserit facinora, iuueniliter ostentantem, modo parturientes meretriculas, dum saltantes tibicines exhibent, & omnes fallentes mutuò peierantes, obligurientes, prodigentes omne ius, omne honestum, virtutem omnem nihili pendentes, dum quacumq. liceat frui amoribus, dum temeratos ob oculos panunt hymenæos, dum publicè, priuatimq. læsam, ac proditam fidem, dum cædes insontium, dum odia, dum veneficia, adulteria tractant, comedant, suadent, & qua ratione, quo ætæ perfici queant instruunt, dum mellitissimis verbis, festiuis dictæis, iocis, salibus facetiis, leporebus intectæ, & aspersa, hæc omnia hominibus male feriatæ obijciunt, quem ordinem, quem sexum, quam ætatem, non commaculant, quæ pudicitæ castra non tentant, non effrigunt, non deinde euertunt? quid ipsis bonis legibus reliquum autoritatis, & dignitatis faciunt. Quot enim credibile est putare ista licere, atque adeo præcipi, & in iis pulchrum esse excellere, quæ Principum virorum auspiciis calculo, & iussu in apertum proferantur. Sed quo animo censes illos, postquam his artibus semel imbuti fuerint, adire sacras conciones? quàm purgatis affectibus Deum precari? quàm sincerè meditari, quæ Dei sunt, quàm animos repellere, & referire hostem iuratissimum Diabolum, quàm contentione virtutum, & bonos mores amplecti? quàm indefesso anbelitu festinare in patriam? longè falluntur ij, qui dicunt

cunt comediam esse actuum humanorum quandam utilem representationem: Quae enim utilitas inueniri potest in mollibus, infraetis voluptarijs, & ad libidines fluxis conspurcatissimorum histrionum sententijs? rectius dicerent esse labem virtutis, & bonorum morum corruptelam. Quae homines doctos, & integros a ratione utilis, honestiq. respectu abalienat. Quomodo possunt histriones degente hircosa barbatuli, scommate aliquo ex lenonijs cantis petito, actus praecelarios representare? Audi Saluiantum, si histriones munus suum recte obeunt, de quotidianis autem obscenitatibus loquamur, quas tales, ac tam innumeras legiones Demonum excogitauerunt: ut etiam honesta, ac probae mentes, & si nonnullas earum spernere, ac calcare possint, omnes tamen penitus superare vix possint. Sicut enim exercitus pugnaturi ea loca, per quae venturas hostium turmas sciunt, aut foueis intercludere, aut sudibus praefigere, aut tribulis infestare dicuntur, scilicet, ut etiam si non omnia ea quispiam incidat, nullus tamen penitus euadat; ita etiam Demones, tam multas in vita ista humano generi illecebrarum insidias pretenderunt, ut & si plurimas earum aliquis effugiat, tamen ab aliqua capiatur. Equidem quia longum est, nunc dicere de omnibus amphiteatris scilicet, odeis, lusorijs, pompis, athletis, petaminarijs, pantomimis, ceterisq. portentis, quiaq. piget dicere malum, tale, vel noscere de solis circorum, ac theatrorum impuritatibus dico. Talia enim sunt, quae illic fiunt, ut ea non solum dicere, sed etiam recordari aliquis sine pollutione non possit. Alia quippe crimina singulas sibi firme in nobis vendicant portiones, ut cogitationes sordidae, animos, ut impudici aspectus oculos, ut auditus improbi aures; ita cum ex his unum aliquid errauerit, reliqua possint carere peccatis. In theatris vero nihil horum reatu vacat, quia & concupiscentijs animus, & auditu aures, & aspectu oculi polluntur. Quae quidem omnia tam flagitiosa sunt, ut etiam explicare ea quispiam, atque eloqui saluo pudore non valeat. Quis enim integro verecundia statu dicere queat, illas rerum turpium imitationes, illas vocum, ac verborum obscenitates, illas motuum turpitudines, illas gestuum seditates? quae quanti sit criminis, vel hinc intelligi potest, quod religionem sui interdican. Nonnulla quippe etiam maxima scelera incolumi honestate referuntur, & nominari, & argui possunt, ut homicidium, latrocinium, adulterium, sacrilegium, ceteraq. in hunc modum. Sole Theatrorum sunt impuritates, quae honeste non possunt vel accusari, ita noua in arguenda harum turpitudinum probrostate res euenit arguenti, ut cum absq. dubio honestus sit, qui accusare ea velit, honestate tamen integra ea loqui, & accusare non possit. Alia quoque omnia mala agentes polluunt non videntes, vel audien-

audientes . Si quidem & si blasphemum quendam audias , sacrilegio non pollueris , quia mente dissentis . Et si interuenias latrocinio , non inquinari actu , quia abhorres animo . Sola spectaculorum impuritates sunt , quæ unum ad modum faciunt , & agentium , & auspicientium crimen . Nam dum spectantes hæc comprobant , ac libenter vident , omnes ea dictu , audituq . agunt , & verè in eos apostolicum illud peculiariter cadat , quia digni sunt morte , non solum , qui faciunt ea , sed etiam , qui consentiunt facientibus . Itaque in illis imaginibus fornicationum omnis omnino plebs animo fornicatur . Et qui fortè ad spectaculum puri venerant , de theatro adulteri reuertuntur . Non enim tunc tantummodo , quando redeunt , sed etiam quando veniunt fornicantur . Nam hoc ipso , quòd aliquis rem obscenam cupit , dum ad immunda properat immundus est . Quæ cum ita sint , ecce qualia , ut omnes , aut penè omnes Romani agunt . Et cum hæc ita sint , qui talia agimus negligi nos à diuinitate causamur , relinqui nos a Domino nostro dicimus , cum ipsi Dominum relinquamus . Fingemus enim , quòd respicere nos Dominus noster velit , etiam non merentes , videamus si potest . Ecce in numera Christianorum millia in spectaculis quotidie rerum turpium commorantur . Potest ergo Deus illos respicere , qui tales sunt ? potest ad eos respicere , qui bacebantur in circis , qui mœcantur in theatris ? An fortè hoc volumus , & hoc dignum putamus , ut cum in circis nos , & in theatris Deus videat , ea quæ nos aspiciamus , aspiciunt quoque ipse nobiscum , & turpitudines , quas nos cernimus , cernat & ipse nobiscum ? Alterutrum enim fieri necesse est ; qui si nos videre dignatur , ut etiam illa , ubi nos sumus videat , aut si ab illis , quod non dubium est auertit oculos etiam a nobis , qui illic sumus etiam auertat . Et cum hæc ita sint , facimus hæc tamen , ac sine cessatione quæ dixi . An fortè in morem veterum paganorum Theatrorum , & circorum nos Deum habere arbitramur ? Faciebant enim hæc illi quondam , quia has idolorum suorum delicias esse credebant . Nos quomodo hæc facimus , qui odisse Deum nostrum hoc certi sumus , aut certè si placere has turpitudines Deo nouimus non prohibeo , quin sine cessatione faciamus . Sic verò in conscientia nostra hoc est , quòd Deus horret , quod execratur , quod sicut in his sit pastus Diaboli , ita offensio Dei ? Quomodo non in Ecclesia Deum colere dicimus , qui obscenitate ludorum semper Diabolo deseruimus , & hæc generaliter , ac scientes de consilio , & industria ? Et quæ nobis quaeso , quæ erit apud Deum , qui non casu , aut imprudentia Deum lædimus , sed exemplo illorum quondam Gigantum , quos insanis conatibus superna tentasse , & quasi in nubes gradum tulisse legimus . Sic nos per iniurias , quas in omni mundo Deo semper inferimus ,

mus, quasi consensu publico calum oppugnamus. Christo ergo, ò amentia monstrosa, Christo circenses offerimus, & mimos, & tunc hoc maxime, cum ab eo aliquid boni capimus, cum prosperitatis aliquid ab eo attribuitur, aut victoria de hostibus a diuinitate præstatur. Et quid aliud hac re facere videmur, quàm si quis homini beneficium largiente iniuriosus, aut blandientem conuicijs cadet, aut osculantis vultum mucrone transfigat? interrogo enim omnes potentes, ac diuites mundi huius, cuius piaculi reus sit seruus ille, qui probo, ac bono Domino malum cogitat, qui benemerenti conuicium faciat, & pro libertate, cum accipit contumeliam reddat? Absque dubio maximi criminis reus creditur, qui malum pro bono reddit, cui etiam malum pro malo reddere non liceret. Hoc ergo etiam nos, qui Christiani dicimur facimus, irritamus in nos misericordem Deum, impuritatibus nostris, propitiantem sordibus lædimus, blandientem iniurijs verberamus. Christo ergo, ò amentia monstrosa? Christo circenses offerimus, & mimos, Christo pro beneficijs suis theatrorum obscena reddimus? Christo ludibriorum turpissimorum hostias immolamus, videlicet hoc nos pro nobis in carne natus Saluator mundi noster edocuit. Exterminentur ergo, nam non debent cum cæteris communicare, ut inquit Cyprianus epist. 37. Histrionem, qui in artis suæ dedecore perseveraret & Magister perdendorum puerorum id, quod male didicit cæteris insinuat non debere cum cæteris communicare, cum in lege prohibeantur iure induere muliebrem vestem docent quemadmodum masculus frangatur in fœminam. Nullus est Sanctorum Patrum, qui hanc nefariam artem detestetur, atque abominetur August. lib. 6. cap. 7. & lib. 2. cap. 6. de Ciuit. Dei. Quales nec Thymelica in se admittit obscenitas loca, ubi ludi agerentur obscenis vocibus, ac motibus histrionum perstrepebant, ubi fugalia celebrarentur effusa omni licentia turpitudinum D. Hieronymus in epist. ad Marcellum, & in Hilarione in scenis theatralibus vnus, atque idem histrio nunc mollis in Venerem frangitur, nunc tremulus in Cybelem Arena sauiat, circus insaniat, theatra luxurient, Tertul. lib. 1. in Mar. voluptates Circi furentis cauea insanientis, scena lasciuientis Tac. lib. 6. cap. 20. Docent adulteros cum fingunt mimi. Cyprianus epist. 103. agentem in scena strophas adulterorum, fallacias mulierum, impudicitias, scurriles, incos, parasitos, sordidos, ipsos quoque patresfamilias togatos, modo stupidos, modo obscitè, non in omnibus stolidos certis nominibus inuerecundos, superinduretur homo fractus omnibus membris, ac vir ultra muliebrem mollitiem dissolutus, cui ars sit manibus verba expedire, ut desaltentur fabulose antiquitatis libidines Lac. lib. 1. cap. xx. Præter verborum licentiam, quibus obscenitas om-

tas omnis effunditur, exuuntur etiam vestibus populo flagitante meretrices, quæ tunc minorum funguntur officio, & in conspectu populi usque ad societatem impudicorum luminum cum pudendis motibus detinentur. *Flora* illa genitrix, & sancta obscenitate ludorum bene curat, ut arua florescant. *Tertul.* Apolog. despicite *Lentulorum*, & *Hostiliorum* venustates, utrum mimos, vel Deos vestros in iocis, & *Strophiæ* rideat *maechum Anubim*, & masculam lunam, & *Dianam* flagellatam, & *Iouis* mortui recitatum testamentum, & tres *Hercules* famelicos irrisos, sed & *histrionum* littera omnem sceditatem eorum designant. Item nihil est nobis dictu, visu, auditu, cum insania *Circi*, cum impudicitia *Theatri*, cum atrocitate arenarum. *Kisti* vanitate. *Arnobius* lib. 7. aduersus gentes delectantur, ut res est dij stupidorum capitibus rasis, salaputarum sonitu, atque plausu, factis, & dictis turpibus fascinorum ingentium rubore. Iam verò si viderint in feminas mollitudines, eneruantes se viros. Item fascinorum ingentium ruborem clunibus fluctuare crispatis. Item existimatur tractare se honorifice, *Flora* si suis in ludis flagitiosas cõspexerit res agi, & migratur ab lupanaribus in *Theatra* a profanis etiam accusati fuere perniciosi, ac obsceni *histriones*, nam ut ait *Varro* obscenorum non nisi in scena palam dicitur *Tacit.* lib. 14. ne adhuc publico theatro dehonestaretur, instituit ludos iuuenalium vocabulo. Non nobilitas cuiquam, non ætas, aut acti honores impedimento, quominus *Cræci*, *Latiniq.* *Histriones* artem exercerent, usque ad gestus, motusq. haud viriles. Quia & femina illustres deformia meditata. Quare *Cassiodorus* dicit iure igitur *Pop. Rom.* notauit, turpes fecit infames *histriones*, quos etiam leges ciuiles effecerunt, ut in *C.* lib. 3. tit. 41. lib. 3. *Isidorus* lib. 18. dicit theatrum, & prostibulum idem fuisse. Idem verò theatrum, idem & prostibulum eò quòd, post ludos exactos, meretrices ibi prostituerentur. Quis est ille, qui patrum, & præclarorum virorum argumentis non commoueat. Ego profecto satis mirari non possum cur *Thomas Zarzonius*, vir aliqui doctissimus, & optimus flagitiosam artem laudauerit, & artifices, qui sunt luxuria simulachra, *Diaboli* instrumenta, qui honestati, ac virtutibus perpetuum bellum indixerunt. Sed dices *Cicero* *histriones* laudauit; respondetur, quòd *Cicero* non *histriones*, neque artem laudauit, sed *Roscium*, qui plus fidei, quàm artis, plus veritatis, quàm disciplina possidebat in se, quem unusquisque meliorem virum, quàm *histrionem* arbitratur, qui ita dignissimus erat scena, propter artificium, ut dignissima curia, propter abstinentiam, ut idem inquit. non mirum ergo est si *Cicero* *Roscium* virum integerrimum, & peritissimum delitias suas dictitare solebat. At *nostrates* non delitias, sed omnium

luxuria-

luxuriarum seditissimam latrinam verissimè appellare possumus, quos Principes seueris decretis expellere, abijcere, exterminare deberent.

Super illa verba non hic mihi primus erga popul. Rom. fidei, & constantie dies dicendum est.

Quàm Principi fides necessaria sit.

Theologi varias assignare solent acceptiones fidei, & ita quidem, ut alij plures, quàm par sit, multiplicent, de quo Sotus queritur lib. 2. de natura, & gratia cap. 6. Alj verò pauciores; Alexander Alensis par. 3. q. 74. membro. 1. ponet undecim acceptiones, quas ex eodem Alensi recitat Gabriel in 3. dis. 23. q. 2. Albertus Mag. in 3. dis. 23. art. 1. ad 3. ponit quinque Bonauentura in 3. d. 23. in explicatione textus littera B. ponit. 10. Alphonsus a Castro in sum. de heres. ver. fides heresi 2. ponit 7. Vega in tract. de iustis. q. 1. ponit nouem, quas omnes libenter omittimus, cum ad nostrum non pertineat institutum. Rhetorici verò fidem accipiunt pro ijs rebus, quæ ad demonstrandum iuuant, de qua multa Arist. in 1. Rhet. & Albert. mag. in top. col. 2. accipitur, & fides prout contra distinguitur ab opinione, de qua Marc. Ant. Natta lib. 1. de animi immortalitate. Apud iurisperitos fides idem est, ac securitas, cuius varia sunt genera. Primum est cum inducia, vel paces cum hostibus fiunt, & inimicis inita pacta inter milites, vel Duces, vel alios de quibus DD. in l. conuentionum ff. de pactis, & in l. qui seruum, & in l. si stipulatus fuero §. si stipulator de verb. oblig. & in l. cum proponas C. de pactis Canonista in cap. 1. de treuga, & pace. Zasius in libello de Iudeis. q. 3. Secundum genus est, cum Rex, vel Princeps populum aliquem, vel Ciuitatem in fidem recipit, quos libertatis vindices, ac acerrimos propugnatores nominare possumus, de quibus dixerunt Bart. in l. 1. C. de excusat. mun. Iason. & Zasius in l. qui seruum ff. de verb. oblig. Canonista in cap. recipimus, & cap. ex parte de priuileg. Tertium usu frequentissimum, cum peregrinis, & nautis fides publica datur, promittiturq. vel singularis, vel communis maxime a principibus, & magistratibus vectigalia recipientibus, de quo Bart. & Alex. in l. ne quid ff. de incendio, ruina. Bald. in l. si quis non dicam C. de epis. & cler. Dec. conf. 51. lib. 1. Iason. conf. 147. lib. 4. Canonista in cap. 1. de restit. spoliat. Quartum genus cum Iudicis imploratur officium, ut inimicum dolos machinantem, vel de violentia, atque nefaria vi suspectum nobis cauere cogat, vel ut ipse Iudex contra inimicos nobis presidium det,

det, quaparte aliquid commune cum superioribus habet, & de hoc l. illicitas s. ne potentiores ff. de off. praesidis Bart. in l. denunciatus C. de his, qui ad Ecclesias confugiunt. Huic addi quoque posset cautio Maritorum, Abbatum, & Dominorum, de qua Bald. & Canonista in c. ex transmissa, & c. litteras de rest. spoliat. Porro nos de quacunque humana fide, quae ad Principem, vel publicum virum attinet loquimur, non de fide virtute intellectus, sed voluntatis, per quam opere completur, id quod promittitur, quae virtus solet etiam nominari fidelitas, & veritas, sic fides etiam est in Deo ad Rom. 3. num quid incredulitas illorum fidem Dei euacuauit, absit, est autem Deus verax & c. de hac fide loquitur S. August. in epist. 19. ad Hieronymum, ubi tractans locum illum 1. Corint. 5. Hic iam quaeritur inter dispensatores, ut fidelis quis inueniatur; ita scribit fides in latino sermone ab eo dicitur appellata, quia fit, quod dicitur, ubi autem fit, quod dicitur, mentiendi utique non est locus. Ex hac acceptione deriuata est altera, quae fides nominari solet ipsa promissio, quam fidelitas adimplet, de qua Poeta 8. Aeneadum. Accipe daq. fidem. definitur autem a Cicerone lib. 1. de off. hac fides, de qua nos, dictorum conuentorumq. constantia, ac veritas. A Francisco Patritio lib. 8. de Regno cap. 20. promissorum, & conuentorum fida observatio, vel mutua exhibitio stipulationis. A Lipsio effectus, quod in nobis sit dicti, aut promissi, quae profectò maximè in mentibus Principis debet insidere, qui planè simpliciter orationem cum veritate coniunctam debet, & proferre tenetur. Nam Principis sermonem, nec ambiguit, nec astutum, nec eum varijs egerè interpretationibus licitum est, ne ludibrio, & suspectui omnibus sit; sermo enim iniustus eum eger in se ipso sit, phar macis indiget astutis, quibus etiam si animi morbum ab utilitate proficiscentem subdolè conantur sanare, tamen haud liberantur, cum non vitium animi nefarium occultare queant, qui gubernacula Reip. tractant, quoniam palam, & coram omnibus fit; quod autem apertè fit, clandestinam non potest nancisci liberationem, & veniunt in lucem interdum non quaesita, quae magnum deinceps Principibus adferunt incommodum. Etenim populus, qui magnopere fidem conseruandam censet, ideoq. Principi credit, & perfidiosum, & nefarium putat fidem frangere, quae continet vitam, si fraudes, & captiunculas in verbis, vel rebus Princeps miscet, paulatim tacito animi dolore a pristina beneuolentia se remouet, ac separat, quam & si acerbissima poenae timore, aspectu coloratam, ac illitam ostendit, tamen si tempus aliquid ei concessurum esset, proculdubio animum populi mutatum Princeps ruina sua cognosceret. Quamobrem ini-
quum, & impium est Principem, qui ad unguem omnia promissa
seruare

seruare oportet, nec verba reuocare, neque fallere; neque impedire effectum, & nec quodcumq. nutu capitis confirmauit, nec pactum ex præstantissima virtute promanans mendacio labefactare. Indigni enim sunt eiusmodi Principes dominatu, ac audaciter dicam tyranno peiores mihi videntur, ut Cleomenes Lacedæmon. Rex, numquam satis vituperatus, qui cum septem dierum, ut inquit Fulgositius lib. 7. cum Argiuis inducias fecisset, tertia nocte, cum Argiui securi agerent, nihil per id tempus verentes, Cleomenes incautos adortus, magnum eorum numerum cecidit, atque cœpit. Cum autem perfidia Argiui eum arguerent, septem dierum se inducias dixit pepigisse, de noctibus nullam prorsus fecisse mentionem. Hoc responso perfidiam suam ex parte valere voluit, quam tamen totam tegere non potuit. Itaque quem a mendacio alienissimum esse oportebat, mendacium ipsum commoditatis suæ causa amplexus est. Quot Principes hunc imitantur mendacia introducunt noua, ac inusitata pietate, ac charitate inducta, ut commodè aliquid usurpent, qui non inuitè, sed spontè mendacia eligunt, quique interim amicis destituuntur malorum chorum consequentes. Licita Principi sunt ea mendacia, quæ nemini possunt obesse, & quedam venia eis impertitur, qui necessaria commoditatis causa mendacium sequuntur, si tamen absq. peccato possunt committi. Sed eis inhonestæ negantur, & ea, quæ & si ceteros quidem non ledunt, dedecus tamen ipsius utentis est, cum imbecille ingenium, infirma facultas excusare non possint, quæ a praua voluntate oriuntur, cuiusmodi sunt occultare in corde sententiam, & aliam proferre, res quidem Principi exosa, quam inferni porta, ut inquit Homerus. Non putent Principes mendacia arte aulicæ occultare, quia nullum mendacium, ut sapientissimè Sophocles procedit ad senectutem æui, non inuenient malitiam alieniorem a conuersatione hominum, quam perfidia; libidinetur Principes, apud homines, & si non apud Deum excusabuntur, leges quibus parere tenetur refellat, excusatur, dominus est. Iustitiam non exerceat, ministris attribuitur, abundantia languescat, terræ sterilitatem accusabis, subditos oneret, necessitas id exiget. pecuniam cumulo addat, bella regnis continuò imminetia efflagitant, sit ipse superbus, potentia superbiam generat, sit auarus, parcum dices, amans aliquid iuuentuti concesseris, & libertati, sit deditus gula nullum munus ipsa impedit, inuidus esse non potest, inuidia enim solum præstantiora tangit, sed potentiori inuideat, emulationem eam vocabis. Tandem si animo omnia perpenderis, nullum inueneris, quod in bonam partem præter mendacium verti non possit, & si hoc exceperis, omnibus remedia adsunt. At non stare promissis, infidelis Principis est, gaudere se esse menda-

mendacij studiosum, & se, & eos, in quos inciderit, fallere impij hominis est. quid est princeps sine fide, regnum sine iustitia, quia fides iustitiæ fundamentum est, qua violata; ut inquit Theod. 1. cap. 15. tollitur inter homines commerciorum usus. Turpe est plebeio fallere; turpius Patritio, turpissimum Principi, fraude boni specie colorata ledere, quam durissimam veritatem dicere, quam blanda mendacia loqui maximopere dedecet, potiusque mortem appetere, quam fidem frangere; nam ut ille, ure, occide, non prodam; ac apud Persas, ut legitur in lib. 2. cap. 19. Alexandri ab Alexand. nihil fide antiquius fuit, quam tantifacere, ut humanam societatem cum fide tolli crederent; & ideo Numas Pompilius, cum Romana iuuentutis bellicosos, acresque spiritus, & feroces animos incusso Deorum metu remollire, ac retundere cuperet, omnium primum fidei templum constituit, illamque Romanis Plutarco autore maximum esse iussurandum demonstravit. Proinde cum ad id sacrarium flamines bigis curru arcuato, ac veluti fornicato vehi iussisset, manu quoque ad digitos usque inuoluta rem diuinam facere voluisse, significantes symbolicè fidem tutandam esse, ac eius sedem in dexteris esse sacram. Quare rectissimè Cicero scripsit, nullam rem vehementius continere rem publicam, quam fidem. quam quidem omni rectè seruare ex sacra Scriptura Princeps tenetur. ut Iosu. 9. 19. dicit iurauimus ei in nomine Dei Israel, & ideo non possumus eos contingere. maximo enim periculo frangitur, ut habemus in Ezech. 17. 16. & qui dissoluit pactum, numquid effugit; uiuo ego dicit Dominus, quoniam in loco Regis, qui constituit eum Regem, cuius fecit irritum, iuramentum, & soluit pactum, quod habebat cum eo in medio Babylonis morietur. & ibidem 16. spreuerat iuramentum, ut solueret fœdus, ecce dedit manum suam, & cum hac omnia fecerit non effugiet. Ex quo quidem patet Deum magnopere in eos animaduertere, qui iuramentum violant, & fœdus soluunt. Impium enim est, & difficillimum perpeffu sub publica fide, & præsertim iuramento confirmata, & corroborata falli, ac decipi, causasque fictili artificio inuenire, cur pacto non fient. At laudabile quidem est, ac regni certissimum, & perpetuum fundamentum stare promissis, vel hostibus, vel amicis, vel cuicumque pollicitis, eosque adiuuare, quos in custodiam, ac tutelam susceptos fuisse constat, in quo quidem valere est Caroli V. exemplum, qui promissam fidem Francisco Sfortie Mediolanensium Duci conseruauit, qui cum accepto a Carolo V. ut extat apud Galeacium capellam lib. 8. fidei publica diplomate, Bononiam ad pacem cum eo ineundam profectus esset, ubi primum ad conspectum Casaris, venit orationeq. habuit, reddidit ei diploma nulli se

O

rei

rei magis confidere, quàm benignitati, clementiæq. ipsius, dicens. Nec te fiducia tua fefellit, qui etiam impio, ac scelesto Martino Luthero fidem præstitit, nec illum abominandum, & ex omnium scelerum collusione hæreticum natum fefellit; nam ut ait Ambros. 2. de off. fides etiam perfidis præstanda est, inter bella, ut Silius

— — — optimus ille

Militiæ, cui postremum est primumq. tueri

Inter bella fidem.

Inter hostes, ut de Attilio reg. satis constat; ac de Ioanne Gallorum rege, qui, ut ait Fulgosius lib. 1. cap. 1. prelio victus, captusq. apud Pictones ab Edouardi III. Britannorum Regis filio Gallie principe, postquàm magna vi auri, atque locis quibusdam redemptionem suam pactus, data fide ad ea paranda, qua ex pactione debebat redire Galliam permissus est, cum domi inuenisset nimium habere regnum grauari, neque ea adesse, quibus seruare promissa posset, in Britanniam reuerti decreuit, ut fidem seruaret, & fieri possit summam pactam cum Britannicis minueret. Itaque in Britanniam reuersus, breui in aduersam valetudinem incidit, atque decessit. sic & Genuenses ut idem refert lib. 6. post longum, ac graue bellum, quo inter ipsos, & Venetos tertio decertatum fuerat; ubi auri, aut sanguinis vis immensa effusa est, cum occasio se obtulisset, magno suo commodo rei feliciter aduersus Venetos gerenda, fidem inita paulo ante pacta Venetis datam commodis, doloriq. acceptorum, in bello malorum anteposuerunt. Nam Cretenses, Venetique, qui Cretam incolebant conspiratione facta a Venetis defeecerant, ac Genuam legatos viros grauissimos miserant, qui insula deditionem facerent, ea autem expeditio, & si nullius periculi, magniq. commodi futura videbatur, minoremq. ob causam finitum paulo ante bellum aduersus Venetos susceptum fuerat, tamen legatis responderunt. Vehementer dolere, quòd integra fide, ob pacem cum Venetis factam, ea qua Cretenses offerebant accipere non possent, quamquàm adeò recens ea pax confecta esset, ut multi vulnere, qua ab illis acceperant, nondum ad cicatricem perduxissent. Causa cur tantoperè fidem seruare debet, est quietus dominandi status, scandalum, & periculosum exemplum, quod omnibus præstat, nam & ipsos ministros falsos reddit, membra enim a capite mouentur. Quod ostendit Salamon Prou. 29. Si princeps delectatur mendacio, impios tandem ministros habet, & Osæas 4. Qualis sacerdos, talis populus, & Gregorius c. præcipue. 11. q. 3. scire Prælati debent, quod si peruersa umquam perpetrant, tot mortibus digni sunt, quot digni sunt, quòd ad subditos suos perditionis exempla transmittunt; & Plato, ac Isocrates, ut refert

fert Volater. philologia lib. 30. tales solent esse ciues, quales in Rep. principes, & Cic. de legib. perniciosè merentur de Rep. vitiosi principes, quòd non solum vitia principes concipiunt ipsi, sed ea infundunt in Ciuitatem, neque solum obsunt, quòd illi ipsi corrumpuntur, sed etiam quod corrumpunt, plusq. exemplo, quàm peccato nocent. Itē Claudianus.

Scilicet in vulgus manant exempla regentum.

Quamobrem de data fide, omnibus præstanda nullum decet boni virum dubitare, cum hæc natura sit lex l. 1. ff. de pact. qua nemo solutus est §. 1. & fin. Inst. de vir. nat. & ciu. Iason in l. 1. ff. de pact. rectè igitur. Vlpian. graue est fidem fallere in l. 1. ff. de const. pec. nihilq. magis debetur homini, quàm pacta seruare, quod probat Bald. conf. 371. lib. 3. & in l. 1. ff. de pact. ait fides hominibus seruanda, qua nihil maius inter homines. Mart. Laudens. de consiliarijs Principum num. 2. & de Principibus num. 52. 57. allegans Valerium maximum scribit tria fecerunt Romanos dominari, saluum consilium, secreta tacendo, & dictis suis pertinaciter inharendo, non frangendo fidem. & Val. Max. lib. 2. cap. de priu. fide ducit Romano sanguini fidem præstare conueniens fuisse, nec licuisse fallere, vel decipere hostem, notariq. hanc perfidiam a censoribus, ut de decem illis patet, quos post Cannensem pugnam iuratos ad Senatum misit Annibal, ut refert Polybius. ex decem enim nobilibus, qui tunc erant missi nouem reuersi sunt a Senatu, re non impetrata. Vnus verò ex decem, quasi aliquid esset oblitus, in castra reuersus, & postea discedens iuramento se satis fecisse putabat, sed fraude a Romanis intellecta veteratorem callidum, vinctumq. ad Annibalem duci, ut pœnas perfidia daret voluerunt. Ac de perfidia ait lib. 6. Val. Max. efficacissimas esse vires mentiri, & fallere, & tantum incommodi humano generi afferre, quantum bona fides præstet. Atque Dion, qui Romanam scripsit historiam de principe ait. Præter omnia sit veritatis, ac simplicitatis amicus, eamq. uti regiam virtutem consecetur, astutiam verò, ac fraudem uti seruilia; putet cui conuenit hoc Appollonium mentiri illiberale, veritas generosa, & Isocrates oratione ad Nicolcem Regem ita scribit. Quæ dicis, aut recipis te facturum tãquam rem sacram obserua. Item Iouianus Pontanus in lib. ad Alphonsum scribit, quæ promittas, & cui promittas videto. Ex quibus omnibus patet nihil antiquius veritate ipsa Principi esse debere, quod declarat mos a patribus nostris prudentissimè institutus, ut liber Euangeliorum, quo diuina continetur veritas diebus singulis Principi osculandus offeratur, cum in re diuina adest, ut ex eo colenda veritatis admonitus meminerit studiosissimum se eius esse debere, atque Nigidius, ut refert Gellius lib. 11. cap. 11. inquit vir

bonus præstare debet ne mentiat, prudens ne mendacium dicat. & decet Heroas, & præstantes viros non solum non mentiri, sed & mendacia odisse, quemadmodum David Psal. 201. canit, non habitabit in domo mea, qui facit fraudem, & qui loquitur mendacia non stabilis erit in conspectu meo. Et Iustin. in auth. ut in priuat. domibus dicit veritatis solummodo sumus amatores, ac in auth. de executoribus inquit calumniam odimus, & apud Homerum ait Achilles se perinde, ac mortem odisse eos, qui aliud sentiunt, aliud loquuntur. Volater. Philolog. lib. 28. hoc carmine expressit.

Hostis enim ille mihi simul usque ad limina ditis,

Qui simulans aliud menti contrarium fatur.

Atq; Pontan. de obed. lib. 4. c. 9. scribit apud Tyrannos veritas minimè tuta est, regū aut propriæ est veritas, eleganter quoq; de fide seruanda. Silius.

Fœdera mortales in sæuo rumpite ferro.

Sed castam seruate fidem fulgentibus ostro,

Hæc potior regnis dubio, qui frangere rerum,

Gaudebit pacta, ac tenues spes liquet amici

Non illi domus, aut coniux, aut vita manebit

Vmquam expers luctus, lacrymæq; eget equore semper

Ac tellure præmens aget ægrum nocteq; dièq.

Respecta, ac violata fides.

Equidem unica clades Vladislai Regis, qui quorundam persuasionibus fidem rupit Turcæ, omnes principes deterrere debet a cauillationibus quorundam, qui ludere solent perfidia, & simulationibus. Præterea principes doctrinam Aristotelis rectè perpendere debent, qui Alexandrum hortatur, ut fidem datam, & fœdera confirmata obseruaret, alias malum consecuturum finem; nam si in priuatis veritas firma, in principe firmior esse debet, variatio enim, & inconstantia in Principe, & Rege præcipuè reprobatur, quia in Principe tamquam in fonte iustitiæ debet esse constans voluntas, & principibus cōuenit illud verbum, semel locutus est Deus, & quod scripsi scripsi, & ideo debent vnum habere calamus, & non plures, quia scriptum est, quæ processerunt a labijs meis, non faciam irrita, debetq; esse immobilis, sicut lapis angularis, & polus in Cælo. Denique tradunt Canonistæ violatorē fidei esse periurum. Archid. 22. q. 1. c. in summa Innoc. in c. & si Christus; de tunc iurando, & licet crimen periurij sit graue in omni homine, tamen in principibus est grauissimū. Innoc. in c. ad apostolicam de re iud. testator. Certum est ad alium, quam ad Principē populum non posse confugere, ad cuius ergo fidem confugiet, cum ob eius fidem homines lædantur, confugient ne ad principem, cuius manus plena sunt perfidia, ad quā quotidie perducitur; non eget populus sermo.

sermone obscuro, vel ambiguo, sed elaro, & aperto, quod & facillimè audiri, & exequi sine metu, vel pœna possit. Quibus de causis, principes se ipsi persuadere deberent fidem nemini violare, alioquin versipellis oratio omnes ad inuidiam, & odium excitabit, eritq. non salus, sed Ciuitatis, ac Reip. pernicies. Quare Princeps, ut ait Gulielmus in summa virtutum tardè promittendum, & maturè tunc præstandū; quemadmodum enim luna a sole, ac sydera, stellasq. omnes lumen accipiunt, sic omnes etiam virtutes fulgent a fide si sanctè colatur, sine ea enim omnes regum virtutes obscuriores fiunt ut inquit Patritius.

Nihil ut ait Guicciard. hip. 12. principe, aut Rep. indignius, quàm fidem datam non seruare, perfidia regis totum eius regnum exosum reddit, & ut vita semel amissa, numquàm reuertitur, sic nec fides; qui perdit pecuniam habet, in quod se seruet, qui fidem nihil cui se seruet, habet, ex fide non seruata, semper exitus malus, ut inquit Arist. fide enim, & hominum societas Ciuitatum domicilia, gentium vniuersalitas, regum dominia conseruantur; sine fide homines in errore incidunt, & tamquàm bestia existimantur, omnia sine hac vana, & mendacia sunt, & cetera virtutes sine illa degenerant; fides igitur numquàm erit violanda, aut nulla ex parte labefactanda. Cum Deus ipse ex promissione obligetur, ut concludit Magister sent. relatus per Cynum in l. digna vox C. de ll. & per Bald. in l. 1. ff. de pactis, quos sequitur Marc. Ant. Peregrinus de iure fisci lib. 6. tit. 1. num. 9. nam fides violata cuiusque fuerit data, tandem à Deo punitur, ut inquit Philip. Cumineus, & fides hosti seruata, quem fallere potueris, magnam probitatis apud omnes laudem, & magnum, ut alios ad te allicias momentum habet, ut idem dicit, & stabile, ac æternum facit imperium, ut Q.C. scriptum reliquit, & hosti magis, quàm alijs seruanda. Benedic. Ariamont. cap. 1. de varia Repub.

His de causis iam de se opinionem in animis hominum excitare princeps debet, ut nudis verbis sanctius præstare promissa credatur, quàm, quæ alijs iureiurando pollicentur. Hip. a Collib. c. 10. de principe; & absint illa monstrosa verba Macchiauelli cap. 8. & 15. fides, clementia, liberalitas, omnes denique virtutes sunt damnosa Ciuitati, principi peierare, fallere, & dissimulare sine ulla dubitatione licet; nihil turpe videri posse, quod cum Reip. salute coniunctum. Ità principi seruandam fidem, ut cum id communis utilitas flagita-uerit, eam violare non dubitet &c. quæ verba fatua sunt; nam imperij fundamentum est honesta fama, subditorum beneuolentia, & principis autoritas, at cuius quæso famæ, cuius autoritatis erit Princeps, si fœdifragus, sic diffidens, si dissimulans, si periurus, vel si sit quamdiu

quæso duratura . Nullum simulatum diuturnum , ut Hip. ait; tum Ribadencyra concludam, quòd admodum conueniens, atque adeò necessarium est , ut princeps Christianus multam cautionem adhibeat , & attentissimè consideret, quid dicat, promittat, iuret , sed postquam auctoritatem suam adstrinxerit, eam non negligat, sed firmè, & constanter promissum , & iusiurandum seruet . hocq. sibi certo persua- deat in fide maximum esse positum momentum ad dominationem re- tinendam, & nominis existimationem ad opes parandas, ad inferiores obedientia metusq. frenos comprimendos , & primum quidem ad fa- mam existimationemq. valet, quoniam de eo principe , quem fidei re- ligionem colere norunt præclare omnes sentiunt . Ad opes, remq. au- gendam prodest, nam ut quis æs alienum rectè dissoluit , sic princeps, cuius verbo fides tribuitur , non suarum facultatum dumtaxat est dominus, sed & alienarum, frequenter enim incidere solet, ut exerci- tus longè distans pecunia, còmeatu, alijsq. rebus necessarijs instru- endus sit, nec pecunie tam cito cogi , aut illuc transmitti possint, quàm res, & occasio postulant : qua difficultate si facile explicabit Princi- pis fides, illic enim quiuis (si in fide , & promisso constantem noue- rit) suas pecunias sponte dat mutuas, eiusq. verbum pro certis, ma- gnisq. pignoribus arbitratur : alioquin sibi quisq. consulit, ac cauet , ac facultates suas diligenter reconditas asseruat . Hinc nascitur, ut Princeps habeatur potentior maiori obseruantia colatur , & timea- tur magis , quæ omnia ad dignitatis statum conseruandum maximo sunt adiumento . Conducit etiam principis fides ad rectam conscien- tiam , ad auctoritatem , & ut alij principes eius verbis fidant , popu- lares verò illustre exemplar habeant, quod in re tanti ponderis imi- tentur . Hæc autem eò magis necessaria est, quò corruptiora sunt nostra tempora, in quibus homines nullo numinis metu passim iurant, peierantq.

Cæsar clementi responso liberis, propinquisq. eius incolumi- tatem, &c.

Super illa verba vnâ in armis salutem, sed ea consilio temperan- da dubitatur .

Vtrum bella fortuna, an consilio geran- tur, ac de multis ad bellum at-
tinentibus.

Subdifficilis hæc quæstio videtur ob autorum incertitudinem ; multi enim id fortuna attribuunt . Liuius enim dicit fortunam
per

per omnia humana, maximè in res bellicas potentem esse, & 30. cum
tuas vires, tum vim fortuna, martemq. belli communem propone ani-
mo. & Seneca.

Licet omne tecum Græciæ robur trahas.

Licet arma longè miles, ac latè explicet

Fortuna belli semper ancipiti in loco est.

Curtius de Alexandro loquens, quoties illum fortuna, quoties temerè
in pericula vectum perpetua fœlicitate protexit. Plutarchus Timo-
leontis gesta fortune adscribit primo enim ait tantus ibi statim in-
designando ei effulsit fortune fauor &c. paulo post, testesq. ex co-
rona nonnullos citauit stupentes artificium fortuna, qua aliorum
ministeria alia moueat, & omnia quamuis remota connectat, & com-
plicet his, qua plurimum videntur dissidere, nec communione inter se
sociata vlla atque assidue illis ita mutuo utatur, ut vicissim vnius fi-
nis primordium, sit alterius, deinde, quod verò infecutum est videtur
potissimum benignitati referendū acceptum fortune, & alibi fortuna
sua, rebusq. gestis plus quàm copijs fretus, & alibi, & quidem ille
victorias suas fortune retulit omnes acceptas. Idem multa in lib. de
fortuna Rom. Caesar lib. 6. commen. & si multum, cum in omnibus
rebus, tum in re militari potest fortuna. Thucid. lib. 3. ipsa quoque
fortuna nihilominus adiuuat ad homines periculum impellendos:
nam ex inopinato numquam astans, ac sese offerens aliquem priua-
tum hominem, vel infirmioribus opibus instructum impellit ad peri-
cula, & Ciuitates integras, eò magis, quò de maioribus agitur de
libertate, aut de imperio in alios obtinendo, & lib. 4. quamuis au-
tem fortuna sit res omnium maxime lubrica, tamen validissima
in bello videtur. & multi ex antiquis Imperatoribus quidquid pro-
sperè gesserunt fortune attribuerunt, illamq. ipsam fortunam, qua
aspirante res prosperas gesserunt veriti sunt, nec iniuria inquit
Curtius lib. 11. nam nemo est satis peritus faber sua fortuna. Et
quòd aliquando vrbes ab hostibus expugnatae non sint, fortune ad-
scribendum esse videtur, & ut alia missa fiant, id videre est in An-
nibale, quem fortuna ante vrbis Romæ conspectum deseruit. sed

Quoties fortuna victoribus aduersaria fuit, quoties in medio vi-
ctoriae horrenda tonitrua prorupere, & cum flamma fulgura emi-
cuere, quoties caligo ex collibus, & montibus in praelium delapsa,
imbresq. cum vento, & grandine mixta victorum ora feriuir, ac
cum procella nimboſa, ac continua corruscatione è nubibus excussa
oculos perstrinxit. quoties varijs modis fortuna victoriæ cursum
impediuit, vel retardauit, quoties causæ quædam media, subita,
ac insolita interuenerunt, quoties superbissimi exercitus facili-
mini

minimi cuiusque præda fuere sine ullis vulneribus, vel necce, quoties fortissima ciuitates nulla obsidione coactæ se se in hostium manus dederunt, quoties subita, ac violentæ mortes Ducibus acciderunt, & eiusmodi multa. quis ergo hæc fortune non esse concederet?

Ex aduerso non solum multi, verum etiam & supracitati autores bella consilio, ac rationi tribuunt. Liuius enim 22. Bono Imperatori haud magni momenti fortunam esse mentem, rationemq. dominari. Caesar 1. bel. ciu. non minoris esse Imperatoris consilio superare, quam gladio. Sallust. Cabili periculo atque negotijs compertum est ingenium in bello plurimum posse; quare Carthaginenses, ut dicit Val. lib. 2. cap. 7. Duces bella prauo consilio gerentes, etiam si prospera fortuna subsecuta esset, cruci tamen suffigebant. Tacitus Suetonium Paulinum laudat ex eo, quod illi cauta potius consilia cum ratione, quam prospera ex casu placerent. Suetonius verò de Tiberio dicit, quod minimum fortune, casibusq. permittebat Asdrubal; ut scribit Liuius miræ artis in sollicitandis gentibus, imperioq. vi iungendis suo plura consilio, quam vi gerens. Probus Alcibiadem ex sagacitate laudat, erat inquit ea sagacitate, ut decipi non posset, præsertim, cum attendisset ad cauendum, & idem, Autor affirmat Xersem victum fuisse magis consilio Themistoclis, quam armis. Græcia. Vegetius ille difficilimè vincitur, qui verè scit de suis, & aduersarijs copijs iudicare, nec fortuna, ut inquit Plutarchus id vnum hominibus non aufert, quod benè fuit consultum. Liuius affirmat, idcirco C. Sempronium conf. deletum fuisse, quia cautè, inconsultèq. pugnam inijt, quia subsidijs aciem non firmauerat, non equite apte locato, quæ omnia ad consilium pertinent. Idem de Valerio loquens, Valerius aduersus coniunctos, iam in Algido Volscorum, Equorumq. exercitus sustinuit consilio bellum, potest id etiam probari ex eo, quod partes belli præcipuè sunt castramentari, agmen ducere, loca capere, præsidia disponere, aciem instituere, ciuitatem obsidione cingere, prælium intire, quæ consilij non fortune sunt. Et egregios Imperatores prælio vicisse, hostesq. fuisse ex historijs constat, quia sagaci, ac prudenti vsi sunt consilio. E contra præfigatos, ac expugnatos eos, qui temerè rem gesserunt, ac sine ullo consilio in summum discrimen exercitum dederunt.

Non desunt alij, & ex supracitatis, qui & virtuti, & fortune bella attribuunt. Liuius 22. est viri, & ducis non deesse fortune præbenti se, & oblata casu flectere ad consilium. Sallustius de Sylla, atque illi felicissimo omnium ante ciuilem victoriam

num-

numquam super industriam fortuna fuit, multiq. dubitauere fortior, an felicior esset. Plutarchus de Timoleonte. Hic quod vi expugnata urbs fuerit, & citò profugientibus hostibus in potestatem venerit, id iure cum militum virtuti, tum consilio attribuas ducis; at quòd nemo ceciderit, nemo vulnus acceperit Corinthiorum hoc proprium esse suum opus fortuna Timoleontis.

Pro solutione notandum hic, antiquos fortunam plurimis modis accepisse, quos, & longum esset recensere, & inutile, sed illud solummodo recensebo, quod ad præsens dubium attinet.

Oportet fatum, & fortunam fateri, ut inquit Lipsius: fatum id est prouidentiam, decretumq. diuinum. fatum enim (ut rectè Minutius felix) nihil aliud est quàm id, quòd de vnoquoq. nostrum fatus est Deus; non solum ut explicat Lipsius c.5. monit. & exempl. Polit. sed & de rebus omnibus, quæ sunt, fuerunt, erunt: Is enim, qui omnia fecit, dirigit eadem, mouet, seruat, & (ut Termegistus ait) tamquam auriga peritus est Deus, currum hunc mundi firmans in se, atque alligans, ne incompòsitè feratur. Profus ita est per causas medias variè nexas: Prima illa causa omnia temperat suauius, prudenter, vtiliter: Quare nec in bonis elatum, nec in malis abiectum esse hominem. Constans ubique esto, & volens quadam obedientia decretis diuinis: nam longè præstat, ait Gregorius Nicephorus lib.3. quietum ferri à ferente fato, quàm obtinendo, velut materiam, & alimentum ei prabere. Hoc enim tale est, ac si quis ignem metuens ades iam circumdantem non extinguat eum, sed sarmentorum fascis augeat, & oleum effundat. Aut si quis furente Borea, & tempestate exigua, fragiliq. cymba contra fluctus, & per eos eluctari conetur. Quare utilitas est inquirere leuiter, & modeste in fata, & videre quouis illa supera nostra hæc trahat quoque ea inclinatione se, & consilia adaptare. Magnus est fructus, & prudenti viro vix publica fata, conuersionesq. obscure ex signis, quæ præsumunt, vel adhaerent ruere, aut vertere hunc statum velint? Consilia praua, & homines tales erant, & qui ad gubernacula admouebuntur. Relatio, adulatio, vanitas, locum habebunt; probitas, veritas, prudentia exulabunt. Sed, & ut in cythara concentus turbabitur, & obscura primum modò palam discordia erit. Vult attollere omnia alia, locus consilij, locus, honosq. virtutibus, etiam artibus: Denique si quid agri in Rep. sanatur, si quid sani fouetur, ut qui libram tenet in hanc, aut illam lanceam pondus adijci iubet, & inclinatur, sic Deus, & fortunam temperat, sed manibus, aut consilij ferè nostris, atque hæc ita palam, ut vel hebes mens videat, si non præuideat, & dominum arbitrumque terrestrium rerum ex euentis illum è Cælo agnoscat. Quamobrem

rectè

reçtè Liuius 4. hist. Prohibebunt hæc (inquies) sed numquàm propter te de Cœlo descendunt, tibi dent mentem oportet, ut prohibeas. Ex hac autem doctrina sequitur bella geri fortuna, si pro altiore quadam fortuna, idest decreto diuino, idest ipso Deo sic volente, & medijs consilijs nostris id intelligatur. Nam stultum est dicere nihil agam, sed permittam omnia fati, nam ut reçtè Sallust. in Cat. Non enim notis re, neque supplicijs muliebribus auxilia Deorum parantur vigilando, agendo prosperè omnia cedunt. & fortuna ignauos spernit, ut inquit Liuius 8. nihil agenti in sinum de Cœlo deuolutaturum victoriam, aut fortunam esse; nam Deus laboribus bona vendit. Et hac ratione Deus fortioribus adest, inquit Tacitus 4. hist. Et Ouidius, Audaces fortuna iuuat, timidosq. repellit. Quod si tristè Deus immittat, necessariò id ferre oportet. Nam ut Apulei. q. Metam. nec consilio prudenti, nec remedio sagaci diuina prouidentia fatalis dispositio subuerti, vel reformari potest. & ut Velleius lib. 11. cuiuscumq. fortunam mutare constituit, consilia corrumpit. Hoc etiam modo accepit fortunam Plato de virtutibus, quando dixit: fortuna, quæ fiunt, non humano ductu fiunt. & dial. 9. de Leg. fortuna nullus Legislator imperare potest, & Marsilius Ficinus in Plat. dialog. de Leg. 11. dicit, quod fortuna prospera ad Dei prouidentiam est referenda. Et ideo Proclus, ut ait idem Marsil. in Plotin. Aenead. 3. lib. q. cap. 2. definiebat fortunam non temerariam, vel cæcam, quomodo Poetæ, & sub alio mysterio veterum plurimi accipiebant, sed diuinam potestatem in varium exitum diuulsas causas congregantem, quare hoc modo Arist. 2. Reth. asserit esse nobilitatem diuinæ potentia, quæ ratione Simplicius 2. phisic. tex. 67. c. 12. dicit fortuna dominatur in cœlo, ac in hoc sub lunari mundo suum imperium maximè pandit, & potiundis magistratibus, & rebus prosperis, & aduersis maximè causam fortunam asserimus.

Competit fortuna sic accepta definitio illa, quam Albertus Magnus tradit 7. Ethicorum tract. 2. cap. 4. fortuna est qualitas accepta innato, complexione causarum a cœlo descendens secundum natiuitatis periculum, quæ quis naturalem accipit potentiam, vel impotentiam ad futuros successus, si tamen intelligatur fortunam rebus congruere, non è vagis stellis, nec a principijs rerum naturalium, nec a nexu naturalium causarum, sed a Deo per illas causas, quibus aterna constitutione, nexuq. causarum latentium, & ante destinatarum suum, quæq. ordinem immutabili lege percurrere. Quare cum hæc ita se habeant, aliqua nunc dicenda sunt, quæ ad ipsum bellum, ac consilium attinet.

Bellum iniustum nullo modo gerat, quinque autem modis bella iniusta

iniusta geruntur, ut inquit glos. in cap. quod autem xxij. q. 2. ex persona, ut in Sacerdote, ex re, pro qua non deceat, ex causa, quia voluntaria, non necessaria, ex animo, & intentione, ut vindicta, & ultionis gratia, ex auctoritate si ea desit.

Antequam bellum sumat multa animo voluat, multa cogitet, qui bellum machinatur, & parat, res est enim, cui maxime congruit Poeticum illud.

— facile descensus Auerni

Sed reuocare gradum, superasq. euadere ad auras

Hoc opus, hic labor est.

Vtinam secum bene cogitarent Reges suas curas populorum arumnas, & strages, euentus bellorum varios, cum sepius, quæ facilia videbantur initio difficillimos exitus inueniant, neque enim frustra de Aenea dixit illustris Poeta

Hic magnus sedet Aeneas, secumq. volutat,

Euentus belli varios.

Lentius profectò si saperent festinarent. Petrus Bellus de re militari par. 2. tit. 8.

Bellica prudentia cernitur ante bellum, in bello, post bellum ante bellum, in belli apparatu. Roma ubi de bello cons. retulerant decernere in eo genere solebat Senatus quantis copijs, quo militum numero, quibus, quotvè legionibus, & per quos duces bellum gerere, & rem bellicam administrari placeret. delectus item haberi, nouasq. legiones conscribi; Ideò Princeps solertem nauis gubernationem imitabitur, qui prius quàm portu egressus, in altum soluat omnibus rebus instruit nauim, quo ad eius fieri potest, armat, & ornat, mari deinde, ac ventis sese committit. Hip. a collibus in Principe cap. 12. de bellica prudentia in bello, ac post bellum in lib. de off. Imperatoris dicemus.

Cum nullum mortalium studium pluribus excipiatur incommodis, atque bellum, etiam, atque etiam prospiciendum est ijs, qui rerum potiuntur Orbis Monarchis, ne temerè, atque inconsultè ad arma conuolent, neque acquiescent rerum nouatoribus, numquàm non bellaturis, non ob aliud credo, nisi quod ex plebis ferè extrema calamitate messem non portiendo, ac optimum lucrum facere consueuerunt, sed vim potius ponant in deliberationem: Et quoniam omnia prius experiri sapientem deceat, omnis mouendus est funis, omnia tentanda ne belletur. Huc nimirum facit, quod Dominus precepit filijs Israel: Si quando (inquit) ò Israel accesseris ad expugnandam Ciuitatem, offeres ei primum pacem. Quapropter, scitum fuerit Aeneam emularis, belliq. variam expendere sortem: nam de illo ita Virgilius.

Hic

Hic magnus sedet Æneas, secumq. volutat
Varios euentus belli.

Quod si facerent Reges omnes, non ita bellabundi se, suosq. inconsultè irent perditum, deinde non deplorarent in posterum rem præclaris initijs auspicatam, vel sua imperitia, vel iniquitate fortune afflētam. Imò non illud Flacci toties illis in ore nataret. Heu fortuna quis est crudelior in nos te Deus. Vt semper gaudes illudere rebus humanis. Petrus Bacherius in Speculo militiæ Christi. c. 4. Cum nusquam oporteat Principem præcipiti esse consilio, tñm haud alibi cunctantior erit, aut circumspēctior, quàm in suspiciendo bello, quod alijs ex rebus alia nascantur incommoda, ex bello semel omnium bonarum rerum naufragium oriatur, omnium malarum rerum pelagus exundet. Deinde, quod non aliud malum hæret tenacius bellum è bello feretur è minimo maximum, ex unico geminum, ex ludicro serium, & cruentum nascitur, & alibi nata belli pestis in proximos etiam, imò in procul etiam diffitos propagatur.

Bonus Princeps numquàm omnino bellum suscipiet, & nisi cum tentatis omnibus nulla ratione vitari potuit. Hoc animo si fuerimus, vix umquam existet inter illos bellum. Denique si vitari non potest res tam pestilens, tum proxima cura fuerit Principis, ut quàm minimo suorum malo, quàm minimo Christiani sanguinis impendio geratur, & quàm potest occyssimè finiatur: Primum illud expendat Princeps verè Christianus, quantum intersit inter hominem paci, ac benevolentia, natum animal, & inter feras, ac beluas prædationi, belloq. natus. Ad hæc quantum intersit inter hominem, & hominem Christianum. Deinde contempletur, quàm reuerenda, quàm honesta, quàmq. salutifera res sit pax. E diuersò, quàm calamitosa simul, & scelerata res bellum, quantumq. malorum omnium agmen secum trahat, etiam si iustissimum sit: si quod omninò bellum iustum vocari debet. Postremò sepositis affectibus, vel tantis per rationem in consilium adhibeat, dum verè supputarit, quanti constituturum sit bellum, ac num id, quod bello denique petitur tanti sit, etiam si certa sit victoria, quæ non semper optimæ causæ fauere solet. Expendat curas sumptus, Pericula molestum, & longum apparatus. Accersenda barbarica fex sceleratissimorum hominum, & dum Princeps erga Principem animosior videri velit, etiam data pecunia, blandiendum, ac seruiendum militi mercenario, quo quidem hominum genere non est aliud vel abiectius, vel execrabilius. Nihil bono Principe carius, quàm ut suos habeat, quàm optimos. Atque maior, aut præsentior morum pernicies, quàm bellum? Nihil Principi magis in votis, quàm, ut suos incolumes, ac rebus omnibus florentes videat. At dum bellare discit

discit iuuentutem tot periculis obijcere cogitur , & una sæpè hora tot Orphanos, tot Viduas, tot orbos senes, tot mendicos, tot infelices reddit . Quidam .

Maximis pecunijs non fidat, quia nulla est tam ingens pecunia, quam bellum non deuoret, est enim bellum indefinitum, ut ostendit Archidamus in Thucid. cui in bello Peloponensiaco socijs rogantibus quanta pecunia futura esset satis, ac postulantibus, ut certum modum tributorum præscriberet, bellum inquit non querit definita, significans eos, qui bellum susceperunt oportere per omnia seruire belli necessitatibus, quarum nullus est certus modus.

Deus est prius inuocandus in periculis, & bellis suscipiendis Hero. lib.7. nam absque Dei inuocatione bella suscepta ferè sunt infœlicia. Zach. enim 4. legitur non in exercitu, non in robore, sed in spiritu meo dicit Dominus exercituum.

Itaque quoniam pro Dei victoria, belli dispensantur euentus subsidiarium eius auxilium sedulo implorandum est, ut inquit Bacherius in Speculo c.5. & si quid mordet animum, si quid infestat, si quid persequitur statim sublatis anchoris, & erectis velis ad eum, tamquam ad portum tutissimum confugiendum, ad illius plorandum auxilium, ille nostris humectandus lacrymis, pulsandus affectibus, vrgendus precibus, ut vel præsentem, vel impendentem necessitatem, velit amoliri, denique ad illum plena, & porrecta fiducia commigrandum.

Postquam decretum est ius suum bello prosequi, non est mouendum priusquam denuntiandum, sic per Græcos Principes Menelaum, atq; Ulißem Troiam missos Helenam repetitum scribit Homerus. Hi erant Romanis feriales, iusq. hoc feriale vocabatur, quo iure inquit Cicero nullum potest esse iustum bellum, nisi quod aut repetitis rebus geratur, aut denuntiatur prius sit, atque indictum. Quæ dilatio temporis intercedere ab indicto bello ad motum, & geri cœptum apud Autores non inuenitur status esse dies; ipsa tamen naturalis ratio dicat æquum esse, ut aliquid intercedat temporis, quo quis se præmuniat, & defensionis præparet, vix enim a dolo, & perfidia excusaretur, qui eodem ferè momento, & indiceret, & aggredieretur Bellus de re milit par.2. lib.8. illud autem, quod dicit Guido in decis.CXCI. inter cætera tridui dilationem requiri non probatur.

Et si triplex est bellum Bald. in l. 2. nu.71. C. de serui. inuasionis scilicet, defensionis, & recuperationis, & Vincentius Dinus in 1. lib.3. Dec. Tit. Liu. quadruplex, offensiuum, defensiuum, diuersiuum, & præuentiuum, ut ita dicam, tamen formaliter omne bellum, aut offensiuum, aut defensiuum est, & offensiuum defensiuo utilius,

ac melius, quamuis multi contrarium opinetur. Quare si ad bellum deueniendum est, offensiuum Princeps eligat, est enim multis rationibus defensiuo praestantius.

Primò Alexandri, Annibalis, Scipionis, & Caesaris, & aliorum summorum Ducum exemplis.

Secundò, qui aggreditur, iam omnia determinauit, ac prouidit, alius verò audit, & in audiendo tempus consumit.

Tertiò, qui aggreditur magis liber est in omnibus rebus.

Quartò, quia multis commoditatibus uti potest, quas in aliena regione inuenit, potest cum subditis versari, & eos ad rebellionem persuadere verbis, minis, ac armis.

Quintò, quia populis magnum incutit timorem, & inuasi omne consilium irritum facit, & nullum rerum ordinem seruat, inuassus opprimitur a necessitate, omnia suspecta habet, omnia, quae tractat, difficilia videntur, & ea consilia tandem amplectitur, quae amplius exequi non possunt; cogitatio confusa se, populumq. tuendi maximum timorem incutit, & dum alicui rei remedium adhibet, alia maximo damno conturbantur.

Sextò, si hostis domi expectatur metuendum est, ne fugati ditione tota exuamur, quandoquidem clades non ita facile sarciri potest, aut nouus illico exercitus comparari: alieno contra in solo clades leuior Herod. lib. 4. ut refert Melchior Iunius in q. polit. de bello. q. 73.

Septimo, victoria amplior eorum, qui non sua, sed aliena in terra bella gerunt pergere ergo non solum ad bona occupanda, verum etiam totam ditionem inuadendam possumus. Ibidem.

Octauò, Inuasor totam provinciam deuastare potest, & si regiones vastata fuerint, & vires tuae distractae, lacerataeq. multum minuentur, & animi non parum concident; inuasori verò illa vastandi foelicitas subdit spiritus, & tuam conspiciens socordiam omnia pro sua commoditate inuadere audebit.

Nondò, quia regio tua summo belli periculo, & perpetuo irruptionum metu ipsa deseretur. Quis enim agrum sedulò colet cuius frugibus an uti poterit, cum semper in dubio sit? quis plantabit arbores, quarum fructus, an carpere, & gustare sibi licebit, qui nesciat? quis pecora pascere audebit, qui numquam a praedonum celerrimorum aduentu se sciat securum? quis deniq. merces inuehere voluerit, cum sibi timendum sit, anteaquam eas vendere possit Turcam raptas auerere? quod si agricultura deseritur; negligitur pastio pecorum arborum plantatio cessat, mercatorum negotiatio quiescit, actum est de tua regione etiam fertilissima, quae res in primis cura tibi esse debet, ut inquit Georgius Agricola in orat. de bello aduersus Turcam, &

& nisi

& nisi Regionis salus fuerit seruata, tui imperij dignitas diu non poterit stare.

Decimo, qui aliena in regione milites suos habent maxima necessitate constringuntur pugnandi, quia vident periculum imminens, atque inde fortiores euadunt.

Vndecimo, qui hostem inuadunt semper sunt audaciores, & maior spes, & animus inferentis vim, quam arcentis est, & propulsantis periculum. Liuius lib. 20. in oratione Annibal.

Duodecimo, quæadmodum, qui vespas volunt excindere, cum egresas infestant multarum aculeis traduntur, qui vero ignem admovent, cum adhuc sunt inclusi in suo aluari tacite vespas necant, ita qui domi inuadunt hostem, non expectant dum ille veniat feliciter rem gerunt. Xenop. lib. 4. de rebus gestis Græcorum.

Decimotertio, amisso exercitu, citò quoque status amittitur, & dissipatus exercitus facilius extra domum, quam domi restitui potest.

Decimoquinto, si vincit inuasus vires adeò debilitatas retinet, ut nihil mali inimico possit inferre, nec eius negotia turbare.

Decimosexto, qui expectat, exercitum sparsum alere oportet, at qui inuadit exercitum habet unitum, & exercitu unito transitus, situs, ac omnia inuasori patent, atque inde fortior euadit. Si verò exercitum unitum habere velis, arces, fortia loca hosti aperta relinquere oportet.

Decimoseptimo, periculum est, ne subditi a te desistant, quia imminetia arma tumultuosos ciues, ac seditiosos homines afflictos, æ alieno obrutos ad iniqua agenda impellunt; & populum tuum ita perterrefaciunt, ut vix animus eis remaneat. Sed si bellum distans est, timor longè minor est, & subditi omnia tibi impertient, ut bellum, & periculum absit.

His de causis quàm periculosum sit in patria hosti dare facultatem vobiscum pugnandi, exemplo vobis Romani esse debent, qui fere semper infelicitè in Italia se, & intra tecta defenderunt. Testis est Roma ipsa a Sennonibus directæ, testes sunt Cannæ, quæ multo Romanorum sanguine manduerunt. testis est tota Italia, quæ Cimbiorum armis territa, Gothorum dilacerata furore, Hunnorum seuitia deuastata, Longobardorum impetu occupata fuit, cum Romani longè a domo ita feliciter gesserunt bella, ut cunctas penè regiones suo Imperio subiecerint. In hostium igitur regiones si vestris rebus consultum volueritis copia deducenda erunt, ut inquit Agricola. Hoc tenent præter multos politicos ij, qui de bello aduersus Turcas suscipiendo scripserunt, ut Georgius Agricola, Iacobus Sadoletus, qui elegantem librum de bello suscipiendo aduersus Turcas conscripsit Soranzus in

Ottoma-

Ottomano, Marcus Vbertus de vero modo vicendi Turcam. Cosmus Filiarchus de bello, & unione Principum Christianorum contra Turcas.

Quomodo bellum geras diligentissimè perpendas, nam aliquid eodem exemplo, sine eadem ratione, eademq. fortuna tentare valdè periculosum est. Remigius Florentinus in considerat. ciuilibus consid. 2.

Bella, rebellium, ac exulum persuasione ne sumas, sunt enim periculorum plena, ac exitus plerumquè ridiculi, ac inanes. Idem considerat. 33.

Antequàm bellum sumas, considerandum inter alia est, quomodo hostis potens sit, quibus viribus polleat; si enim valdè superior est melius erit res accommodare, omniaq. tentare, priusquàm ad bellum peruenias. Nicolaus Vitus de statu rerump. die. 7.

De pecunia maximam curam suscipiat, est enim bellorum neruus, & quoniam non defuere, qui eam belli neruum non esse dixerunt, videndum est.

Vtrum nummi sint bellorum nerui.

Prima opinio est Francisci Patritij in paral. militaribus cap. 10. lib. 5. qui nummos bellorum neruos non esse asserit. Probat hanc suam opinionem primo exemplis Francisci Mariae, & Alphonsi Vrbini, ac Ferraria Ducibus, qui a Dominio suo depulsi non pecunia, sed populorum amore suum recuperarunt. Probat. 2. nummos multis exitio extitisse. Probat. 3. Nembrothis temporibus, qui primus bella gessit, Regnorumq. fundamenta iecit, usum pecunie nondum inuentum fuisse. 4. Apud Lacedamonos, qui tot bellorum victores fuerunt non fuit pecunie usus. Non Nini temporibus, non Cyri, quorum prior uniuersam Asiam subegit; Posterior verò Medos vicit. Ipsum Alexandrum Magnum exigua pecunia Scytas, ac Tartaros vicisse, & diuturna bella, ac gloriosa gessisse. Romulum Pastorem Romam sine pecunia fabricasse. Scandebergum victorem, ac toties Turcarum triumphatorem pauperem fuisse; Othomanumq. nullum habuisse thesaurum. Probatur deinde Catonis strenui Ducis, ac praeclarissimi, & doctissimi viri dicto; bellum seipsum alere asserentis. Est etiam Sallustij ad Caesarem, Valerij 4. c. 4.

Secunda opinio est nummos esse bellorum neruos, ideoq. oportere, ut Principes diuites sint: est Ioannis Boteri pluribus in locis Alphonsi Tostadi q. 9. Deuter. cap. 17. Iosephi de bello Iudaico. Aegesippi lib. 1. cap. 1.

cap. 1. Cassiodori lib. 1. Variarum D. Thomæ lib. 2. de regim. Princip. cap. 7. Oforij lib. 7. de Regis institutione. Vegetij 3. cap. 3. Thuc. lib. 2. Iouius lib. 13. Procopius lib. 3. de bello Gothico. Dan. Barb. 1. Reth. cap. 13. & nostri Taciti lib. 13. Annal. & omnium, qui de politica scripserunt.

Notandum est autem pecuniam, & large, & strictè sumi apud Iurisperitos. Large pro omni re, quæ potest in patrimonio esse 2. q. 3. e. totum in l. nomine ff. de verb. signif. & rei appellatio sic latior est, quàm pecunia: strictè verò accipitur pecunia pro numerata, vel numerabili 14. q. 3. c. 1. & 4. S. Thom. 2. 2. q. 1. dicit pecuniam formaliter, & propriè esse monetam, seu mensuram rerum venalium: Impropriè autem, & virtualiter est omne, cuius precium æstimari potest pecunia. Hic nos accipimus propriè pro moneta.

Dico primo, pecuniam maximam vim in rebus priuatis habere, ita ut nulla maior in rebus humanis possit reperiri.

Probatur pluribus autoritatibus, & primo Ciceronis Ver. 5. Abducuntur homines nonnumquàm ab institutis suis magnitudine pecuniæ. De ipso Verre loquens, hæc profert: Omni petitione erat damnatus, sed pecuniæ magnitudine sua spe, ac prædicatione absolutus est. Ex quo quidem patet maximam, ac ingentem esse pecuniæ autoritatem. Salamon verò ait pecuniæ omnia obedire, omnesq. Reges pecuniæ subiectos esse, ut vulgo profertur. Rex Regum Nummus Dominus manet, & dominator, & cuncti Reges subiiciuntur illi. Cum nummus loquitur, omnes loquuntur, cum silet, omnes silent, eodemq. tempore contraria efficit, quod naturæ haud est concessum. Sine pecunia nullus esset amator, ut ille,

Nummus honoratur, sine nummis nullus amatur;

Nummus, ubi loquitur Tullius ipse tacet.

Quod quidem verissimum est; nam (ut inquit Dipbilus) aurum longè validissimum esse puto; per ipsum enim omnia scinduntur, & conficiuntur, nam omnis potestas ex diuitijs est, iuxta illud Theognidis. Omnes sentire ita oportet, quòd omnibus maxima vis, atque potestas ex diuitijs accedat, quantiq. momenti inter mortales habeantur nostra tempora docent. Hæ hominibus comparant honores, amicos, supremas dignitates, faciunt inimicos nos diligere, sine qua nullus, quamuis fortunatus desiderio potiri potest. Pessimi propter pecuniam inter primos recensentur, nam nobilitatem, & eloquentiam gignunt, cui nec Platonis copia, nec Ciceronis elegantia, nec Demosthenis, neque Lelij lanitas, nec Africani grauitas comparari potest: Idcirco Horatius.

O Ciues, ò Ciues quærenda pecunia primum,

P

Vi-

Vitus post nummos.

Ratio cur id afferebat, est.

Omnis enim res,
Virtus, fama, Decus, diuinaq. humanaq. pulchris,
Diuitijs parent, quas, qui construxerit, ille
Clarus erit, fortis, iustus etiam Rex,
Et quidquid volet.

Persius.

Quisq. habet nummos, secura nauiget aura,
Fortunamq. suam temperet arbitrio.

Hinc inquit Apuleius: Omnia quamuis ardua, & difficilia, facilia videri faciunt, & ostia durissimi adamantis nullo negotio ab his confringuntur. Est finis laborum, quæ ad capeffendas virtutes nos allicit, atque illaqueat. E contrario paupertas malè tolerata, ad vitia homines miserè conducit. Est humanarum rerum mensura, hac enim omnia, quæ sunt metimur, idè ut Demosthenes. Quibuscumq. in rebus nummi sunt necessarij. Seneca vim pecunie describit his verbis. Circa pecuniam plurimum vociferationis est: hæc fora fatigat, Patres, liberosq. committit, venena miscet, gladios tam percussoribus, quàm legionibus tradit; hæc est nostro sanguine delibuta; propter hanc uxorum, maritorumq. noctes strepunt litibus magistratuum tribunalia premit, Reges, seruiunt, rapiunt, & Ciuitates longo seculorum labore constructas euertunt, ut aurum, argentum in Urbium cinere scrutentur; leges silent, vbi hæc regnat.

Quid faciunt leges, vbi sola pecunia regnat.

Valerius Episcopus in quodam sermone. Nihil clausum constat, quod auro, argentoq. non pateat, nihil occultum, quod pecunia indagante non sit cognitum. Et Cicero nihil est, tam sanctum, quod non violari, nihil tam munitum, quod non expugnari pecunia possit. Facetè Menander Epicharmus, Deos (aiunt) esse ignem, solem, Tellurem, aquas, ventos, stellas; Ego verò viles Deos sum arbitratus argentum, & aurum nostrum; Vbi enim ea in adibus collocaueris, precare quoduis, omnia dabuntur tibi, ager, domus, famuli, argentea vasa, amici; ludices, testes, dumtaxat largire, nam ipsos Deos etiam habebis obsequentes; Et rectè Franciscus Crechus in Mambriano, omnia per pecuniam facta fuisse, & Cepolla in tract. de Imperat. deleg. plura priuilegia diuitiarum recenset, & Platina de falso, & vero bono lib. 2. & 3. dicit pecuniam conseruare honorem, rusticitatemque, ac alios defectus cooperire, sunt enim secundus sanguis, & viscera hominis. Quòd conseruet honorem patet, quia caduca res est mundalis bonor, & nisi diuitijs sustentetur, ut rectè Aeneas Syluius

uius epist. 71. & diminutis diuitijs, diminuitur honor. Aret. in S. Hac quoque Inst. per quas pers. nobis acquir. Hyppol. in S. pratered col. 6. de quas. dicit, quod disputare de nobilitate sine diuitijs, est disputare de nobilitate stercorum, & tunc dicitur mortua, ut Bon. in tract. de nobilit. par. 3. col. fin. Qui enim habet diuitias satis est nobilis, ut Felin. in cap. super eò col. 2. & 3. de test. Nam dat census, honores, census amicitias, pauper ubique iacet, ut latè Rosarium Bust. 2. par. serm. 30. littera F. Albertinus de consilijs dandis lib. 2. in Rub. de paupert. & duabus seqq. Aegid. de reg. Princ. lib. 1. par. 3. cap. 5. Pauperes parum honorantur, & parum timentur. Bald. in cap. cum contingat col. penult. de iure, & prerogat. domus conferuatur per diuitias, ob quod viri nobiles inueniunt uxores nobiliores, per quas eorum generis nobilitas crescit secundum Gul. de Monteferrato in tract. de success. Reg. char. 5. num. 24. Alexandr. lib. 6. consil. 36. Nec aliquid boni humano potest haberi sine auro Salernit. char. 11. latè Barbat. verò lib. 1. consil. 43. col. 18. dicit, quod per diuitias decus, & honor in familijs conseruatur, & quod familiae sordescunt propter paupertatem, & qui perdit rem, perdit consilium. Pro quo Platina de nobilit. nil magnanimum potest fieri sine pecunia; nam equus malè pasturatus; malè ambulat, ut Io. de Platea in l. animalia. C. de vir. pub. lib. 17. hinc Iuuenalis.

Non faciliè emergunt, quorum virtutibus obstat,
Res angusta domi.

Et ut refert Manutius in adagijs; aquam bibens, nil boni facit,
& virtus sine pecunia nihil valet, ut Phileph. dec. 1. sat. 10. pro quo Ouid. de arte.

Ipsè licet venias Musis comitatus Homere,
Si nihil attuleris, ibis Homere foras.

Facit & dictum Iuuenalis.

Non habet paupertas durius in se,
Quàm quod ridiculos homines facit.

Quòd sit vita hominis patet, quia deseruit humana necessitati Bar. lib. 2. consil. 13. Clementissimi col. 1. Quare Soccin. in l. 1. colum. 9. ff. solut. matr. dicit, quod melius est Rempub. regi per diuites, quàm per pauperes, & Philos. 1. Polit. quod sine necessarijs est impossibile viuere sunt enim diuitia vita hominis Fabian. in tract. de empt. & vendit. vers. 9. col. 5. & secundus sanguis. Iason in l. ut vini col. 5. ff. de iust. & cur; & sunt viscera nostra, ut in Penelope Ouidiana.

Viscera nostra tuè dilacerantur opes.

P 2

Et

Et bona temporalia sunt vita hominis, ut Felin. in cap. cum oporteat colum. 6. de accus. & qui ea auferit, dicitur auferre vitam. Lucas de Penna in l. 1. C. de pub. lat. lib. 12. Hinc dicimus paria sunt perdere dominium, & perdere vitam. Iason in l. Titio num. 13. ff. de verb. oblig. Papa Pius epist. 30. ad Ducem Mutinæ; & propter affluentiam diuitiarum Reges, & Principes tradunt filias suas filiis rusticorum, ut dicit Imol. in Clem. 1. col. 1. de baptis. Hinc dicimus, quod mulier diues potest capi, etiam si staret in prostibulo.

Paupertas plurimam inscientiam, & confusionem generat, ad turpia ducit, ut inquit Xenophon. de Athen. polit. ipsa enim paupertas facit eos ad turpia ducit, & nonnullis contingit, ut essent ineruditi, & indocti, propter rei familiaris penuriam. Dicam cum Euripide, qui ait: Argentum hominibus sanguis, & anima est, id, quisquis non habet, neque possidet, ille inter viuos mortuus ambulat.

Diuites potius obseruant pacta, quam pauperes, quoniam, ut ait Philosophus citò flexibiles fiunt, & propter paupertatem quandoque quis est suspectus l. suspectus ff. de suspect. tut. Vnde Lucas de Penna notat in l. fin. col. 2. C. de spectaculis, quod quis ob timorem paupertatis de facili peccare præsumitur, & Sallust. in Catil. semper in Ciuitate, quibus opes nullæ sunt bonis inuidet, malos extollunt, vetera oderunt, noua exoptant, & odio suarum rerum omnia mutari student, ergo diuitia paupertati præstant.

Probaturs secundo, quia pecunia referuntur ad iustitiam, sicut iustitia ad alterius vitæ præmium, ut Marsil. Fic. in Plat. de rep. dial. 1. ubi Plato ait pecuniarum possessionem plurimi faciendam esse, ergo.

Probaturs tertio, autoritate Auerois, qui Ethic. 4. c. 1. dicit, quod pecunie destitutio, hominis est mors ipsius; cum vitæ eius per pecuniam compleatur, ergo.

Probaturs quarto, Autoritate Arist. dicentis 1. Ethic. impossibile est indigentem operari bona lib. 2. Polit. Impossibile est indigentem bene principiari, & studio vacare, quia ut Boetius, Doctrina inimica est egestas, ergo.

Probaturs ex communi omnium consensu, & assensu, qui diuitias magnoperè tamquam aliquam humanam beatitudinem exoptant. Omne enim summum bonum diuitias esse sibi persuadent, ut inquit Beroaldus in Opuscul. quod de felicitate conscripsit. Diues enim a Diuo deriuatur. Qui enim diues est, veluti Deus nulla re ege-
re videtur. At paupertas infelix existimatur, quippe quæ homines
ridi-

ridiculos faciat. Et pauper etiam si sit virtute præditus alga vilior est, ut Horatius.

Et genus, & virtus nisi cum re, vilior alga est.

Et nullum apud Plutonium, inquit facit Eurialus crudelius tormentum, aut perpeffu difficilius, quam paupertatis recordatio inuenitur, ergo diuitiæ paupertati sunt anteponendæ. Et sicut sine anima homo, sic sine pecunia viuere non potest. Nam ut Hesiodus: Pecunie anima sunt miseris hominibus. Ideo certè Euripides in Erecheteo: Da operam opibus, nam ille nobilitatem donant, & nuptijs primarijs potiri in causa sunt: In paupertate verò obscuritas inest, ut cumq. sapias, & ignominia vitæ. Tandem concludam cum Antiphane dicente; omnia sanè nugæ sunt auro comparata: hoc enim solum semper durare solet, idemq. color eius: Amicorum autem mores numquàm eodem modo depingunt fortuna, opes verò humanos mores, velut index arguunt.

Dico secundo, Homini priuato diuitias conuenire, easq. paupertate nobiliores, ac præstantiores esse; quidquid dicat Ioannes de Indagine, qui librum de laudibus paupertatis scripsit.

Probatur, nam diuites in honoribus cæteris præferuntur, ut habetur in l. honor S. de honoribus ff. de muner. & honor. cum de honoribus, siue muneribus gerendis facultates quoque an sufficere onere iniuncto possint considerandum est, tex. in l. paupertas, & ibi Gloss. ff. de excusat. tut.

Probatur 2. quia diuites sunt fideliores. Vnde Iuuenalis.

Quantus quisq. sua nummorum seruat in arca,
Tantum habet fidei.

Dico tertio, non ideò homines anxie pecuniam apprabendere debere, nam (ut inquit Plato in Apol.) pecuniam, nec corporum maior cura habenda est, quam animæ, quo & optima fiat. Pecunia enim ad bonum debet ordinari. Diuitiæ enim, ut inquit Clemens Alexandrinus lib. 3. pedag. cap. 6. sunt serpenti similes, quem si quis nescit, inoffensè eminus accipere, bestiam sine periculo summa cauda apprabendens ea manu circumplicabitur, & mordebit: Ita diuitiæ si ab imperito viro apprabenduntur inhaerent, & mordent, sed si quis magnificè præbens rectè, & scienter eis utatur illesus permanebit. Quare non multus labor in auri acquisitione ponendus est, nam id malum est Eccles. 3. laborauit diues in congregatione substantia, neque sollicitudo, nam ut Seneca ad Lucillum: Quotidianæ sollicitudines pro modo habendi quodq. tormento maiore discruciant, dum pecunia possidetur, quam dum queratur, neque timor in custodiendo nam, ut Iuuenalis.

Pauca licet portes argenti vascula puri,
Nocte inter egressus gladium centumq. timebis,
Et mote ad lunam trepidabis arundinis umbram;
Cantabit vacuus coram latrone viator.

Nam hæc omnia a diuinis retractant, ut Greg. 1. Moral. solet rerum abundantia tantò magis a timore diuino mentem soluere, quantò magis hinc exigit diuersa cogitare. Et Chrysost. lib. de compunct. Sicut impossibile est, ut ignis inflammetur in aqua, ita impossibile est compunctionem cordis vigere in delicijs.

Dico quartò, pecuniam bellorum neruum esse. Probat. 1. nam sine militibus, & armis bella geri non possunt, sed arma, & milites sine pecunia non inueniuntur, ergo: nemo enim suis stipendijs militat.

Secundò, multa bella sine sanguinis effusione confecta sunt sola pecuniarum vi, ergo.

Hoc confirmat illud Appollinaris responsum, cui cum Philippus Macedonum Rex sciscitaretur, quomodo hostes vincere posset argenteis pugna telis, atque omnia vinces respondit.

Tertio, multi Duces, ac exercituum Imperatores, qui prouincias vastassent, ab inimicis accepta pecunia retro regressi sunt, idq. fuit frequens, ac tritum Florentinorum auxilium, & Genuenses pauca numerata pecunia ab imminente Barnabæ Vicecomitis exercitu, sicut, & Veneti se liberarunt.

Quartò, si in rebus humanis, ut in primo dicendo diximus pecunia tanta autoritate pollet, multò magis in bello, ubi milites pro ea mori non dubitant. Quare oportet Principem diuitem esse. Nam Vegetius 3. cap. 3. anteaquam incobetur bellum de copijs, expensisque sollicitus debet esse tractatus. Et Quintilianus prius est parare bellum, quàm exercere. Salamon, ut legitur in sacra Scriptura 3. reg. cap. 3. & 10. non modo a sapientia, sed etiam a diuitijs commendatur, ideo malum est Regem non habere thesauros, ne cum necessitas ingruerit, cogatur necessitas subiectos onerare tributis, quare Rex Dauid thesaurum ingentem in sepulchro suo abscondit, quem multos post annos Hyrcanus Pontifex inuenit, quod argumento est regias opes non improbari sine quibus, nec Reges esse possunt, nec subiectos gubernare, aut etiam tueri, & Diuus Thomas lib. 7. de reg. pu. cap. 7. apertis verbis ostendit pecuniam Regi necessariam esse, inquit enim diuitia sunt Regi necessaria, atque etiam thesaurus, quia sine illis congruè regnum non potest regere, est enim pecunia instrumentum rerum agendarum, & quasi fideiussor futurae necessitatis, quia continet omnia sicut eorum pretium, quod si quilibet priuatus ea indiget, Rex quidem multo magis ad hoc magnificentia

centia virtus Regis propria magnos sumptus requirit, deinde Rex debet abundare pecunijs, ut domi suæ provideat, & subditorum necessitati subuenire possit, præterea cum Rex eget pecunia cogitur facere exactiones indebitas. Item ad bellorum sumptus indiget Rex magnis thesauris, nec obstat illud Deuteronomij, quo prohibetur, ne Rex habeat auri, & argenti immensa pondera, quia est accipiendum, ne habeat ad ostentationem, nam ad subuentionem Regni omnino est necessaria, & prohibetur thesaurus immensus, qui vix congregari potest sine auaritia, & absque maximis exactionibus, non autem iustus thesaurus: Lampridius in Seuero dicit, quod mendicitas ad omnem desperationem armatum vocat, & Cassi. lib. 4. Variarum cap. 13. disciplinam seruare miles non potest, dum quod deest, semper armatus resumat, & Thucyd. ait, quod pecunijs, potius quam armis bellum geritur, & eis minimè parcendum salutis tuendæ causa, & etiam quod a pecuniarum copia, consilioquè bellum, plerumquè feliciter administratur. Et Tacit. 13. Annal. scribit crebris populi flagitationibus immodestiam publicanorum arguentis dubitasse Neronem, an cuncta vectigalia omitti iuberet, idq. pulcherrimum donum generi mortali daret, sed impetum eius prius laudata magnitudine animi attingere Senatores dissolutionem imperij dicendo, si fructus, quibus sustinerentur diminuerentur, omnis enim benè constituta Respub. continetur rerum æquè, ac personarum publicarum, nec priuatarum nexu. Nec enim Respub. subsistere, ut inquit Iac. Bornitus lib. 1. de nummis cap. 4. aut appellari posset si nihil publicum, ac commune haberetur, quod ad istius foundationem, & conseruationem faceret. Idcirco in quauis rectè ordinata Repub. quadam bona in communi, & publico patrimonio relinquuntur, quæ moderatores eiusdem sæpe sarta tecta tuentur, & defendunt. Cetera verò omnia priuatis assignarunt, quæ utilitatem in primis priuatorum æquè, ac publica rem, & statum spectant. Quibus prudenter vnitis optimè, & de Rep. & priuata constabit.

Ad primum respondetur, duas hirundines non facere ver, & pro duobus in contrarium sexcenta posse adduci, & nihil valere, in istis rebus exemplum, quando, & eadem fortuna, & eadem ratio abest.

Ad secundum respondetur primo, verum esse de diuitijs illicitis, & iniustis, ac immensis, quæ iure merito regnorum sunt exitia, secundo, & si exitio multis, salutem etiam plurimis fuisse, nam sicut ex his quidem vinum biberint, alij bacchantur, alij furiunt, alij minores redduntur, sic etiam, qui pares habent diuitias, non tamen pa-

riter afficiuntur, quamobrem diuitijs virtutum, ac prudentiam præesse oportet.

Ad tertium respondetur, quòd bella tunc sine pecunia gerebantur, quia ipsa pecunia, ut ipse ait, in usu non erat, ac his temporibus, in quibus usus hominum est pecunia necessaria est.

Ad quartum, parcat mihi Franciscus, nam apud Lacedæmon. usus pecunie fuit, non quidem auri, ac argenti, sed ferri, ita voluit Legislator, ut inquit Nicolaus Cragius de Repub. Lacedæm. suis pro nummis esse antiquata omni moneta aurea, ac argentea, ut inquit Plutarchus in Licurgo primo, abrogans omne numisma aureum, & argenteum solo ferreo uti permisit, & Polybius lib. 7. docet etiam, olim fuisse ferreum nummum apud Lacedæmonios, postea vero scribit eos usos communi nummismate, & corium usum nummorum habuisse Lacedæmon. testis est Seneca lib. 5. de benef. cap. 4. ubi ita scribit as alienum habere dicitur, & qui aureos debet, & qui corium publica forma percussum, quale apud Lacedæmonios fuit, quod usum numeratæ pecunie præstat. Idem refert Stobæus serm. 145. & Nicolaus de moribus gentium. quare falsum est, quod hic autor dicit, nam domi nummi usum Spartani habuerunt, & quando extra patriam bellum gesserunt, mutuò ab alijs pecuniam sumpserunt, qua exercitus suos alerent, ut in Agesilao, Cleomene, Lisandro, & alijs factum, ut refert quidam.

Ad quintum respondetur, paria esse milites stipendijs afficere, ac prædam post victoriam distribuere, imò hoc tutius; milites enim spe prædæ irretiti, omnia belli pericula fortius subeunt, & hoc est verum vincendi instrumentum, quo usi sunt illi, quos Patricius recenset. Sed cum his temporibus labores, & pericula militum tantummodo, præda autem Ducum sit, miram baud est, si milites militiam flocci faciant.

Quòd ad Scandebergum attinet dico, Deum illum speciali auxilio adiunxisse, deinde maximas prædas militibus distribuisse, captiuam enim pecuniam militibus erogabat, ut penes eosdem præmia, penes quos pericula essent, ut inquit Marinus Barbetius, qui res gestas illius conscripsit, eiusq. ararium erat hostibus ager, ut idem paulo post refert, ita letus quisq. sequebatur ad accipienda promerita diutina militia. Aliud enim nihil tum à Duce poscebat militaris cupiditas, nisi, quod sua manu cœpisset. Hinc ioculanter sæpe vicini Principes ararium Scandebergi agrum hostilem appellabant. His accedit, quòd pro libertate, quæ homines audaces reddit, milites illi pugnabant, ne a barbara Turcarum tyrannide opprimerentur. Hoc modo intelligitur bellum

bellum se ipsum alere; nam si deest pecunia, ceteraq. necessaria, præda distribui debet, ut Annibalem fecisse legitur, vel licentiam militibus præbere latè, largèq. de prædandi. ex his nummos nervi belli esse constat.

Et si Claudius Coteræus de iure militum lib. 2. c. 2. affirmet uxores militum in exercitu esse debere, prohibeat tamen princeps ne ad bellum proficiantur, multi enim incommodi sunt, ut experientia docet, & bellum fœminas omnino recusat.

Ad bellum fœliciter gerendum fœdera, & societas necessaria videntur, quare si tibi conducere videntur illis utaris. Arist. enim reth. 1. cap. 5. monet, ut consideres, quæ nam copię iam parata, aut adiungi paratis queas, quæ socij, & amici Reip. & potentioribus hostibus nulla ratione commodiori, quàm societatibus, & fœderibus occurrere potest, & natura ipsa societates, & auxilia communia conquirere videtur, quandoquidem ipsi homines, duplices manus, socias aures, oculos geminos tribuit, ut robustius perageretur officium, quod duorum societate complendum fuit. Cass. lib. 3. epis. si ineundum est fœdus, id potius cum Rep. quàm cum principe, nam reip. determinatio immortalis est, ut inquit Boterus de iure status, at cum principibus fœcta horum morte finiuntur, & irrita fiunt.

Cæsar Augustus tanto nomine dignus, lites, cōtentiones odio habuit semper, neque nisi summa necessitate bella esse indicenda aiebat, ut refert Eutropius, damnabatq. illos principes, qui spe gloriæ allekti, & triumpho cupidi bella exercitant, & illa gerunt. Hæc sunt historici verba lib. 7. Adeò denique turbas bella simultates execratus est, ut nisi iustis de causis numquàm genti cuiquam bellum indixerit iactantisq. ingenij, & leuissimi dicebat ardore triumphandi, & ob lauream coronam, id est folia infructuosa in discrimen venire per incertos euentus certaminum securitatem ciuium præcipitare. Neque Imperatori bono quidquam minus, quàm temeritatem congruere; satis celeriter fieri, quidquid commodè gereretur, armaq. nisi maioris emolumenti spe nequaquàm mouenda esse, ne compendio tenui, iactura graui, petita victoria similis sit hamo aureo piscantibus, cuius abrupti, amissiq. detrimentum nullo capture loco pensari potest.

In inferendo bellum causas suspitionum occultet, nec principes cum inuaso fœdus incant. Bernardinus Mendozza in theorica, ac practica belli. Sed de hoc satis: alia leges in tractatu nostro de Imperatoris officio. de consilio nunc aliqua.

Vtrum

Vtrum consultatio celer an lenta esse debeat.

Multa sunt, quæ magis celeritate, quàm tarditate terminantur, ut sunt omnes opportuni euentus, & ea, quæ non possunt laudari nisi peracta, ut etiam eæ res, quæ cunctatione non indigent, cum ijs perniciosior sit quies, quàm celeritas, & casus præcipientes qui nullum medium consilium admittunt; Quare Tacit. de Fabio Valente ita scribit, quod inter ancipitia deterrimum est, dum media sequitur, nec ausus est satis, nec prouidit. Inutili cunctatione agendi tempora consulendo consumpsit, & Liuius dum ea Romani parant, consultantq. iam Saguntum summa vi oppugnabatur. labores quoque operariorum nauigationes, itinera, & eiusmodi; illa etiam, quæ ad malum tendunt, ut inquit Tac. i. hist. scelera impetu, bona consilia mora valent. Caterum consultatio multum temporis requirit, nihil enim magnis consilijs tam inimicum, quàm celeritas, ut Liuius lib. 31. Porro non properanti omnia clara, aperta, certa; festinatio improvida, & caca, quare in deliberationibus lentè festinandum, & præsertim in principibus negotijs, quandoquidem a plebeia fortis hominibus, si quid forte sit, vel prætermisum socordia, vel admissum temeritate, quemadmodum iactura leuior, ita, & incommodum, quod acceptum est, faciliore remedio sarcitur, ut inquit Paul. Manut. in adag. at verò principis vel unica cessatio, semelue præcipitatum consilium Deum immortalem quas tempestates nonnumquàm excitat, quantas rerum humanarum ruinas secum trahit, rursus si adsit maturitas quedam, ac moderatio simul ex vigilantia, lentitudineq. temperata, ut neque per temeritatem faciat quidquam poenitendum, neque per socordiam quidquam prætereat, quod ad Reip. commodum pertinere videatur. quid esse potest hoc imperio scelerius, firmitus, & stabiliusq. quamquàm hac felicitas haud quaquàm ipsis imperij terminis circumscribitur, quin undique longè latèq. ad finitimos populos demanat, hoc dicitur, quia istis vitijs ingenia principum ferè peculiariter videantur esse confinia. Perpauci enim reperti sunt, qui tempestiuam celeritatem cum prudenti tarditate rectè miscuerint, nisi, quod pro multis vnus sufficit Fabius ille maximus, cui cognomen etiam additum cunctator, qui cum laudem sibi peperit immortalem, tum Romano Imperio cunctando restituit rem, aliorum ducum inauspicata celeritate iam ad extremum redactam. Quare ad rem agendam adhibere debet, ut industri-

ccm

sem celeritatem, & diligentia tarditatem. Quare Octavius rectè dicebat festina lentè; nam qui tutò, citraq. lapsum rem gerit, melior est quàm audax, & confidens; tutiora sunt enim, quæ lentis consilijs providentur, quàm quæ callidis consilijs properantur. Diutius itaq. deliberandum, priusquàm aggrediare negotium; postea quàm statueris, tum velociter peragendum, ut ad consultandi moram pertineat anchora, ad conficiendi celeritatis delphinus. Huc pertinet Sallustianum illud, anteaquàm incipias consulto, ubi consuleris maturè factò opus est, quàm sententiam. Arist. recenset sex. mor. libro tamquam vulgo iactatam, quare inutilem celeritatem evitare oportet, nam temere festinationis comites esse solent error, & pœnitentia iuxta versiculum illum apud Græcos celebrem.

Multis malorum est causa præcipitantia, Omnem actionem consilium anteat, inconsulta enim rerum tractatio, haud satis tuta est: Nam quamquàm interdum quis gloriatur se quasi simul, & deliberaverit, & res suas gesserit, res multas prospere, atque ex tempore gessisse, tamen perrarò aliquid tale usu venire fortunatè solet. Leo Imperator de bellico apparatu cap. 3. Consiliarij in omnibus consultationibus, neque gratiam spectandam, neque odia existiment, sed eam unusquisque sententiam dicere debet, quam ipse optimam censet, & promittere, quod liberaliter Mamertinus Panegi. in Iulianum in referenda gratia. Hoc tibi polliceor semperq. præstabo mihi, neque in suggerendis consilijs veritatem, neque in adeundis si res poposcerit periculis animum, neque in sententia simpliciter ferenda fidem, neque in hominum voluntatibus pro Rep. teq. ladendis libertatem, neque in laboribus perferendis industriam, neque in augendis Imperij tui commodis grati animi benevolentiam defuturam: Nam multi sunt qui speciosis vocabulis principes fallunt, vel multis sunt detrimento, ut de Messala refert hoc lib. Tac. Interrogatusq. a Tiberio, num se mandante eam sententiam prompsisset? respondit neque in ijs, quæ ad Remp. pertinerent consilio nisi suo usurum, vel cum periculo offensionis, ea sola species adulandi supererat, quare ex Aeschin. epist. 11. sciendum est eos magistratus, quis magis obiurgare vos, quàm gratiam vestram aucupari videri volunt, maxime ad gratiam loqui, delecta ea adsentandi via, quæ sub velamento libertatis delitescat: Nam hæc est gratificandi civibus, & Ducibus via multo malitiosior, neque alios fortasse subinducat. Iustinus Imperator apud Eutropium lib. 5. (ut refert Ianus Gruterus in varijs distansibus ad aliquot insigniora loca Taciti) ubi Tiberio successori suo digito magistratus demonstrans non oportet inquit horum

horum consilijs morem gerere, nam hi me in istas, quas cernis miseria deduxerunt.

Ab his caueat Princeps, quia blandissimè fallunt, & dicunt, quæ te velle sciunt, hac plura etiam, ut inquit Seneca lib. 6. de benef. c. 30. monstrabo tibi, cuius rei inopia laborent magna fastigia, quid omnia possidentibus desit, scilicet ille, qui verum dicat, & homines inter mentientes (stupentem ipsaq. consuetudine pro rectis blanda, audiendi ad ignorantiam veri perductum) vindicet a consensu, concentuq. falsorū. Non vides quemadmodum illos in præceptis agat extincta libertas, & fides in obsequium seruile submissa, dum nemo ex animi sui sententia suadet, dissuadetq., sed adulandi certamen est, & unum amicorum omnium officium una contentio quis blandissimè fallat. itaq. missos faciat, quibus omnia principum honesta, ac inhonesta laudare mos est.

Sed & princeps non debet consiliarios coarctare, sed liberè eos loqui permittere, alioqui enim principes illud dicunt, mementote, quod vos parere, non suadere debeatis.

Rex omnes dicere concedat, nisi enim diuersa inter se sententia dicantur, non potest quis eligere meliorem; sed necesse habet ea, quæ dicta est uti, at cum plures dicta sunt licet tamquam aurum purum deligere, quod per se discerni cum nequeat, comparatum cum altero discerni potest. Herodotus lib. 7. nec insipide Plato in demod. sermones quemadmodum purpura, & aurum melius dijudicantur, si conferas inuicem, & quemadmodum igitur si de bonitate monete iudicium fieret, explorandam eam censeretis, sic etiam peto, ut dictam orationem ex his, quæ nos contra differuimus æstimantes si utilem reperietis Dijs approbantibus sequamini, sin singula considerantibus alienior videbitur, ut anteaquam impegieritis mutato consilio ijs, quæ recta sunt utamini. Demosthenes exordio 35.

Enimvero decebat vos si publicam spectaretis utilitatem, attentius eos audire, qui voluntatibus vestris aduersantur, quam illos qui assentantur omnia, nec enim ignoratis ab his, qui ea, quæ multis ex hoc loco dicunt facile vos posse decipi; nam ad voluntatem audientis instituta oratio, quasi tenebras circumfundit, quo minus id, quod utilissimum est perspiciatis, ab his autem, qui vestram gratiam non aucupantur nihil est tale metuendum; nullo enim modo vos a sententia abducent, nisi quid expediat euidentissimè demonstrarint. Præterea, qui fieri possit, ut illi, vel de præteritis rectè iudicent, vel de futuris prudenter deliberent, nisi contrarias inter se rationes conferant, & æquos utriusque auditores se præbeant? Isocrates orat. de pace.

Illos

Istos summoperè euitet, qui consilij, quamuis egregij, quod non ipsi adferunt inimici sunt, & aduersus peritos pertinaces.

Nihil profectò magis in rebus arduis, quàm consilium petere, nihil rursus periculosius, quàm ex alterius pendere consilio. Nec ququam est dubium alieno consilio minus egere prudentes, quàm imprudentes, & tamen fructum maiorem ex consilio capiendo sapientes percipiunt; quis enim tanta præditus est sapientia, qui per se omnia perspiciat, & cognoscat, atque in contrarijs sententijs, quæ sit potior dijudicare valeat? verum quis alium consulens certo scit se fidele consiliū auditurum: Nam qui dat consilium, ni valde sit fidelis, aut benè erga eum, qui petat effectus, non modo insigni utilitate impulsus, verum exiguo quouis proposito commodo, quauis leui cupiditate sape consilium in eum dirigit finem, qui maximè sibi accommodatus esse videatur, cumque hi fines non rarò ab eo, qui consilium capit ignorantur, consilij infidelitatem, nisi prudens sit non animaduertit. Guic.

Consiliarios prudentes eligat princeps; nam si sint prudentes, atque idonei, prudens princeps creditur. sed si tales non inueniantur, nec aliqua principis prudentia existimatio esse potest, quandoquidem in re principali errat; qui autem in ea delinquit, ut quoque in alijs erret necesse est. Frid. Furius in idem conf.

De talibus consiliarijs princeps sibi persuaदेat aqua, ac pane, quo vescitur opus esse, idq. ut veritatis audiendæ ei copia sit. idem.

Animaduertat, ne in adoptione consiliariorum contentus sit his, quos in aula fouet, vel quos visu, atque auditu cognitos habet, quacumque etiam excellentia, vel prudentia præditi sint, sed diligenter inquirat de quot poterit, & præcipuè vicarijs omnium suarum prouinciarum iniungat diligentem inquisitionem de optimis, & præstantissimis quibusque, & nominum, quæ ipsis sint transmissionem, qui omnium maximè idonei existimabuntur, præsertim autem, qui in aula incogniti erunt. idem.

In electione minimè sit subitus, ac præceps, sed in ea cunctationem adhibeat, ut occasio, atque commoditas ei sit perquirendi de habilitate, ac moribus adoptandorum, quin etiam tempus præfigat, intra quod cuique & generatim, & speciatim euocati, vel scriptis, vel verbis accusandi, eiusq. vitia iudicanti facultas sit hac ratione seruata, ut eorum, qui verè id facere volunt securitati, & auctoritati consulat. idem.

Consiliarius dicitur, qui principe suo salutaria de Rep. fideliter, & prudenter suggerit, ex qua descriptione duo notanda sunt, ex quibus instructus esse debet, & officium Consiliarium ijs animi, & corporis

poris præsidij, & veluti instrumentis munitum esse oportet, quibus finem suum, & ea, quæ ad finem spectant, consequi possit. Caput ad consilium de Rep. dandum est nosse remp. Nemo de ijs rebus sapienter disere, aut alijs rectè consilium dare valet, quas non nouit, & notum est illud, turpe esse iuriconsulto ius, in quo versatur ignorare, non minus quàm medico, & gubernatori morbos cognoscendi, & curandi, aut nauigandi peritia carere. regijs itaq. artibus præstes opus est, qui regem est consilio adiuturus, notas habere debet, & ut summam dicam eas omnes res, quæ a principibus tractari solent actiones, quæ ad pacem, vel bellum spectant versatus sit in omnibus rebus gerendis, atque in ipsa ciuili administratione. Hipp. a collibus in consiliario.

Tenetur Consiliarius silentium seruare, & hoc princeps diligentissimè animaduertat; nam maxima pars hominum est ad loquendum, quàm ad tacendum promptior, quoque magis nouum quippiam, aut arcanum norunt, eò libentius effutiant, atque in aurem singulis hominibus, tamen dicunt inani quadam gloria, ut incognita alijs nosse videantur, nec è vulgo ferè quisquam est, cui non dici possit.

Quasi non tu multo malis narrare hoc mihi,

Quàm ego, qui percontor scire.

Itaq. silentium non mulieri solum, ut Euripides censuit, verum etiam Consiliario, ac multò etiam maius ornamentum affert; quid enim turpius Consiliario fidei, & rimarum pleno. hoc qui sui quæstus, aut conciliandæ sibi gratiæ causa facit perfidia peccat, quo vero lingue incontinentia garrulus, ac fatuus appellatur. Petrus Magnus in consilio.

Nihil est neque in utilitate prudentius, neque in prudentia utilius, neque in utraque gloriosus consilio pecunia eripi, & surripi potest consilium non potest illa in bello potentiori cedit, hoc imperat, & est res tam gloriosa consilium, ut gloriæ nomen videatur superare ingenij simul, ac doctrinæ magnitudine. Quare ex consilio primum casus, atque orbitas pellitur eruditionis eius præsertim, quæ sordidissimis ingenijs, simili lingua deformata est, deinde vna deliberandi regina omnium virtutum comitatu stipata accersitur prudentia. neque enim qui diu, sed qui multum, nec qui rei recondita, sed honesta, & utili studuit fit prudens bonusq. consilio. Nam quemadmodum Appion ille falso, Polyhistor cum Homerum ab inferis diuturno, magnoq. labore reuocasset nihil eum interrogauit, nisi unde domo: ita plerique, & si in optima virtutis, ingenijq. occasione nihil non laboriosum molliuntur, haud quicquam tamen, quia circa futilia versantur præter laborem, & stomachum solent imitari. Hoc autem, cum
in omni

in omni doctrina, tum in consilij capiendi deliberatione vix umquam adeo turpe est, quam graue sape, ac periculosum; etenim cum in rebus magnis, memoriaq. dignis (vt refert Cicero) non solum primordia rerum gerendarum, sed etiam acta, & euentus manant ex consultatione; quid est rationi tam consequens, quam vt ex consilijs, aut errore ruant, aut virtute prosperè cedant vniuersa? Nihil igitur salutare magis Reip. consilio, quod multi quidem possunt offerre, solus verò sapiens asserre: Vbi enim consultatio debilitatur, inscitia; debilitataq. absorbetur scelere ibi, aut nullum est, aut iacens, & exulceratum iustitia vulnere consilium. Siquidem consilij vis omnis est, natura primum in lege, religione fide, & aequitate fundata, deinde a cupiditate odio, inuidia, metu, ac denique ab omni perturbatione dissentanea. Nam animi perturbatio, & consilium omni ex parte sunt disparata. In consilio enim docet eruditio, fidem magis facit vitæ probitas. Qui igitur Reip. est consiliarius, eam potissimum incudem tondere debet, vt quod suadeat id conueniat Populo primum a sapiente viro proficisci: deinde honestum esse, utile, necessarium, fas iustū, piū, magnum, facile, ac denique æquū, & amabile. Quare consilio nihil video, aut in rerum utilitate esse utilius, aut in honestate honestius: Cum enim consilium laudem habet probitatis, & doctrina decus, tam præstat in alijs iuuandis pecuniæ: Quod vsus exhauriat pecuniam, augeat consilium: illam enim quo pluribus largiri volueris, & pauciores vicies necesse est, cum illa largientem deserat. Consilij verò vis, quò in plures diffunditur, eò redundatius auctori succrescit. sed quid ego hac? non pecunia, non armis, & viribus res grandes Reip. geruntur, sed consilio, quo qui labitur corrui in omnibus. Quamobrem ars magna est Imperij consilium, quod qui de Rep. tollit, quasi ex animo rationem tollat, facit, sine qua animus affectibus tamquam furie telis ardentibus agitur. Henricus Farnesius lib. 1. cap. 2. de simulat. Reip.

Princeps facile evertitur, qui nullo, nisi suo ipsius consilio utitur; plus enim vident oculi, quam oculus.

Consiliarius nec senex, nec iuuenis sit, sed media ætatis; media enim ætas consilijs opportunissima, nam vt dicit Arist. iuuenes imprudentes sunt, & senex pauidi, quare rectè Seneca de breuitate vitæ cap. ult. a quinquagesimo anno lex militem non cogit, a sexagesimo Senatorem non citat.

Princeps facile decipitur, qui ex alieno, & in primis ex vnius dumtaxat consilio, & virtute pendet. Cum. c. 44.

A rebus quibusdam in speciem minimis, si ea fiant, aut non fiant maximarum rerum momenta sapissimè dependent. Itaq. res etiam
minimæ,

minima, & qua leues videantur circumspicere, & deliberatò tractanda sunt. Guic. hist. 2.

In consilio debet unusquisque consiliarius liber esse, idemq. corpus cum principe formare; nam quamuis cor alijs partibus sit nobilius, quia sanguinem antea digestum, ac per tot officia transactum recipiat, tamen sine aliarum partium concursu unito se tueri non potest, quamobrem si una impediretur, reliqua suo officio rectè fungi minime possent. Pronunciet ergo Consiliarius liberè sententiam suam, ac eam defendat si bona est, etiam si principi ingrata, ac permolesta esset. est enim ei omnibus viribus incumbendum, ut princeps veritatem agnoscat. Agamenon re ipsa omnia administrabat, & omnium princeps, ac superior erat, tamen in consilijs minimo cuiq. erat equalis, nec eius ulla ratio habebatur. Princeps ergo libentissimè audiat, & veram sententiam amplectatur, & quidquid fuerit deliberatum quamprimum effici curet, ac mandet. Io. Baptista Pigna lib. 2. de principe.

Rectè tunc deliberat, & sana capit consilia, quando omnia rectè agit cum diligenti ponderatione, appositis ad consultationem ex contraria parte noxijs etiam, ut ita singulis inspectis, perpensisque, & rei tum consilium capiatur, & quod constitutum sit peragatur. Aristæas in bist.

Salus erit, ubi multa consilia. Qui enim agunt omnia cum consilio reguntur, sapientia dissipantur cogitationes, ubi non est consilium, ubi verò plures sunt consiliarij confirmantur. Prox. cap. 11. & 13. & 15.

Benè consultare comperio maximū esse lucrum; nam etiam si quid è contrario euenturum est, nihilo tamen minus benè consultum est, superauitq. fortuna consilium. Herod. lib. 7.

Qualis est Ciuitas, cuius diruta sunt mœnia. Talis est vir, qui non omnia cum consilio agit. Antonius Monachus in Melissa par. 1. serm. 2.

Si fœmina inter aues saliat fœminam, nascuntur quidem ova, sed ex quibus nihil nascatur. Ità consilium, quod animo conceperis non accedente ratione friuolum est, ac inutile. Plutarch. in moral.

Consilium conuocet, ut de maximis rebus consultet, non autem de nugis, ut enim Appion Homerum ex inferis euocatum nihil aliud interrogauit, quàm quibus parentibus genitus esset, sic quidam grauissimorum virorum consilio conuocato de meris nugis consulunt. idem. hæc pauca de consilio, multa enim dicemus in tract. de Imperat. off.

Haud minus iniques German^o spe, cupidine, & diuersis Ducū, &c.

Ille

Super illa verba, accendebat hæc, onerabatq. Seianus peritia morum Tiberij odia in longum iaciens, quæ reconderet, auctaq. promeret nobis argumentum præbent aliquid de aulicis dicendi.

Quot modis acquiratur Principū amicitia, quàm sit periculosa, & cui malus exitus sit adscribendus, & vtra faciliior sit conciliatio amicitiae principis cum principe, quàm cū priuato, & de multis ad aulam pertinentibus.

Etsi plurima nos, quæ ad aulam pertinent in lib. de malo aulico, quos edituri sumus dicimus, tamen hic aliqua dicenda sunt. ostendit illis verbis Tacitus, ut qui principi gratus esse, & ad illius interiorē amicitiam assumi vult, morum ipsius peritus esse debet, ita si princeps cui fauet, hunc sectetur, quod si quem ipsi incursum esse scit in hunc, aut odia iaciat, quæ recondat quousque aucta promi debeant, aut si animo tam abiecto non est illum quisq. est, fugitet, ars profectò, quam bis temporibus multi aulici inique sectantur. Nullum enim est in atrijs principum, ut inquit Aeneas Siluius in miserijs curialium maius studiū, quàm ut alios de gradu deiciant, & se erigant; Potentiā quilibet appetit, nulla inter curiales habitat fides, non frater a fratre tutus inuenitur, nec patri filius fidus est, nec filius patrem seruat, quilibet sibi studet, omnes præferri volunt, omnes mandare. Si quis potens est, mille circa se oculos habet, & totidem linguas ad ruinam eius aspirantes, & unus hinc, alius illinc premit. Nimum multos timere habet, qui multum potest, & illum omnes oppugnant, qui principi gratior existimatur. Ruunt turres, quæ iuxta flumen sitæ perpetuum in se aquæ cursum recipiunt. Quid tu facias, qui ex unius voluntate dependes, in cuius amore, nea ferro, nec plumbo, sed cera fixus teneris, quam vel infrigidatus amor excutiet, vel ira feruor eliquabit, hæc Siluius.

Sed hæc, & alia non solum sunt nostrorum temporum, sed & etiam antiquis communia fuere; nam Cic. de petitione consul. inquit, Roma est Ciuitas ex nationum conuentu constituta, in qua multe insidia, multa fallacia, multa in omni genere vitia versantur, multorum arrogancia, multorum contumacia, multorum maleuolentia, multorum

Q

super-

superbia, multorum odia, ac molestia perferenda est, video esse magnæ artis in tot hominum cuiusque modi, vitijs tantisq. versantem vitare offensionem, vitare fabulam, vitare insidias, esse unum hominem accommodatum ad tantam morum, ac sermonum, ac voluntatum varietatem, sed ut ad rem nostram veniamus.

Duobus modis communiter principum amicitia acquiritur, vel mala arte, vel bona, malam artem ignari sequuntur, qui cum sint omnis virtutis expertes, perniciose arte, ac insidiosa utuntur in prosternendis præsertim virtute præditis, quos magnopere timent, & ut ignorantie aduersos odio prosequuntur; nam ut Hieronymus ad cust. virtutes sequitur inuidia, feritq. summos fulgura montes, quare & si in aula bonus nullo sibi iniuria inimicos faciat, tamen malorum inuidiam euitare non valet. Bona verò arte boni, & si rari, qui sapientiam sequentes, recta, quamvis difficili progrediuntur via.

II Principes malè faciunt, qui eiusmodi oblectantur amicis, iniungere se enim malorum amicitijs, est eorum culpis ligari, quare Plato in amicitiam, & fidem stultum ne receperis, nam reproborum, atque insipientium facilius sustinetur odium, quàm collegium. Sed

Tribus præcipue modis principum amicitiam quis attingere potest, quamvis non sit rectè amicitia, nam ut rectè Tacit. 3. annal. speciem magis in amicitiam principis, quàm vim retinent.

Primus est similitudo utriusque, id principis cum aulico, vel natura, vel genij, vel morum, nam unusquisque sociatur simili sibi. Eccles. 13. & Ambros. 1. de off. Omne animal diligit simile sibi, & omnis homo simili sibi sociatur, & Hieronymus ad Demet. qualis quilibet est, talium consortio delectatur. Cic. de amic. Nihil est, quod ad se rem ullam tam alliciat, quàm ad amicitiam similitudo, quam si ars condiuerit, amicitiam principis conseruabit.

Secundus est, si libidinum eius minister fueris, de quo nihil in præsentia dicam; nam cum malus modus sit, multi, ut faciliorem, & utiliorem sine ullo Dei timore sequuntur.

Tertius verò est nobilior, sed magis periculosus, & est necessitas doctorum virorum, ut qui a secretis, vel consiliarijs sunt, vel auditores, & eiusmodi, qui modus maximam desiderat cautionem. ne sapientiosem se principe esse nulla in re ostendet, iuxta illud Salamonis coràm rege noli videri sapiens, & alia, quæ nos in nostro aulico dicimus.

Quàm hæc amicitia periculosa sit. Polybius lib. 7. in Hermea ostendit, qui auctoritate apud Anthiochum plurima valens, tandem in oculis regis ipso rege probante interemptus, & noster Tacit. in Seiano de quo in Tiberio dicit, cum tanta apud Tiberium gratia existisse, ut pro

pro collega in imperio haberetur , cui deinde placuit capite in eum animaduertere, corpus in Gemonias projici, eius liberos omnes, interfici, & Tac. addit etiam amicos, & cognatos, & Zonar. tom. 2. in Plautiano, qui apud Seuerum tam magnus fuit, ut particeps imperij censeretur nihilominus miserè interijt, & cadauer eius in viam contumeliosè proiectum. Quot leuissima de causa principum amicissimi interfecti sunt, quos recenset Gueuara in admonit. aulicorum, quare rectè.

Plutarch. in moral. ut Arithmeticorum digiti aliquando valent multis millibus, aliquando nihil, sic regum amici aliquoties quoduis possunt, rursum mutata in fastidium gratia, nihil possunt.

Huius rei rationem affert Tacit. fato potentia raro sempiterna, & melius satietas capit, aut illos, cum omnia tribuerunt, aut hos, cum iam nihil reliquum est, quod cupiant. sed

Cui nam malus sit adscribendus exitus, Sallustius in Iugurtha, et regibus attribuere videtur; nam Regum voluntates, ut vehementes, sic mobiles saepe sibi ipsi aduersa; verum si rectè iudicemus gratiam principum per se non obfuisse cognoscemus, sed ipsos, qui gratia satis vti non potuerunt. Inter tot obsequia fortuna non satis cauta mortalitas est, ut ait Curtius lib. 8. Hermeam intolerandus fastus odiosissimum fecerat Aelium Seianum perfidia; Plautianum inexplebilis auaritia, ac idem ferè de ceteris, qui principum patria exciderant dici potest. Neque id aulicis mirari debemus, cum & similibus de causis ipsos principes sublimi rerum fastigio saepe deturbatos esse constat, ut inquit Hipp. a collibus in suo Palatino. Quamobrem Q. Curtius aulicos omnes his verbis docet, arbores magna diu crescunt, vna hora extirpantur; stultus est, qui fructum earum spectat, altitudinem non metitur. Vide ne dum ad cacumen peruenire contendis, cum ipsis ramis, quos comprehenderis decidas. Leo etiam aliquando minimarum aurum pabulum fuit, & ferrum rubigo consumit. Nihil tam firmum est, cui periculum non sit ab inualido. Deinde fortunam tuam pressis manibus tene, impone felicitati tuae franos, facilius eam reges. oportet, ut qui a principis gratia cadere nolit, ne eum in nullis rebus etiam minimis offendat; nam ut Pius Pontifex epistola 1. ut oculus parua festuca turbatur, sic principum gratia offentiuncula, vel minima cadit. Et Durus de Pascuo in aulico politico, non perpetuo adsit principi, neque diu nimium absit, quorum alterum parit odium, & satietatem, alterum obliuionem, & in negotijs cum illo, tamquam cum igne agere debent, a quo non adeò abeunt, ut illius calore foueri non possint, nec si illi appropinquabunt, ut ipsius incendio conflagent.

Q 2

Inue-

Inuenies, ut superius dicebamus causam ipsos aulicos suæ ruina esse, dum pares principi esse volunt, vel aliqua eis exprobare. Syrus ut est apud Iosephum lib. 29. antiquitat. cap. 7. magister militia regia, quia per omnem fortunam ei fidus, nullius umquam periculi socius esse detrectauerat, sed vel difficillimos labores pro ea sæpe susceperat, fretus amicitia postulabat etiam paris honoris esse particeps. Quapropter grauabatur regi Agrippa aliquo modo cedere, semper licentius agebat cum eo, & in familiaribus colloquijs molestus erat, interdum extollens se immodicè, & sæpe prioris fortuna aduersitates in memoriam reuocans, ut ostentaret, quàm studiosus ipsius cultor fuerit, numquàm non labores in eius gratiam exhaustos memorans, quæ cum sine modo repeteret opprobare videbatur, ita ut Rex tandem offenderetur immodica libertate hominis. Iniucunda enim est temporis ingloriæ acti memoria, & stultum est indefinenter exprobrare debitum. Siue malimus Antonium Romanum sic delineatum Tacito lib. 3. hist. Nec sermonibus temperabat immodicus lingua, & obsequij insolens, litteras ad Vespasianum composuit iactantius, quàm ad Principem, nec sine occulta in Mutianum insectatione, se Pannonicas legiones in arma egisse, suis Stimulis excitos Mæsia Duces, sua cōstantia perruptas Alpes, occupatam Italiam, intersepta Germanorum Rhetorumq. auxilia, quod discordes, dispersasque Vitelij legiones equestri procella mox peditum vi per diem, noctemq. fudisset id pulcherrimum, & sui operis, & quæ sequuntur. Nam eundem iterum audire est lib. 4. hist. Nec ipse deerat arrogantia vocare, offensas nimius commemorandis, quæ meruisset; alios, ut imbelles Cæcinam ut captiuum, ac dedititium increpat. Vnde paulatim leuior, viliorq. haberi, manente tamen in specie amicitia. Quid autem mirum (inquit Ianus Gruterus in varijs discursibus ad aliquot loca insigniora Taciti) agrè ferre hæc talia Reges cum vix ferant ad heris suis famuli? Scipio certè, ac Lelius in Terentij Andria introducunt nobis Simonem & Sosiam ita verbigerantes

Ego postquam te emi a paruulo, ut semper tibi
Apud me iusta, & clemens fuerit seruitus,
Seu feci è seruo, ut esses libertus mihi,
Propterea, quod seruiebas liberaliter,
Quod habui summum pretium persolui tibi.

Sos. In memoria habeo. *Sim.* Haud muto factum. *So.* Gaudeo
Si quid tibi fieri, aut facio, quod placeat Simo &
Id gratum fuisse aduersum te habeo gratiam.
Sed mihi hoc molestum est Nam isthæc commemoratio
Quasi exprobratio est immemoris beneficij.

Iure

Iure igitur de Philota legimus. Curt. lib. 6. Nec ignorabat Craterus sapē Alexandri auribus nimia iactatione virtutis, atque opera grauem fuisse, & ob ea non quidem sceleris, sed contumacia tamen suspectum. Nec immeritò quoque de Silio scribit Tacitus lib. 4. annal. Plerique auctam offensionem ipsius intemperantia immodicè iactantis suum militem in obsequio durasse, cum alij ad seditiones prolaberentur, neque mansurum Tiberio Imperium, si ijs quoque legionibus cupido nouandi fuisset. Destruui per hæc fortunam suam Caesar, imparemq. tanto merito rebatur. ex his videri potest causam mali exitus ipsos aulicos, non autem regem esse.

Facilior est amicitia principis cum priuato, quàm cum altero principe, probatur; nam inter principes amicitia rara est, quia inter paucos difficile est sibi consimilem moribus, studio, & propensione inuenire; verum insuper, quia interna quadam de suo regno suspicione turbantur, summo flagrant desiderio regnandi, vehementerq. primarum dignitatum appetitione efferuntur, quibus de causis ne dum amicitia, verum etiam & conspirationes, & fœdera principum frequenter sunt inconstantia, ut inquit Picolom. grad. 7. de moribus cap. 20. Insuper eis quoque minime datum est domesticæ, & liberè una versari, communemq. vitam ducere, ut alijs propterea Princeps nonnumquàm cum sint procliuēs ad amicitiam, nec valeant propensionem suam cum alio principe explere priuatum aliquem ob sui virtutem diligunt, & deposita per congruens tempus maiestate regia libenter, & priuatè, familiariterq. eo fruuntur, quasi amico pari, nisi dignitate fortuna saltem affectionibus, & ornamentis animi. Hæc omnia confirmant tam vetera, quàm recentia monumenta, quæ principes priuatos amicissimos, & coniunctissimos habuisse, & habere testantur.

Solutis quæstionibus aliqua de aulicis adijciamus.

Si laboribus, si sudore, si periculis plurimis regi carum se quis futurum putat, longè tutius erit, longèq. facilius regis superni, & conditoris omnium amicitiam tantò opere quassisse; rursus si pro hodierna temporis malitia, quæ vera sit breuis, & rara amicitia est, quis tam imprudens est, atque insultus, qui sibi Regum duraturas, firmasq. amicitias putet, aut potius fingat. Cogitet quid inde ad eos, quos diligere simulat, quos certæ fortuna splendor, timorq. animi omnium inæqualium facit contemptores. Adde, quia ut fortuna instabilis, sic principum voluntas varia, & inconstans est, quamquàm stante perseuerantia res ipsa boni modicum, mali verò, atque periculi multū habet. Denique bonam sibi spem promittunt, qui Regibus famulatur. Quis enim tam imprudens videri cupit, qui sibi spem ponit in tanta

tempestate? Sed verum est, quia, ut noster Quintilianus ait veluti multa timentur, quæ optanda sunt, sic multa sperantur, quæ timenda essent. Qui ergo principum fauores desiderat, quid nisi libertate, ocio, vitæ securitate, amicitia priuari desiderat? Fortè in talem quis Principem sperat, a quo facile falli, aut damnari potest. Mobilis est enim cuiuslibet principis animus, & tantò mobilior, quantò a pluribus concutitur. Nec enim propter rerum varietates cuncta ratione ponderat. Et quos cunctos mortales a Regum amicitijs auertere iustè deberet, illud eis commune est, quia plerumque non qui plus habent sapientiæ, aut virtutis, sed qui plus ingenio, aut artibus modulatur, sed qui plus adulatur, ille gratiæ fauorq. proximus habetur, sed si cætera sileam, quis nisi demens, aut rerum expertus Regum fauores tantoperè desiderat, in quibus nonnisi varios rerum motus, Urbium mutationes, pestiferas nouitates, famem, bella, discordias in dies conspiciamus. si igitur hæc tibi placent ad Regum amicitias aspira, ita Rodericus Zamorensis in Speculo vitæ humanæ cap. 4.

Queadmodum, qui valdè febricitant, appetitum, & robur amittunt, sic qui principum aulas inhabitant, mentem, & bonos mores perdere solent, nisi frequenter animo repetant hoc dictum. Nosce te ipsum. Antonius Monachus serm. 59. sent.

Indicæ testudines meridiano tempore blandiæte gaudent totos dorso per tranquilla fluitare, donec obliti sui solis vapore siccetur cortex, ut mergi nequeant, iamq. inuitæ natent oportuna venantium præda; ita quidam spe magnarum rerum allecti, in Principum aulas se se coniiciunt, & adeò deliniuntur aulæ delicijs, donec imprudentes eò redigantur, ut non possint etiam si velint in suum otium sese recipere. Plin. 9. c. 10.

Vt Heliotrophium, ac lupium circumaguntur cum sole, & quocumque se mouerit ille eodem defleunt, & hæc cacumen. Ità Proceres aulici quocumque Regis ingenium vergit, eò propendent omnes. Idem lib. 18. cap. 14.

Cracca leguminis genus est adeò gratum columbis, ut ea semel gustata negent illas postea ab hoc loco profugere, ita qui semel aulam, & honorem gustarunt numquàm ab aula possunt auelli. Idem cap. 16.

Sunt arbores aliquot, quæ post solstitium inuertunt sua folia, ut vlmus, tilia, olea, populus, alba salix, ita vulgus procerum simulatq. Princeps vitæ genus in diuersum commutaris vertunt, & ipsi cultum, cultum, orationem, & omnia. Idem lib. 18. cap. 28.

Quidam sunt, qui tamquàm animæ consulturi regalibus sese dedunt obsequijs. Existimant enim consulendo Regibus, utilitatem Reip.

Reip. promouendo pupilli, & viduarum tuendo causas, afflictis, & inopibus succurrendo, tantò magis Deo placere, quantò maiore tædin ista peragunt; respondendū est etiam bis, ne qui stultiore sunt alijs, sapientiores omnibus videantur. Quamuis neminem adhuc cognouerim, qui non suum aliquod temporale commodum apud Reges insectaretur. Fingamus tamen aliquem fore, quem sola salutis animæ ratio moueat. An ita est, ut hoc in Curia sibi possit obtinere? Consulemus ne nos viro bono in obsequio, ut se Regis immergat? Putabimus ne sic animam lucrisferi? Mihi hercule non fit verisimile in Curijs Principum, ubi tot vitia regnant, ubi tot irritamenta ab exercitio virtutum subducunt virum aliquem bonum posse perseuerare. Namq. ut seffor bonus in equo retrogrado, vel calcitroso excutietur, dilabaturq. tandem. sic vir bonus, & iustus apud Reges diffluet, vel imminutus rerum licentia, ac luxu, & tot immunditijs tum vitiorum, tum hominum circumuentus declinabit a via, & in scopulos ruet cætorum viribus actus, & tempestatum. Quod cum Plato in Atheniensi Curia perspexisset, fugere potius statuit, quàm inter tot vitiorum inquinamenta morari. Cognoscito igitur teipsum, qui sequi Curiam statuis, & an Platone sis maior animaduertito, an virium plus tibi, quàm illi sit ad resistendum mala consuetudini. oportet in Curijs obsequi omnibus, communicare, quod habes, temporibus seruire, versare naturam, & tegere nec non seipsum buc, & illuc torquere, & flectere. Cum tristibus seuerè, cum remissis iucundè, cum senibus graui-ter, cum iuuenibus comiter, cum facinorosis audacèter, cum libidinosi- luxuriosè viuere. Quod nisi feceris nec magnus in Curia, nec diuturnus esse poteris.

Si alicui amico fauere cupis, id opportuno facias tempore, sunt enim aliqui, qui dum officiosi esse student, non habita temporis ratione nocent, aut molesti sunt sedulitate; nam aliquando immodicis, & intèpestiuis laudibus conciliant homini inuidiam; nemo enim magis offi- cit fama, quàm ineptus praco, quare sepe nihil interest inter amico- rum munera, & hostijum vota. Ioannes Casa de off. inter potentiores, ac tenuiores amicos.

Quoniam non beneuolentia, neque charitate adducti, sed præmio- rum illecti spe ad coniunctionem principum aulici accedunt, procurā- dum est, ut qui suas partes diligenter, accuratèq. peregerint, qui ob- seruantiā, & sedulitatem, fidemq. & sollertiam præstiterint, ne la- borum suorum præmio, aut mercede fraudentur. Idem.

Nihil inclementius est cum leui quaque de causa, contumelijs conuicijs, & clamoribus honestos sape homines consecretantur, idq. palam in publico. Idem.

Vinculum inferioris cum superiore, nec est virtus, nec charitas, sed utilitas rerum disparis; nam operam obsequium a tenuioribus potentes expectant, inopes contra a diuitibus, atque honoratis pecuniam, aut dignitatem. Idem. Quare

Qui sunt animati erga potentes, & pecuniosos, tenues amici esse debebunt, ut illorum incommoda contumelias, iniurias, ineptias non modo facile perferant, sed amantes etiam egerant, eosque quodam fieri potest diligant, colant, quidem certe omnibus locis, atque obseruent; diligere enim volunt propterea quod existimant a quibus amentur iisdem sese probari. Itaque iam diuites sibi omnia arrogent amicorum obsequijs, atque obseruantia magnopere delectantur, sui enim de se iudicij habere eos scriptores putant, difficile est autem diligere eum, quem non probes, nihiloque factu facilius sic morator quemadmodum dictum est probare verumtamen, ut ait Tiresias ille:

Quando pauperem missis ambagibus horres.

Deuoranda haec sunt, ferendumque equo animo, quod corrigere nequeas, praesertim cum non virtute, & probitate haec necessitudo contineatur, sed emolumentis, & fructibus. Idem.

Si alicuius rei aulicus appetitum habeat, ille non apertus, sed occultus sit, & seruitio principis paliiatus, ut Seianus ait apud Tac. lib. 4. ann. fulgorem honorum a se numquam praelatum excubias, ac labores, ut unum ex militibus pro incolumitate Imperatoris malle. Et Tigelinus 14. non se ut Burum diuersas spes, sed solam incolumitatem Neronis spectare.

In paribus periculis dominum, non seipsum defendere praesferat, ut Seianus de quo Tac. lib. 4. forte illis diebus oblatam Caesari anceps periculum auxit vana rumoris, praebuitque ipsi materiam cur amicitiae, constantiaque Seiani magis fideret; deinde casum antri enarrans, dicit eius os lapsis repente saxis obruit quosdam ministros, hinc metus in omnes, & fuga eorum, qui conuiuium celebrabant; genu, vultuque, & manibus super Caesarem suspensus opposuit se incidentibus. ex hoc enim euenit illud, de quo idem autor maior ex eo, & quamuis exitiosa suaderet, ut non sui anxius cum fide audiebantur.

Principem sibi deuincere aulicus omni diligentia curet, Seianum in bonis tantummodo actionibus imitans, qui ut lib. 4. Tac. varijs artibus Tiberium deuinxit adeo, ut obscurum aduersus alios, sibi uni incautum intellectumque effecere.

Principis sui humorem sequatur; nam necesse est quodam fieri potest, ut eius natura, moribus, ac genio similis euadat. Laurentius Duccius de arte aulica cap. 13.

Abdi-

*Abditos Principis sensus, & si quid occultius parat exquirere illi-
situm anceps. Tac. lib. 5.*

*Diuitias, & beneficia a Principe accepta non ostendet, nam quan-
tò quis plus adeptus est, tantò se magis in lubrico existimet. Tacitus
libro quinto.*

*In Principis gratia perseuerare diligentissimè curet, nam hoc modo
criminationibus vim tollet, nec quicquam committat, nam si declina-
re incipit, tunc culpæ magis alienæ ambitionis iustificationi, quàm
rei animaduersioni inferuiunt. Hieronymus Connestagius lib. 1. his-
toria Lusitania.*

*Crudelitatem in nullum exerceat, nam qui occultis libellis sauitia
Principis adrepat, mox, clarissimo cuique periculum facessit, poten-
tiam apud unum, odium apud omnes adipiscitur, tandem dat exem-
plum, quod secuti ex pauperibus diuites, ex contemptis metuendi per-
niciem alijs, ac postremum sibi inuenerunt.*

*Qui fumos vendunt, Princeps abijciat, exterminet; fumum autem
vendentes sunt, qui Principum beneuolentiam, simulato commenda-
tionis officio per occasionem familiaritatis precio vendunt, ut inquit
Paulus Manutius in Adagijs, nam fumus initio quidem magnum
esse videtur, verum euanescit illico. Martialis.*

Vendere nec vanos circum palatia fumos

Plaudere nec Cano, plaudere, nec Glaphyro.

*Porrò genus hoc hominum maximum aularum regaliū pestem.
Aelius Lampridius eleganter, ac luculenter exponit in Imperatoris
Heliogabali vita. Inquit enim; Zoticus sub eo tantum valuit, ut ab
omnibus officiorum Principibus sic haberetur, quasi Domini maritus
esset. Erat præterea idem Zoticus, qui hoc familiaritatis nomine ab-
utens omnia Heliogabali dicta, ac facta venderet fumis quàm maxi-
mè diuitias enormes sperans cum alijs, atque alijs polliceretur, omnes
falleret. Egrediensq. ab illo singulos audiret dicens; de te hoc loqua-
tus sum, hoc de te audiui, hoc de te futurum est. Ut sunt homines hu-
iusmodi, qui si admissi fuerint ad nimiam familiaritatem Principum,
fumum non solum malorum, sed & bonorum Principum vendunt,
qui stultitia, vel innocentia Imperatorum, qui hoc non perspiciunt
infami rumigatione pascuntur. Hoc fecit insignius Thurini Verco-
nijs supplicij, quod quidem in vita Alexandri Seueri idem Aelius re-
fert ad hunc modum. Solus (inquit) post meridiem, vel matutinis
horis idcirco numquam aliquos videbat, quod ementitos de se multa
cognouerat, speciatim, Verconium Thurinum, quem cum familiarem
habuisset ille omnia, vel fingendo sic vendiderat, ut Alexandri, quasi
stulti hominis, & quem ille in potestate haberet, & cui multa per-
suade-*

suaderet infumaret imperium. Sicq. omnibus persuaserat, quod ad nutum suum omnia faceret, denique hac illum arte deprahendit, ut quendam immitteret, qui a se quiddam publicè peteret, ab illo autem occulto; quasi præsidium postularet, ut pro se Alexandro secreto suggereret; Quod cum factum esset, & Thurinus suffragium promississet, dixissetq. se quadam Imperatori dixisse, cum nihil dixisset. Sed in eo pendere, ut adhuc impetraret euentum vendens. Cumq. iterum visisset, Alexander interpellari, & Thurinus, quasi aliud agens nutibus annuisset, neque tamen interim quidquam dixisset, impetratum autem esset, quod petebatur. Thurinus autem ab illo, qui meruerat fumi venditori ingentia præmia percepisset accusari eum Alexander iussit. Probat per testes omnibus, & quibus præsentibus, quid accepisset, & quibus audientibus quid promississet in foro transitorio ad stipitem illum ligare præcipit, & fumo apposito, quem è stipulis, & lignis humidis fieri iusserat, necavit, præcone dicente fumo punitur, qui vendidit fumum. At ne in una tantum causa videretur crudelior fuisse quasiuit diligentissimè, antequam damnaret, & inuenit Thurinum sæpè etiam in causis ab utraque parte accepisse, cum euentus venderet, & ab omnibus, qui aut præposituras, aut prouincias acceperant, atque inibi paulo post, nec dedit alicui facultatem, vel fumorum vendendorum de se, vel sibi de alijs malè loquendi maximè occiso Thurino, qui illum, quasi fatuum, & vacordem sæpè vendiderat. Quid autem dixerit forum transitorium ipse in eiusdem vita videtur explicare, cum alio quodam loco sic ait: Qui de eò fumum vindiderat, & a quodam militari centum aureos acceperat in crucem tolli iussit per eam viam, qua esset seruis suis ad suburbana Imperatoria iter frequentissimū. Porro genus illud supplicij Accidius Cassius Imperator primus excogitasse legitur, ut stipitem præ longum poneret pedum centum octoginta, idest materiam, & a summo, usque ad imum damnatos ligaret, & ab imo focum apponeret, incensissetq. alijs, alios fumi cruciatu timore, etiam necaret. Hactenus ille; immane profectò supplicium, sed tamen factis tam pestilentibus dignum.

Primum illud tecum statuito, ne quid cui credas, quantumuis in speciem amico, quantumuis arridenti, complexanti, pollicenti, deiranti, nec quemquam existimes tibi ex animo amicum.

Esto largissimus eorum officiorum, quæ tibi nihil afferunt impendij.

Saluta blande, complectere, cede viam, aperi caput subinde repetebonoris, & charitatis titulos, lauda affatim, pollicere benigniter.

Proximum erit, ut factiones totius Aula subodororis; sed ita ne cui te facile admisceas si quos, aut si quas videris, nihil non posse apud
Princi-

Principem, vide ut te semper inflectas ad latus navis felicius.

Commodè subseruies, ad orationem arridebis, si loqui non dabitur, applaudes velut admirabundus. Sed apud alios plenis, ut aiunt tibi illius laudes decantabis. Aliqui certè perferent si passim prædicaueris, quidam.

Nunc hic, nunc ille tibi captandus erit munusculo, sed eleganti, & apto magis, quàm prætioso, ne videaris aureo piscari hamo, pretium addes oratione. Excusabis tenuitatem fortune, ubi illa contigerit opulentior, polliceberis montes aureos.

Si quis Principem senserit vehementer offensum, ac diuersam factionem gestire victoria, semper accomoda te fœlicioribus, sed ita, ut alteram partem non ledas; Solent enim Principum fauores, ventorum in morem subinde reflare in diuersum.

Proceres aliquot cole. Horum mensis te adiungito, sed ita, ne crebrius ad eundem. Hic Comis, & commodus esto conuiuia, sed festiuus, ac lepidus, ut ne quem offendas.

Si quid in te dictum erit petulantius in lusum, iocumq. vertito, etiam si seria res sit.

Si quos senseris tibi parum amicos, fac artificio summo dissimules, & communibus officiis hoc magis apud illos amicum agas.

In cæteris nugis Aulicorum esto lepidus congerro.

Ad rem augendam, & constabiliendam, ubiq. vigilia; quidam.

Fictiones aliquo modo proportionem respondent erroribus, nam ut erramus putantes nos scire, cum nescimus, ita fingimus nos scire, quæ ignoramus; & ut decipimur existimantes alios velle, quæ nollunt; ita etiam fingimus nos velle, quæ nobis molesta sunt; & omnino fingendi ratio aliquatenus errori proportionem respondet. Sed in eò differt, quod fictiones ferè semper ad fingentis commodum tendunt, & illius qui fallitur detrimentum, nisi ludendi gratia fingitur, tunc enim fictio nemini nocet. Nam qui fingit se posse, ac velle, quæ non potest, nec vult, idcirco fingit, ut alterum ad sua tradendum alliciat. Quapropter multi se diuites, aut amicos simulant, & magno desiderio alios iuuandi teneri, ut ipsis alijs prosint. Quæ in re tota Curialium, Aulicorumq. facultas consumitur. Nam gestus, signaq. amoris, ac reuerentia mirè exprimunt, & flagrare studio videntur beneficij in alterum conferendi, & eius commodis inseruiendi, ut alibi dicturi sumus. Nunc monere satius est ab ijs, qui figunt diligentissimè cauendum posse, omnibus enim imponunt; Nec desunt, qui non idcirco, ut unum, aut alterum fallant; sed ut innane probitatis, aut sapientiæ nomen acquirant; non enim virtutes ipsas, sed earum umbras aucupantur. Probi autem, & prudentis hominibus est ita se gerere, ut

eius

eius potentia, virtus, & dignitas, qualiscumq. sit, dimissis fictionibus innotescat. Nam qui fingendo excedunt, simulatores vocantur, qui sua extenuant, dissimulatores, qualem Socratem, & Scipionem fuisse ferunt. Qui vero suas vires, & voluntatem etiam si velint, significare nesciunt, rudes, ac rustici habentur. At qui rem, ut se habet, aperiant, simplices, aperti, & boni viri censendi sunt, licet sint, qui diuersis de causis fingendum cum multis esse contendunt. Et Principes nonnullos dicere solitos accepimus nescientem simulare nescire regnare. Qui si eatenus fingendum putant, ne ab hostibus ipsi fraudentur, ferendi sunt. Si verò, ut alios decipiant, tantò magis sunt accusandi, quantò detestabilius est fidem publicam, quàm priuatam fallere, & eos peccare contra ius. Gualandus de ciuil. facult.

Principio Aulicus, & Princeps sese accommodent, donec ex mutua notitia coeat beneuolentia, inter multos enim dissilit amicitia, priusquàm alter alteri sit cognitus. Multi prima specie displicent, qui propius inspecti placent. Ad id conducent ex una parte dominorum comitas, & ad leuiiores lapsus conniuentia ex altera aulicorum obscondatio.

Si accliuus sub Principe periculum, & inuidiam effugere cupit, a nemine alio sibi officia, dignitatesq. defferri patiat, præterquàm ab ipso Principe.

Innocens inuidiam alicuius æquo animo cautè contemnat, & rectè agendo, & vera dicendo, inuidiam marcescentem rebus alterius optimis vincat.

Aulicus mordaces inuidorum in se sermones lepidè, & ingeniosè repercutere, non magna vehementia refutare debet. Ut puta Hispanos asserentes, etiam in Hispania affuisse, qui reperissent Indiã, verècundè Columbus irrisit, & respondit nihil: sed ouo offerri in triclinium iussit, & mense imposito, verso ad omnes sermone. Age dum inquit domini mei, cum quolibet vestrum deposito in cœnam pignore certo, neminem eorum, qui hic sunt facturum ouo isto, quod ego facturus sum, videlicet, ut nullo nixum adminiculo stans, & erectum in pedem suo pte nutu maneat; periculum fecerant omnes, neque ulli illorum successit, sed ipse Columbus ouum altero eius fastigio, vel angulo mense illiso, ac leuiter quassato, rectum, firmumq. constituit; Significans iam omnibus factum facile, postquàm ipse primus probasset, & Americam inuenisset.

Inuidia communis pestis aulica; qua ut nomini connascitur, ita Baldo scribente inter pares, vel apud inferiores quoque solet oboriri, nullis remedijs potest curari, & imminui, quàm humanitate, & affabilitate.

Qui

Qui volunt sub aliquo Principe facere magnos progressus, conentur seruitio promptissimos se exhibere; abrupta enim contumacia, non solum progressus aulici interrumpit, sed eos frangit, & tollit.

Aulicus, qui a Principe prouehi cupit, semper studeat ante illius oculos versari, & ab eo conspici, sapè enim repentina ingruunt negotia, quæ Principes illis committunt, qui prius ipsorum conspectui offeruntur.

Aulicus semper famæ dare debet, quod ad munus acceptandum, vocatus, electusq. accefferit.

Quando prudens Aulicus cognoscit se in offensionem Principis inaduerterter incidisse, nihil moretur eum quoquo modo lenire, recondunt enim altè offensas Principes, quas suo tempore multò grauius exprimunt.

In Aula cuius facta discordant verbis, ei numquàm fides iuranti, quod enim loquitur, id semper sapiens debet agere inquit Seneca. Verum enim illud.

Quæ non facias dicere, idest quod es, nec esse.

Nec, quæ facias dicere, fortis, aut modesti est.

Aulicus qui sperat se breui dignitatem adepturum, caueat a superbia ostentatione, imò humiliter se gerere debet, sic enim, & illius, a quò dignitatem expectat, gratiam conseruabit, & communem aularum pestem, inuidiam effuget. Qui considerat secum, quàm omnis dignitas vana, & instabilis, is nihil timebit.

In Aula res male se habet, quando est licentia deterrima, cuius excitandi impunè probra, calumnias, & mendacia, inuidiamq. in mortuum magistratum, & reliquos viuos ministros.

Improbi aulici, qui aliquem euertere student, scelestà via, & calidissima uti solent: subdunt aliquem, qui miserum accuset, atque illi interim partes iudicis assumunt, quasi mera equitate, & iure, non affectibus impulsus iudicaturi sint; a tali Iudice libera nos Domine.

Improbi, & indocti aulici, ut melioribus, & doctioribus viam praeludant sempiterna memoria dignos, ne emergant, quacumq. possunt arte, premunt. malitia enim calumnia, & mendacijs nunc celebrant pro sua libidine bonos, & improbos viros, a quibus bonus, cautus, optimus venditur Princeps.

Aulici noscentes Principis ingenium, & qui illi continuo adsunt, quicquid cupiunt; obtinent, modo ne abutantur.

Aulicus cautè se gerat tam circa offensas acceptas, quàm alijs illatas, & ab utroq. hominum genere se tectum seruabit.

Aulicus sapiens quando se depræhendit sibi plus prudentiæ, auctoritatis, gratiæ, virtutis, & aliarum Dotium a Deo datum, ac alijs, tunc cogitet,

cogitet, tantò magis se obligatum ad iuuandum proximum; & Papi-
niano docente: interesse hominis hominem beneficio affici.

Mundo enim, & aula securè nemo confidere potest, ut summa
eloquentia Antonius de Gueuara in tractatu de vita priuata demon-
strat, & maiori cum zelo sacra Scriptura inculcat.

Filioli ne diligite mundum, neque ea, qua in mundo sunt: si quis
diligat mundum, charitas patris non est in eo; quoniam quicquid est
in mundo cupiditas carnis, & libido oculorum, & fastus vita non ex
Patre, sed ex mundo est.

At Germanicus legionum, quas nauibus vixerat, &c.

Super illa verba, mox Tiberius consultante Pompeio Macro prae-
tore, an iudicia Maiestatis redderentur exercendas leges esse respon-
dit, dubitari contigit.

Vtrum Princeps leges mutare debeat,
& vtrum sit solutus legibus, &
de alijs, quæ ad leges
pertinent.

PROculdubio potest Princeps leges mutare, non enim regibus per-
inde ac medicis, & grammaticis certas adhibere posse regulas, &
quasi leges, quorum definitionibus, atque decretis alligentur, constat.
Negotiorum varietas, ut inquit Gergius Bucharanus in dialogo de
iure regni apud Scottos non patitur ullam ferri legem perpetuam
constantem, & qua apud omnes homines idem valeat fati necessitate
soluta. Id eòq. bonus ille iuriconsultus omnè in iure definitionem pe-
riculosam esse refert. Parum enim refert, ut subuerti non possit. Le-
ges enim prudentia sunt, non alicuius artis, aut scientia. Hac uni-
uersarum rerum est, illa singularum, hac necessariarum, & eodem
modo semper habentium, illa mutabilium quales sunt, quæ actionem
eidunt, illa præceptionibus certis, ac legibus, hac experientia modo
continetur; at & ut inquit P. Greg. Tholo. de iuris arte, methodo, ac
præceptis cap. 7. num. 10. expedit esse quosdam, qui iura naturalia
positione quadam temperent, & præscribant, ut salua societas, huma-
na, & ciuilis esse possit, etenim vnum corpus faciunt societates homi-
num, & idcirco, ut in corporis agitudinibus eadem ars medicina;
Idem medicus secundum diuersas qualitates, & symptomata phar-
maca miscet, & temperat, neque eundem morbum simili per omnia
medici-

medicina in diuersis corporibus curat, neque in eodem morbo, & corpore eodem pharmaco omni tempore in diuerso robore, & diuersa ætate utitur; sic etiam legislator Princeps, vel alius, qui præponitur regimini ex eadem arte, & officina una æqui, & boni omnibus rebus publicis, vel priuatis omni tempore similes leges, vel easdem non fert, sed habita ratione loci, temporis, personarum sancit, mutat, innouat, tollit secundum præsentem statum, & habita ratione futuri; ita ut leges posteriores prioribus derogent, vel priores ad sequentes trabantur, & ad naturæ varietatem, quæ continuo motu agitur, leges accomodet; quare cum euidenter pateat leges a Principe mutari posse, aliqua in modum aximatum dicemus.

Res duæ sunt propter quas, omnes feruntur leges, tum ut ne quisquam iniustus aliquid agat, tum ut ijs, qui ius violarunt punitis, alij meliores reddantur. Demosthenes contra Aristog. quare.

Leges debent ciuium incolumitatem, non proprium commodum respicere; a maioribus enim nostris nulla alia de causa leges sunt inuenta nisi, ut suos Ciues incolumes conseruarent.

Illa potissimum leges hominem similem Deo reddunt (quatenus Deo similem fieri hominem licet) quæ ad publicam utilitatem faciunt. Chrysostomus in verba illa Pauli habentes autem eundem spiritum.

Populis sunt leges accomodandæ, non autem populi legibus. Quæadmodum enim calciamenta pedibus, non pedes calciamentis, caligæ tibijs, non tibia caligis, aliaq. dorso vestimenta, & indumenta corpori, & partibus corporis, non corpus vestimentis est adaptandum. Atque non solum populi, populorumq. naturæ, verum & temporibus, & locis. Vnaqueq. regio peculiari temperatione producit incolas. Quod si mores corporis temperaturam sequuntur nullum esset dubium, quin uni populo aliæ leges, & aliæ alteri sint accomodandæ. Celsus Mancinus de iuribus Principatuum lib. 7. c. 7.

Lex honesta fit, iusta, possibilis, secundum naturam, secundum patriæ consuetudinem, loco, tēporiq. conueniens, necessaria, utilis, manifestæ, id est non obscura, non captiosa, nulli priuato commodo, sed communi ciuium utilitati conscripta. Isidorus.

Ab his non longè discedunt rethores, cum de legum suafione, ac dissuafione præcipiunt; legis vitium inquit Quintilianus, aut in verbis, aut in rebus est, in verbis queritur an satis significant, an sit in his aliquid ambiguum, in rebus, an lex ipsa consentiat, an in præteritum referri debeat, an in singulos homines maximè verò commune est querere, an sit honesta, an utilis. Non probatur sententia eorum qui putant leges factas esse, ut earum metu humana coerceatur audacia.

Contra

Contra enim Plato legis putat esse persuadere non omnia vè, ac minis cogere, & Diodorus lib. 1. Bilibio. barbarorum leges reprehendit, quæ magis punire, quàm docere videantur, ac Xenophon. lib. 1. de vita Cyri Persarum instituta maximè laudat, quòd non vè ceteri de pœnis, criminibus, ex legibus imponendis solliciti sint, sed multò magis caueant, vè ne qua crimina apud ipsos reperiantur. Legis autem virtutem esse non negamus, vè punire nihilominus, quàm imperare, vetare, & permittere possit; illas tamen optimas esse leges dicimus, quæ ad bonè, beatèq. viuendum sint accommodatæ, cui rei necessarium nonnumquàm est pœnis, ac multis vti, ne impunita crimina delinquendi cupiditatem improbis augeant. Antonius August. in lib. de legib. & Senatus consul.

Legum latoribus vtile est, vè præmia, suppliciaq. iustè proponere possint, diligenter animaduertere, quod rerum homines sponte, quidq. inuiti contrahat. Arist. lib. 5. cap. viij.

Non satis est leges iustas esse, & conspirantes ad vnum felicitatis communis finem, sed oportet etiam, vè quatenus fieri potest, omnes sint felices, & apertè naturæ quidem, gentiumq. leges ab omnibus facile possunt cognosci, & diuinæ quoque quamquàm difficiles videantur, & obscuræ, lumine gratiæ statim valde perspicue fiunt, oportet autem etiam ciuiles clarissimam rerum propositarum veritatem continere Nicolaus Biesius de rep. lib. 4. cap. 9.

Plurimas leges legislator fugiat, corruptissima enim Resp. plurimæ leges Tac. 4. Annal.

Decet in ferendis legibus possibilitatis, & facultatis rationem habere, si quis velit vtiliter in paucos, quàm sine vtilitate in multos animaduertere Plutarchus in Solone.

Vt in morbis non sunt tentanda noua remedia, si veteribus succurri malo possit, sic non sunt condenda nouæ leges, si veteres ministrarent aliquid, quo malis Reip. medearis Aug. epist. 118.

Augustus Cæsar in præceptis bonè administrandæ Reip. hoc primum tradidit, leges firmiter retinete, nec quidquam in his mutare, nam quæ eadem semper manent, & si sint non nihil vitiosa, vtiliora tamen sunt his, quæ subinde etiam si in melius innouantur Dion. Cassius lib. 53. imò multo melius est status ciuitatis, quæ licet deterioribus, firmis tamen legibus vtitur, quàm illius, quæ bonis quidem, sed quæ perinde non obseruentur. Thucydides lib. 3. in oratione Cleonis.

Quemadmodum morbos extitisse ante necesse est, quàm remediæ eorum, atque medicamenta. Itaque prius nequitia nata est, & sceles exortum, quàm leges condita, quæ obuiam irent nequitia, scele-
rique

rique flagitiorum, & quemadmodum medela plures ad innumerabiles prope corporum morbos excogitatae sunt . Ita leges innumerae ad infinitas animorum improbitates amputandas sordesq. emaculandas condite fuerunt. Philippus Beroaldus in orat. habita in enarratione verrinarum .

De Ecclesiasticis leges Principes secularis non ferat, nullus enim in Ecclesia habet auctoritatem imperandi, sed necessitatem obsequendi .

Regula primum recta sit oportet, deinde, qua applicentur corrigat . Ita Princeps primum ipse vitijs careat necesse est, deinde alijs leges praescribat . Plutarchus in moral. Quod ad 2. attinet certum est Principem solutum non esse a lege diuina, neque a lege naturae, neque a dictamine rationis . Quod ad humanam attinet est opinio Diu. Thom. q. 96. artic. 5. ad 3. quam sequitur Caietanus illic, & Sotus lib. 1. de iust. & iur. q. 6. artic. 7. & Didacus Couarruias relectione super capitulum Alma Mater par. 1. §. 1. num. 4. & alij communiter Principem non quidem obligari sua lege quod ad vim coactiuam, sed obligari tamen ea, quod ad vim directiuam, quatenus lex humana ex lege naturali, & aeterna vim habet obligandi in conscientia .

Probatur auctoritate Philosophorum, nam Plato lib. 4. de legibus, ita scribit, paratum exitium illi Ciuitati video, in qua non lex magistratibus, sed legi magistratus praesunt .

Probatur adhuc ratione ex lege naturali, & aeterna ducta hoc pacto; id tenetur Princeps facere, quod nisi faciat, violabit legem naturae, sed nisi seruet ipse legem, quam subditis sancit, ijs causis adductus, quae non minus ad ipsum, quam ad illos pertinent, violabit legem naturae; ergo ipse quoque in conscientia tenetur legem talem seruare . Maior non indiget probatione; Minor autem, ut rectè notauit Caietanus euidenter potest colligi ex aliqua trium propositionum, quarum qualibet est legis naturalis; atque adeò ipsa quoque minor assumpta est legis naturalis; & consequenter etiam aeterna . Prima propositio est. Quod oneris tibi imponi non vis, id neque debes imponere alijs, qui sint eadem conditione, qua tu, quod ad rem, de qua agitur . Es è contrario . Si quid oneris alijs imponas, id tibi etiam est subeundum . Secunda propositio. Turpis est pars, & praesertim caput, si non congruat cum alijs partibus, atque adeò cum toto in ea re, quae similiter ad ipsum pertinet . Tertia propositio superior, cum quippiam subditis praecipit, hoc serio, & efficaciter praecipere debet sicut oportet, ut ad id praestandum subditi moueantur . Et consequenter non solum verbo, sed etiam exemplo in ea re, quae ad ipsum simili-

R

ter

ter spectat, debet eos impellere. Alioqui gubernatio pareret contemptum, & facile præceptum contemneretur.

At notandum hic ex Valentia disput. 7. q. 5. de lege humana punct. 4. Quod quamdiu princeps vult subditos obligari per legem, quam tulit (quæ est scilicet una conditio, ex qua, virtute legis naturalis, & æternæ sequitur Principem eadem lege teneri) tandiu ipse etiam manet obligatus. Ne alioqui sit pars turpis, quæ dissideat a toto, nevé ex eorum sit numero, qui imponunt alijs onera grauiora, ipsi autem ne digito volunt ea mouere contra illud. Quod tibi non vis fieri, alteri ne feceris, ut antea deduximus.

Quod si Princeps simpliciter abrogaret legem, tunc quidem, neque ipse tali lege obligaretur vlla ratione, quoniam iam mutaretur quædam conditio, qua posita, Princeps, & quilibet subditus directè, vel indirectè per legem obligabatur, scilicet obligatio legis quoad subditos, cum quibus ex vi legis naturalis, & æternæ oportebat Principem concordare, ut antea deduximus.

Nec verò est absurdum, quòd possit aliquis arbitrio suo liberare se ab obligatione alicuius legis mutando conditionem aliquam eiusmodi, sine qua lex non obligabat ipsum. Imò hoc etiam respectu legis naturalis passim accidit, sicut ver. gr. vir, & fœmina tenentur abstinere, quamdiu sunt soluti matrimonio. Quod si matrimonium ineant, quoniam mutant conditionem suam, voluntate propria sese liberant ab obligatione illius præcepti negatiui; efficiuntq. ut iam sibi liceat, quod antea non licebat.

Atque ex his facile est iudicare de ijs, quæ Caiet. differit q. 12. art. 5. sub finem, ubi citatis quorundam opinionibus disputat. Vtrum, & qua ratione Princeps possit se, vel subditos eximere a lege, quam tulit, & simul etiam potest fieri iudiciu de opinionibus illis, quas citat.

Summa eorum, quæ rectè asserit Casetanus est, posse quidem Principem ex causa rationabili dispensare secum, aut cum subdito. Item posse etiam, aut se, aut subditum pro libito, ita eximere a lege, ut non amplius illa quidem teneatur, nec eius violata sit reus, non posse autem vel se, vel alium pro libito, ita eximere, ut si contra eam faciat, non sit reus violatæ legis naturalis: quatenus nimirum turpis est pars, quæ non est conformis toti, siue ea pars sit tamquam caput (ut est Princeps ipse,) siue tamquam aliud membrum, ut est quilibet subditus.

Quæ doctrina tunc maximè potest habere usum, quando aliqua certa pœna (ut excommunicationis verbi gratia) transgressoribus legis decreta esset, tunc enim subditus ab huiusmodi lege quandocumq. exemptus non incurreret talem pœnam faciundo contra legem, etiam
si in

si in eo peccaret contra legem naturæ, ob rationem dictam, si absq. rationabili causa fuisset a lege humana exemptus.

Verum & si Princeps quoad vim coactiuam solutus sit legibus, tamen bonus Princeps leges latas a præcessoribus bonas, & utiles Rei publicæ confirmare, & retinere, & colapsas restituere, & sic efficere eas, ut suas debet, ut inquit Zeechius lib. 2. de Principe.

Ex quo notandum, quod Principem ligant leges superioris in eo, in quo est illi superior c. quamquam 13. distinct. unde legibus Canonici obedire debet 1. Petri. 2. cap. omnis, & cap. solitæ de maior. & obed. maximè in ijs, quæ animam concernunt. Legibus verò alterius principis par, Princeps non ligatur c. venerabilem, qui fil. sint legit.

Uterius, ubi lex Principis transit in contractum non potest reuocari in præiudicium eorum, quibus ex ea quæsitum est ius Innoc. in c. nouit. de Iudic. ut & priuilegia, quæ conceduntur in vim pacti non possunt reuocari Anchar. in cap. 1. de constit. in 6. ut & ligatur lege contractus initi. Bald. in l. 2. C. de Serius Abb. & alij. in c. 1. de probat. Dec. in conf. 151.

Et ne dum princeps ligatur proprio contractu, sed & tenetur stare contractui inito per præcessorem, quando est factus nomine dignitatis, nisi fiat præiudicium his, quæ adhaerent dignitati principali, quæ dicuntur iura Regni, diadematis, & coronæ, nisi sit modicum, quid, & subsit causa, vel nisi principatus liberè sint possidentis, ut pluribus probat Greg. Tholos. de Rep. lib. 7. c. ult.

Et quamuis Princeps, ut superius diximus, leges possit mutare; tamen nullas leges, & consuetudines esse potius abrogandas, quàm quæ ipsi conscientiæ, & humanitati repugnant; & in condendis eis illud in primis cauendum erit, ne quid oleant fisci lucrum, ne priuatam procerum commoditatem, sed ad exemplar honesti, & ad publicam utilitatem referantur omnia, & eam utilitatem non ad vulgarem opinionem, sed ad sapientiæ regulam exigant, quam oportet, ubiq. Principibus in consilio esse. Alioqui ne lex quidem erit, fatentibus, & Ethnicis, ni iusta sit, ni æqua, ni publicis commodis consulens. Nec protinus lex est, quod Principi placuit, cui nihil placet, nisi quod honestum, & è Repub. sit, quod si distorta fuerit regula, ad quam exequenda fuerant praua, quid futurum est, nisi ut per huiusmodi leges etiam, quæ recta fuerant, deprauentur.

Et Plato vult leges esse quàm paucissimas, maximè de leuioribus rebus, veluti de pactis, commercijs, vectigalibus. Nec enim ex multitudine legum nasci salutem Reip. non magis, quàm ex multitudine pharmacorum. Vbi Princeps integer est, & officio suo funguntur Magistratus, nisi opus multis legibus, ubi secus habet, ibi legitur ab-

R 2 usus in

usus in perniciem vertitur Reipub. dum & bene condite leges sine improbitate aliò detorquentur. quidam.

Eiusmodi leges proponat Princeps, quæ non solum pœnam denuntient sensibus, verum etiam, quæ persuadeant non esse peccandum. Proinde errant, qui putant leges paucissimis verbis esse comprahendendas, ut tantum iubeant, non etiam doceant, imò magis in hoc sint occupatæ, ut deterreant a peccando rationibus, quàm pœnis, etiam si hanc Platonis sententiam non approbat Seneca. Sed audacter hoc quidem magis, quàm eruditè.

Multæ leges rectè quidem sunt institutæ, sed eas officiorum prauitas ad pœssimos usus detorsit. Nihil autem perniciosius bona lege ad malas res deflexa. Ab his igitur tollendis, aut emendandis non oportet Principem Fisci iactura deterreri. Nec enim compendium est cum honesti stipendio coniunctum, maximè cum sint eius generis, ut plausibilis etiam sit earum abrogatio. Neque verò sibi blandiatur, si leges huiusmodi compluribus in locis inualuerunt, ut diutina iam consuetudine inueteratæ sunt. Nec enim hominum numero constat honesti natura, & hoc diligentius est tollendum, quò magis inueterauit malū.

Quemadmodum Princeps, ita & lex semper debet esse propensior ad ignoscendum, quàm ad puniendum, siue quod per se benignius, siue quod magis respondet ad mores Dei, cuius ira lentissimè ad vindictam procedit, siue quod non rectè elapsus ad pœnam repeti potest, iniuste damnato succurri non potest. Is etiam si non perijt, quis tamen alterius aestimabit dolorem.

Nullis igitur commissis facibus, ac libentius ignoscet bonus Princeps, quàm quæ ad priuatam sui iniuriam pertinent.

Nam cui facilius est eiusmodi contemnere, quàm Principi? At huic vilesce quàm facile est, tam est inuidiosum, & indecorum. Cum enim ultio pusilli, & humilis animi sit argumentum, nihil minus competit in Principe, quem oportet animo esse excelsò, magnoq.

Non satis est Principem ab omni crimine abesse, ni criminis etiam suspitione, specieq. vacauerit. Quamobrem non solum perpendet, quid mereatur is, qui deliquit in Principem, sed quid aliij iudicaturi sint de Principe, & suæ dignitatis respectu nonnumquam ignoscet immerenti, & suæ consulens famæ veniam dabit, veniæ indignis.

Hinc quoq. asperauere carmina incertis autoribus vulgata, &c.

Super hæc verba sed Marcellum insimulabat sinistros de Tiberio sermones habuisse, dubitari potest.

Vtrum nemini liceat in Principem inuehi.

Non licet Principes libellis infamibus , vel petulanti lingua ,
vel maledictis insectari .

Primo, quia Dei iudicia exercent, iuxta illa, quæ in quaestione de dominio diximus, quod ampliatur etiam si malus esset, iuxta ea, quæ diximus .

Secundo, quia Principis delicta nec a populo corrigi, nec populi iudicio vindicari debent; si quidem populus semper ager est, semper insanus, à cuius arbitrato, sententiæ pendere, nec fortis est viri, nec sapientis, ut inquit Gergius Bucharanus in Dialogo de iure regni apud Scottos.

Tertio, ratione periculi, nam ut portenta sunt formidandi cum multis oculis, ipsq. emi. ijs, multis auribus ipsq. asininis, ac longis, multis manibus, pedibus sint instructi. Inde exploratores Principum oculi vocantur. Aristophanes in Acharnensibus, Sphenda tatham regis oculum appellat, quia per eum cognosceret quid ageretur, & in vulgo est, a Regibus cauendum, quod eis prælonga sint brachia nimium, quod per suos, quibus brachiorum vice utuntur, possint etiam procul diffitos affligere, & si diutius dissimulent solent tamen pœnam sumere de ijs, quibus insensu fuerint, ut dicit Homerus.

Rex Deus est, quoties succensuit inferiori,

Quamquàm etenim in præsens feruentem conquoquit iram,
Post odit, tamen usque odium dum expleuerit ultus.

Quare cum Princeps ut plurimum libertatem dicendi ferre non possit, & vindicta libera vota corrigant, mirum non est, plerumquæ deesse, qui illos ex animo, & syncerè moneant cum P. Camerario referente, perpauci inueniuntur, vel propè nulli, qui ipsos, ac non fortunæ splendores, & suas commoditates sequantur, attamen, ut inquit Durus de Pascuo in aulico politico, nemo debet celare veritatem patriæ, & Principi utilem, etiam si in vitæ periculum inciderit; melius enim est, & laudabilius perdere vitam, quàm suppressere salubre consilium, & mortuum veracem plus diligit Princeps, quàm adulatorem viuum, & heredibus mortui compensabit iustus, & prudens Princeps.

At dices Christus Herodem . vulpem vocauit, ergo licet in Principem inuehi.

R 3

Respon-

Respondetur Christum non ex Magistratus contemptu fecisse, ut inquit Cornelius Iansenius comment. in concor. euang. cap. 91. col. 3. Sed ex autoritate spiritus, & ad demonstrandam potentiam patris, qua fretus nec illum, nec quemuis hominem metueret, quam hominis libertatem non imitari quisquam debet, tum quia nemo ita sciat se præditum diuino spiritu, tum quia aliorum corda, & renes nemo, ut Christus rimari possit.

At dices, inuehi in Principem, præsertim malum videtur esse quædam hominum satisfactio, ac praua mentis leuamen, & verba populi esse pro delicti pœna.

Ad hoc respondetur, quod malicia sufficiens pœna est malo. Homo namq. prorsus improbus, præterquamquod ijs, quibus est natus in odio est, & reprehenditur, etiam ipse se modo quodam odit, cum eius conscientia sceleritatem odio persequatur. Rectè Seneca epis. 97. Ita est, tuta scelera esse possunt, secuta non possunt, quare? quia prima, & maxima peccantium pœna est peccasse, nec ullum scelus licet illud fortuna exornet muneribus suis, licet tueatur, ac vindicet, impunitum est, quoniam scelus in scelere supplicium est, sed nihilominus, & hac, & illa secunda pœna premunt, ac sequuntur timere semper, & expauescere, & securitati diffidere, & Plutarch. lib. de fera num. vindi. ergo si fas est dicere censo scelestos nullo neque Deo, neque homine indigere, qui supplicia ipsis imponant, ipsam ad hoc eorum existimo sufficere vitam totam à prauitate corruptam, atque conturbatam; nec opus est accrescere exempla: vnus erit pro multis Imperator Tiberius, cuius hæc extat ad Senatum epistola Suetonij c. 67. Quid scribam vobis patres conscripti, aut quomodo scribam, aut quid omninò non scribam hoc tempore? Dij me, Deaq. prius perdant, quàm quotidie perire sentio, si scio, &c. Quibus interpretandis faciunt illa Tacit. lib. 6. Adeò facinora, atque flagitia sua ipsi quoque in supplicium verterant. Neque frustra præstantissimus sapientiæ firmare solitus est, si recludantur Tyrannorum mentes posse aspici laniatus, & ielus, quando et corpora verberibus, ita seuitia, libidine, malis consultis animus dilaceretur. Quippe Tiberium non fortuna, non solitudines protegebant, quin tormenta pectoris suarq. ipsas pœnas fateretur.

Idem volunt Seneca in hæc, epis. l. xxxi. minimum ex nequitia leuissimumq. ad alios reddunt; quod pessimum ex illa est, & ut ita dicam spississimum domi remanet, & premit habentem. Quemadmodum Atalus noster dicere solebat, malitia ipsa maximam partem sui bibit. Illud venenum, quod serpentes in alienam perniciem proferunt, sine sua continent, non est huic simile hoc, habentibus pessimum est, &c.

Elu-

Eludant igitur, qui volunt, ut inquit Gruterus *leges scriptas*, imò pro imperij potestate etiam rideant, dummodo numquam imponant conscientia, cogantur gemere cum illo Petroniano. *Dij, Deaq.*, quàm malè est extra legem viuentibus, quicquid meruerunt semper expectant. Tullius pro Amerino; Nolite eum putare queadmodum sapè numero in fabulis videtis, eos, qui aliquid impiè, scelerateq. commiserint agitari, & perterreri Furiarum tadis ardentibus, sua quumque fraus, & suus terror maximè vexat; suum quemq. scelus agitat, amen- tiaq. afficit; sua mala cogitationes, conscientiaq. animi terrent. Ha sunt impijs, assidua, domesticaq. pœna furia.

Nihil horum negabit Nero, de cuius matricidio sic Tranquillus c. 24. Neque tam sceleris conscientiam, quamquàm, et militū, et Senatus populiq. gratulationibus confirmaretur, aut statim, aut umquàm postea ferre potuit; sapè confessus exagitari se materna specie verberibus furiarum, ac tadis ardentibus. Deq. eodem Tac. lib. 15. annal. Cum Ves- sta quoq. templum inisset, repente cunctos per artus tremens, seu numi- ne exterrente, seu facinorum recordatione numquàm timore vacuus, etc. Nihil Otho, qui teste Suetonij c. 7. dicitur ea nocte per quietem pau- faetus gemitus maximos edidisse: repertusq. a concursantibus humi ante tectum iacens &c. Nihil Domitianus, cuius sic meminit Xiphili- nus. Etiam ipse per somnum vidit, & Rusticum ad se cum gladio ac- cedere, & Minervam, quam in cubiculo statuam collocatam habebat, arma proiecisse, seq. incedentem currui nigrorum equorum in hiatum quemdam prolabi. Nihil Pentapolitana Libya rectorum, Iudeorum insignis carnifex, qui testante Iosepho lib. & c. ult. Multiplici morbo, & insanabili correptus, acerbissimè tortus est, non corporis tantum cruciatus sustinens; sed erat ei maior animi morbus, & grauior. Ter- roribus enim expauescebat, & crebrò videbat sibi instantes umbras eorum, quos peremerat, & clamitabat. Cumq. si tenere non posset exil- iebat stratis, tamquam tormentis sibi, & flammis adhibitis. Nihil Gallus, de quo prodit Marcellinus li. 14. Inter hac tamen per inducias natura quiescentis, sauciabantur eius sensus circumstridentium errore laruarum: interfectorumq. caterua Domitiano, & Montio præuijs correptum eum, & uti existimabat in somnis uncis furialibus obie- ctabant. Nihil Festus, qui cum Philosophum maximum supplicio af- fecisset; dicebat maximum numella collo iniecta visum fuisse ipsum ad Orcum pertrahere, sistendum Plutonis iudicio, ut recenset Euna- pius in vita Maximi. Quibus exemplis firmatur opinio Quintiliani censentis declamatione 314. Nec tamen illa mihi vana quorumdam videtur esse persuasio, qui credunt non extrinsecus has furias venire, nec ullius Deorum impulsu hanc mortalibus incidisse dementia, sed

nasci intus; conscientiam esse, quæ torqueas animum esse, qui vrat. Iterum gratulor. bene hercle factum est; quod etiam si omnes fefellerimus effugere non possumus nos. Hinc defensio illa Filotæ apud Curtium lib. 6. graui sopore acquiescebam, cum me malis meis indormientem inimici vinciendo excitarunt. Vnde, & parricidæ, & prodito tam alti quies somni? scelerati conscientia obstreperente, cum dormire non possint, agitant eos furia non consumato modo, sed & cogitato parricidio. Cui & assentiuntur ista Dionysii loquentis de seruilis coniurationis autoribus lib. 5. antiqu. Rom. In somnijs enim obseruabantur eis horribiles quadam species, intentantes pœnas atroces nisi cœpto desisterent; videbanturq. sibi exagitari a quibusdam a furijs, & verberari; tandem etiam oculis orbari, multisq. alijs supplicijs miserum in modum affici, ita vt terrore, ac tremore excitarentur, ac ne somnum quidem præ huiusmodi terriculamenti possent capere.

His de causis debet subditus a probis se abstinere.

At è contra principes deberent de se sinistros clamores cauere, cum præsertim, vel minima illorum peccata maxima videantur, eaq. etiam omnium celerrimè in vulgus emanare, vt inquit Castellanus. Regum enim, vt inquit Seneca in lib. priori de clementia facta, dictaq. rumor excipit, quia fugienda est etiam suspicio peccati, vt egregiè monuit Isocrates, vbi dixit calūnias quoq. esse vitandas, quæ de re etiam Plautus.

Omnes bonos, bonasq. accuratè adderet, Suspicionem, & culpam vt ab se segregent.

Hoc significauit, & Seneca in eodem libro cum dixit, Princeps etiam debere multa fama dare, vt Marcus Antonius Philosophus, qui vt refert Iul. Cap. fama suæ curiosissimus erat, & requirens ad verū quid quisq. de se diceret, emendans, quæ bene repræhensa viderentur. Quamobrem, vt Arist. in his. inspicere assidue in tuam gloriam, & excellentiam dignitatis tuæ, vt ita consentanea illis, & loqui, & cogitare studeas ex hac animi sententia. Quia omnes, quibus tu imperas de te cogitent, & loquantur. Nam nihil prorsus in te debet esse simulatum, & fictum, quæadmodum, nec personam illam quam sustines fingere, & simulare potes. Hoc alij intercernentes omnes similiter studebunt agere; verum tu nihil simulas, neque es Rex personatus, sed præstas Regem verum ex gratia Dei, qui pro tuorum morum præstantia tibi imperium dignum contribuit. Quare.

Miseros subditos aliqua in re ne reddat, nam vt Liuius lib. 31. dant animum ad loquendum liberè vltima miseriæ, & afflictis debet veniam dare, iuxta illud.

Da veniam afflictis, dictisq. ignosce superbis.

Nam vt Agapetus de officio Regis 63. si delictis tuis ignosce desideras
his

bis etiam, quietè offendent veniam dare non detrectes, quoniam remissioni retribuitur remissio, & cum directa, ac consulta cum consensu nostris gratia refarcitur Dei amicitia, & familiaritas reconciliatur. A delictis abstineant; nam sicut in fauendis sceleribus prompti, ita audiendi, quæ faciunt insolentes, ut inquit Tacit. 15. ann.

Super illa verba subuenit Cæsar, & Propertio Celeri Prætorio veniam ordinis ob paupertatem petenti, decies sextertium largitus est, dicendum est.

De Liberalitate.

Cum propria bonorum Principum laus sit benignitas, ac beneficentia, qua tandem fronte principis vocabulum sibi vindicant, quibus omnium consiliorum summa huc tendit, ut cunctorum incommodo suis consulant rationibus? In hoc igitur erit ingeniosus, ac vigilans princeps, quo pacto possit de omnibus bene mereri, quæ res non est tantum in dando sita. Alios iuuabit liberalitate, alios fauore subleuabit, alios afflictos autoritate sua liberalitate, nonnullis ingenio consulat. Et hoc animo erit, ut eum diem sibi perisse putet, quo non beneficio suo iuuerit aliquem. Nec tamen temere collocanda est principis liberalitas. sunt enim qui indecenter extorqueant a bonis ciuibus, quod in moriones delatores, & voluptatum ministros effundant. Intelligat Respub. ijs potissimum expositam Principis benignitatem, qui publicis commodis quam maxime consulant, virtuti præmium sit non affectui.

Illud beneficentiæ genus maximè seruandum est Principi, quod cum nullus incommodo, aut certè iniuria coniunctum est. Nā alios spoliare, ut dites alios, hos pessundare, ut illos euebas, adeo non est beneficium, ut geminum potius sit maleficium, præsertim si quod dignum ademptus est, ad indignos transferatur.

Preces non expectet, nam quemadmodum Sol non expectat preces, & præstigias, ut exoriat, sed illico fulget, ac salutatur ab omnibus. Ita neque tu expectaueris plausus, strepitus, ac laudes, ut benefacias, sed spontè confer beneficia, & æque, ac sol amaberis. Epictetus apud Stobæum ser. 4. de magistr. In principe enim magis liberalitas eminare debet, quam in alijs, quia Princeps est non ditari, sed alios ditare, quasiq. flumen de cursu numquàm desistere benemeredit; etenim sicut uno sublato extra numerum qui ante erat, amplius non est numerus, ita qui iure princeps esse censetur, statim cessat esse, si beneficentia, & libera-

liberalitas tollatur, ut inquit Farnesius lib. 1. de simula. rei. cap. 7.

Beneficium præstò sit, quemadmodum enim in agris opportunitas cibi salutaris est, & aqua tempestiuè data remediij. locum obtinuit. Ità quamuis leue, & vulgare beneficium sit, si præstò fuerit, si proximam quamq. horam non perdidit, multum sibi adiicit, gratiamq. prætiosam, licet lentam, & diu cogitati muneris vincit, Seneca lib. 2. ca. 2. de benef.

Sciat princeps nihil esse humane naturæ accommodatius, quàm liberalitas, quæ regna conseruat, non omne quidem liberalitatis genus, ut inquit Lucius Paulus Rosellus in imag. reg. principis, serm. 1. sed quæ tempus, & hominum merita seruat; sicut enim in telis eadem ferri vis est, sed in infinitum interest utrum excusso a certo excutiantur, an remissa manu effluant. Gladius idem, & stringit, & transferat, quam præstò articulo venerit refert, Idem est, quod datur, sed interest quomodo detur, ut inquit Seneca 2. de benef. 6. & primis obiter modis omnibus ad obseruandum ne iustitiæ fundamentum vacillet, & deficiat, ut quisque pro facultate tribuat, ut cuiq. pro dignitate, proq. merito tribuatur, ut inquit Alexius Salamanca de Rep. Christi, dialog. 2.

Illud etiam obseruandum, ut in dando artificium seruet, si inuidiam apud multos effugere cupit, ità ut unusquisque habeat, quod se ceteris præferat; nam ut inquit Seneca quemadmodum meretrix ità inter multos se diuidit, ut nemo non aliquod signum familiaris animi ferat. Ità qui beneficia sua amabilia vult esse, excogitet quomodo & multi obligentur, & tamen singuli habeant aliquod, quo se ceteris præferant.

Quamuis autem beneficentiæ semper magna vis, magis tamen in malis publicis elucet, si videlicet subditi ob annonæ caritatem, pestem, terræmotum, incendia, inundationes hostium, incursiones, inopia laborarent. Hipp. a collib. de princip. cap. 5.

Boni principis est nobiles familias etiam collapsas restituere, & merentes augere, & fouere. Plin. lib. 1. & subditis suis praua aliqua calamitate afflictis subuenire, tum ex arario publico, tum tributorum remissione, Tacit. lib. 2. annal.

Regis benefaciendo vniuersis sponte subditos subiectos habere, eosq. cum liberalitate, & clementia regere, & in mutua cum subditis beneuolentia semper viuere. polit. 5. lib.

Miserum extollere debet, virtutem promouere, & ut inquit Simmacus disciplinarum professoribus premia opulenta pendere, ubi enim proposita sunt premia virtutum, ibi student homines, & omnes ner-

uos intendunt, ut ad gloriam contendant, ubi nullum discrimen est inter ignaum, & strenuum, inter bonum, & malum, ibi prorsus virtutes algent, ut inquit Caste lib. 2. de off. reg.

Ad perfectam liberalitatem hac requiruntur; primo, ut largitio fiat iuxta facultates dantis; deinde, ut ne detur improbis; tertio, quod datur sit a dante iure possessum; quarto, ut adsit loci, ac temporis opportunitas; neque enim omnia publicè, omniq. tempore danda; quinto, ut citò detur; sexto, ut detur sine tristitia; ultimo, ut detur ob honestum finem, non ob utile. Boetius lib. 2. de consol. dicit, quòd largitas maximè charos facit. D. Ambr. lib. 1. off. cap. 28. iustitia excellentior videtur, liberalitas verò gratior, sed intellige liberales maximè diligere amore, qui est in bonum utile, non in honestum. Alioquin liberalitas esset nobilissima omnium virtutum.

Non solum liberalis, verum etiam beneficus sit, differt autem a liberalitate beneficentia, quòd liberalitatis vis multo est restrictior, beneficentia latior, altera continet, continetur altera, ad alteram pertinet beneficentia omnia genera, ab altera tantum exigitur, quòd largitione sola continetur. Iacobus Pholius de benef. lib. 1.

Tandem omnes Leonem X. Pontificem maximum imitari deberent, de quo Iovius in vita eius hoc dicit. Ceterum nulla in re ardentius, & effusius, quàm ad liberalitatis gloriam anhelavit, eos principe indignos existimans, qui nec quaquam benefica manu fortune muneribus uterentur; nemo enim vel civis, vel peregrinus, qui paulò nobilioris artis famam teneret, nemo, vel malè sanus Poeta, nemo alicuius optimarum litterarum partis non ignarus unquam fuit, qui benignitatem humanissimi principis non senserit. Quin etiam ipsum cœnantem spectantes, & ex his adinuentitijs, & parum notos homines. Ultrò pecunia donare erat solitus, & præsertim libentius, quum, ab soleta veste indutos conspiceret. Purpuream etenim crumenam quotidie aureis nummis sibi repleri iubebat, ad incertas exercenda liberalitatis occasiones. Sacerdotes quoque fraterculos, & sacras virgines, qua intra septa religiosè pudicitiam custodirent menstruis subsidijs elemosyna nomine iuvant magnum veteranorum militum alebat numerum, nihilq. vehementius contendebat, quàm ut nemo calamitatem, & fortuna adversa mala, & incommoda pateretur.

Super illa verba: Id quoque morum Tiberij fuit continuare imperia, & plerosque ad finem vitæ in ijsdem exercitijs, aut iurisdictionibus habere, dubitatur.

Vtrum

Vtrum Magistratus perpetui esse debeant, & de multis ad illum pertinentibus .

SI ipsum magistratum spectemus, perpetuum quisque censebit; ita enim magistratus non ab inexpertis, sed a peritis administrabitur; at si ciuium merita consideremus, & vniuersum Reip. ordinem, temporaneum iudicabit quisque, alia enim aetas, alium magistratum exposcit minor, vel maior, & ciuibus meritorum equaliam non est elaudenda via ad gradus dignitatis aequales .

At obijcies, omnis mutatio in Republica est periculosa, ergo magistratus mutari non debet .

Respond. Buridana, quod duplex est mutatio rerum, & personarum, illa innouationem arguit, hac seditionem tollit .

Obijcies, iniustum est virtuti premium negare, ergo iniquum est homini virtute praedito magistratum, qui est quasi virtutis premium detrahere .

Respond. quod prudentia, quae est mens ciuitatis in hac alterna magistratuum successione bonum non priuatum, sed publicum respicit; fieri enim non potest sine ciuium iniuria, vnus ut semper sedeat ad gubernacula, cui pares subinde sentinam exhauriant, sed ut de vulgibus in bello, sic de magistratibus in pace. Virg. Aen. 9. succedant, seruentq. vices .

Et si princeps magistratus vendere potest, & Arist. lib. pol. 2. cap. 2. laudet, & honestati, & utilitati inseruiat, quandoquidem, ita res crescit publica, ditiores ij fiunt, penes quos eligendi potestas est, & liberalitas, & gratitudo laudem parit, neque turpe mercari officia, si modo qui dat non secretò, sed publicè det, & cupiat prodesse; tamen vendere omnes magistratus non deberet, sed aliquos; omnes enim magistratus vendere, est tollere bonum publicum ciuitatis, quod solum virtuti debetur, & hoc modo honesta paupertas ab omni dignitate Ciuitatis excluditur, & facit contra virtutem: dignitas enim non pecunia, sed virtute emitur. Ambitio locum habet, quae in omni re-cta administrata ciuitate prohibetur, & periculosum est tribunal iustitiae pecunia corruptum, ut quidam inquit, & necesse est, ut ait Seuerus Imperator, ut qui emit, vendat, & nemo imperij flagitio quaesitum, bonis artibus exercuit.

Pra-

Præterea Reip. malè constituta est argumentum, cum omnes magistratus venales sunt, principatus, ac regna pecunia parantur, ut inquit Plato lib. 8. de Rep. quare Princeps non deberet magistratus videri, sed donare ijs, qui illis digni sunt: Nec illi patiendam esse, ut alij, qui se impetrasse illorum nomine dicat, magnum dandum sit munus, sed & sua potius gratia debere id beneficij facere, quàm procerum, qui eos, quibus ad impetrarunt suas creaturas vocant, & velut obnoxios sibi esse volunt, si quando eorum opera opus habeant in ijs, quæ magistratus sui ope gratificari possunt.

Nemini concedendum, ut ultra tempus gerat magistratum, qui enim ipse sibi magistratum continuat, tandem & se quoque Regem, aut Tyrannum efficit. Liuius lib. 9. Magistratus est gubernare, & tueri ex legum præscripto Remp. Itaq. neque mera, neque infinita potestas est magistratui tribuenda.

Imperito princeps magistratum non præbeat, ut enim qui primo musicen discunt, citharas aliquot perdunt, & obterunt, ita magno Reip. malo administrat magistratum qui rudis accedit, & imperitus, quidam, eligere enim inhabiles, ac publicæ administrationis inexperies, est eis insidias tendere, ut inquit Tattius de optimo reg. magistratus pratorij, & ut Plato lib. 5. de rep. magistratus de suo munere ignorantia est summa Reipub. pernicies, atque Resp. sapientem habet magistratum populi, habet felicitatem summa virtute pari utilitate amplificatam, ut inquit Farnesius lib. 2. cap. 1. de simul. Reipub. etenim Ciuitas talis redditur, quales sunt magistratus; nam quemadmodum mare natura sua innoxium est rectè ventibus, & firmum, si verò violenti flatus in illud irruerint, tale redditur ventibus, quales sunt venti, a quibus circumquaque impellitur, ita & multitudo talis reddetur ventibus, quales habet duces, & consiliarios. Polyb. lib. 2. hist.

Qui magistratus ab omnibus spernitur, inutilis est, ac proinde deponendus, alius substituendus. Polyb. lib. 5. hist.

Magistratus demandentur ex populi suffragio, saltem ex consensu, neque vni, & eidem plura munia publica delegentur, sed singula singulis, vnum enim virum rei gerenda idoneum esse multum est. Arist. 6. polit.

Mandentur autem magistratus viris virtute præditis, prudentibus eius rei, quæ in eo magistratu tractari debet, callentibus, veracibus, & dignis non ex sensus ratione, sed virtutis, & scientia gradu; denique ijs, qui nulli sint ex ciuibus hostes, & insensi. Arist. lib. 7. cap. 7.

Diui-

Diuitibus, & nobilibus sua quadam publica munera peculiariter reseruanda. His quidem ea, quæ sunt militaria, illis autem ea in quibus maiores sumptus sunt faciendi, lib. 3. Polyb.

A magistratu absit sæuitia, nullus enim est tam gratus populo magistratus, quin eidem inuidiosus, & exosus fiat, ubi sæuitiam aduersus plebem exercet. Liuius lib. 3.

Histrionum sic affectus, ac mores addet fabula de suo, ut præscriptum tamen, & numeros non prætereant; ita qui magistratum gerit sic administret, ut præscriptum Regis non exeat. Plutarch. in mor. sicut igni quæcumque admouentur ipse primum innata sibi vi calet, nix contra suapte natura frigida, in frigidat, & alia; sic Iudex ipse debet esse plenus iustitia, si alijs ius administraturus est, a quo ceu fonte promanant fluentia dulcia legum, & potabilia sitientibus iustitiam; id ita demum fiet, si is, qui ad iudicandum ascendit tribunal, iudicari se non minus, quam iudicare cogitet, & una cum potest uti assumat prudentiam, ne decipiatur, iustitiam, & suum cuiq. tribuat, fortitudinem ne flectatur precibus, aut misericordia, quo minus animaduertat in conuictos sceleris. Philo. in lib. de iud.

In iudicando ne statim pronunciet, nam præcipitati iudicij saepe pœnitet.

Auaritia nullo modo ne studeat, neque impellente ea vim inferiori afferas; in mari enim piscis minor esca maioris est, & si umquam euenit, ut is qui minorem superauerat, alterius præda fiat; ambo tum simul deglutiuntur, & unum ultimi piscis immersi ventrem ingrediuntur. Quid quaeso nos homines aliud agimus, cum vim afferimus inferioribus? quid interest inter eum, ac ultimum piscem, qui suam improba, & intemperanti cupiditate diuitias consequendi in inexplebiles auaritiæ sinus imbecilles ingerit homines, atque abdit. Ille pauperis patrimonium raptum habuit, tu illum oppressum, partem tuarum facultatum fecisti, iniustus iniustiore profectione, atque auaris, auariorem ostendisti. Prouideto, ne finis idem tibi, qui piscibus euenire crebro solet, occurrat hamus forsitan aut nassa, aut etiam rete. Basil. hom. 7. exam.

Diligenter igitur, ac sedulo cauendum est personam Reipub. sustinenti, futuroq. Iudici, ne turpi aliqua lucri cupiditate illectus sinceritatem iudicij, & veritatis dignitatem opulentioris rei iniquæ causæ posthabeat, fideq. ditari breue ad tempus malit, quam suprema in celi arce summi Dei in conspectu inexhaustis frui diuitijs, & diuina quadam animi voluptate diffundi. Neque enim veri iustiq. metus recte, atque legitime momenta ponderanti, tam est verendum auaritiæ

ritia in aliquo propter humanam pœnam, crimine deprehendi, quàm
supremi conditoris omnium horrificè sententiæ nexu implicari, & iu-
dicio distringi. Inq. illius summi numinis iram, & offensionem tur-
pi aliqua prolaptione animi præcipitanter incurrere, ut inquit Iacob.
Tapiæ de tripl. bon. & vera hominis nob. lib. 11.


Lib. 1. Regum, Abig. prudentissima scœmina prædicatur, quòd
impium Nabal maritum suum obiurgatura, cum vesperi illum vi-
deret ebrium, expectaret in alterum diem, dum vinum digessisset.

Sic loci, temporis, delicti personarum in puniendo rationem ha-
bere oportet. Et principijs obstandum est: Omne malum nascens
facile opprimitur, inueteratum plerumquè sit robustum, alij publi-
cè, alij priuatim puniantur. Minore supplicio dignus est, qui
fortuito, & semel, aut rarissimè deliquit, quàm qui petulanter, &
ex maleficio consuetudinem facit. Nobiles peccantes duplici pœna
iudicat Philo. lib. de creatione principis: quod & malè agant, &
maiores suos vitijs dedecorent. Sed Panormitanus de Alphonso Re-
ge narrat, quòd in nobilem quemdam virum læsa maiestatis reum,
tacito iudicio, præter morem animaduertit: ne aut scelus maneret
impunitum, nec vnius hominis perfidia tam nobilis familia in notam
infamiae incurreret. Et iure nunc constitutum, atque moribus re-
ceptum est, nobiles delinquentes mitius puniri. tex. glos. atque Do-
ctores in cap. ultimo, de pœnis. Nicolaus Boerius decis. 173. num.
3. & in tract. de seditiosis, num. 50. Guido Papa decis. 106. Didac.
Covarr. lib. 2. variarum resolut. cap. 9. nisi enormiter deliquerint.
Grammat. decis. 23. Tiraquell. de nobilitate, cap. 20. similiter scœ-
minis ob fragilitatem sexus, minoribus, atque pupillis ob rationis,
& ingenij, ac intellectus imbecillitatem, nec non senibus, & infir-
mis multa conceduntur, quæ tamen propter necessitatem, & gra-
uissimas causas fortè recepta sunt, non debent in argumentum tra-
hi, l. quæ propter necessitatem, ff. de regul. iur. cap. cum in cunctis.
extra de elect. & electi potestate. Terentianus Mitius fieri aliquan-
do ait, ut duo cum idem faciunt, huic impunè liceat facere, illi non
liceat: non quod dissimilis res sit, sed quod dissimilis is, qui facit.
D. tamen Hieronymus iniustum fore scribit, si pauperes publicè ar-
guantur, punianturq. diuites maiora designantes non corripi, atque
propinquis omnia indulgeri. Saul Rex Israel filium suum Iona-
tam, quod contra præceptum egisset, punire voluit, nisi populus in-
tercessisset. Assuero Regi sapienter respondetur: plus oportere il-
lum rempublicam curare, quàm Vasthi Reginam superbam: ne
factum eius reliqua mulieres liberius imitarentur. si vero nihilomi-
nus

nus reprehendantur, magistratus meminerint, quod Alphonsus dicere solebat: Principum esse benefacere, & malè patienter audire: ut Fredericus III. Roman. Imperator aiebat: Principes tamquam signum ad sagittam expositos. Ipseque rex regum Christus Iesus, cum de omnibus optimè mereretur, alij dicebant; quia bonus est, alij negabant, vocabantque seductorem populi. Iacobus

Miden-
dorpius in Quæstionibus
theologicis, & po-
liticis.

Finis Primi Libri.



I N

IN LIBRVM SECVNDVM
QVAESTIONES AC DISCVRSVS
PETRI ANDREAE
CANONHERII.



Isenna Statilio Tauro, Libone Consulibus, mota Orientis Regna, Prouinciæq. Romanæ initio apud Parthos orto, qui peti- tum Roma, acceptumq. Regem quamuis gentis Arsacidarum, vt externum, asper- nabantur. Is fuit Vonones obses Augusto datus a Phradate. Nam Phradates quem- quam depulisset exercitus, ducesq. Roma- nos, cuncta venerantium officia, &c.

Super illa verba venire in Urbem legati dicendum.

De Legatis, & de multis ad legationem
pertinentibus.

Duo sunt, quæ post principes primos obtinent locos, exercitus dux, ac legatus, sine quibus Resp. rectè regi, & permanere non potest. De primo seorsim in libro de Imperatoris officio, lo- quimur, de legatione autem hic, quam non curiositas inuenit, sed ne- cessitas: Imbecillitate scilicet, & sorte humana regentes eò mittunt legatos, quò se ipsi capessere nequeunt. Horum diligentia in rem præsentem quamlibet longinquam perducuntur, alieno ore cogitatè loquuntur, & commodè, vt inquit Carolus Paschalius de leg. cap. II. denique aliena sapientia, vt ait columen sapientiæ subducunt se ingentibus periculis. Porro legati nomen variè, vt vult Sigonius de antiquo iure prouinciarum accipitur, alij enim in prouincijs mor- rabantur, vt S. P. Q. R. voluntatem populis denunciarent, alij consi- liarij, & coadiutores prouinciarum præsidibus destinabantur, vt Mar. Varro de ling. lat. intellexit, legatis, qui publicè lectis, quorum opera, consilioq. vterentur, peregrè magistratus, quique nuncij Sena- tus, ac populi essent. eodem ferè modo illos Cicero in Vatinius Nun- S cios

eios pacis, ac belli curatores, interpretes bellici consilij, autores muneris prouincialis ministros appellauit. Appianus in 4. de bello ciuili, legatos Romani appellant, quos prouinciarum rectoribus addunt, ut ijs subsidio sint. eodem modo Caesar in 3. de bello ciuili his verbis; alia sunt legati partes, alia Imperatoris, alter omnia agere ad præscriptum, alter liberè ad summam rerum consulere debet; existimat autem Sigonius hos legatos tribus pauciores non extitisse, Liiij autoritatem allegans, qui dicit decernunt, ut C. Sulpitius Prætor tres ex Senatu nomine togatos, & Q. Ciceronis exemplum, qui tres in Asiam secum duxit; horum maxima erat auctoritas, ius enim militibus dicebant, in delinquentes animaduertebant, ut inquit Macro de re militari, & donec præses aberat, vel ante tempus discedebat rerum omnium summo cum Imperio relinquebantur. Genus aliud nobilius legatorum erat, qui ad Reges, vel Resp. amicas, vel inimicas rerum gerendarum, vel pacis deprecanda, vel belli denunciandi, vel fœderis ineundi, vel pactorum seruandorum, vel auxilia petendi, vel amicitie retinenda, vel gaudij, vel doloris causa ex Senatus auctoritate legebantur, de quorum genere sermo noster erit.

Adeo hoc munus nobile est, ut Deos eo vsos Poeta tradiderint, ut de Iride Iunonis:

Irim de cælo misit Saturnia Inno.

& de Mercurio Ouidius:

Hinc se sustulerat paribus caducifer alis.

Nos quoque Deum nuncios habuisse legimus; multos enim, & in nouo, & in veteri testamento a Deo Angelos missos fuisse omnibus satis constat, & nomen Angeli, quod a nomine ἄγγελος deductum est, Latine idem significat, quod Nuncius, ut Diuus August. lib. 5. super Genes. ad litteram, cap. 19. notauit. Quocirca si vim ipsam nominis spectemus, non alicuius nature (quamquam id vocabulum usurpetur, ad significandam peculiarem naturam,) sed officij est vocabulum, ut annotauit etiam Tertullianus de carne Christi, & D. August. in Psalm. 113. exponens illa verba, qui facit Angelos suos spiritus, quorum sensus est, qui facit Angelos nuncios suos; iuxta illud etiam Hebr. 1. Omnes sunt administratorij spiritus in ministerium missi, quamobrem Ioseph. lib. 15. cap. 8. a Deo ipso legatorum originem repetit, qui ob id Angelos creauit, ut hoc apud se munere fungerentur. At Isidorus lib. 4. primam legatorum originem Bello tribuit, qui primos duos legatos misisse fertur, cum Poeta eandem Pallamedi adscribant. Dicti sunt legati a legendo, quod publice lecti mitterentur, ut ait Varro,

Varro, quemadmodum enim multa inter absentes commodè per litteras explicantur, ità rursus quædam quò secretiora sunt, magisq. celanda hoc litteris commissa, & facilius, & maiore cum periculo multorum in eorum, quos minimè volumus manus incidunt, ut inquit Brunus de legationib. cap. 2.

Adeo autem ad legationem necessaria sunt missio, & mandatum, ut sine his nulla legatio esse possit. Porro mandatum non definitum, ac determinatum esse debet, sed liberum, ut rebus turbidis consulere possit, ne id eueniat quod Tacit. lib. 19. scribit ex distantibus terrarum spatij consilia post res afferebantur, & Romani libera mandata legatis, ac exercituum ducibus dabant, id solummodo eis recordantes, ne Resp. aliquid detrimenti caperet.

Possit dubitari, sorte, an electione sint mittendi, de quo aliqua inter Eluidium Priscum, & Marcellum Epium, apud Corn. Tac. sed ego censeo legatum honoris causa posse sorte eligi. Ille autem absolute eligendus, qui graui negotia est tractaturus.

Qui mittendus est, aliæ conditiones, aliæ virtutes quàm potentia, autoritas, opes aut apud principem fauor requiruntur, ut pote morum integritas, eruditio, politia, ac omnes animi corporis, & fortune dotes, actionumq. humanarum usus, & experientia, sine quibus hoc munus commodè sustineri non potest, ut quæ Neocles in uterum matris Epicuri omnes atamos sapientia concurrisse dicebat, ità in hunc omnes natura rariores dotes conspirasse, vult Philippus Huraltus in libello de legatione.

Requiruntur in legato honesta diuitiæ; nam illud sciendum est, facultatum inopiam ad prauaricandum legatis maximam ausim præbere, ut interim necesse sit, legatum turpiter victum queritare, aut ad singultum fame necari, si aliunde facultates non obueniant; nam ubi rei familiaris angustia est, ibi ferme omnia venalia esse solent. Si Legato facultates ex voto non suppetant contra iusiurandum, fidemq. Principi datam præuaricabit, exterorum Principum munusculis inhiabit; hinc inde lucrum captabit, & quoslibet adulatorum more præhensabit, nihil denique prætermittet, ex quo se utilitatem percepturum arbitretur. At si legato opes, & facultates supersint, suam autoritatem luculenta festiuitate retinebit, nec precibus, nec muneribus mouebitur, sed fidelitatem iureiurando promissam, nec non debitum silentium, ac taciturnitatem seruabit. Veritus ne si proditorem, aut prauaricationem admisisse conuincatur, ex iure in eum agatur, eius bona Fisco adsudicentur, eiusque nomen, & familia damnetur. Idem.

S 2

Qui

Qui legatos mittunt, diligenter circumspicere debent, ut sint quos mittunt rerum, quæ eis mandantur periti, quod & sapiens admonet. Prou. 28. Dum inquit Claudus pedibus, & iniquitatem bibens, qui mittit verba per Nuncium stultum, & iterum Eccles. 10. Initium verborum ignorantis, & insipientis est stultitia, & nouissimus verborum error pessimus. Deinde &

Qui mittuntur non debent munus, cui se impares esse agnoscunt temerè suscipere, scriptum est enim. Ecclesiast. 5. Si tibi est intellectus, responde proximo, sin minus sit manus tua super os tuum, ne capiaris in verbo indisciplinato, & confundaris honor, & gloria in verbo sensati, lingua verò insipientis subuersio est ipsius.

Sed & prudens, & periti ea modestia vtentur, ut non statim oblatum legationis munus suscipiant, quin potius imprudentiam honesta aliqua ratione excusent. Nam hoc modo, & maiore cum honore mittentur, & qui eos mittunt, si res secus, quàm volunt successerint non habebunt, quod ipsis missis imputare possint. Conradus Brunus de leg. cap. 4.

In his autem rebus, quæ vel in totum, vel aliqua ex parte in dicendo consistunt, ut in cæteris rebus ita, & in legationibus parum prodest scientia, & prudentia, sine eloquentia. Quantumvis enim doctus, prudens, & expertus sit legatus, nisi negotium sibi mandatum commodis, ac idoneis verbis, & sententijs, & omnia, ut negotij, quod gerit qualitas exigit exponat, nihil egerit, sed in ventum potius, ut dicitur laborauerit; nam ut Cicero inquit eloqui copiosè modo prudenter melius est, quàm acutissimè sine eloquentia cogitare.

At legati eloquentia non debet esse verbosa, inanis, vaniloqua, fallax, temeraria, inconsiderata, sed eloquens debet esse pro qualitate rei, personarum, ac temporis, quique verba attemperare posset, ut neque duriora, neque mitiora, neque plura, neque pauciora, quàm oportet, nihil inconsultò, nihil temerè, sed omnia deliberatè, & prudenter, & in tempore proferat. Idem.

Sermo tandem sit simplex, nudus a coloribus, figuris, luminibus, & sententiarum, & rationum pondere magis, quàm elaborata dictione illustris.

Legatus philosophus merus vix admittitur, nisi fuerit imbutus historiarum cognitione; nam quæ futura sunt plerumque paria ijs sunt, quæ iam peracta sunt, quæ nosse debet legatus, quia politicus. Durus de Pasceo in aulico politico.

Legatus teneat linguam illius, apud quem legatus est, ut multa incom-

incommoda impediuntur. Discant itaq. nobiliores, ut ijs in immutanda oratione, qua prudentes principes delectantur uti queant latina alioquin bene intellecta sufficit; nam imprudenter Nicephorus homini imponit omnium linguarum adiscendarum onus. Nec *Mitrid.* linguas 22. sed idiomatica calluit. Idem.

Sed si Legati linguæ eorum periti non sint, ad quos mittuntur, nihil prohibet, quin interpretis ministerio, aduocationibusq. uti possint, quod & Romanis in usu fuisse testatur. *Cicer. in orat. pro Cornelio Balbo.*

Sed ab interpretibus caueat, qui dum quadam omittunt, quadam addunt, quadam aliter narrant, perdunt orationis gratiam.

Admonendus hoc loco interpretes, ne exteris legatis adhibitis iniquiora postulata lingua sua exponat, ne fortè accadat ei, quod *The-mistocle* in interpretem quendam admisisse traditur. Is enim missis a rege legatis maris, & terra imperium flagitantibus, interpretem, per quem hæc dixerant, publico decreto comprehensum iussit interimi, quod Græcorum lingua ad barbarorum nutum, & imperium usus fuisset.

In legato exterior quadam species desideratur; nam quoties decora species obtutui sese offert eadem virtus, quamuis latens, animo sese insinuat, & in corporum maiestate venerationem esse liquet sic *Alexander Magnus* despectus a regina *Amazonum* traditur, quia non eam pulchritudinem in maximo illo Rege reperisset, cuius ingentis rerum gestarum fama rumore celebris ad ipsam venerat, sic *Cato Stoicus* in legatos populi Romani iocatus fuisse legitur, quorum unus lapide in caput percussus, fœdas cicatrices præferebat, alter pedibus laborabat, dicens mittit populus Romanus legationem, qua nec caput, nec pedes habet.

Iam propioribus lineis certum est signare legatum, hic enim est rerum arbiter, & quidem ingentium, idemq. minister gentium, & imperiorum hic, ipse subit ardua rerum, confragosa complanat, implicita explicat; huius sollertia, & fœlicitas est pars, sæpe origo, sæpe cumulus salutis, & fœlicitatis publicæ. Eius item secordia, & infœlicitas progignit ea mala, ultra qua mala nulum est.

Hinc datur intelligi quàm non nouitio, ac Tyroni tale onus aptandum, sed quàm sollicitè sit quarendus & stipendiosus, & multis exercitijs pratentatus, denique is qui laudes industria, fideiq. magnis experimentis sæpe sociauerit, ut quacumque partes ei mandata fuerint, feliciter agat. *Paschalius de legato cap. 11.*

Sed quomodo agere debeat, hæc sunt, legatus summopere curet,

ne neglecto principe, vel consensu eius excluso, quicquam etiam utiliter gerat, in primis si longè non abfuerit, alioquin tamquam contemptus offenditur. Durus de Pascuo in aulico politico.

Legati ad externos principes missi, magnam in rebus, & statu illorum principum cognoscendo prudentiam, & diligentiam adhibeant, ne quid postea suadeant suis principibus, a quibus mittuntur inutile, aut falsum. Cumineus cap. 93.

Legatus sit celeris ingenij motu præditus, ut argutè, ac eleganter proponat, & respondeat, dicat, agatq. solerti iudicio ante cogitata, & non cogitata, sunt enim actiones plerumque tales, quæ tempus ad consultandum non præbent.

Semper plus timent de bono exitu, quàm speret, ne incuriosus commissa tractet, fiducia felicitis exitus; aliàs curiositatem in omnibus alijs fugat autore Plutarcho, nam si eam validam alendo reddiderit, & violentam is propter consuetudinem deinceps difficulter eam cobibere in ijs poterit, quæ curare non liceat. In aulis usque adeò est curiositas grata titillatio, ut inhiberi nullo modo possit.

Negotia, quæ incipit occultet, quousque ad exitum perducta fuerint, alioqui multi moti invidia ea impediunt, vel prudentiæ detrahunt, quod non citius finem actioni imposuerint.

Nihil in mandatis propria autoritate, occasione rei melius gerenda mutare debet, sed omnia ad præscriptam legationis formam referre, vel principem super noua, & incidenticausa consulere. Durus de Pascuo.

Officium legati præcipuum est, omnia fideliter, & ex animo agere. Finis verò est ea facere, & ijs rebus consulere, quæ Reipub. suoq. Principi maxime conducere videntur, erga quem summa legato fidelitas numquam desit, fidemq. in verbis, & factis in pijs præstet necesse est: nam si fides est fundamentum iustitiæ, idest dictorum, conuentorumq. constantia, & veritas, eam qui violat, iniustus & haberi, & nominari iure potest. Sed in Legato nostro fidem optimam, & spectatissimam, quæ veritate constricta est, desideramus: atque eum ita simplicis veritatis amicum esse volumus, ut ab omni fraude, & mendacio, quod non cadit in virum bonum, abhorreere videatur: Id enim, ut ait princeps philosophorum Plato, omnes homines, Diijq. oderunt. quare turpiter fecit Aeschines, qui ad Philippum Regem Legatus, fidem violauit, unde a Demosthene e mentite Legationis est accusatus. Præterea verò legati præcipuum, & maxime proprium opinamur, naturam Principis, ad quem est missus; atque etiam eorum, quibus Princeps utitur, & consiliarijs, & ministris aequè, ac suam cognoscere; ac Principis quidem ingenium optime

optime meo iudicio, & facillimè nouerit, si in eius persona diligenter animaduertet, ac notabit omnia, quæ illud possint indicare notet autem in primis formam hominis, idest corpus oculos, vultum, frontem, unde naturam, & mores eius, ut apud Aristotelem est, poterit perno- scere: atque hinc quidem se naturam cuiusq. perspicere profitebatur Zopyrus physognomon; deinde verò obseruet in principe temperantiâ corporis, quam ὁμοῖον Græci vocant, quæ oritur ex qualitatibus elemē- torum, ac si erit Princeps melancholicus, eum putabimus eodem grauif- simo autore Aristotele, ingeniosum, si pituita redundabit in corpore, tardum hominem, & otio languentem existimabimus, si bilis propensum ad iracundiam, & actuosum, si demum sanguis alacrem animo, & benignum: quin etiam motus, & corporis actio notanda est. Deinde verò spectetur in eo genus, & stirps, quæ si erit antiqua, regia, & ge- neroſa, existimabimus illum honestatis studiosum, auidum laudis, appetentem gloriæ. animaduertendum est etiam, utrum nouus prin- cepts sit, an iure hereditario peruenerit ad Principatum. is enim, qui princeps natus sit, multum, mea quidem sententiâ differt ab eo, penes quem nuper potestas fuerit, & imperium etiam alter natura quadam eximia, vsuq. rerum præditus, multo res publicas melius administra- bit altero, cum ille publicis in negotijs, & in maximarum rerum actio- nibus semper versatus sit: is verò quotidie domesticis, & priuatis in rebus. sed cum tria sint genera principum, idest quidam iure here- ditario, casu aliqui, aut fortuna; nonnulli electione ad principatum perueniant, nos meliores esse arbitramur eos, qui electione principes facti sint: in ijs enim deligendis multa considerantur, magnitudo ani- mi, virtus, probitas, sæpe etiam generis splendor: Cognoscere item de- bet noster legatus principis nationem, in qua genus etiam solet consi- derari, ac multum refert ad hominis ingenium pernosendum, scire, quo quisque loco, atque ubi terrarum natus sit. alia enim natura Gal- li, alia Hispani, alia Germani, & Itali omnino alia videtur esse. Por- rò autem considerata est in ipso Principe ætas; nam si erit adolescens, eum putabimus, multas, & varias habere cupiditates, in quibus for- tasse intemperans sit, præsertim in præcipiti, & lubrica illa cupiditate dominandi: deinde iudicabimus illum esse ambitiosum, procliuem ad libidinem, propensum ad iram, inimicorum, & iniuriarum, quas ac- ceperit, ultorem, ac facilem ut decipiatur; in omni item re nimium, præsertim in amore, atque odio in suis autem actionibus honestus po- tius eligere, quàm vtile: nam adolescentes auidi laudis, honorem ferè semper antepone consueuerunt: ac nobis quoque persuasum erit il- lum esse fortem, magnanimum, ac sibi, ut mos est illius ætatis, ma- ximè confidentem, si media princeps erit ætate, quæ est a trigesimo,

usque ad annum quinquagesimum, nec ille moderatus, ac temperatus vir existimandus erit. Si verò senex, eum iure putabimus esse callidum, timidum, suspiciosum, & incredulum, ac denique omnia ad suam utilitatem referre. Cognoscat item legatus, quem fingimus non modo mores principis, sed totam etiam vitam: id est quam in victu, administratione, & negotiis rationem sequatur. quibus utatur hominibus, & consiliariis, & administris, quos soleat fouere, quos in amplissimis honorum gradibus locare. Atque ut diuersa, multiplicesque Principum natura, & occulta voluntates diligentius perscrutentur, animaduertendum esse opinor, quarum præcipue rerum studio teneantur, suo enim quemque studio maximè duci perspicuum est; ac nonnullos quidem palestra, aliquos militia, quosdam aucupium, atque venatio, alios musica, atque alios littera delectant; multis etiam placeat equorum concursu certare; vel generosos ipsos equos, & ferocitate exultantes agitare, stimulisque concitare. Volumus præterea in principe notari virtutes, & vitia, quæ autem in eo virtutes in primis requiruntur, sunt religio, iustitia, fides, prudentia, temperantia, vita innocentia, liberalitas, beneficentia. Deinde verò decet principem rerum usum habere, optimarum artium studiis, quibus liberales doctrina continentur, eruditum esse, ac facilem se in hominibus audiendis, admittendisque præbere. Quin etiam nihil est principe viro dignius placabilitate, lenitate, clementia, contra nihil detestabilius asperitate, iracundia, crudelitate contraria istis, quas commemoravi virtutibus, erunt vitia, a quibus longissimè absit necesse est: Ac diligenter quid exquirenda sunt Principis consilia, ut intelligatur quocumque eiusdem mens, & sententia maximè inclinet, id est utrum propensior sit ad bellum, quam ad pacem, aut ad propagationem finium imperii, quam ad regni ipsius conseruationem: cuius demum partis sit, & quo in ceteros principes animo expiscandum est. Collegi omnia quantum ego possum iudicare, quæ pertinent ad naturam principis pernoscendam; quæ si legatus animaduertit, non est dubium, quin quod voluerit, consequi facile possit.

Si princeps Legatū audire nolle, aditū aliqua arte sibi faciat, in quo mirabilis fuit Franciscus Marchesius a Genuensibus ad Galeatium Mediolanensem Ducē orator missus, quē Genuenses prius principem suum esse voluerunt; salua interim libertate sua, mox cum eum de tyrannide cogitare viderent, ab eo sese abalienauerūt, cum difficilem ad Galeatium haberet aditum die, qua sancti Ioānis sacra celebrabatur, Franciscus Galeatio munus basilicæ herbæ vas plenum misit; Dux ergo Franciscum, quia eum non imprudentem hominem esse norat, statim ad se asciuit, ut missæ eius herbæ causas intelligeret. Franciscus

omissis

omissis ijs, quæ mandata a Genuensibus erant paucis explicuit. ego Princeps Genuensium ad te orator veni, & cum in ea orbe natus, atque educatus eos cognoscam, tibiq. vera seruitute addictus sim, volui, ut Genuensium notitiam haberes, eorum enim natura basilicæ herba persimilis est, quæ leuiter tacta suauem perfundit odorem, grauius autem attrita scorpiones gignere dicitur. Herba illius parabola cum Genuensium natura similis esse videbatur, adeo Principis illius animum mouit, ut qui antea rationibus nullis flectebatur, tum seipsum cohibuit, & tamquam, quæ antea in re dicta fuerunt acerbius tantum accepta, cum ultra non mouissent, tunc etiam videret ratus, quæ in Genuensium re dici, cogitariq. poterant, veluti duplici freno cohibitus, substitit, neque ultra est progressus. Fulgosi lib. octauo, cap. 10.

Constantissimum, & fortissimum esse decet Legatum; multa enim animi constantia superantur, ut Vbertus Spinula, qui ad Casarem Legatus a Genuensibus missus, in controuersis cum Pisanis de Sardinia Rebus utroque populo eam insulam vindicante, Casari in causam Pisanorum propendenti, Genuensibusq. pro imperio mandanti, ut libera professione Sardinia Pisanis cederent, Legatus Genuensium constantissime resistit, iniustumq. imperium appellare non dubitauit, Genuensesq. prius vita descessuros affirmauit, non igitur se, aut Genuenses iniusta imperata facturos; aut illa villo modo accipere, sed causam per iudicium cognosci oportere, cuius aequitate sese Genuenses sunt submissuri, aliter armatos iuris, & dignitatis suæ vindices, aduersus quemcumq. honestam mortem fortiter appetituros; quæ orationis libertas commotum Casarem, & in viri admirationem versum flexit, ab imperio destitit, causam cognoscendam ad iudices reiecit; refert Vbertus Foliet in elog. clarorum ligurum.

Non debet Legatus sub specie amicitia (quamuis aliqui putent, ut fieri posse Reip. utilitate exigente principem ad quem missus est fallere (est enim res perperu diffcilis) ut ille Genuensis orator fecit Benedictus Pallauicinus, de quo Bartholomæus facius in rebus gestis Alphonsi. Dum ea parantur Genuenses de suis, qui obsidebantur vehementer solliciti, & anxij Benedictum Pallauicinum, qui sese Alphonsi amicitiam habere profitebatur, mittere ad Alphonsum statuerunt, anteaquam aliquid de classis apparatu ad Alphonsum permaneret, eique in mandatis debere, ut ad Regem se missum simularet, ut cum illo de conditionibus obfessorum ageret. Caterum opportunitate colloquendi cum Francisco, atque Otholino data quanta classis decreta esset doceret. Benedictus accepta fide Caietam ad Regem profectum sese contulit; de dediticne agere, ut instituerant, cepit; facta potestate oppidum

oppidum intrandi illos in obsidione confirmavit, & fore citò auxilium dixit, inde ad Regem reuersus, non posse obsessos ad deditionem flecti respondit, cognitis, quae voluerat de regis copijs, & classe, Genuam redijt, quò aëtu a Rege cognito, agrè tulit Pallauicinum missum fuisse ad eludendum Regem.

Cum Rege, vel potentissimo nocet nimia libertatis licentia. Henricus enim Dandalus Venetorum Legatus, cum paulo liberius quaedam locutus esset, contra ius gentium ab Emanuele Const. Imperatore oculis orbatus est Volat. lib. 23. Philal

Suspectus principi non eat, nam re infecta reuertetur, sed charissimus, ac gratissimus est mittendus.

Timidus non vult esse Legatus, ne illi accidat, quod cuidam Germano Legato contigit, qui coram Principe verba facturus cum maiestate illius territus repente obmutuisset ventris crepitum praetimore emisit. Verum, ut erat facetus, ad seipsum rediens, & ad Crynceum conuersus, Hospitem ò virgines peruius vestro quoque applausu excipite, eo verbo omnibus in risum conuersis recepit tandem animum, & ea, quorum causa venerat exposuit, multa impedit timor.

Oportet aliquando Legatum improuisò respondere; quare debet esse pramunitus aduersus quoslibet ietus, & quidem armis adamantinis, & impenetrabilibus. Sed illa trita habere, neque prius nudare, quàm in occasione subiti alicuius responsi. Quod si est acutum, argutum, è re natum, non solum diluit obiecta, sed et aduersarium percellit, feritq. eo telo, quale nullum Mulciber fabricatur. Paschalius c. 44.

Dignitatem Principis sui conseruet, in qua retinenda aliquando vaftrum, a sapientem esse oportet, ut Ismenias Thebanus apud Regem Persarum Legatus, cum sciret nihil se impetrare posse, nisi pronus Regem adoraret, postquam in Regis conspectu fuit, anulum de industria ad pedes cadere permisit, quem se flectendo collegit, atque hoc modo Gracorum dignitati, & regis sapientia satisfecit. Albanus de variar. hist. lib. 1. & Polyc. unus cum ceteris missus orator ad duces regios, cum ab his interrogaretur, utrum priuatim venissent, an publicè missi? Si impetramus inquit publicè, sin minus priuatim. Vox pij candoris in patriam index. Si cessisset ex sententia legationis gloriam volebat Reip. cedere. sin minus ignominiam repulsa ad patriam non pertinere. Plutarchus in Lacon.

Aliquando, & conuenit illudere hostem Legatione, ac perterrefacere. Darius Rex ingressus in Scythiam inopia laborabat, Scythae autem Legatos ad eum miserunt cum muneribus aue vid. mure, rana, & quinque sagittis. Darius pro mure terram, pro rana aquas, pro aue equos, pro sagitta se ipsos tradere interpretatus est. Gobrias hoc dicere

dona

dona coniecitabat, & Perse nisi ut aues aduoletis, aut mures subeat is terram, aut ut rana insiliatis in paludes, non remeabitis his sagittis confecti Bruso. lib. 3. c. 30.

Debet Legatus rebus in omnibus seruare consuetudinem illius aule, in qua erit; in victu verò, vestitu, adium ornatu, suppellectile, ceterisq. rebus a magnificentia numquam debet recedere, nihil denique desit ad elegantiam, ad splendorem, ad lautitias.

In reditu, quæ in Legatione egerit, & notauerit, suo principi diligentissimè renunciât. Deinde verò exponat vires, & potentiam, dittonem, & imperium velligalia, & ararium, coniunctiones, & affinitates, formam administrationis, naturam, & mores principis, apud quem Legationem obiit, & eiusdem etiam animum erga ceteros principes Maggii lib. 1.

Postquam Legatus quanta fieri potuerit diligentia cursum, iterque confecerit, & ad æternum principem, cuius nomine missus est peruenerit, omnem dabit operam, ut quam ocysimè legationis exponendæ, occasiones nanciscatur, suoq. probè munere fungatur. In quo nihil prætermittet diligentia, aut etiam si res ita ferat pertinacia. Nec tamen illi iustos aliquot dies denegabimus, in quibus vires longo itinere prostratas reficere, munerisque, & officij meminisse poterit. quamquam minus necesse erat hac in parte illis consulere, præsertim cum plus temporis, quam ipsi quandoque velint concedatur, anteaquam admittantur, & audiantur.

Sit bene morigeratus, principem salutet, ne occasionem ius gentium violandi det. Legatus enim Venetus, quia Moschouitarum Imperatorem primo in congressu non salutauit, clauo trabali, ut refert Sig. in his Moschoa. pileum eius capiti assui iussit, in hoc statu quamdiu legatus esset, permaneret, sui. huiusce officij non obliuisceretur.

Seruanda legato inter salutandum regni maiestas, & autoritas, quod fiet si legatus, neque superbum, neque abiectum nimis se præstiterit, ritumq. patrio salutauerit, eademq. modestia in explicanda legatione uti debebit non verbis turgidis ad minas, & terrorem, ut nec humilibus ad preces. Etenim Principes contumeliis laceffiti, ad iniuriam legato inferendam facillimè prouocantur Huraltus c. 11.

Legatum virtutibus, ac præsertim moralibus præditum esse conuenit, si rectè manus suum obire velit.

Interest autem multum, ut legati non solum castè, & sobriè officio suo fungantur, sed etiam eo modo, & ordine mandata sibi negotia gerant, ut & aliorum approbatione nihil indecorè egisse videantur. Equidem multa sunt per se quidem honesta, & bona, sed quæ non suo loco, tempore, & ordine præstita omnem gratiam amittunt, ea autem

in

in actionibus moderatio decorum appellatur, & à modestia profiscitur.

Legati super una re, vel multi, vel pauci pro dignitate, & conditione personarum, & qualitate rerum mittuntur, qui de uno pluribusve negotijs communiter gerendis unam Legationem suscipiunt; id ante omnia studeant, ut sint inter se concordēs, nam si pluribus iisdemq. gerere etiam diuersis officijs præpositi fuerint, tum rectè vniuersæ administrationis officium absoluunt, si concordēs fuerint ad vnum opus vno consensu intendentes, ac sese mutuo iuuantes. Contra verò malè, si discordēs, & ad diuersa, ac contraria respicientes.

Gratia in Legato spectanda est, dandaq. opera, ut qui mittuntur non inuisi, sed grati, & accepti sint ijs, ad quos mittuntur, nam verè dictum est, quod qui non diligit, id facillè contemnit, sitq. sæpe, ut qui ad intercedendum mittuntur, si displiceat irati animus ad deteriora prouocetur.

Nihil iniuste, nihil imprudenter, nihil remisse, & negligenter, nihil temerè, sed omnia fideliter bono consilio, ratione, & ordine conficiat.

Fides in Legato inesse debet, & ea id primum exigit, ut legatus honorem eius, qui eum misit tueatur, est enim, & natura, & rationi consentaneum, ut eorum honorem augeamus, & tueamur, qui negotia, fortunaq. suas, famam, & vitam fidei nostræ committunt, atque credunt. Brunus.

In edenda legatione exigo a legato peritiā nominum, titulorum, aliaq. indicia dignitatis, quam obtinet is, qui aditur. Parasiti est, non legati extraneos palpo percutere, & qui est infra opes, ac dignitatem, regiam, huic regij nominis honorem dare. Redditis litteris, cuius unde itur, legatio est peragenda cultè, compositè, magnificè, vitanda verba calcata, & protrita, quæ arguunt mentem ignauam, & secordem, aut certè humiles legationis causas; vitandum lectis, & sublimibus, quæ repræsentent sensus altius ductos, & maiestatem huius muneris, reiecto tamen fastu, & ineptia forensi. Flosculi, item & multa dicta, & quicquid putidum est, & illecebrosum scæminis relinquendum, & effeminatis. Paschalius.

Duorum generum mandata dantur legatis ad expedienda negotia publica, quædam enim sunt libera, quædam definita, & certis quibusdam terminis conclusa.

Libera mandata de his rebus dari solent, quæ aliter decerni, ac constitui, quàm in re præsentī non possunt; prima potest liberè agere, ac tractare, secunda verò non licet transgredi, nisi res mutantur, & progignerentur eæ necessitates, quæ non expectant noua iussa, & consilia

silia sua. Si quidem mandatis ea continentur, quæ prauideri, & præcipi potuerunt. Sed quæ sunt supra mortalem prouisum relinquuntur, scilicet dexteritati, fideiq. legatorum, quippe præsentia consilia qualiacumq. sunt præstat capere, quam illa querere, quæ nusquam sunt ne dum longinqua expectantur, interim subducant se, & occasiones, & momenta rerum gerendarum. Remedia hæc subitanea, ut necessitas excusat, ac fides suadet, sic industria dirigit, & felicitas commendat.

Ante omnia plus angue vitet ineptiam, multò sale defricanda rusticitas, moresq. indocti, & agrestes, quales prodiderunt in ipso aditu Petrones illi, qui sunt a Celtiberis missi ad Grachum prætorem. Hi priusquam Legationem ederent, petierunt ab eo, ut iuberet sibi dare bibere.

Semper, & ubique dignitatem præstat. ad quod potissimum pertinet, ut is sit loci sui animosus assertor, viriliterq. propulset omnem iniuriam sinistra, aut inferioris sessionis, ferè enim fit, at iudicio illius, qui colitur frequentia legationum legatis hic, aut ille locus a designatione monstretur, ut suus. Tunc legatus in hoc se erigere debet, ut huius tantæ rei non omnem iudicationem patiaturs esse illius, ad quem aditum est, sed & suam non ut ipse quemquam cubito depellat, sed ut ne quis ipsum. Paschalius.

Apud hostes illi maxime mittendi sunt, qui vel astu, vel multarum rerum cognitione hostium integumenta, & callida consilia euoluere possint. Claudius Coteræus lib. 2. de iure militum cap. 22. Hæc sunt generales regulæ, deueniendum est ad singularia, & quæ his temporibus sunt in vsu.

In primo cum Principe sermone duas intentiones habeat, una sit; expositio animi sui principis, finem, & causas legationis explicans alia notificatio affectus, ac beneuolentiæ propriæ erga illum principem; prima, nullam vult substantiæ alterationem; secunda quomodo voluerit explicare poterit, arte, ac flosculis uti licebit.

In primo sermone aliqua industria eius legatum, qui in aula principis tui residet fac laudes, duplici enim adiumento tibi erit laus, primo, quia eius affinibus, ac cognatis rem gratam facies, teq. certiore de illis rebus, de quibus non ita facile cognitio haberi potest, te facient; secundo, quia legatus, qui in principis tui aula residet, tibi erit deuinctus, occasionemque captabit, ut vicem apud tuum tibi Principem reddat.

Antequam discedat, illius Principis legatū, ad quem mittitur visitet, & cum illo plurimis verbis utatur, beneuolentiæ, affectus, ac obseruantia plenius, in eiusque animo exprimat, se ad

profi-

proficisci, ut illius propinquos, ac omnes dependentes honore afficias, & omnes suos huius rei certiores legatus datis litteris faciat; roget, eiq. promittat se numquam eis nisi licita, atque honesta petiturum, quousque tendere possint petitiones certissimus. Hunc semper amicum retinere studeat, & apud eius propinquos scientiam, prudentiam celebret, idq. maxima arte, ne illi, ac tibi noceas.

Post aliquot dies, patritios, autoritateq. pollentes visitet, non omnes; nam non conuenit, multi enim iuuenes sunt, ac imperiti, multi etiam id agrè ferunt, & si primates sint, ac potentes, iustis tamen de causis visitationes non admittunt, quamobrem diligenter hac deliberet, ac determinet. Visitaciones non frequentes sint.

Grauem in omnibus actionibus te esse oportet, non solum enim homines grauitatem decet, quia publici sunt, verum etiam, quia ea virtutis, constantia, atque prudentia maximum indicium est, tamen cum facilitate, ac beneuolentia iniuncta sui ipsius in verbis non obliuiscatur, nec illius, cuius vicem gerit.

Si ad consilium, vel aliquod collegium verba est facturus, puta Venetum collegium, vel Genuense, non illud nominet, sed Ducem ad quem omnia referuntur, ut Serenissime, Dux, vestra Serenitas, &c. quia illi debes respondere, qui tecum loquitur, qui autem tecum loquitur caput est.

Quoniam verò unusquisque desiderio gloriae inflammatur, ac honore affici cupit, honore dignos te reuereri oportet, ut occasionibus tibi adiumento esse possint.

Sed hic aduertendum est, quòd si apud Respub. oratoris munere fungeris, patricios diuersa esse conditionis scito, puta in Veneta Repu. nobiles familia intres diuisa sunt, veteres, nouas, & medias, veteres nobiliores sunt, pari modo in Genuensi, familia in veteres, ac nouas distinguuntur, veteres nobilissima sunt. Quamobrem & si omnes honorari debes, tamen inaequaliter, nobiliores enim maiori honore digna sunt, id autem secretò facias, & in familiaribus sermonibus, ut veteres intelligant te distinctionem gradus non ignorare; nam publicè aequalem te ostendas oportet; at istarum rerum ignarum te esse fingas, neque cum patricijs de his rebus, verba, incautum enim ministrum, & periculosum te præberes, & aliquem offenderes, eos præsertim, qui se nobiles esse existimant, qui tamen nobilitatem ignorant, quosq. in tuam familiam coquos non reciperes.

Ad prandium, vel cœnam nullum inuites, esset enim periculosum, sed si inuitare velles, tempus tibi est expectandum, nempe quando aliquis domi tue negotij causa moraretur, prandijq. hora appropinquaret, tunc inuitare posses, cessaret enim suspicio, affectus, & studium;

post

post prandium autem statim commoditatem, occasionem inuitato ab-
eundi prabeas.

Ne te secretorum Principis curiosum ostendas, quare intimam, ac
familiarem eorum, qui a secretis sunt amicitiam fuge, sed secretò ni-
hil intentatum relinquo; neq. ob id, qui a secretis sunt despicias, sed
honore prosequaris. publica sine ulla inuestigatione tibi aperientur.

Si apud potentem aliquem commendare cogeris, non pro malo, sed
pro bono, & rarò intercedas.

Ne familia tua perperam de moribus Ciuitatis, ac aula iudicet,
neque ea irrideant, quæ aduenis, & peregrinis stomachum, vel risum
mouent. Et contra fugiat illos mores, qui & si boni, & incorrupti
sunt, tamen odiosi, ac asperi eis videntur.

Quamquàm ex laude alicui data amor, & gratia acqui-
ritur, attamen, neque honor, neque mos fert, ut presente ali-
quo illos, qui auctoritate valent laudes, eiusmodi enim laus ambi-
gua est, & non in rectum accipitur sensum. Apud secretos ami-
cos, & propinquos actiones alicuius, & egregia opera celebrare
potes.

Legatus Principi cum quo negotium est habiturus gratus esse
studeat, non enim dubium quin facilius hoc modo voti compos fiat.

In omnibus actionibus tam publicis, quàm priuatis catholicus,
piusq. sit legatus, iustitia, boniq. publici amator, modestus, grauis.
familiares sibi reddat, sit sine scandalo, si fieri possit, potentes, & præ-
sertim eos, qui apud principem plurimum possunt.

Potentiam, regionem, mores, consuetudines, omniaq. laudet, sed
maxima modestia, ne adulatio videatur, egregiaq. facinora celebret,
tunc maximè quando de virtutibus, ac primatum fortunis sermonem
habebit.

Omnem suspicionem, quam aliquis de te ipso concipere posset, remo-
ueas, sed animi tui promptitudinem erga illos declara, præterita va-
riè excusando. Et si ministri alicuius animus aliqua in re malè af-
fectus est, ne exclames contendendo, sed aliqua inaustria eius argu-
mentis cede, & alia ratione fac, ut voti compos fias.

Si contigerit, ut sæpè contingit aliquid contra ministrorum, vel
principis voluntatem te agere, id prius excuses, & neque à te, neque a
principe tuo, sed ex negotij natura, vel aliqua alia re proficisci asse-
ras, spem rerum gratarum eis injicias, ne in suspicionem rei alicuius
incidant, & sinistram opinionem animo concipiant.

Verùm si quod cupis, obtinere non valeas, vno relicto medio, aliud
quare, & expecta, ut negotium mature scat, & elapsis multis diebus
aliqua arte rem denuò aggredere, vel morare, donec occasio sese offe-
rat

rat aliquid aliud tractandi, tunc aliquo artificio iterum rem tenta.

Si aliquid maximum obtineas, noli eius expeditionem retardare, sed continuo in eius expeditione sollicitus sis, gratia tamen, ac modestia. Verumtamen si in nuda promissione consisteret, cautela aliqua utaris, ut charte promissio detur, & contra fuge tuam, & principis tui obligationem in scriptis præsertim.

Operam da, ut ex omnibus locis amici de omnibus te certiores faciant. quæ autem grata sunt, ac utilia, cum primatibus ea participes; si hoc feceris, præterquamquod gratissimum eis feceris, te prudentem, ac diligentem existimabunt, & occasionem cum Principe loquendi, ac negotia peragendi tibi præbunt. Si grata renunciabis, gaudebunt, si mæsta providebunt; & ut hoc facias, nulli sumptui, ac labori parcas.

Diligentissimè intelligas omnes aulicos motus, & qui autoritate mera, qui mediocri, qui minori, qui falsa, qui adumbrata pollet, ut unumquemq. intimè cognoscere, ac reuereri pro cuiusq. qualitate possis.

Ne te mendacem, magna rei præsertim ullus arguat, existimationem enim statim amitteres, quare circumspectum in hoc te esse necesse est, ne dubia, & incerta pro certis exponas, & idè nullo modo alieno sermoni est credendum, sed testes aliquos nominando; quæ ad principem tuum attinet, nisi rectissima referas, omnisq. tuus sermo purus, ac sincerus sit, ne minister alicuius doli videaris.

Negotia ne desperes, quæ enim impossibilia videntur, temporis cursu, animi, & rerum mutatione fiunt, quæ ea possibilia reddunt.

Cave ne aliquid ad Principem tuum scribas, quod litterarum, aut hominum testimonium non habeat, quibus Domini integrè credant, variatio enim indignationem, & malam opinionem, ac temeritatem progignere possit.

Stude, ut amici, vel benevoli ad Principem tuum te sollicitum in negotijs gerendis, nulliq. labori parere, gratumq. aulæ esse scribant, & contra aulæ cognoscat te a Principe tuo amari, vel diligi; quod quidem crebris litteris utrò, citroq. datis fiet, quare homines apud illum diligentes teneas.

Ne in rebus credulus sis, & singula quaq. bora, si negotium arduum est, Dominum tuum certiores fac.

Domini tui desiderium sequere, nullam scribendi occasionem prætermittens, etiam si secundæ tibi litteræ redditæ non essent.

Distinctè omnia negotia sunt conscribenda. Non solum de actis rebus, verum etiam de futuris, præterita enim facillimè sciri possunt, & est minimum omnium, dominum de illis certiores facere. oportet

ergo

ergo maius lumen domino futurorum infundere, & in primis de negotijs, nam summa iudicium est faciendum, & scribendum.

Ne de leui quaq. re admonitionem a domino expectet, sed ipse omnibus prouideat.

Certis temporibus maximam minister diligentiam adhibeat, non solum quotidie, sed frequentius scribendi; nam non solum quotidie, sed singulis horis nuntij noui de rebus expectantur, nempe quomodo res se habent, &c.

Sine occultis litterarum notis, quas cifras appellant ea, quæ omnes debent ignorare ne scribas. multa enim periculosa possent contingere, si litteræ interciperentur. de rebus maximis litteras duplices exara.

Litteræ earum rerum referta sint, quas desiderare dominus potest, non solum de presentibus, verum etiam de futuris.

Determinationes principis, si diligens fueris ex multorum sermonibus cognoueris multa deducendo, & aliquo noto in cæterarum cognitionem facili deuenieris, si verò sciueris; v.g. N. discessit oportet te scire, quæ prouisione, quo fine, quæ de causa, & eiusmodi; omniaq. minutè litteris mandare.

Acutum, & expertum a secretis babeas, plurima enim tibi aperiet, quæ ignoras. sed ille sit in eiusmodi rebus peritissimus, multum enim differt, qui est, vel a secretis legati fuit ab eo, qui alteri operam suam nauat, quorum munera hoc loco silentio præteream, sed alibi Deo fauente.

Vt Dominus in omnibus te diligentem cognoscat, nullum tabellarium sine litteris tuis proficisci permittas, etiam si nihil noui haberes, & si aliquod secretò audiueris, noli quemquam nominare, posses enim aliquem offendere.

Si aliquem tabellarium suspectum haberes, resq. maximi momenti tibi scribenda esset, epistolam ad amicum mittere singas, vel ei incognitam tribuas.

Caueat, ne sub prima pagina memoriam principis faciat, id enim neque principi, neque primatibus, sed amicis tantummodo fieri solet.

In cifras post exaratam epistolam, lineam ducas, ut nihil additum esse demonstras; verum hoc est munus eorum, qui a secretis sunt; qui doctissimi in eiusmodi rebus desiderantur.

In statuum determinationibus minimum quid, est maximi momenti, quare vulgi sermones, & verba sunt recensenda, sed autorem nominare noli, si diuersum est, quod profertur.

In itineribus frequentissimi nūcij mittuntur, ut sciatur ubi locorū es.

Noli scribendo publica negotia cum priuatis miscere, sed si aliquod priuatum accidit, scribas separatim.

T Om-

Omniū litterarū publicarū exemplū apud te retineas.

Noli scribendo præcidere verba, sed distinctè scribe, quod scriptum est diligentissimè perpède cartā ne radito, sed oblitera, vel supra scribe.

In redditu Legationis omnia tibi dicenda sunt, at primo prouincia situm describes, nomen antiquum præponens, & ostendens, quā mundi parte inuenitur, confines, longitudinem, latitudinem, & circuitum, in quot regna, vel minores prouincias diuidatur nobiliores ciuitates referēs, portus illustres, arces Archiepiscopatus, Episcopatus, Abbatias, flumina, villas, oppida, nemora, syluas, ac circumuicinas regiones ad ipsum attinentes.

Secundo de ipsius prouinciæ qualitate sermo est instituendus, quæ cœli clementia gaudet, quibus acquis bonis, vel malis scatet, deq. earum abundantia, deq. fœcunditate, vel sterilitate agrorum, & de omnibus ad humanam uitam conseruandam necessarijs, de animalium numero, diuersitate, de montium, sylvarum, ac paludum qualitate, quæ partes incolas habet, quæ pars incolas impedit, & si quid in natura est admirabile.

Tertiò de moribus, vestitu, colore, figura, natura, eorum. Si religiosi, vel supersticiosi sint, de ordine, de bellico apparatu, tam terrestri, quàm maritimo. De artibus, de exercitio, quæ re pollent, quos mercatores in regionem recipiunt, & quos missos faciunt, de primatum regimine, de diuitijs, nobilitate, ac de plebis natura, & conditione.

Quarto, de Principe, de eius gloria: hominū describēs mores & subditorum, amorem, vel odium enarrans, quot vēstigalia, quot redditus quantum insumit in militum custodia, aula præstantiam, & cui principi est amicus.

Si illud adagium, nullus dies sine linea omnibus, legatis præsertim conuenit. & melius est lenta certitudine negotium peragere, quàm celeritate illud in aleam dare; si enim celeritatem præters, qui determinant necessitatem quandam inesse existimant, & quamuis utile, commune esse perspiciant, tamen non communi, sed propriæ gratiæ beneficium attribuere volunt, quod quidem quandam in resoluente aliquando generat pertinaciam; assidua enim instantia superbiam gignit, & occasione uti nesciunt; quare utrisq. accidit, id quod Cæsar Ascanio dixit, accidisse enim eis, quod hominibus nimia pertinacia, atque arrogantia accidere solet, ut eò recurrant, & cupidissimè petant, quod paulo antea contempserint.

Sciat Legatus negotia corporibus similia esse, quæ nunc sana sunt, nunc agrotā, nunc sine spe, nunc dubia, modo desperata contra omnium opinionem sanantur, quare tamquam Medicus ea curet, sciatq. tempus initij, augmenti, status, ac declinationis, hoc enim modo,

do, ut peritus prognosticum de omnibus actionibus faciet, & diffinitivum iudicium in sua potestate erit.

Solent aliquando Principes Legatis nihil respondere, in quo casu debet Legatus rectè animo perpendere silentium nescio quid dubium secum afferre, vel tacitè negare; quare hac in re cautus, & prudens esse convenit tolerando silentium, vel rumpendo; nam, & utrumquè inuare, & nocere potest, nec de hoc certi aliquid determinari potest, cum a rei natura dependeat, & aliquando silentium desideratur, ut causam apud te habeas.

Ut corpus conseruemus, medici multa praecepta tradere solent de rebus non naturalibus, quae si rectè applicentur multo adiumento, si verò non rectè, nocumento sunt corporibus, sic in negotijs quiete, exercitio, cursu, labore summo indigent, sed omnia tempus habent, quod si quis seruabit, optimus minister euadet.

Nec verò sufficit Legato, ut inquit Huraltus in dignitate rerum, & verborum Legationem exposuisse, nec illi statim salutato Principe de redditu cogitandum est, ut canis è Nilo bibit, & citò fugit, sed commorandum, ac conquiescendum, donec responsa ferantur, illiq. cumulatè satisfiat.

Princeps Legatos splendidè excipiat, magnificè tractet, clementer audiat, liberaliter dimittat, ne quam habeant occasionem de inhospitalitate conquerendi.

Placet Tiberius, qui ut refert Dion Legatis ciuitatum, nationum vè numquàm respondebat solus, sed plerosq. eosq. potissimum, qui apud eas gentes cum imperio fuerant, suae sententiae participes faciebat.

Non decet Principem, vel ciuem in Repub. primariam Legatos decipere, ut Alcibiades fecit, referente in eius vita hæc Plutarchus. cum inde Nicias aduerso rumore esset adinuenerunt forte ab Lacedæmone legati cum aquis, ut statim ostendebant mandatis, docueruntq. cum libera potestate, se ad omneis controuersias aquis legibus componendas missos. Cum id placeret curia, & esset populi concilium in posterum diem indictum trepidus Alcibiades perfecit, ut colloquerentur secum Legati, ut congressi cum eo sunt. Quid hoc rei est, inquit, spartiatæ? An fugit vos senatum semper erga legatos moderatè se gerere, & humaniter, populum verò esse elatum, & grandia affectare? quod si missos vos dixeritis cum mandatis liberis imperandi, & exiundendi vobis nullum faciet modum. Quin mittitis hanc amentiam, si aquam a populo Atheniense imperare, nec inuitis vultis vobis quid extorqueri; ita verò agite cum populo Atheniense, quasi po-

T 2 testatem

testatem non habeatis plenam, nos in Lacedæmoniorum gratiam erimus vobis præstō. Ita fatus iusiurandum dedit ijs, traduxitque eos ad Nicia, fidem, ut sibi haberent, mirantes eius, ut non vulgaris viri, & solertiam, & prudentiam. In sequenti die convenit populus, quod Legati procefferunt. Rogati sanè quàm comiter ab Alcibiade, quid venissent; negauerunt libera mandata habere. Mox Alcibiades instigare cum clamore, quasi non eos iniuria afficeret, sed afficeretur ipse, perfidos, & versipelles appellans, neque ut quicquam boni vel facerent, vel discerent, ostendens venisse; Fremere etiam Senatus; exardescere ira populus. Nicias impostura, & doli ignarus, stupore, & pudore ex istorum hominum inconstantia defixus esse. Ita explosis Lacedæmonijs Alcibiades designatus Prætor, Argiuos, Mantineos, & Elios adiunxit extemplò populo Atheniensis socios. Huius facti nemo rationem comendavit.

Princeps legato petenti licentiam libentissimè præbeat, non enim Turca mos placet, ex cuius aula non quandocumquè volunt, dimittuntur, ut inquit Angerius Gislæus in legationis Turcica epist. 3.

Legatis non semper credere princeps debet, sæpè enim speciosis verbis, ac insidiosa arte, nefaria, ac atrociora occultant, nam mortales non verentur abuti, sanctitate legationis. Quidam idè legatos mittunt, ut interim parent se bello, & princeps aliquando proprios legatos decipere solent, ut principem ad quem mittuntur ardentius, ac facilius fallant.

Ceterum, ut legationibus non temerè credendum, ita non precipitanter est respondendum. Paschalius.

In admittendis legationibus, primum gentium mores, & consuetudines observanda sunt, est autem omnium gentium moribus receptum, ut legationes pro conditione, & qualitate, & eorum, qui mittunt, & eorum, qui mittuntur, honorificè excipiantur. Aliter enim legationes, qui nobis dignitate, & potentia superiores; Aliter, qui inferiores, aut pares sunt excipimus. Aliter, qui a multis, aliter, qui ab uno, aliter, qui a Papa, & Casare, aliter amicorum nostrorum; aliter eorum, qui nulla amicitia nobis iuncti sunt, aliter hostium nostrorum legatos excipimus.

Datur Legatis audientia, pro tempore ipsorum. Amicorum autem Legati, & citò audiantur, & in tempore dimitti debent, ut responsa non solum benigna, sed etiam tempestiva a Principe retulisse videantur.

Ad quædam postulata, responsa dantur, ad quædam nulla dantur. Verum id generaliter observatur, ut quos audivimus legatos eos etiam

etiam responsis dimittamus. Si quidem melius est non dare legatis concilium, quam inde sine responso eos dimittere. Brunus.

Benignè, ac comiter amicorum legatis respondeat, inimicorum autem ferociter, & intra paucos dies hos excedere iubeat Princeps. At de his responsis legi potest. Barnabas Brixonius de formulis, & solemnibus Populi Romani verbis lib. 2. Ex quibus multa ediscere potes.

Ceterum Tiberio haud ingratum accidit, turbare res orientis, ut ea specie Germanicum suetis legionibus abstraheret, &c.

Super illa verba, caterum Tiberio haud ingratum accidit, turbare res orientis, ut ea specie Germanicum suetis legionibus abstraheret, dicendum est.

Princeps abstrahere multos imperio specie honoris.

Scribit Frontinus lib. 2. cap. 11. quod Alexand. deuicta, perdomitaq. Thracia, petens Asiam, veritus, ne post illius discessum sumerent arma, reges eorum praefectosq. & omnes quibus videbatur esse cura detracta libertatis secum veluti honoris causa traxit, ignobilibus autem relictis, plebeios praefecit, consecutus uti Princeps beneficijs eius constricti nihil nouare vellent, plebs verò, ne posset quidem spoliata Principibus. Hoc est Principum artificium, quo eruditi Principes vtuntur. Sic Tiberius hic, alij etiam apud Aug. leguntur lib. 11. apud Iust. Proficiscens ad Persicum bellum omnes nouercae suae cognatos, quos Philippus in excelsiorem dignitatis locum prouehens imperijs praefecerat interfecit, sed nec suis, qui apti regno videbantur pepercit. ne qua materia seditionis procul se agente in Macedonia remaneret, & reges stipendiarios conspectioris ingenij ad commilitium secum trahit, segniores ad tutelam regni relinquit. Quod accidit Vitaliano Euagrius lib. 4. his. eccles. cap. 3. scribit, Vitalianum verò vitam in Thracia degentem, qui Anastasium imperio exturbare moliebatur, Iustinus Constantinopolim accersit. Nam, & potentiam eius extimuit, & ancipitem fortunam, quae in bellis cerni solet, & nominis eius celebritatem, quae in omnium ore fuit, & imperij. qua flagrabat cupiditatem. At cum coniectura prospiceret, idque sanè verissimè se non alia ratione eum

T 3 posse

posse vincere nisi amicitiam erga eum simularet, vultu mire ad fraudem composito, quæ faciliè deprehendi non posset, unum ex ducum numero, qui Præsentes vocantur, eum designat, & quo magis persuaderetur Vitaliano, & facilius aditus ad fraudem pateret ad consulatus quoque honorem affert. Qui Consul factus cum in palatio versaretur, in porta quadam post aulam posita, per dolum casus occubuit, & August. ut tradit Dionys. lib. 50. Brundisium omnes milites, qui alicuius essent pretij, omnesq. Senatorum, equitumq. primores conduxit alteros, ut eorum opera in agendo uteretur, alteros ne soli relictæ ad novas res consurgerent. Et in Hist. legitur multos è magistratibus magnam consularium partem Ottho non participes, aut ministros bello, sed comitum specie secum expedire iubet.

Hæc artificia cognoscant aulici, & illa Nazianzeni, quæ obijciunt Valentiano Epist. cxvi. est quidem faciliè speciosum aliquem pretextum inuenire, tequæ excusare, atque aqua dicere videri, nempe nos a te minimè ejci, verum hinc potius honore abs te affici, quod nobis vicinos esse cupias. addes etiam fortasse, quod nos amicè, & ut cognatos decet complecti, atque etiam aliquem ex nostra amicitia fructum capere vis. Hoc autem merus sermo est, non res.

Remedium talia incommoda evitandi est simulatio, & patentia. Tacit. hoc lib. Annal. Precante Germanico annum efficiendis coëptis, acrius modestiam eius aggreditur, alterum consulatum offerendo, cuius munia præsens obiret, simul adnectebat, si foret adhuc bellandum relinqueret materiem Drusi fratris gloria, qui nullo tam alto hoste non nisi apud Germanias adsequi nomen imperatorum, & deportare lauream posset. Haud cunctatus est ultra Germanicus quamquam fingi ea, seq. per invidiam parto iam decori abstrahi intelligeret.

Ratio cur Principes hoc utuntur artificio, est timor, quia boni, ac fortes regibus, & omnibus sunt suspecti. Nero ut legitur 13. Annal. suspectabat maximè Cornel. Syllam, secors ingenium eius in contrarium trahens, callidumq. & simulatorem interpretando; & Otanes apud Herod. lib. 3. ut enim vir dominans, ut qui omnia bona obtineat, debebat sine liuore esse, sed contra comparatus est in Ciues, si quidem eorum optimis quibusquæ, qui superslites sunt, atque viuunt, inuidet, deterrimis delectatur, criminationibus etiam, locum dare optimum putat. Et quod est quiddam minimè omnium secum consentiens, si quidem eum mediocri admiratione prosequaris infensus est, quod non impensè colatur, sin impensè quis eum colat eo cultu tamquam

quam assentatione offenditur; & Tacit. lib. 1. Annal. Tiberio nulla vetus in Arruntium ira, sed diutem, promptum artibus egregijs, & pari fama publicè suspectabat, & lib. 1. hist. nobilitas, opes, omissi, gestiq. honores pro crimine, & ob virtutem certissimum exitium, & in vita Agricola, intrauitq. animum militaris gloriæ cupido, ingrata temporibus, quibus sinistra erga eminentes interpretatio, nec minus periculum ex magna fama, quàm ex mala, & legitur de Acrotato spartata lib. 19, Dion. sic.

Ad extremum Sosistratum exulum clarissimum, qui sapè copijs præsuerat ad cœnam vocatum dolo interfecit, habens alioquin nihil omnino, quod eum accusaret, sed volebat è medio tollere virum strenuum, & qui insidiari ijs possit, qui imperium malè administrarent, & Xiphil. in Nerone. Thrasea quoque, & Soranus, qui nobilitate, opibus, ac omni genere virtutis primas partes tenebant, & si culpam coniurationis non sustinuerunt, tamen propterea quòd tales erant postea mortui sunt, & Lucianus. Hi omnes Rhadamante huius crudelitate vitam amiserunt, quorum alij formosarum vxorum gratia, insidijs sunt circumuenti, alij quòd opibus illorum insidiaretur, porro alij, quòd boni essent, & prudentes, quibus haudquaquàm cum illius factis conuenire poterat. Quamobrem verum est, quod ait Sallustius, regibus boni, quàm mali suspectiores sunt, semperq. his aliena virtus formidolosa est, & Xenophon. Etenim non minus norunt, quàm priuati homines, qui nam egregij viri sunt, & sapientes, & iusti. Sed cum eos suspicere deberent, metuunt, fortes quidem, ne quid libertatis causa audeant, sapientes, ne quid artificiosè moliantur, iustos, ne plebs eos sibi præesse cupiat. & sine vlla exceptione Chris. Non videtur vtile monarchis, quemquam bonum virum versari apud ipsos, quiq. videatur magni fieri apud multitudinem.

Remedium est imitari Galbam, qui vt refert Suetonius cap. 19. paulatim in desidiâ, segnitieq. conuersus est, ne quid materia præberet Neroni, & id quod Plinius ad Traianum, iubes esse liberos? Erimus, iubes, quæ sentimus, promere in medium? proferemus, neque enim adhuc ignauia quadam, & insito torpore cessauimus, terror, & metus, & misera illa ex periculis facta prudentia monebat, vt a. Repub. oculos, aures, animos, auerteremus, & Iunium Brutum, de quo Liuius lib. 1. Is cum primores Ciuitatis in quibus fratrem suum ab auunculo interfectum audisset, neque in animo suo quiquam regitimum, neque in fortuna concupiscendum relinquere statuit; contemptus tutus esse, ubi in iure parum præsidij esset. Ergo ex industria factus ad imitationem stultitiæ, cum se suaq. prædæ esse regi

sinceret. Brut. quoque haud obtinuit cognomen, &c. quod quoque voluit Claudius, ut Sueton. cap. 38. Ac ne Stultitiam quidem suam reticuit, simulatamq. a se ex industria sub Caio, quod aliter eurasurus, peruenturusq. ad susceptam stationem non fuerit, quibusdam orationibus testatus est. Hac nescio quo dicta sunt, non enim his temporibus opus his est remedijs, cum principes sint catholici.

Sed, & artificium etiam Principum est, Specie honoris amulos, inuidiaque obnoxios amouere. Nasica, ut refert Aem. Probus in vita Gracchi, ut inuidia subtraheretur, per speciem Legationis in Asiam ablegatus est, & Caesar, ut refert Cassius lib. 28. Ciceroni consilium dedit, ut se subduceret, ne ad Urbem manendo in perniciem deueniret, id quod magis ex benevolentia consulere videretur, Legato se eo usurum dixit, ut iam non tamquam reus cum ignominia, sed honestè, & cum imperio Clodium subterfugeret, & Tiberius remansit Rhodi, contra voluntatem, ut ait Sueton. vix per matrem consecutus, ut ad velandam ignominiam quasi Legatus Augusti abesset, & apud Tacit. lib. 12. Annal. Legitur de Britannico, simulque, qui centurionum, Tribunorumque sortem Britannici miserabantur, remoti, fidei causis, & alij per speciem honoris. Idem patet de multis alijs, quos refert Grutherus in varijs discurs. sup. Tac.

Super illa verba, si foret adhuc bellandum, relinqueret materiem Drusi fratris gloriæ, dicendum est.

Quomodo Nobilis militiam citò addiscere possit.

S*I nobilis militiam addiscere optat, necesse est, ut in familia exercitus Ducis recipiatur, eiq. seruiat, ac satisfaciat, in quo quidem omnis labor, ac industria est ponenda.*

Quare addiscere debet, quæ ignorat, quæ duplicis generis sunt, unum enim militiam, alterum verum ipsum Principem respiciunt; non enim sufficit Ducem artem bellandi non ignorare, sed & conuenit etiam scire modum, quo uti debet, & Imperatori gratum.

Cum harum rerum compos factus fuerit, certam, ac exploratam prouinciæ, in qua bellum geritur notitiâ habeat, nempe de eius magnitudine, longitudine, & latitudine, quæ loca offensionis patent, quos

quos habet confines, quanti circuitus, & in quot partes diuidatur. & nomen, titulumq. singularium partium, mare portus, montes, flumina, paludes, lacus, aliaq. notabilia loca. quibus abundat, quæ ei defunt, quibus res imperit, & a quibus accipit. Deinde ciuitates, cuius magnitudinis, ac virium sunt, naturam, situm, quæ populi multitudine sunt refertæ, si sunt agri bonitate felices, quanta sit exactio capitum, ac ostiorum, si in illis est peregrinitas infusa, si nundina habentur, & quo tempore, quæ pars ad orientem, quæ ad Occidentem meridiem, vel Septentrionem vergit, si sunt in planitie, vel undique uiuo, præruptoq. saxo adificatæ, per quot millia passuum singula extenduntur, quot ostiorum millibus unumquodq. pagum est, artem, industriam, opulentiam nobiles familias, adherentias, mores hominum, religionem, indicia, consuetudinem, regiminis formam, vectigalia, exactiones, annui. redditus, in quo sint fundati, an incrementa capere possint, nec ne.

His rebus addat belli principia, ac causas veras, & falsas, præcipuas, secundarias, quomodo antea alij bellum administrauerint, vel prouinciam, & præsens regimen, harum administrationum varietatem, ac similitudinem, errores in quos ministri inciderunt, quos corrigere potuerunt, vel non, & modum, & causam, utiles prouisiones, consilia, quæ minimè ministri sunt executi, bono, vel vano successu, res, potentiam, auxilia, fœdera, fomenta, sumptus an sit durabilis, ex qua causa bellum protrahatur, an princeps ei finem imponere, vel nequaquam possit, & si potest cur differtur, si non potest, quid expectat, & tandem, qui spei, quid timoris in eo sit.

Omniem diligentiam adhibeat, ut omnium celebrium arcium, situm, & formam perspectam habeat, defectus singularum non ignoret, quomodo expugnari, ac defendi possint, numerum, quæ offensio, & quæ defensio exigit, & defensio quot bombardas, quos commeatus, auxilia, & præsidia requirit, quæ impedimenta, & alia, quæ a peritissimis viris intelligi possunt.

Oportet multa notare, multa audire, & consilia inita, & disciplinam militarem, & intellectam animo rectè perpendere, quomodo Imperator ea utatur, illius præcepta notans, actionesque obseruans.

Scribat occasiones, passiones casus, maxima accidentia, regulas præcepta, apophthegmata, dicta, consilia, opiniones, iudicia, quæque vel viderit, vel audierit; locupletissimam, & splendidissimam suppellectilem militarium propositionum debet habere, & omnia in charta sub proprijs capitibus annotare, ut ver. gr. si intellexeris picam xvi. pedum constare debere, ab Heluetijsque inuentam,

ne

ne equites propius accedant, notet verbo pica, & si audiret, quòd Sclopetarius postquam tormentum exploserit in pugna locum militi, quem a tergo habet cedere, caudamque petere statim debere, id verbo. Sclop. Idem de omnibus est dicendum, quæ ad Aquiliferum, Ducem, Imperatorem, castrorum præfectum, milites, vel exercitum attinerent. Idem de annona, impedimentis, & similibus militaribus actionibus.

Sed & scribere, & intelligere, & harum rerum memoriam habere, omnium esse capacem non sufficiet, nisi & etiam oculis ipse viderit, omniaque exercere delectabit, quare in omnibus actionibus primus sit, ut rerum initia, medium, ac finem operationum conspiciat; de omnibus rationem petens, cur hoc modo, non illo fiant, an semper eo modo, vel variato, & locorum discrimen temporum, ac rerum considerans, ministrisq. adiumento sit ore, lingua, & manu. Sed animaduertat, ne nimium, flagrans eiusmodi rerum desiderium ministrorum opus tardet, vel impediatur, vel confusionem generet, sed.

Præsens sit, quando ministri exercitum colligunt, vel recensent, vel cohortem lustrant, vel militum accipiunt nomina, quando ad hostem castra admouent, quando copias producant, quando ad explorandum alicuius ciuitatis situm mittunt, quando urbem aliquam, vel oppidum obsidione cingunt, sciat cur obsidionem non intermittant, si obsidionem soluunt, quæ causa ad eam obsidionem leuandam impulerit, quando arcem oppugnant, verberant, ac quatunt, quomodo circueunt vigilas noctis, quomodo receptui signum dant, quomodo pedem referunt, modum quo cuniculos in aliquam ciuitatem agunt, quomodo hostem intercludunt, & prælium tentant, quando castra locantur, cur illum locum tutissimum copijs portum esse ducant, quomodo hostes in summam angustiam inducunt, consiliumque impediunt, quomodo aperto Marte, quomodo ex insidijs pugnam ineunt, quomodo passim, quomodo ordinatim, & sine iumentis, & cum iumentis eant, quomodo ponunt milites ad tenendas excubias, mittant in adiutorium milites, centuriones in hostes equos concitant, & pedites, sciat etiam, quæ nam sint bellicose nationes, milites quibus singuli armis valeant. v.g. Hispani omnes in torquenda pila tormento manuario ceteros milites, Italos, Gallos, & Germanos antecellunt; nam dum isti bis, illi quater puluerem sulphureum, glandemque plumbeam in eo deprimunt, quomodo scalis mœnia ascendant, quomodo tabellarios etiam occultos, & ignotos cum litteris intercipient, quomodo bini, vel quaterni milites incedant.

Hæc, & alia perspecta debet habere, quæ ad militiam attinent.

Debet præterea historijs, & autoribus, qui de militia conscripserunt

runt studere; nam dici non potest, quantum fructus cupienti militiam addiscere, afferat historiarum, ac militarium autorum cognitio.

Quæ verò ad ipsum principis seruitium pertinent, ob temporis inopiam missa facimus, sed legi possunt, quæ de aulicis annotauimus.

Sub idem tempus, & familia Scriboniorum Libo Drusus deferatur molire res nouas, &c.

Super illa verba, feralibus iam sibi tenebris duos ictus in viscera direxit, dubitatur.

Vtrum pro vitanda miseria feritate debeat homo sibi met mortem tradere.

Prima opinio est, Olimpiodori Platonici, qui huius rei quinque assignat causas, & Plotini in lib. de beat. cap. 7. inquit enim si vir sapiens ducatur captiuus, aderit soluendi facultas, si non detur ibi esse felicem, & in eorum arbitrio est, qui vincti sunt se soluere, quibus verbis indicat se posse semetipsum interficere, est Stoicorum, & præsertim Senecæ, affirmantis quaecumque veniam nostri corporis esse viam ad libertatem. est Catonis, qui Lucretiam, aliosq. commendat, qui sibi manus intulerunt.

Probatur primo hæc opinio, nam si ab alio mors nobis traditur, cur non spontè eam nobis forti animo tradere debemus.

Secundo, quia de duabus mortibus illa est accipienda, quæ magis digna est, & post illam omnia commodè manent, sed mors voluntaria eiusmodi est ergo. Probatur minor, quia Tacit. annal. dicit. quòd metus carnificis eiusmodi mortes promptas faciebat, quia damnati publicatis bonis sepultura prohibebantur, eorum qui de se statuebant humabantur corpora, manebant testamenta; ergo melius erat mortem sibi consciscere, quàm expectare.

Probatur tertio, quia a magnis viris eiusmodi mors laudatur, ut a Lucio Floro, qui mortes spontaneas Cymborum, & eorum uxores in cælum laudibus effert. a D. Hieronymo, qui septem virgines milesias laudauit, quis valeat inquit silentio præterire septem milesias virgines, quæ Gallorum impetu cuncta vastante, ne quid indecens ab hostibus sustinerent turpitudinem morte fugerunt, & ab Eusebio Casariensi, qui duas Anthiochenas, & D. Aug. qui nonnullas laudas.

Probatur quarto, homo mortalis est, ergo mori debet, quæ maior ratio de spontanea morte, quàm de naturali.

Quinto,

Quinto, sicut homo de rebus suis disponere potest, sic & de vita, ergo.

Sexto, Deus vitam donauit, ergo in hominis potestate est se occidere, cum donum amplius non sit in donantis potestate.

Septimo, mors est laborum, & molestiarum finis, & melioris vite principium, ergo licet hominem quam primum finem adipisci, & principium melius inchoari.

Octauo, mors non est malum, ut inquit Plato, quod non est malum, est bonum, ergo bonum est se occidere.

Nono, volenti non fit iniuria, ergo qui vult seipsum occidere, non facit sibi ipsi iniuriam, nec alteri.

Decimo, licet pro patria, pro fide vitam propriam negligere, ergo in aliquibus casibus licebit se occidere.

Vndecimo, Scriptura laudat, qui se interfecerunt, ut Sanson, Iudit, & Elez. 1. Machab. & Razias, qui ut legitur 2. Machab. 14. Se gladio petiit, eligens potius mortem, quam subditis fieri peccatoribus.

Negatiua opinio est Macrobij asserentis, qui id facit, tum principi, tum Deo, tum natura aduersatur. Arist. 5. Ethic cap. ult. Cic. quaest. 1. Tuscul. Theologorum, & praesertim D. Aug. lib. 1. de ciuit. Dei, cap. 15. vsque ad 27. Francisci Victorie in relectione de homicidio.

Probatur primo, nam homo est seruus Dei, seruus non est sui iuris; ac ut seruo non licet ratione humani iuris se interficere, sic nec homini ratione diuini.

Secundo, quia præcepto illo non occides, prohibetur omne homicidium, quod fit contra charitatem, & contra rationem, sed si se homo occideret, faceret contra charitatem, ergo.

Tertio, non Iob, nec alij propheta ad euadendum ex vite incommodis hoc remedio vsi sunt, ergo, Deus enim patientes persecutionem fugere de ciuitate in ciuitatem admonuit, ergo.

Quarto, quia Sancti Patres Iudam maximè damnant, & sacra Scriptura cum maxima execratione aliquorum factum, qui se ipsos interemerunt, memorat, ut Architophel 2. 17. & Iudæ Matthæi 27. & Actorum 1. ergo.

Multis alijs argumentis, id probant Victoria. S. August. l. cit.

Hoc antiquis cognitum fuit, Cicero enim in somnio Scipionis dicit, nisi Deus in cuius hoc templum est omne, quod consistis, istis te corporis custodijs liberauerit, in cælum aditus tibi patere non potest, & Plin. lib. 1. epist. 12. luctuosissimum genus mortis, qua non ex natura, nec fatalis videtur. Virg. Didonis animam iuxta, ac ne

vix

vix quidem egredi potuisset dicit quousque Iuno:

Irim demisit Olympo

Quæ luctantem animam, nexosq. resolueret artus.

Luctantem animam ait, qui præproperè, & iniussu summi Imperatoris non tam egrediebatur, quàm vi ejciebatur, cū eius esset educere, cuius fuerat introducere, ut inquit Annaeus Rob. rerum iud. lib. cap.

12. & hoc idem satis Poeta declarat.

Nam quia nec fato, merita, nec morte peribat,

Sed misera ante diem subitoq. accensa furore,

Nondū illi Flauum Proserpina vertice crinem

Abstulerat stygioq. caput damnauerat orco.

Nulla quidem sunt crimina, delictaue, quæ non Deo inuisa, hominibus odiosa sint. Hoc vero crimen supra cetera alia scelestissimum est; nam delicta plerumque, aut voluptatis, aut iræ, aut subiti furoris præcipiti ardore cōmittuntur. At quisq. sibi mortem consciuit, nulla voluptate, nullo humano impetu ad id incitatus dici potest. Ceteri facinorum rei impunitatis, & effugij spem aliquam habent, at in isto crimine delinquentem statim obtorto collo pœna prehendit, nec finit effugere. Concilium Antisiodorense can. 17. statuit, ut istorum oblata non recipiantur, & ipse Poeta animas eorum, qui sibi mortem consciuerunt, miserè haberi tradit, proxima deinde tenent mœsti loca, quæ sibi latbū infontes peperere manu, lumenq. perosi projcere animas, & Deus cum homicidium fieri vetuit, non tantum alios, sed multo magis seipsum necare prohibuit, & D. Hierony. ad Rusticum lib. 2. epist. 10. dicit, nihil ita offendit Deum, quàm desperatione meliorum herere peioribus, licet & ipsa desperatio incredulitatis indicium sit, non est nostrum mortem accipere, sed illatam ab alijs libenter accipere. Hinc, & Canones, quod in Hæreticis idem, & in ijs, qui sibi mortem consciuerunt, statuendum existimauere, ut neque in cæmeterijs, sepeliarentur, neque pro illis ecclesia oraret, dignissimum enim esse ait Egesippus, eos qui Dei patris imperium non expectarunt, priuari quodam quasi matris gremio, terræ sepulchro.

Ad primum respondetur, quod dum ab alio infertur, tunc patimur, & ea perpeffio non est in nostra potestate, ut inquit Fran. Pic. de virtute heroica grad. 6. cap. 21. at per nos ipsos id facere in nostra potestate est, non tenemur patrare scelus, id positum est in nostra facultate, si id nolentes patrare interficimur æquo animo tolerare debemus, quia violentia superamur.

Ad secundum respondetur, quod non est faciendum malum, ut eueniat bonum, magisq. dignam esse naturalem, quàm violentam mortem.

Ad

Ad tertium resp. Florum mulierum illarum animum mirari, non autem iudicare hominem sibi met mortem inferre debere, qui si aliter sentit, errat. Quod attinet ad illas virgines, existimandum est cum D. Aug. eas non errantes, sed obediens Deo id fecisse, impellentemque Spiritu Sancto, Idem ad ultimum resp.

Ad quartum respondetur, disparitatem esse in hoc, quod naturali morte potest quis vitam aternam assequi, non spontanea, qua gloriam impedit.

Ad quintum, homines posse de suis rebus disponere, quæ suæ sunt, sed vita, & mors est in Dei potestate, iuxta illud, ego occidam, & vivere faciam.

Ad sextum dicitur, Deum vitam donasse, ut ea uterentur, non abuterentur homines.

Ad septimum, esse laborum finem honestam mortem, & meritoriam, non autem impiam, & nefariam.

Ad octauum, dicitur mortem secundum se, neque bonam, neque malam esse, at illa propositio secundum se debet intelligi, non autem comparata, quia se occidere est malum.

Ad nonum dicitur, non facere sibi iniuriam, quod ad iustitiam, sed quod ad charitatem, quam sibi debet, atque etiam quod ad iustitiam cum Deo, tum Reip. cuius membrum est iniuriam facit.

Ad decimum dicitur, aliud esse vitam in quibusdam casibus non conseruare, ad quod solum homo tenetur ex præcepto affirmatiuo, quod pro certo tempore, & certis circumstantiis obligat, aliud vero se occidere, quoad vetatur ex præcepto negatiuo obligante pro omni tempore.

Proximo Senatus die, multa in luxum ciuitatis dicta, &c.

Super illa verba componit epistolas, quis amicitiam & renunciabat, dicendum est.

Vtrum liceat principi, & priuato amicitias renunciare.

ANtequam dicamus vtrum liceat amicitiam renunciare, opera pretium erit explicare, quid de his scripserint autores. Quare notandum est antiquos inimicitijs ex offensione aliqua susceptis, cum his, quibus cum vetus usus intercodebat, vel amicitia contracta erat, apertis verbis amicitiam renunciare consueuisse, idq. & publicè, & priuatim obseruabatur, ut ex hoc loco patet, & ex Suetonio Tranquillo

quillo in calig. obrectatoribus etiam qualescumque, & quantacūque de causa nactus esset lenis, & ideo innoxius, ut Pisoni decreta sua rescindenti, clientulos diū venanti, non prius succensere in animum induxerit, quā beneficij quoque, & deuotionibus se impugnari comperisset. At ne tunc quidem ultra progressus, quā ut ei more maiorum amicitiam renunciaret, mandaretq. domesticis ultionem, si quid sibi accideret. & ex Liuiio lib. 42. legatos ad Persen Macedonum Regem ad amicitiam renunciandum a 5. p. q. 2. missos narrante, & in Bap. Fulg. lib. 7. legimus Amasim Aegypti Regem per Praconem Polieratis amicissimi amicitiae renunciasse. Verum tamen non solum superiores, & collega inferioribus, sed & inferiores superioribus amicitias renunciasse legitur, ut de Io. Andrea Auria, qui Francisco II. Gallo. Regi iustis de causis amicitiae nuncium remisit, ut testatum reliquit Carolus Sigonius, qui eius vitam non minus eleganter, quā copiose conscripsit. Modus autem, quo veteres utebantur in 6. ann. legitur, ibi enim Tacitus de Labeone, qui per abruptas venas sanguinem effudit, loquens Tiberius agrē lata eius morte ad Senatum scribit, morem fuisse maioribus, quoties dirimerent amicitias, interdicare domo, eumq. finem gratia ponere. id se repetiuisse in labeone eodemq. modo hospitium quoque renunciatum. Cic. lib. 3. in Verrem edocet. Nos quoque in nostris epistolis laconicis epistolas renunciamus. At verò non solum amicitia renunciabatur, verum etiam capitales inimicitiae indicebantur, ut M. Ant. Ciceroni inimicitias denunciavit, ut ipse Phil. 5. dicit, & V. S. asserit magis occultas inimicitias timendas esse, quam indietas, ac apertas.

His praemissis, dico primo, quaque de causa non licere priuato amicitias rumpere, sed paulatim recedere, nisi casus, tam grauis esset, ut eo consilio uti non posset.

Probatur prima pars, quia qui amicitiam non seruat, leuibus de causis non est absolutus amicus; amicitia enim constantiam requirit, videturq. vana amicitia ea, in qua querela, & ira locum habent, nā sine aliqua querela, vel obiurgatione amicitia esse non potest, perdere enim amicitias est stultorum; nam quemadmodum qui stibomaco valent, & animantia seuissima, saxa, ferrum, serpentes, & scorpiones concoquunt, eaq. in nutrimentum vertunt. contra valetudinarij etiam pane, & vino offenduntur, si multi & amicitias perdunt, sapientes etiam inimicij recte norunt uti, ut inquit Plutarchus in moralib.

Secunda pars conclusionis patet; nam homines liberi, atque prudentes non possunt cum ijs amicitia esse coniuncti, quorum vita est sordidissima, & omnium scelerum genere contaminatissima, obq. consue-
sumelias

umelias ferendas facta quique amicitia hominum utuntur, tamquam
 nouis calceis, qui tantisper in pretio sunt, dum nitent; moxq. ubi
 luto infecti in angulum abijciuntur, atque ibi nullo curante situ ex-
 eduntur. Cum ergo non conueniat homini probo semper eiusmodi
 amicorum causa rubore suffundi, licet amicitiam rumpere, cum ijs
 præsertim, qui veteribus iniurijs iam voluntaria obliuione contritis
 multo maiores cumulant. Multo magis etiam conuenit amicitias
 frangere cum ijs, qui nobis insidias tendunt, quique amicum in sum-
 mum discrimen adducunt, vel aliquod dedecus honori inurunt; quare
 Germanicus rectissime Pisonis amicitia renunciauit, cum hic, ut re-
 fert Tacit. qua crudelissimum inimicum facere pudisset, commisisset,
 & ille etiam apud Petronium, qui ait, quoniam fidem scelere violasti,
 & communem amicitiam, res tuas tolle, ocyus, & alium locum, quem
 polluas quære; ergo si improbus improbo ob enorme flagitium nuncium
 remittit. ergo multo magis vir bonus malo. si enim nostra plerumque
 membra rescindimus cum incurabili morbo, & ipsa tabescunt, & re-
 liquis officiant, multo magis id in amicis simulatis faciendum. Cbry-
 sost. hom. 60. in Matth. & ut malum cibum nec retinere possis citra
 vocem, nec reijcere sine molestia: Ità malum amicum si teneas, ledit,
 nec tamen absque inimicitia, ac tumultu velut bilem potes abijcere.

At hic notandum est, amicitias multorum non laudari; nam pri-
 mam materiam, qua quibuscumque formis variatur, animus multorum
 amicitia subiectus sequitur.

Sicut, & mulierem impudicam, qua cum multis se commisceat
 nullum habet amatorem: nam quemadmodum Briareus centum ma-
 nibus quinquaginta pascens ventres, nibilo felicior erat nobis, qui
 duabus unum administramus. Sic tantumdem commoditatis capies
 ex paucorum amicitia, quantum ex multorum, pensatur enim incom-
 modum, si pauci inseruiunt, paucis est inseruendum, ut inquit Pla-
 tarchus in moralibus.

Dico secundo, eadē de principe, qua de priuato diximus. sicut enim
 non licet priuato leui de causa amicitias rescindere, sic nec principi.
 Quare Amasis amicitia iniuriam fecit, quia Policrati amico nuncium
 amicitia remisit; nam cum audiret omnia illi prosperè cedere, scripsit,
 ut tentares aliquo quoque incommodo affici, quia fieri non poterat, ut
 fortuna præter naturæ suæ cursum constans maneret, cuius consiliū
 eum sequi Policrates constitutusset, in mare demisit magni pretij annu-
 lum, quem percharum habebat, quod eo incommodo secundæ fortuna
 tenorem iuxta Amasis consilium interrumpi posse putabat, sed cum
 annulum breui in pisce inuētum esse a se Amasim monuisset, animad-
 uertit Amasis Policratem ad grauiorem, quam ad unius amissi an-
 nuli

nuli casum a fortuna reseruari, itaq. ut illius ruina minus doleret, ad eum misit, qui communi amicitia renunciaret. Hac de causa amicitia renuncianda nequaquam sunt.

Super illa verba, & erant qui formam etatem, genus mortis ob propinquitatem etiam locorum, in quibus interijt, magnis Alexandri factis adequarent, dubitatur.

Quis nam fuerit quoad malitiam primus.

Qui de militia scripserunt, vel Alexandro, vel Casari, vel Scipioni, vel Pyrrho primas attribuerunt, hosq. primos in militia extitisse probare sunt conati. At grauiſſimè errare mihi videntur; nam si Annibalis omnes actiones sedulò indagassent, paulisperq. animum intendissent, proculdubio primum fuisse concessissent. Primus qui rem diligentissimè examinauit fuit Vphredutius Anchavianus vir quidem doctissimus, & acutissimus, mibiq. arcta necessitudine coniunctissimus, cum quo familiariter vtens, saepe in eiusmodi sermones incidebat, & Annibalè primum in militia fuisse opinabatur. Quod quidem non erit probare difficile. Illud primum satis constat in Duce exercitus hæc requiri scientiam rei militaris virtutem, auctoritatem, prudentiã, audaciã, ac fortitudinem, ac tolerantia. Ac scientia militaris, quæ præcipua est, consistit in cognitione itinerum, locorum, personarum ingenio, eloquentia, & in cognitione omnium rerum ad vsum militare pertinentium, & huius partis sunt sapientia in consulendo, consilium in providendo, industria in agitando, celeritas in conficiendo, astutia, siue sagacitas in stratag. solertia, & vigilantia cum assiduitate, & patientia laborum, magnanimitas, rerum gerendarum fortitudo, & contemptus periculorum, obedientia, & amor militum. Si hæc, & alia in Annibale cumulatissimè fuisse probabimus, primum locum in militia obtinere constabit. At primo, quòd illa omnia vniuersaliter habuerit, docet Liuius, dum dicit, missus Annibal in Hispaniam primo statim aduentu omnem exercitum in se conuertit, Almicarem viuentem veteres milites sibi redditum credere; eundem vigorem in vultu, vimq. in oculis, habitum oris, lineamenta q. intueri, deinde breue effecit, ut pater in se momentum minimum ad fauorem conciliandum esset. Numquam ingenium idem ad res diuersissimas, & parendum, atque imperandum habilis fuit, itaq. baud facillè discerneres, vtrum Imperatori, aut exercitui carior esset. Ne-

V

que

que Asdrubal alium quemquam præsicere malle, ubi quod fortiter ac strenuè agendum esset, neque milites alio duce plus confidere, aut audere; plurimùm audacia ad pericula capeffenda, plurimùm consilij inter ipsa pericula erat, nullo labore, aut corpus fatigari, aut animus vinci poterat, caloris, ac frigoris patientia, par cibi, potionisq. desiderio naturali non voluptate modo finitus, vigiliarũ, somnique, nec die, nec nocte discriminata tẽpora ad quod gerendis rebus superesset quieti datum, ea neque molli strato, neque silentio accersita, multi saepe militari sagulo opertum humi iacentem inter custodes, stationesq. militum conspexerunt, vestitus nihil inter æquales excellens, arma, atque equi conspiciebantur equitum, peditumq. idem longè primus erat, princeps prælium inibat, ultimus, concerto prælio excedebat, & Plutarchus omnia, quæ magno futuro duci expetenda esse videbantur, abundè Annibali aderāt, quippe erat ei consilium ad egregia facinora promptum, consilio autem, neque industria, neque audacia deerat. Nulla pericula, nulla incommoda corporis, quæ ceteros remorari solent, & a rebus gerendis abducere inuidetum animi virum terrebant; vigilare, festinare, cuncta obire, quæ aut strenuo milite, aut egregio Imperatore digna videbantur. Proferatur quæsò in medium historicus, qui eiusmodi de alio enarret.

Sed ut specialiter dicamus, nullus est, qui animi constantia, ac corporis tolerantia, & periculorum contemptu, ac audacia cum eo possit comparari, qui est ille egregius Imperator, qui tot, ac diuersa, periculosa, ac horrenda itinera fecerit, legatur Silius Italicus lib. 3.

Rumpit inaccessos aditus, atque ardua primus
 Exuperat, summaq. vocat de rupe cohortes,
 Tum qua durati, concreto frigore collis,
 Lubrica frustratur canenti semita cliuo
 Luctantem ferro glaciem premit, haurit hiatu
 Nix resoluta viros, altoque, a culmine præceps.
 Viuentes turmas operit delapsa ruina,
 Interdum aduerso glomeratas turbine Corus,
 In media ora niues fulcis agit horridus alis,
 Aut rursus immani tridens auulsa procella
 Audacis rapit arma viri, voluensq. per orbem
 Contorto rotat in nubes sublimia flatu,
 Quoque magis subire iugo, atque euadere nisi
 Erexere gradum, crescit labor ardua supra
 Sese aperit fessis, & nascitur altera moles.
 Vnde nec edomitos, exudatosq. labores
 Respexisse libet, tanta formidine plena

Exter-

Exterrent repetita oculis, atque vna pruina
 Canentis, quacumque datur permittere visus,
 Ingeritur facies medio sic nauita ponto,
 Cum dulceis liquit terras, & inania nullos
 Inueniunt ventos, securo carbasa malo
 Immensas prospectat aquas, ac victa profundis
 Aequoribus, fessus renouat sua lumina cælo.
 Iamq. super clades, atque importuna locorum
 Illuuiæ, rigidæq. comæ squalore perenni
 Horrida semiferi promunt è rupibus ora:
 Atque euulsa cauis excisi pumicis antris
 Alpina inuadit manus, assuetoq. vigore
 Per dumos, notasq. niues, atque inuia pernix,
 Clausum Montiuagis infestat cursibus hostem.
 Mutatur iam forma locis, hic sanguine multo
 Infectæ rubuere niues, hic nescia vinci
 Paulatim glacies cedit tepefacta cruore:
 Dumq. premit Sonipes duro vestigia cornu,
 Ungula perfossis hæsit compressa pruinis
 Nec pestis lapsus simplex abscissa relinquunt
 Membra gelu, fractosq. asper rigor amputat artus.
 Bis senos soles, totidem per vulnera sæuas
 Emeni noctes, optato vertice fidunt,
 Castraq. præruptis suspendunt ardua saxis.

*At ne quis credat, has fictiones poeticas esse, legatur Lilius, montium
 altitudo, niuesq. cælo propè immixta, tecta in forma imposita rupibus
 pecora, iumenta q. torrida frigore, homines intonsi, & inculti anima-
 lia, in anima q. omnia algentia gelu, cetera visu, quàm dictu fœdiora
 terrorem renouauere. Et Polybius hist. lib. 3. nam cum natura locus
 angustus præceptq. foret: tum vero recenti niue omnia vsque ad eò
 obruta, ut nullum prorsus vestigium callis appareret: neque susti-
 nere se a lapsu poterant, & qui parū titubassent: continuò in præcept
 ferebantur. Verum hanc quoque difficultatem æquo animo ferebant
 viri toties malis, ac laboribus assueti. Interea ventum ad rupem
 alteram; quam neque elephanti, neque iumenta pertransire poterant;
 quippe angustam natura viam, recens terra lapsus circiter ducentos
 passus angustior fecerat. Hic rursus turbati, affigiq. multitudo
 cœpit, Dux Carthaginensium principio per loca inuia, nec ante eum
 diem trita circumducere agmen conatus, quoniam iter ad niues in-
 superabile faciebant, a proposito destitit. sanè supra veterem niuem
 intactam noua præsentis anni nix deciderat. In ea quod recens lapsa*

V 2

per-

permollis erat: & nullam ferè adhuc altitudinem habebat: facile ingredientium pedes insistebant: ubi verò tot hominum, iumentorumq. incessu dilapsa erat: per nudam infra glaciem, & fluentem eliquescentis niuis labem ingressi ambobus simul pedibus ruebant: quemadmodum in locis cæno lubricis, ac nullum recipientibus vestigium solet accidere. & quod longè miserius erat: homines cum sistere in lubrico vestigium non possent: proni decedentes, ubi se, vel manibus, vel genibus iuare conarentur, tunc maiore impetu omnibus simul membris defecti per præcipitia volutabantur. Iumenta verò interdum quidem prolapsa glaciem secabant, sed pressa oneris magnitudine, pedibusq. eorum indurata glacie perstrictis, moueri postea inde non poterant. Tum Annibal iumentis, atque hominibus nequaquam fatigatis, omissa presenti spe, castra in iugo montis collocat: Egerrimè ad id ipsum purgato loco. Dehinc multitudinem ad eam rupem, qua una esse transitus poterat, mundandam hortatus, vix tandem cum maximo labore id peractum. Via igitur equis, atque iumentis una die sufficienter parata, confestim eos traducit, & in locis iam niuib. vacuis castramentatus, ad pascua disponit. Numidas interim parare elephantis viam iubet. Hi vix triduo cum omni conatu beluas reduxerunt: & eas quidè propè fame consumptas. Nuda enim sunt iuga montium herbis, atque arboribus: quod continuis rigeant niuis hyberno, æstiuoq. tēpore. Media verò conualles ab utroq. Alpiū latere leta pascua, atque apricas arbores habent: & humano cultu digniora loca. Annibal congregatis oībus copiis, prosequi iter capit, & triduo post superatā, quam memorauimus rupē, in planum peruenit: magna parte exercitus amissa: partim ab hostibus, fluminibusq. per totum iter direptis copiis: partim asperitate montiū in transitu Alpiū absumptis: neque viris solum, sed equis etiā, iumentisq. complurimis. Hoc tandem modo Italiam quinto mense postquam Carthagine noua discesserat, ingressus Alpibusq. quintodecimo die superactis, circumpadanos campos, & insubrum gentem audacissimè petit: ex afri militibus superstitēs habens, pedites circiter decem millia, & ducentos, ex Hispanis ad octo millia: equitum ad summum sex millia. hoc enim ipsemet in columna, in qua multitudo omnis sui exercitus descripta est apud Lacinium testatur.

His adde, quod exercitus, ut idem inquit non solum longo labore ascendendi, descendendiq. præterea incautis locorum difficultatibus fatigatus, verum etiam ex inopia commeatus, & corporum illaue, ac tæbe squalida diuturna maciem contraxerat: plerique ex inopia, & labore intolerabili prorsus defecerant: neque .n. per tot millia passuū, perq. loca aded aspera, ac difficilia vehere tāto exercitui necessariā stipē licuerat: & si quid erat vetū maiori, ex parte cū iumentis perierat.

Quo

Quo factum erat, ut qui paulo ante a Rhodano cum triginta octo milibus peditum, equitum vero circiter octo millibus discefferat: ei nunc vix medietas eiusmodi copiarum superstes foret.

Adde, & continuas vigilias, in paludibus oculo amisso per quas paludes quatruiduo, & tribus noctibus sine ulla requie iter fecit, ut inquit Liuius; a Gallorum toties petitus insidijs, ita ut eum oportuit mutare vestem, nunc tegumenta capitis, nunc alio errore ab imminenti- bus insidijs sese munire. Adde, quod & iter fecit a finibus terræ in fluminibus transeundis in alpibus an montibus inimicos a fronte, & a tergo hostes semper habuerit. Quare est, cur aliquis tantam viri audaciam, ac animi constantiam cum corporis incredibili toleran- tia coniunctam miretur, cum Romani, ipsi tantæ rei obstupefacti remanserit, ut Polybius scribit, nam cum Annibalem excisimasset haud ausurum cum alienigenis copijs Alpibus iter facere, aut si id foret au- sus, manifeste in itinere periturum: postquam eum non solum transcē- disse alpes incolumen, verum etiam aliquas Italia ciuitates expugnasse comperit: vix satis admirari audaciam hominis potuit. Romani quo- que simile quidam ea tempestate passi fuere. Hi ultimo loco de excidio Sagunti audierant. Quamobrem factis comitijs, duo consules creati; eorum alter in Africam ad inferendum Carthagini bellum, alter in Hispaniam aduersus Annibalem missus fuerat. Tum verò ad eos per- latum adesse cum exercitu Annibalē, & iam ciuitates quasdam in Ita- lia obsidere. Quo nuncio adeò stupefacti, perculsiq. sunt, ut Lilibaum ad Sempronium miserint aliquos, qui aduentum hostium in Italiam significarent, hortarenturq., ut dimissis prouinciæ rebus, suis ferre sup- petias maturaret. & alibi, interim Romani de ijs, quæ dicta, actaq. fuerant perlatum, & simul Annibalem omnium opinione celerius Iberum cum exercitu transgressum, aduentum in Italiam maturare, quæ res non parum metum patribus iniecerunt, & alibi. Verū Anni- bal incredibili celeritate Gallis oibus partim pretio, partim metu paca- tis, ad Rhodani transitū per Maris Sardoii littus cū exercitu propera- bat, quod postquam consul intellexerit, & si inops consilij erat ob celerē Annibalis aduentum, nullum tamen optimi ducis officitū pratermisit.

Quis est autor, qui hæc de alio dicat; si Caesar in celeritate omnia ponebat, non loci, non via ei obfistebant, quia non per loca inuia, sicut nec Alexander iter fecit, & ubiq. aderant socij, tributaria prouincia, quæ eis omnia necessaria suppeditabant. At Annibalem nullis socijs fretū ferro, ac igne aditum exercitui aperire oportebat. montibus al- tissimis, rupibus inaccessibilibus, intolerandis frigoribus, vijs obliquis, hostibus rapacissimis semper circumdatum, cui cælum, terra, aer, sem- per contraria erant.

Quòd ad obedientiam attinet, legantur illa *Liuij*. Ac nescio an mirabilior fuerit aduersis, quàm secundis rebus, quippe qui cum & in hostium terra per annos tredecim, tam procul ab domo varia fortuna bellum gereret, exercitum nò suo ciuili, sed misto ex colluione omnium gentium, quibus non lex, non mos, non lingua communis, alius habitus, alia vestis, alia arma, alij ritus, alia sacra, alij prope dij esset, ita quondam uno vinculo copulauerit eos, ut nulla, nec inter ipsos, nec aduersus ducem seditio extiterit, cum, & pecunia saepe in stipendium, & comatus in hostium agro deessent, quorum inopia priore punico bello multa infanda inter duces, militesq. commissa fuerat, & *Silius Italicus*.

Annibalis sat nomen erat tot dissona lingua
 Agmina, barbarico tot discordantia ritu,
 Corda virum mansere gradu, rebusq. retusis,
 Fidas ductoris tenuit reuerentia mentes.

Quare dicebat *Fabius*, ducebat *Annibal* exercitum æqualem stipendijs suis, ut vix fiat fides homines passos. Cuius hæc fuerunt. Quis est ille, qui hæc verba legat, & non miretur, ex quibus apertissime constat *Annibalis* autoritas prudentia, ac fortitudo. Admirandum valde, ac maximè est ipsum milites exteros, inciuiles, barbaros, qui non pro gloria, & imperio, sed pro præda pugnabant, ut inquit *Tacitus*, quiq. parum res Romanas curabant in officio continuisse ac in omnes illius valorem influxisse.

At in *Cæsaris*, ac *Alexandri*, & *Scipionis* exercitibus, multa, ac graues subortæ sunt seditiones, quas non mercenarij, sed ciuiles, ac proprij excitarunt, & ipsi Romani a *Scipione*, ac *Cæsare* non semel desciscerunt.

Quòd ad calliditatem attinet, omnium sententia callidissimus, & astutissimus fuit iudicatus. numquam enim prælum ullum sine aliquo stratag. iniuit.

Quòd prudentiam, nemo est, qui ambigat eum omnium ducum prudentissimum extitisse & ab omnibus scriptoribus, qui eius mentionem faciunt talis existimatur.

Si rei militaris scientia peritus fuerit, plures loci clade Rom. insignes, præclari testes esse possunt, ipsiq. Romani toties victi, inferiores militia ei fuisse abunde testantur.

Quòd autem ad alia attinet, quæ sequentur, demonstrabo. ceterum nulli alij Imperatori, quod huic accidit, qui *Fabium* plus nobilitauit, quia victus non remansit quàm Pater multis victorijs insignis, & scientia militaris, ut inquit *Liuius*, sed hæc omnia vnus hostis *Annibal* exequare potest, & *Silius*.

Tercentum domos, hæc *Fabios* armauit in hostem

Limine

Limine progressos vno pulcherrima, quorum
Cunctando Fabius superauit facta, ducemq.
Annibalem æquando tantus tunc Pœne fuisti.

*Præterea nullus, quod consideratione dignum est tot exercitus
interfecit, & Duces consulares, qui militares rei scientia omnes na-
tiones superabant, qui cum alijs pugnauerant, victores, triumphatores.*

*Præterea etiam nemo tantum timoris hostibus, quantum Annibal
Romanis incussit, nam si multi, Romanorum Imp. aduentu trepida-
uerunt, Romana potentia pares non erant. At Annibal potentiissi-
mum populum alijs timorem injicere solitum, perterrefecit.*

*In magnū timorem induxit non solum intra mœnia patres, verum
etiam intra castra milites, ut apud Liuium sātentur Romani, intra
mœnia Chartaginis bellare soliti si viderint nos progeniem suam, duos
consules, consulares exercitus in media Italia pauentes intra castra,
& tam magnus iste timor fuit, ut in prouerbiū ferè abierit Horatius
enim dicit, Minæ Annibalis, & Cicero Annibal ad portas, & Lucanus*

*Concussa est Roma, quam si penes
Transcenderet Alpes Annibal.*

*Nemo enim Italiam, ut illi tam vehementer attriuit, ut Sallust.
Bello punico quo dux Carth. Annibal post magnitudinem nomi-
nis Romani Italia opes maximè attriuerat.*

*At ut specialius eum cum alijs comparemus, nemo ut inquit Al-
dus Manutius dis. 2. in Liuium toties victor, ut ille euasit, nā & si Cæ-
sar plures exercitus, ac numerosos prostigauit, tamē satis constat Ger-
manos, ac Gallos, & si natura feroces, tamen arti ingenio experien-
tia, audacia, constantia, & fortitudini Romanorum toties ab Anni-
bale victorum pares non fuisse: illustrior enim gloria acquiritur, ubi
difficilior, ac validior pugna est, neque Annibali Scipio est præferendus;
nam ut inferius ostendam, victus nequaquam fuit, & supposito, quod
victus fuerit, tamen ante gesta sunt consideranda, nō autem vnicus
actus, qui fortune, non virtuti adscribi potest; quare meritō Seuerus
Imperator Scipiones feliciores, quā fortiores fuisse asseruit; & An-
nibal atrociores difficultates superauit, illustrioribus victorijs clāruit,
eum acrioribus militibus, ac fortioribus Ducibus pugnauit, solus urbē
Romam magis perterrefecit, quā deinde omnes eius hostes vna simul
adēdō Romani Annibalem existimauere, ac timere, ut quieti in Ita-
lia molestare non auderent, ut ex illis verbis patet, neque lacefferunt
quietam Romani tantam inesse vim, & si omnia alia circa eum rue-
rent, in vno illo duce censebant. tot difficultatibus, tot hostibus, ac cœ-
li, & terre iniurijs, ac locorum iniquitatibus oppressus erat, ut ipsam
victoriam sentire ei non concedebatur, ut ex illis verbis finis insequēdi*

hostis penes flumen Trebbia fuit, & ita torpentes gelu in castra redire, ut vix letitiam victoria sentirent: Alexander hereditariam magnitudinem habuit, regnum amplissimum, exercitum optimorum militum, ac præstantium ducum repletum, qui Græciam, ac Thraciam subegerant, quique Asia timorem incusserant, gentes, ac nationes multoties ab alijs victas superavit, & eos, qui rei militaris imperitissimi erant, ut Indos, ac Arabes; in militia errauit; nam in flumine transeundo deleri potuit exercitus, inquit Curtius, si quis ausus esset vincere, & in Persiâ per locos difficiles, ac periculosos iter fecit, ut Barbari eum insequentes regem non dolor modo, sed etiam pudor temerè in illas angustias coniecti exercitus angebat, ac in Suffitanorum regione siti exercitum penè perdidit. & indoctissimus militia fuit. Quare fortuna omnes eius actiones sunt adscribendæ, ut inquit Plutarchus; & Curtius, quoties illum fortuna a morte reuocauit, quoties temere in pericula vectum perpetua felicitate protexit. Sine Parmenione nihil, ut Curtius multa sine rege prosperè (de Parmenione loquens) rex sine illo nihil magnæ rei gesserat.

Cæsar autem milites Romanos habebat nationum præclararum viatores. Resp. Romana omnia ad bellum necessaria ei suppeditabat. Sicut, & prouincia socij, auxiliarij, milites; loci tuti, itinera plana erant; nomen Romanum omnibus formidabile. Neque dicas Cæsarem milites disciplinam militarem docuisse; nam miles Romanus, anteaquam stipendium acciperet eruditus erat, ut notauit Patritius in parallel. milit. sine militum maximo numero Cæsar iter non faciebat, ac ut Heluetijs resisteret sex voluit legiones, quæ 38. mille militum continebant, si Galliam vicit, id est 11. legionibus, & 9. annorum spatium consumpsit. Rhenum transit, Germanos aggreditur, ac sine aliqua utilitate reuertitur ea nationes, quas in Gallia semel vicit, iterum arma non sumpserunt. Alexandriam fugiens se recepit, ac cum Pompeo pugnans, parum absuit, quin sibi met mortem conscisceret cum a Ptolemaeo Britannis ac Pompeo semel victus fuisset, cum imbellibus pugnavit, ut Pharnace, ac Iuba.

At quocumque se conferebat, magnitudinem Pop. Rom. ac vires secum habebat Cæsar; non cum Romanis, sed Pompeius cum Romanis pugnavit, exercitus sine Imperatoribus, vel Imperatores sine exercitu vicit.

At Annibal cum Martijs Rom. animis de virtute, ac gloria certabat, & non vinci ab Annibale difficilior fuit, quam postea vincere. ea fecit itinera, quæ semper mirabilia erunt, & ita iter cum tractauerat, ut necesse fuisset Romanum ducem dicere, vereor ne Alpes vicisset Annibalè videantur, non nos; quare infam. Romanorum fuit eum tot perpassum

passum labore fama, frigore, squalore; ita contusum, ac debilitatum, ut vix se sustinere posset, adoriri sola eius audacia omnes alias illustrissimas actiones superat; in Italiam, nempe se conferre, & in dubium vertere, ut ratio ius gentibus daret. Solus bellum semper fecit sine ullis auxilijs; quare Appianus de bello Anniblico his. de Char. inscripsit, quasi ipse, non Resp. id bellum gessisset. Solus in Italia, at Scipio Massinissam, Rempub. exercitum, amicos habebat; cum exercitu ex omnium gentium colluione misto priuatus, & amulorum inuidia subiectus; patriæ a Romanis subactæ spem libertatis dedit, ac Romanos vinci posse demonstravit, quod quidem umquam Romanis acciderat, neque accideret, contra exercitus consulares, consules peritos, triumphatores, victores, bellicosos, & contra totum pop. Rom. simul unitum, maxime tempore, quo Roma egregijs Imperatoribus florebat, paucis Carthaginensibus, hominibus collectitijs, de quibus Livius coactus fuit dicere, alij propè dij essent, Italici, exulibus mercedis cupidis, ac scelerum ministris, instabilibus, ac perfidis, adolescens sexdecim annos in acie stetit, & unusquisque, ut dux pugnavit. In hostium regione ipsum oportebat victum quarere, partem ad pradandum mittere, partem, ut amicos defenderet, partem, ut cum hostibus confingeret; quando discessit nullus expulit, neque impediuit, & Fabius dubitavit an gaudere, vel dolere eius discessum deberet. Quietum nemo molestabat; nam ut Fabius non vinci pro victoria habebatur, & Romani proprio damno eum sequebantur; nullus exercitus ab Italia victor discessit, millies coactus vires diuidere, ac amicos tueri. Romani in milites seditiosos animaduvertebant. At Annibal id efficere non poterat, sed solus valor eos concordēs tenuit; multoties recusare eius pugnam Romani, qui fame oppressus, oculi amisso, incredibilia passus in omnibus rebus inferior semper pugnabat.

Et nisi Romani eum genio superassent, victi proculdubio fuissent, ut inquit Plinius, causa fuit, ut omnes deinde facillimè a Romanis vincerentur, ut inquit Petrarcha lib. 2.

Accipe procliuem faciem, victoria præsens,

Ad reliquas, facilemque viam, nullumque pudebit,

Quem teneat Carthago potens apprehendere portum,

Illam iugum populos efferre tributa docebit.

Milites obediētes semper habuit, ita ut neque insidijs suorum sit petitus umquam, nec in fraude proditus, quum utrumque hostes sapè tentassent, ut inquit Iustinus. At quod omnia vincit est, quod Imperium Romanum ausus sit in Italia inuadere. Nihil Romanis in Italia præter animi constantiam reliquit.

At obijcies primo ex Livio. Has tantas viri virtutes ingentia
equa-

æquabant, inhumana crudelitas, perfidia plus, quàm Punica, nihil veri, nihil sancti, nullus Deorum metus, nullum iusurandum, nulla religio.

Ad hæc primo respondetur, nequaquam hæc ad militiam pertinere, sed ad mores.

Secundo, esse magna ingenia aliquibus vitijs mixta; nam ut Seneca nullum magnum ingenium, sine aliqua mixtura dementiæ; & ut Plutarchus scriptum reliquit, vitia magna, ut virtutes a magna indole proferri consueuissent.

Tertio autorem nimis in dicendo verum transcendisse.

Quarto supposito, quòd omnia verissima sint, Romanos vituperare maxime oportet. Nam æmuli, ut Caesar, ac Alexander vitiorum expertes non fuere, & Tit. Liuv. in gratiam Rom. multa crimina ei obijcit; nam Annibal tanta pudicitia fuit inter tot, tantaq. captiuarum gentium fœminas, ut vix credere in Africam natum, enarrat Iustinus. E contra Caesar pronus, & sumptuosus in libidines fuit, plurimasq. & illustres fœminas vitiauit, in quibus Posthumiam Seru. Sulp. Lolliam Auli Gabinij Tertullam Marci Crassi etiam Gn. Pomp. Mutiam; nec prouincialibus, matrimonijs abstinent, ut legere vnusquisque apud Suetonium potest Alexandrum autem, & si Curtius scribat Veneris intra naturale desiderium usum, tamen in alijs constat luxuriosum fuisse; si verò Darij filiam non vitiauit, non eius continentia, sed gloria cupiditati est adscribendum, falsa enim est, & vitiosa illa continentia, qua quis secreta libidine flagrat, exterius verò fingit; quare palam dignus laude videtur, at secreta malè audiunt, & patriis violatis ceremonijs, filiam Darij Persico more sibi in matrimonium collocauit.

Annibal inhumanus non fuit, nisi cum Rom. cum atrocissimis autem hostibus crudelem esse belli rationes suadere videntur. At Romani crudeliores fuere; nam ut refert Liuius, corpus Consulis Pauli Annibal sepeleri iussit; Flaminij quoque corpus, funeris causa magna cura inquisitum non inuenit. Ipsi autem caput Asdrubalis ante hostiũ stationis proiecerunt; crudelius in Hispania a Rom. sauitum, quàm ab Annibale in Italia, ut ex Liuiio patet; si verò tot milites Roman. interfici iusserit ratione belli fecisse est iudicandum; nam cum ille Romanos legatos misisset, ut captiuos redimerent, ipsi Romani neglexerunt, neque eos redimere velle apertis verbis responderunt; quare cum Annibal tot captiuos non alere, cum vix suos posset, cumq. dubitaret, ne alicuius insidijs vinculis soluti totum exercitum prosternerent, ipsumq. interficerent, vel aliquam turbulentissimam excitarent seditionem, nec expeditus cum tot captiuis iter facere posset, nec eos in-
tutis

tutis praesidijs collocare, nec ratio belli suaderet eos liberare, ne hostium numerum adaugeret, iure belli rectè fecisse est censendum, nec cui-libet alij contrarium status ille belli persuasisset.

Si pueros Sagunti interfici iussit, id etiam belli ratione factum fuit, ut inquit Liuius signo dato, ut omnes puberes interficerentur, quod imperium crudele, ceterum propè necessarium cognitum in ipso euentu est. Alexander non solum crudelis in direptione urbium fuit aliquando, verum etiam in suos crudelissimus; nam Clytum, qui eum apud Granicum flumen nudo capite dimicantem clypeo suo texit, interficit, & Parmenionem interfici iussit, caputq. eius conspexit, quæ atrocior crudelitas hac potest inueniri. Caesar quamuis non crudelis, tamen arrogantissimus, ac irreligiosus erat, & miræ rapacitatis, & sæpius urbes diripuit ob prædam, quàm ob delictum. In primo consulatu tria millia pondo auri furatus è capitolio tantumdem æris inaurati reposuit, postea verò euidentissimis rapinis, ac sacrilegijs, & onera bellorum ciuilium, ac triumphorum, ac munerum sustinuit impendia. Annibal verò tantummodo victus causa rapiebat. Italos, qui ciues Romani non essent, dimittebat; quare semper desiderio flagrabat ineundi pugnam, ut cibum haberet; & idè semper inaequalibus viris pugnavit, ut inquit Liuius. Annibal quamquam parte dimidia accitas hostium copias esse cernebat, tamen aduentum Consulis mirè gaudere, non solum enim nihil ex raptis in diem commentibus superabat, sed ne unde raperet quicquam reliquerant.

Quod attinet ad religionem, Annibal religiosus fuit, eiq. religio erat in hostem esse crudelem, in reliquis autem rebus religionem seruabat, ut ex illis Polybij patet. Deinde Deos secundum morem precatus, abiit. At Romanus Consul sine religione erat, ut ait Liuius, Consul ferox ab consulatu priore, & non modo legum, aut patrum maiestatis, sed ne Deorum quidem satis metuens erat, & Caesar quoties religionem spreuit, quoties Romana augurum vaticinia elusit, & Alexander irreligiosus omnium fuit; nam peius est sese Deum facere, filiumq. eius ab omnibus credi velle, quàm religionem contemnere. Quare falsa sunt hæ calumnia, & qui alium accusat, ipse culpa cæreere debet. Sed Romani turpitudinis, ac infamiae notam non effugere, qui tercentos Hispanos patricos conduxerunt, ut Hispanos milites ab Annibale seducerent, qui mendacissimi fuere, nam miserunt Romani legatos Carthaginem, qui apud Senatum eorum arguerunt Annibalem cum Anthioco Rege consilia belli faciendi inire, & ut Annibalem peterent, & ut eum haberent ipsi Carthaginense aduena partis ex consilio querentibus causam aduentus, dici iusserint venire ad controuersias, qua cum Massinissa Rege Numidarum Carthaginensi-

ginensibus esset dirimendis, & semper eum sunt non sine vituperio persecuti, & eò deuenere mali popul. Rom. mores, ac timor, ut ipsum Annibalem hac dicere, ut refert Polyb. coegerint. mores quidem populus Rom. quantum mutarit, vel hinc argumento erit; Horum patres Pyrrho Regi hosti armato exercitum in Italia habenti, ut a veneno caueret, prædixerunt. Hi Legatum consularem, qui autor esset Prusia per scelus occidendi hospitis miserunt. Hæ sunt perfidia plus quam punica, mittere legatum consularem ad rogandum, hortandum, ac perterrefaciendum Regem, qui hospitales Deos, ut hoc verbo utar, ac datam fidem violet; profectò magnam, ac memorabilem victoriam ex inermi, proditoq. sene Romani tulerunt.

Obijcies secundo Annibalem a Scipione victum fuisse, ac ut Plutarchus ait, vicerunt etiam Annibalem, cum quo nullum Regem conferendum existimarunt Romani.

Ad hoc respond. 1. Annibalem victum non fuisse, cum victus formaliter is dici non possit, qui nec captus, nec interfectus fuerit, quiq. strenuissimi, & prudentissimi Ducis opera nauauerit; quare sua laude nequaquam fraudari debet, quem fortuna magis, quam virtus deserit, quia dato, quòd Romani vicerint fortunam illius inueteratam, ac debilitatam, non virtutem vicerunt, & non Capua, sed fortuna Romanorum, & inuidia suorum ei obstitit; quare Cicero rectè dixit, Annibal expugnatus, non victus; neque dicas eius confessione victum fuisse, nam pari modo diceretur victus quando, & ante idem factus est, nempe quando a Minutio, quem insidijs obsederat per Fabij copias depulsus, ubi reddisset in castra, dixisse fertur, eo prælio a se superatum Minutium, se autem a Fabio fuisse superatum; neque illa verba Liuij non prælio modo, sed bello victum, nec spem salutis alibi, quam in pace impetranda esse, momenti nullius sunt, nam verisimile non est, infestissimū hostem pacem voluisse, nisi propter bellum, & interim de pace tractare, ut mediante mora bellum posset parare, votum enim, ac iuramentum, quod puer fecit, nimis execrabile erat; quare ea verba non verè, sed artificiosè, si quis rem benè consideret, fuere prolata. At omnibus datis, sed non concessis primum locum ei nullus tollet, laus enim Imperatori etiam victo, & Duci redditur, inquit Seneca de benef. lib. 7. cap. 13. si & prudentia, & industria, & fortitudo muneribus suis functa est. nec homo natus hominem omnibus virtutibus præditum, ut Annibalem inferiorem fortunato esse asseret, & semper primas partes habebit ille, quem non virtus deserit, quamquam fortuna comitatur.

Obijcies 3. Annibalem notabiles errores fecisse, quorum primus fuit, quòd cū ipse Italiā petiuisset Urbis Romæ causa expugnandæ ad
eam

eam non accesserit nisi Capua ab obsidione liberanda. 2. quod victoria uti nesciuit, quia Romanos tot cladibus perterrefactos non est adortus, quia in Casalino oppugnando tempus conterebat, ignarus multa bella impetu valida, per tadia, ac moras euanescere.

Ad hac respond. nullum errorem ab Annibale fuisse commissum; nam fortunam potiunda Romæ aduersam in animo sentiebat, ut inquit Plutarchus in eius vita, contra quam durum erat recalcitrare, cum sit rerum humanarum, sed præsertim belli domina, accipio autem fortunam recto modo ut in superiori quæstione; & imprudens fuisse si Romam post cannensem pugnam profectus fuisset, nam exiguo exercitu cum strenuissimi in acie cecidissent, & propter tot prælia valde imminuto, tam grandem molem occupare non potuisset. His accedit, quod semper frumentatum duas exercitus partes mittebat, nec tam exiguo numero efficere quiquam poterat, quod quidem ipse cognouit, nam ut Liuius, coniectans ex vnus colonie haud nimis prosperè tentate viribus, quanta moles Romana Urbis esset. Commeatus, etiã multa præclara impediēbat, de quo semper anxius fuit, ut inquit Liuius. Nec procul cum consedisset quantum victoria equestri elatus, tantum anxius inopia, quæ per hostium agros euntem nusquam preparatis commeatibus maior in dies excipiebat. Verum nec inopia, & exercitus vires imminuta, sed timor ne Itali exules, ac alij seditiosi milites, quos in locum mortuorum suffecerat (cum nullum sui ei auxilium suppeditarent) capta Roma cum ab Italia inermem deijcerent, ac penes Italos solum victoria permaneret, ut rectè existimat Vphredutius Anchaianus, cum soli Carthaginenses Romam occupare non potuissent, Quattuor enim viui ad mortuum extra domum extrahendum requiruntur, & mulieres, & senes, & tot milites veterani exautorati animo desperato propter tot suorum mortes pugnaissent, nec obsidione eam cingere exiguus numerus militum poterat, cuius pars victum quotidie quaritabat, quibus de rebus auxilium, & milites a suis expectabat, qui si ei ad bellum necessaria suppeditassent, Romam proculdubio occupasset. Quare, quod Romam non expugnauerit, non erroribus, sed patriæ est adscribendum, ut grauissimi autores scriptum reliquerunt. Iustinus enim, videre Annibalem sexdecim annos Italiæ victorem immoratum, & quin ipsam caperet urbem, non Romanorum illi vires obstitisse, sed domesticæ emulationis, atq. inuidiæ studium, & Silius Italius.

*Sed vigor ausurus Latium, si cætera Martis,
Adiumenta forent, praua obtrectante suorum,
Inuidia, reuocare animos, agitare negata
Cogebatur ope, & senio torpescere rerum.*

Et

Et Aemilius Probus, quod nisi Domi ciuium suorum inuidia debilitatus esset, Romanos videtur superare potuisse, & Liuius dicit, non Romanos toties casos, ac profligatos, sed pop. Carth. Annibalem visisse. Quare infelix exitus patriæ est attribuendus, non Annibali, qui, ut Val. lib. 5. ait pro illorum columitate, & victoria tot Imperatores, totq. exercitus nostros trucidauerat, quot egregios militum hostium si occidisset magnæ gloriæ foret, è conspectu suo submouere in animum induxerit, qui potentissimi, ac bellicosissimi pop. Ducem hæc dicere coegerit, se sauo tempore, & sine ignominia seruasse exercitum, quàm multa millia hostium occidisse maiorem gloriàm esse. directæ autem viæ Romam petere in primo in Italiam aduentu non poterat, & quia utiq. exercitus Romanus præstò erat, si tempus in Casilinio alijs locis expugnandis consumpsit, id faciebat, ut exercitum in Hyberna tuta reduceret, & obstacula remoueret & exercitus cibum capere posset. Neque dicas Capuam non debuisse se Annibalem conferre, nam si rectè consideres, consilium eius optimum fuit, & si ea militibus nocuit, id secreta, ac alta Rom. fortuna accidit, seu potius secuturum iudicium, ut milites eneruaret, ac deperderet, sed Annibal semper idem fuit; nam in tantis delitijs nihil existimationis amisit.

At ut quæ diximus vera esse constent, nempe cum Annibale nullum rectè posse comparari, præclarissimi autores nobis testes sint, ut qui hunc tractatum legerit possit, vel sententiam mutare, vel verum statim fateri. Polyb. lib. 3. refert omnes scriptores Annibalem rei militaris scientia, & animi magnitudine omnino in immitabilem voluisse. Aemilius. Probus hoc dicit Annibal Hamilcaris filius Carthaginensis, si verum est, quod nemo dubitat, ut populum Rom. omnes gentes virtute superauit, non est inficiandum, Annibalem tantò præstitisse cæteros Imperatores prudentia, quantò pop. Rom. antecedit fortitudine cunctas nationes; nam quotiescumque cum eo congressus est in Italia, semper discessit superior. Quod nisi domi ciuium suorum inuidia debilitatus esset, Romanos videtur superare potuisse, sed multorum obtreclatio deuicit vnius virtutem. Lipsius in monit. & exēpl. polit. mon. 2. & 3. quo in loco probat regna a Deo, & Reges tolli, hoc affirmat, unum ex historia vetere, & de inclito illo Annibale inter omnis aui duces verè hoc elogium vindicat, nec fuit, aut erit, qui militari astu, aut peritia virum æquabit, non dicam superabit Petrarca lib. 2.

Quod loqueris, satisq. satis iam cognitus orbi est
Annibal, ante suos perdent errantia calles.

Sydera, & Æthiopes niuib. grauib. obruet æstas

Rhi-

Rhipheumq. gelu, borea tepefacta liquenti
Solue hyems, quam fœda viro produxerit illi
Terra parem, nec fallit amor, sed vera fatebor.

His accedat Damianus Beneſa in quadam epiftola, nam cuius vel ſapientiſſimo militiæ magiſtro Annibali rectè oppoſueris. Et Ald. Manu. diſt. 3. in Liuium Annibalem ſi non primum, nulli ſecundum fuiſſe, nullum egregium Ducem eum ſuperaffe, ſed æquaſſe.

Quare concluſum remanet inter primores Græcos, Romanoſq. ſcriptores Annibalem primum Ducem extitiſſe, glorioſiſquæ fuiſſe Ro. a toties victore hoſte Annibale vinci deſiſſe, ac penitus non deleri, quod non ſua, ſed aliorum culpa euenit, quàm poſt tot populos, tot Reges, ac totum terrarum orbem viſiſſe, ut notaui egregiè Anchaianus. Et ſi longitudinem emenſi itineris, ſi multitudinem commiſſorum in via præliorum reuoces in memoriam, tot præterea viarum amphractus; tot fluminum inſuperabiles meatus contempleris, bellicoſiſſimum populum, cum quo bellum gerebat, ſuperatas incredibiles omnium rerum difficultates, maxima pericula elapſa, tot inſidias vanas redditas, corporis tolerantiam, ac animi numquam ſatis laudatam patientiam, aſtutiam ſingularem; prudentiam impenetrabilem, tot Conſules, conſulares exercitus, præſantiſſimos viros, ferociſſimarum nationum domatores victos, tempus, quo Romana Reſpub. maximè erudiſſimis diſciplina militaris viris abundabat, exercitus, quos ipſe alebat ex colluuiione omnium gentium mixtos, quibus non lex, non lingua communis, alius habitus, alia veſtis, alia arma, alij ritus, alia ſacra, alij propè dij eſſent. omnium rerum penuriam, ſuorum inuidiam, clades Romanis inſiſctas in ipſa hoſtium regione Romanorum timorem, ac tremorem, omneſq. eius actiones animo rectè perpenderis non Cæſarem, non Alexandrum, non Scipionem, qui ſemel tantum cum illo congreſſus eſt, neque deinde artes, prudentiamq. viri amplius eſt expertus cum Annibale comparaueris; nam ſi Marcellum, qui aliquoties illum vicit, ei nemo præponat non eſt cur Scipionem anteponas. Si autem ſcriptores omnes Annibalem, non laudauere, id euenit, quia Græcorum annalibus fuit ignotus, qui ſua tantum mirantur; Romanis, haud perinde celebris, cum ſua extollunt, aliorum incurioſi.

Super illa verba, eodem anno grauib. Senatus decretis libido ſceminarum coercita, cautumq. ne quaſtum corpore faceret, cui auus, aut pater, aut maritus eques Romanus fuiſſet, dicendum.

Vtrum

Vtrum meretrices Reipub. necessariae,
vel vtilis sint. Et de multis ad
adulterium pertinen-
tibus.

NOtandum est, quòd meretrix, ut aiunt leges, dicitur illa, qua duos tantum admisit causa quæstus l. palam, ff. de ritu nupt. Abbas habet in c. cum decorum, circa fin. de vita, & honest. cler. Et ideo mulier dum meretrix est, quia, quæ meretricis sunt facit, quòd ei datur repeti non potest, l. item si ob stuprum, §. sed quod, ff. de cond. ob turp. caus. imò nec meretrix mater filiam meretricem exheredare non potest, l. in arenam, C. de inoff. test. Ecclesia eas non concedit, nec permittit, sed tolerat ob maiorum peccatorum periclitationem, iuxta illud Augustini tolle meretrices de mundo, & totus mundus repletus erit Sodomia; qui quidem profectò his verbis non affirmat eas Reip. vtilis esse, sed id dicit, quia ut homines evitent maiora peccata, a quibus facillimè trabuntur, quare meretrices Reip. necessaria non sunt; nam, & qui a carne mouentur matrimonij medicamentum habent: qui autem castitatem voverunt, cura matrimonium eis opitulari non possit, ergo nec multo magis meretrices; ergo necessaria Reip. proculdubio non sunt, cum sint contra finem generationis, quam Resp. augere cupit. nam ex varietate seminum, inter se aduersantium conceptus gigni non potest. sunt etiam contra bonos mores, quos semper Resp. intactos vellet, imò mores pessimos hominũ semper corrigere desiderat. Hac enim iuventutem corrumpunt, homines effeminatos reddunt. Si necessaria essent, proculdubio Deus matrimonium non instituisset, nec nos præcepto, Non fornicaberis, coercuisset: imò pluribus in locis hanc colluuiem ex omnium scelerum colluione natam, detestatur, ut Exod. 20. Non mœchaberis, & Deuter. 23. Non erit meretrix de filiabus Israel: Etiam exclamavit contra Hierusalem eò, quòd edificauerat lupanar, & prostibulum fecerat in cunctis plateis, & idè dicitur, quòd destruet Dominus lupanar, & prostibula, ut habetur Ezechiel 16. Aedificasti tibi lupanaria, & fecisti tibi prostibulum in cunctis plateis, & fornicata es cum filiis Aegypti vicinis tuis magnarum carniũ &c. Et passim Salamon homines hortatur, ut meretrices fugiant, ut Proverb. 22. Os scorti profundus est hiatus, in quem cadit, cui Domi-
nus

nus irascitur 31. Ne dederis mulieribus substantiam tuam, & alibi. Ne intenderis Fallacia mulieris. Fraus enim distillans labia meretricis, & nitidius oleo guttur eius, nouissima autem illius amara, ut absynthium, & lingua eius acuta, quasi gladius bibeps; pedes eius descendunt in mortem, & ad inferos gressus eius penetrant; per semitam vita non ambulant, vagi sunt gressus eius, & inuestigabiles; longè fac ab ea viam tuam, & ne appropinques foribus domus eius, & alibi. Irretiuit eum multis sermonibus, & blāditijs labiorum protraxit eum statim eam sequitur, quasi bos ductus ad victimam, & quasi agnus lasciuiens, & ignorans, quod ad vincula stultus trabatur, donec transfigat sagitta iecur eius velut si auis festinet ad laqueum, & nescit, quod de periculo animæ illius agitur Eccles. 42. Super filiam luxuriosam confirma custodiam, ne quando te faciat venire in obrobrium inimicū a detractōne in ciuitate, & abiectione plebis, & confundat te in multitudine populi. Prouerb. 6. Non concupiscat pulchritudinem eius cor tuum, nec capiaris nutibus eius, pretium enim vnius scorti, vix est vnus panis. Et D. Paulus nobis præcipit, ut a concupiscentijs abstineamus, ut 5. Thessal. 4. Hæc enim est voluntas Dei sanctificatio vestra, ut abstineatis vos a fornicatione. Et passim in omnibus epistolis. Cum ergo iure diuino hæc prohibita sint, quia sunt mala, mala autem necessaria non sunt, neque utilia, meretrices autem male, necessaria non sunt, neque utiles; quam enim utilitatem Reipub. ad ferre possunt, quæ sunt omnium malorum causa, & fontes, quæ suis artibus occultis, noxijs cogitationibus, rapacibus illecebris, sagacibus verbis, artificiosis mendacijs, & commentitijs indignationibus, luxuriosis obtutibus, impudicis actionibus audacissima inuerecundia, perpetuis fraudibus, auida auaritia, gula insatiabili, infami ambitione, moribus contaminatis, vitijs abundantissimis, ira inextinguibili, capitali odio, pœna perpetua, rabie amatoria, inconstanti vanitate cæcis desiderijs: conspurcatissima libidine, vita inhonestissima, ruina pernicioosa, ac pestifera omnia, ac diuina conspurcant, contaminant, ac miserandum in modum infatuant, ac peruertunt, ut Arpie omnia deuorant, & sicut Camaleontes omnes colores; ita istæ omnes malitias subeunt, quomodo ergo potest necessarium esse illud, quod Deo est inimicum, hominibus infensum, virtuti contrarium, & quod religio magnopere prohibet. Si aliquam utilitatem asserunt, non alia esse potest, quam turpis questus, quem Principes ab illis nefarie exigunt, quod apud ipsos Principes maxima turpitudinis est indicium. neque dicas coitum aliquando pro vitandis malis utilem esse: nam,

X

& si

& si dato, quod videtur aliquando coitus necessarius pro sustentatione vitæ, & pro vitandis malis, quæ defectu coitus provenire possunt, matrimonium est utilissimum medicamentum, alij verò, quise in matrimonium collocare non possunt, morbi tolerantia valde est eis meritoria, cum propter sanitatem nemo se polluere debeat, enim non est faciendum malum, ut eveniat bonum. Quantum autem in oculis Dei graue sit adulterium, vel ex duobus locis colligi potest, ut inquit Tholos. in prælud. optim. Iurisc. probique magistr. lib. 2. de Eumm. cap. 17. cuius plurima hic scribere operapretium esse existimo, vnus ex mundi Genesi, ubi in mortis discrimine venit Abimelech cum omni domo sua, eò quod uxorem Abrahami detinisset, quamuis eam non cognouisset. Alter ex libro numerorum cap. 15. dum fuit factum sacrificium a Deo ad exploranda occulta ad vterio per aquam Zelotypia. Fuit, & hoc crimen Ethnicis communi fermè consensu visum improbißimum, cum propter prolis incertitudinem, tum etiam propter indiuidua coniunctionis schisma. Ea de causa, & apud omnes ferè prohibitum, & punitum sicuti etiam probum natura, visum est adulterium Vulpiano. Propterea Aristoteles ipsum prohibet, puniriq. iubet. Et quamquam punitum fuerit leuius alicubi, alibi autem durius, semper tamen aliquo modo in optima politia vendicatum inuenio. Variè tamen, & aliquando ridiculè, nisi mores, & temporum distinguantur occasiones. Apud Cumæos quippe mulieres in adulterio deprehensæ in forum deduci solite, ut ibi lapidi insidentes ab omnibus conspicui, & despicui possent: demum Asino impositæ per omnem urbem vectabantur, rursusq. ad lapidem reducebantur, ut refert Plutarchus, & Alciatus. in Cathalonia Hispania, & alijs multis locis vir per uxoris adulterium infectus soluit domino temporali quadraginta solidos. Parisiis imponebatur Asino, facie ab Asini auribus auersa, & sic per totam Ciuitatem asinum trabente uxore ducebatur, præcone clamante eum, qui ad idem crimen admisisset, similiter punitum iri teste Gullielmo de monte Elandrino. Et Zabarella, & Gullielmo Benedicto. Ius Canonum adulterā priuat dote, & paraphernasiis, quæ adiudicat marito. Nisi mulier viri lenocinio adulterata, vel eius culpa fuerit, iuxta Scauolam. Omitto separationem thori, quæ fit ex adulterio secundum dispositionem Innoc. 3. Apud Germanos adulterij pœna præsens a maritis permissa erat. Qui accisis crinibus, nudatam uxorem coram propinquis expellebant domo, ac per omnem vicum verberare agebant: publicataq. pudicitia mulier nulla venia non forma, non aetate, non opibus, maritum inueniebat, ut refert Cornel. Tac. Partibi nulla delicta

lieta grauius adulterij vindicant: ut ait Iustinus ex Trogo Draco legem tulit, qua ei, qui adulterium vindicasset, dabatur reliquorum etiam facinorum impunitas, teste Pausania. Lex alia Gortina ciuitatis Græcia, ut adulter comprehensus, & criminis conuictus lana coronaretur, qua coronatione argueretur eius mollities, & mulierositas, addita multa quinquaginta staterum, summa infamia, & priuatione administrationis Reip. ut scribit Aelianus. Apud Spartiatis nulla lex de adulterijs, a Licurgo lata, quod ibi nulla irritamenta voluptatis essent, & quod Diogenes, quamuis Cynicus Didimum adulterum comprehensum dixit eo ipso nomine suspendi debere, hoc est testiculis, qui Didimi dicuntur. Propter adulterium Davidis cum uxore Vrie, remansit semper in domo eius gladius, & vindicta etiam indulto crimine. Legimus, & adulterium cuiusdam Leuitæ uxoris, admirabili ultione, vindicatum. Nam omnis populus Israeliticus ad arma crudelissima cucurrit pro vindicando crimine contra Tribu Beniamin, in qua patratum erat. Mortuiq. sunt eius causa 25. millia Israelitarum, ut scribitur lib. Iudicum. Et propter vindictam adulterij Paridis, & Helenæ Troia capta, diruta, postquam obsessa fuisset a Græcis annos decem, menses 6. & dies 2. ubi corruerunt teste Daretæ, qui bello interfuit, & illud scripsit, ex Argiuis occingenta sex millia, & ex Troianis vsque ad oppidum proditum sexcenta septuaginta sex millia. Et ut ait Lucianus, huius gratia, mille naues ex vniuersa Græcia, habito delectu sunt impleta. Non sine ira grauissima, ut etiam recenset Libanius, & Horatius, Homerus, Virgilius, Dydimus, & Lucianus, Euripides varijs in locis, & Herodotus, & alij; omitto Medæ furias ob adulterium Iasonis mariti, quæ etiam filijs ob illud non pepercit, ut scribit Euripides, & Libanius, apud quem inter alia de uxore super inducta, filia Creontis; asperè conqueritur, dum ait, Me inuia vidit aliàs nuptias, omitto plurimorum hominum ob adulterij maculam, accellerata fata, idq. ut censeo, vindicta diuina; & iusto Dei iudicio. Porro lege ciuili Romanorum impuniti etiam non relinquuntur adulteri, lata est lex Iulia de adulterijs ab Augusto, gladio adulteria puniens: Quæ pœna durior aliquantum habita, ut refert Constantinus. Deinde a Iustiniano in fragili sexu temperata, statutūq. ut mulier adultera, virgis caesa, in monasterio concludatur: apud quem tamen de adultero non cauetur, qui nihilominus hodie mixtus cum illo agendū, & ut plerumq. scribitur, vel relegatum cum dira, & fama nota; & ita iudicari in Gallia scribit Io. Papon. Nisi cum hera commisceantur adulteri; tunc enim ad securitatem rei familiaris, & ob seruorum indomitos infidelitatem, in crucem aguntur penduli, mortiq.

X 2

adiu-

adiudicantur, & eo, nisi conuiueant iure curæ Gallia utuntur, & ita placito Senatus alias iudicatum mense Maij anno 1551. ut idem refert. Et ego etiam Tholosæ vidi iudicari exosum quippe, maioriq. animaduersione dignum visum est per se satis detestabile crimen in seruis, vel in his, qui bona fide nobis seruiunt: cum aliter nulla domus tuta esse possit, nisi periculo capitis sui, dominis custodiam tam a domesticis, quam ab extraneis præstare serui cogatur, ut ait Vulpianus. Ideo antiquitus seruus, qui se cum domina polluerat, comburebatur, & domina capite pledebatur, ut patet ex Constantino. Ex quibus apparet iure ciuili exosa fuisse adulteria, tamquam presentaneū venenum, & cunctis malis perniciosius, ut ait D. Clemens, cui subscribit Ephun Poeta Comicus, qui parem ita protulit sententiam.

Non est adulterum, neque vnum maius malum,
Nam in aliorum infortunijs, is delicias querit.

Quare nec mirum videri debet, si licitum fuerit certis personis, adulteros in crimine deprehensos occidere, ut scribitur a Pomponio, & a Martiano, & a Papiniano, & ab Alexandro Cesare, apud quem ratio redditur, quare ab homicidio, ut cumq. excusentur, quia inquit difficilissimum fuit dolorem temperare ob violatam castitatem. Et Armenius quidam ad Cyrum Persarum Regem apud Xenophontem; ita ait, o Cyre, neque hi, qui suis cum vxoribus adulteros comprehendunt, ob hanc causam eos interimunt, quod illas reddunt impudicas, sed quia ipsos existimant ab eis auferre charitatem erga viros, itaq. ijs, ut hostibus utuntur. Scriptum enim est. Et erunt duo in carne vna, quod quidem vinculum a Mæchis dissipatur. apud Athenienses autem, omnino impunitas dabatur homicidij adulteri deprehensi, ut ait Lysias his verbis. Audite o viri Athenienses, ut ipso ex Areopagi iudicio, cui & patrium est a vobis permixtum, homicidij causas iudicare, manifestè dicitur, non esse hunc homicidij puniendum, quicumque apud suam vxorem adulterum deprehendens hoc in eum supplicio animaduernerit. Meminit etiam Aulus Gellius alterius similis legis. In adulterio, inquit, vxorem si deprehendisses, sine iudicio impunè necares, illa, te, si adulterares, non auderet, nec digito contingere. Ex quo colligere adhuc licet parem facultatem, necis inferendæ vxori, ac marito non fuisse concessam, habitumq. grauius adulterium in vxore, quam in marito. Quare cum hæc ita se habeant debent mulieres ab adulterij se abstinere, & viros ea non tolerare; grauius quidem, & si sint hæc vitia, ut dicit Georgius Viuiennius de offic. probæ matris fam. lib. 1. cap. 18. temulentia, iracundia, luxuries, inertia gula, menda-

mendacium, vagum, aegritudo, iurgium, maledicentia, fatuitas, insania, ferenda tamen sunt; solum licet adulterium omnino in uxore ejicere; grauia quidem, & reliqua vitia, sed tolerari tamen aliquo pacto possunt. at fidem thoro non seruasse intolerabile est. Homerus inter execrationes, & diras in viros illam precipuam ponit; eorum uxores alijs viris misceantur. Iobus quoque si insidiatus sit ad ostium amici sui, hoc sibi imprecatur; Scortum (inquit) alterius sit uxor mea, & super illam incuruentur alij, videlicet, quod id cum matrimonij natura, totaque ratione pugnet, qua in mutuo amore sita est. Quod momento alium virum, quem legitimum mulier in cor admittit, eodem ijs intemperijs, ac mariti metu concutitur, ut nihil oderit illa capitalius; numquam occurrit, quin expauescat, atque exhorreat tamquam se a furijs exagitetur, ardentibus facibus; ut est in fabulis. Sunt & alia duo bona, quibus connubium donauit natura; proles, & res familiaris. Hæc quoque polluit, ac corrumpit adulterium; quippe sobolem, ut dicebam modo, incertam facit, rem domesticam pessundat; negligit enim domum mulier adulterio alienata, immemor sui; nec fortunas diligere potest eius, cuius odit vitam: ac ne liberos quidem. Iam quid non concedat ei mulier, cui se, & pudicitiam suam, hoc est, maxima sua bona prostituit? scilicet pecuniam, negabit, aut regnum, aut filiorum mortem, cui non negauit semetipsam? cui conscientiam suam prodidit? Liuia Germanici soror, tradita semel Seiano pudicitia, homini plus ætate media ignobili impuro, abnuere illi non sustinuit Drusi mariti suo, filij Tiberij Caesaris, hæredis tanti imperij, iuuenis formosissimi, generosissimi, animosissimi ad hæc liberorum, quos ex eo suscepit, necem; præta regni certissima spe, excussa pietate filiorum, non reuerita Antoniam matrem, & Augustam Auiam, grauißimas seculi sui matronas; immemor nobilissimi sanguinis, tum patris, fratrisque. quos humanum genus de probitate pro dijs venerabatur; paratis sub sagacissimo, & sæuissimo socero tormentis sub quibus, & Liuiæ ipsi, & Seiano, & eorum amicis omnibus anima erat (ut euenit) per mille atrocissimas neces exigenda. Nimirum nihil sibi reßeruat mulier, qua pudicitiam abiecit. Quod non Christianæ tantum sanctæ fæmina intellexerunt, sed etiam Barbaræ. Ex quibus fuerunt nonnullæ, qua polluta, indignas se vita iudicauerunt; ut Lucretia Collatini uxor. Aliæ, qua ne castitatis naufragium facerent, sese peremerunt. Quare cum castitatis, ac prudentiæ, ut inquit Anneus Robertus rerum iudicarum lib. 1. cap. 13. cultus vnica sit, & vera fæminarum commendatio, & insigne muliebris laudis monumentum. Quoties de coercenda incontinentia agitur, mulierum maximè interest, ut castæ ab impudicis se-

cernantur, & morum iudicium sincera, & seuera cognitione exerceatur. Quomodo autem, cum de solemnibus militaris testamenti probatione agitur, Iuricons. nullorum magis interesse ait, quam ipsorum militum, ne supremis eorum voluntatibus fraus fiat; neque ex probationum facilitate falsa militis voluntas pro vera supponatur, sic etiam cum castitas propria feminei sexus laus sit, & prerogatiua hoc ipsa etiam mulieres magno studio procurare debent, impudicos luxuriososque viuientium mores seuera lege reprimi, & coerceri. Disciplina interest (inquit Tertullianus) incuriam vindicari. Metu enim ultionis omnis iniquitas refrænatur. Mulieres cum corpore debiles sint, & ingenio fragiles, a ciuilibus officiis remouere lex voluit, easque a munij tam bellicis, quam ceteris personalibus excusari. Hoc unum naturæ eis attributa forma pulchritudine concessit, ut sola castitatis, & conscientie prerogatiua superbiant, & in vero virtutis, ac modestie certamine victrices triumphum supra viros reportent. Viri fastidioso uxorum conceptu nouitatis amantes, turpem cupiditatem suarum procacitatem fouent, & impure libidini audacius indulgent. Mulieribus hunc triumphum virtus reseruauit, ut modestie, & pudoris studiose tenacius incorruptam antiqua castitatis integritatem retinerent. Halcyones acies nidos ex pisciculorum officulis, & spinulis tantò, tãque admirabili artificio struunt, & contextunt, ut soli Halcyoni pateat ingressus; ceteris animalibus interdicatur, ac etiam mare ipsum infuset. Pudica mulier lectum suum, ita adornet, & componat, ut soli marito pateat aditus; soli accedere permittatur; illicitos aliorum amplexus fugiat, & excreetur. Quintilianus eleganter; Non estis (inquit) exhortandi mihi ad tuendam castitatem ciuitati, ante omnia, necessariam. Matrimonij scitis contineri ciuitatem, his populos his liberos, & successionem patrimoniorum, & gradum hereditatum, his securitatem domesticam. Itaque uno gentium omnium consensu adulterium, stuprumque, multa panarum, & infamia seueritate coerceri placuit, & seuera lege mulieres prostratæ impudicitie reas castigari, & puniri conueniens visum est, ut superius ex Tholosano dicebamus. Leges autem maritis licere noluerunt impudicos mulierum mores turpi patientia perpeti, si semel aliquando, aut damnatæ, aut etiam accusatæ fuerint. Plinius de Gallica adulterij rea refert, quæ Tribuno militum nuptia suam, & mariti dignitatem Centurionis amore maculauerat. Maritus post damnatam adulterum uxorem domi retinebat; admonitus, ut perageret accusationem peregit inuitus; sed (inquit Plinius) illam damnari etiam inuito accusatore necesse erat. Damnata, & legis Iulie poenis est relicta. At verò accusatione nundum cepta, Vulpianus maritum excusat, si velit adumbrare patientiam prætextu incrudelitatis.

Sed

Sed diuortio ex causa adulterij accusatione in iudicio instituta, legis ratio, & honestatis publica disciplina ab eo tempore reconciliatio- ni coniugum refragatur; Et ex Arelatenſi Concilio, vir qui retinet adulteram, particeps eſt criminis. Patronus eſt turpitudinis, qui ce- las crimen uxoris. Domitianus equitem Romanum ob reduſtam in matrimonium uxorem, cui dimiſſe adulterij crimen intenderat, erasit iudicium albo. Laonicus Calchondilas refert apud gentes quasdam, diram eſſe, & infamem imprecationem illam, ut quis repudiatam uxorem, iterum recipiat. Paulus, qui inter priſcos monacos vita ſancti- tate, & morum auſteritate claruit, non aliam inſtituti ſui, & ſolita- rij voti occaſionem habuiſſe fertur, quàm, quod uxorem in adulterio deprehenſam retinere nolens, in ſolitudinem, & deſerta monaſticam vitam profeſſus abiit. Diuus Hieronymus. Illa (inquit) qua vnā carnem diuiſit in alium, vel alios, retineri non debet, ne maritus fiat ſub maledictō. Sic, & ex iuris ciuiliſ diſpoſitione, qui uxorem adul- terij damnatam reduxit, incurrit crimen lenocinij.

Super illa verba, ſeuitatem annonæ incuſante plebe ſtatuit frumē- to pretium, quod emptor venderet, binosq. nummos ſe additurum ne- gotiatoribus in ſingulos modios, dicendum eſt.

De remedio famiſ, & vbertate con- ſeruanda.

H Vnc tractatum de remedio famiſ Regij, de Regijs I. C. Ama- dulenſis, qui ad noſtras ſolas manus manuſcriptus peruenit, hic ponere opportuno loco volumus, eſſet nobis. religio alieno labore famam comparare.

Quaritur ſuper prouiſione frumenti ad ſuccurrendum populo pro- pter famem, qua dicitur acutiſſimus enſis ſecundum Bald. in l. pactū doctale num. 25. C. de Collat. ut re ipſa experientia docuit in Anno MDXCI. quo non ſolum pauperes, & inutiles homines, ſed etiam nobiles, & patricios tam Italiae partibus, quàm alibi horrendum ca- lamitatum noſtrarum ſpectaculum præſeferre viſum eſt. Hi etenim quotidie per vias certatim incedentes, & vix proprijs pedibus conſiſte- re valentes, exiguo vocis articulo, quem tenuis eorum ſpiritus diſſi- cillimè concedebat, in aliorum fidem, atque charitatem ſemetipſos precibus humillimis conſerebant. Multi verò nimia ciborum abſti- nentia defatigati, clauſo interim pietatis oſſio, publicè in humum de- labi, & eodem ſerè tempore ſibi lectus, & ſepulturam conſtituere vi-

X 4 deban-

debantur. Plurimi etiam hac atra, & immani rabie oppressi, omni alio deficiente victu belluarum more ex aruis non satis sibi ipsis barbarum alimoniam suppeditantes miserrimum famis tormentum, & hoc teterrimum mortis genus subire coacti sunt. Magni quidem ponderis, ac sanè diligenti consideratione digna est consultatio prasens, tum propter huiusmodi calamitatis atrocitatem, cum grauissimos agitate necessitatis suadent morsus, tum etiam propter ipsius auctoritatem, cum humana sibi prouidentia vix resistere audeat. Vnde meritò non parum anceps sui, an hoc scribendi munus subirem, veritus ne hac in re imbecilles vires mea deficerent. Caterum mihi diligentius, ac accuratius consideranti tutissimum præstò fuit diuinum auxilium, quo fretus quibus remedijs, quibusvè auxilijs posthac famis obuentui, quem Deus auertat, prouideri, & subueniri possit, dicam quid sentiam.

Inter ceteras causas, quibus iurisconsulti usurarum prauitatem damnauerunt passim a Conrad. de contract. q. 22. concl. 2. enarratis, illa omnium maxima, & inter alias potissima fuit, quo fames euitaretur; de qua testatur Bald. in Rub. C. de usuris num. 3. sub. his verbis. Usura sunt prohibita, ne homines studentes auaritia deferant actus virtuosos, & industriosos, & non deferantur cultura agrorum, ut idem reliquit in scriptis Innoc. in cap. 1. ext. eod. tit. de usuris. Homines enim, suapte natura ad opes prouideri potius huic lucro sanebri uti maiori, atque securiori, quam alteri pio, ac stabilissimo quaestui, ceterisq. & si ad mortales regendos bonis, & necessarijs artibus, deferrent, quippe humana commercia, exercitia pecudum, & aliorum animalium, nec non & agriculturam ipsam, qua teste Cic. lib. 1. off. nihil est melius, nihil uberius, nihil dulcius, nihil homine libero dignius. Respondit enim terra optime, iustissimeq. colentibus eam multo cum fœnore, quæ accepit restituens, & copiam exhibens omnium ad vitam necessariorum ei, qui laborare voluerit, idq. honestè, nihil vero dedecorosè? Nam nemo est saltem non mollis, & effeminatus, qui dicere ausit vllum opus agriculturae turpe, aut indecens esse viro bono, plantare enim, arare, & vites colere quoquomodo non honesta essent? Item serere, & triturare an ne hæc omnia sunt ingenua, & bonis viris decora? certè velut Hesiodo non turpe fuit pastorem agere, ut cum Stobæo loquar, nec obfuit ei, quominus Deis carus, & musicus esset; ita nec alij cupiam impedimento erit. Haud equidem vllum aliud vitæ genus, aliudvè quaestum, aut comparandum, aut præferendum est illi, quod Agriculturam colit. Nam quo pacto non magis secundum naturam fuerit ex ipsa terra, quæ nutritrix; & parens est omnium, quam a fœnore, & aliunde nutriri?

an

an ne magis virile est ruri agere, quàm in oppido desidere? Non ne salubrius est foris vitam agere, quàm in umbra educari? Vtrum verò liberalius est unumquemque sibi necessaria comparare, aut ab alijs accipere? multo sanè honestius apparet non indigere alio ad res necessarias, quàm indigere. At mehercule illa Romuli proles assiduis venatibus, nec minus agrestibus operibus exercitata, firmissimis praua- luit corporibus, semperq. rusticam plebē praposuit Urbanā. Vt enim, qui in villis intra conscripta morarentur, quàm, qui foris terram mo- larentur, ignauiores habitos: sic eos, qui sub umbra ciuitatis intra- mœnia cunctarentur desides, quàm qui rura colerent, administraren- tur opera colonorum segniores visos. Adeo autem egregia res est ex agricultura viuere, vt Apollo Misonem Chæmæum sapientem, Pso- phidium vero Splendidum, & felicem appellauerit, quorum vterque ruri agens, suisq. manibus laborans urbana habitatione abstinebat. Habet hæc enim diligentiam quandam, & animi voluptatem, insuper domus augmentum, exercitiumq. corporis quantum homini libero fas est, ac fructibus quoque ipsius partim victitamus, partim odorum oblectationem, & iucunditatem excipimus, fœtus alios mutiendo, alios producendo, & omnia, quibus eget natura profert abundè. Hinc rectè cecinit Horatius lib. 2. sermonum Satyra 6.

O rus, quando ego te aspiciam? quandoq. licebit
Nunc veterum libris, nunc somno, & inertibus horis
Ducere sollicitæ iucunda obliuia vitæ?

An bellum perosis malis, & negotiationis alea sit optabilior, vt ru- pto nature fœdere terrestræ animal homo ventorum, & maris obie- ctus ira se fluctibus audeat credere, semperq. ritu volucrum, longiq. litoris peregrinus ignotum pererret orbem? Sed ne caninum quidem, sicut veteres dixerunt, studium præstantius locupletissimum quemq. ob- latrandi, & contra innocentes, ac pro nocentibus neglectum a maio- ribus, a nobis etiam concessum intra mœnia, & in ipso foro latrociniū. An opificum sordidus, & illiberalis quaestus? An scœneratio probabi- lior sit, etiam his inuisa, quibus succurrere videtur? superest, vt di- xi, vnum genus liberale, & ingenuum rei familiaris augendæ, quod ex agricolatione contingit, ex qua quaestus stabilissimus, honestissi- musq., minimèq. inuidiosus, vt late post alios commemorat. Cassan. in catalogo gloria mundi parte 11. consider. 37. quippe non immeritò prisca illi Romani cuiuslibet celebrati moris inuentores accuratissimi, legem quandam promulgauerunt, qua Censor Urbis potestatem pu- niendi eos habebat, qui agrum temerè, atque inutiliter coluissent, vel qui Agricultura Curam pratermitterent, secundum Plin. lib. 18. cap. 3. natur. histor. Tanta igitur æstimationis, & laudis apud illos Ro- manos

manos ipsa rusticatio fuit, ut Imperatores ipsos non pueret manibus triumphalibus colere agros, tractare semina, disponere arbuta, & eadem diligentia metiri arua, qua castra, & eadem cura exercere lignones, & sarcula, qua gladios, & bella, ipsi proceres urbis in agris morabantur, & ut inquit Elegiarum scriptor Propertius lib. 4. eleg. 1.

Centum illi in prato sæpe Senatus erat.

Et cum consilium publicum desiderabatur a villis accersebantur in Senatum, de hoc etiam meminit Cassaneus in loco proximè citato. Innumera ad hoc se offerunt exempla, & illa quidem nota, atque præclarissima, inquit enim Columella lib. 1. de re rustica in præfatione: quod aranti Cincinato viator obtulit Dictaturam, qui terfo puluere, bobusq. relictis, accepit eam, & assumpto exercitu inimicos populos debellauit intra quindecim dies, & de bis triumphauit, statimq. ad arandum redijt, velut ad intermissum opus, ut etiam refert Corn. cons. 155. num. 2. vol. 1. & Boer. decis. 322. num. 11. Serranum inuenere ferentem oblatis honores. Portius Cato ille Censorius, & omnium bonarum artium magister, agricolandi studiosissimus fuit, & villaticis voluptatibus in primis oblectabatur. Inter alios Abdolomino agrum ferenti regimen Tyrriorum ultro traditum est, & ultro oblata sunt regia maiestatis insignia. Quid L. Quintium, Claudium, Curtium, Fabricium, Regulum Consulares, ac triumphales viros non commemorem? quos patricios, clarissimosq. homines summa cum laude agrum manibus proprijs coluisse proditum est, atque ex eo agro ad honores vocatos, rursus fascibus depositis ad eosdem iuuenos reuersos. Itemq. Caius Fabricius, & Curius Dentatus, alter Pyrrho finibus Italia pulso, domitis alter Sabinis, acceptaq. viritum diuidebantur, captiui agri septem iugera non minus industria coluerit, quam fortiter armis quaesierat. Cyrus etiam Iunior Persarum Rex gloriatur in Xenophonte agrum se habere suis manibus consitum, arboresq. ordine positas, & in quincuncem directas, ut ex hoc intelligas, nihil Xenophonti tam regale videri, quam studium agricolandi. Quin etiam scriptores inclyti fortunatiorem, beatioremq. rusticorum vitam, quam urbicorum esse dixerunt. Hinc Attalus olim Rex ditissimus omissa Regni administratione hortos fodere cepit, & gramina seminare. Diocletianus Imperator Imperio, & imperatoria purpura depositis se contulit ad rei rustica tranquillitatem, & quamuis sæpius a Senatu sibi literis, & nuncijs suaderetur redditus; imò precibus expositularetur ad imperium, nihilominus ex suo rure nunquam discedere voluit, illicq. felicissimè consenuit. Quid dicam de Attilio Collatino? qui ob ipsius admirabilem virtutem ab aratro, & sarculo assumptus fuit ad celeberrimum dictaturæ officium, continentiæ,

mentia, & parsimonia adeo amator fuit, & adeo oblectabatur agricultura, quod priuatam potius vitam in rure sibi agere constituisset, quam supremam Romanorum consequi dignitatem, & supra omnes magistratus habere potestatem, unde non minus verè, quam eleganter in hanc felicem, fertilemq. agricularum vitam exclamat Virgilius lib. 2. Georgic.

O fortunatos nimium sua si bona norint
Agricolas, quibus ipsa procul discordibus armis,
Fundit humo victum faciens iustissima tellus,

Horat. lib. 5. carm. od. 2.

Beatus ille, qui procul negotijs,
Vt prisca gens mortalium
Paterna rura bobus exercet suis.
Solutus omni fenore

Claudianus ad Rufinum lib. 1.

Hic radiant flores, & prati viua voluptas
Ingenio variata suo: fulgentibus illic
Surgunt structa thoris; hic mollis panditur herba
Sollicitum curis non abruptua soporem
Turba salutantum latas tibi persrepat ædes,
Hic auium cantus, labentis murmura riui.

Quibus verbis, quibusve encomijs Marci Reguli magnanimitatẽ extollam? qui Ductor in Africa generalis exercitus, audita suorum colonorum morte, verensq. suos agròs fortiter damnum passuros esse, statim a Senatu licentiam petijt, vt ad rerum suarum custodiam redire potuisset, non alia motus causa, quam ob immensum amorem, quo ruris sui agriculturam prosequabatur; Isthac igitur denegata licentia Consules vna cum Senatu deereuerunt, vt Respub. agrorum illius curam, & studium assumeret. Non minorem laudem meruisse inuenio vpus Plutarch. in Apophteg. Gelonem Siciliæ Tyrannum, quo tempore Carthaginenses apud Imeram debellauit, sapius autem Siracusanos ad agriculturam tanquam in expeditionem eduxit, simul vt ager efficeretur excultus, simul ne ipsi per ocium deteriores fierent. Multi alij Imperatores, nec non potentissimi Reges omittuntur, ne singulos intempestiue prosequar, qui se agricolas præstiterunt, & ad id quidem est, quod scribit Plin. d. lib. 18. cap. 3 manibus ipsorum Imperatorum agros olim coli solitos gaudente terra vomere laureato, & triumphali aratore. Ibidem refert Plinius lib. 6. post multas agriculturæ laudes, & dignitates enarratas, vt nobis patefaciat iudicium, quod antiquitus circa agrorum culturam fieri solebat C. Furij Cresini narrat exemplum, qui è seruitute libertatus, cum in paruo admodum

dum agello largiores multi fructus perciperet, quam ex amplissimis vicinitas in invidia magna erat, ceu fruges alienas pelliceret veneficijs. Quam ob rem a Sp. Albino Curuli die dicta metuens damnationem, cum in suffragium Tribus oportebat ire, instrumentum rusticum omne in forum attulit, & adduxit filiam validam, atque benè curatam, ac vestitam, ferramenta egregiè facta, graues ligones, vomeres ponderosos, boues saturos; postea dixit, veneficia mea, Qui-rites, hæc sunt, nec possum ostendere verbis, aut in forum adducere lucubrationes, vigilias, & sudores. Itaq. omnium sententijs absolutus est. Præterea nobilissimarum familiarum non aliunde cognomina accepta sunt, quam a rebus rusticanis. Vnde Fabij, Lentuli, Cicerones, & alij a leguminibus cognominata sunt, quæ quisquam optimè fereret cognominatus est. Multa quippe nomina habemus veterum Romanorum, partim a maiore, partim a minore pecore deducta, ut exactè Carolus Sigonius describit in lib. 1. de antiq. iur. ciuili Romanorum c. 3. de Tribubus, & curijs. Si olim igitur præstantissimi viri, & memorabiles Duces agriculturæ studio manus sollicitas, & excellentes admouere non dedignati fuerunt, cur bodiernis temporibus a quamplurimis, imò ab omnibus id ipsum recusari videtur? tum propter necessitatem, sine qua viuere neutiquam possumus, tum etiam, quòd quæstum nobis honestissimum, sine fallacia, & mendacio præbet, ut enim dicitur in Prouerb. 28. Qui operatur terram suam replebitur panibus, & ibi scribitur. Egestatem operata est manus remissa, scilicet ad laborandum: & Ecclesiast. 7. inquit sapiens, Non oderis laboriosa opera, & rusticitatem creatam ab altissimo: Nam Deus eam instituit, dicitur enim. Genes. 3. Emisit Dominus Adam de Paradiso voluptatis, ut operaretur terram, de qua sumptus est, & post diluuium, ut habetur Genes. 9. Noe vir agricola coepit exercere terram, & plantauit vineam, ut vinum colligeret, quod prius ignorabatur; imò non solum ad Adam, quoniam ut dicitur Genes. 2. Plantauerat autem Dominus Deus paradysum voluptatis, in quo posuit hominem, quem formauerat, produxeratq. Dominus Deus de humo omne lignum pulchrum visu, & ad vescendum suaue: ex quo patet illud, quod fuit primo necessarium pro vita humana, fuit cultura agrorum, quod nobis Deus ostendit, cum a principio talia fecerit, quod plus est, Christus patrem suum agricolam vocat, ut scribitur Ioa. 15. Ego sum, ait Christus, vitis vera, & pater meus Agricola est. ponitur quoque ipse Agricola in clem. exiui de paradiso in princ. Ibi rigabo hortum plantationis, ait ille celestis agricola, &c. sumptum hoc ipsum ab Eccles. 24. Quid igitur ex prædictis autoritatibus artem mechanicam? quis sordidum quæstum dicit agriculturam, & eam ludibrio

Librio habebit, cum tot, tantiq. viri probabili vita, & sanctimoniam
præditi exercuerint, ea præsertim causa inuentam ante alios modos
per Adam, ut dictum est, ad humana vite necessitatem? Numquid
fodere herbam, vel lapides dicatur ars? minimè quidem, ut attestat-
tur glos. not. in l. lex que tutores in verbo, labore suo, C. de administ.
tut. & licet Iacob. Rebus. in l. i. C. de agric. & mancip. dominic. dicat,
quòd agricultores, & vinearum fossores in consules eligi non debeant,
quoniam esset indecorum tales esse consules. tamen id sano modo in-
telligendum est, videlicet de illis agricolis, qui aliqua conuenta, seu
recepta mercede in alienis possessionibus operam, & laborem præstant
secundum mentem illius tex. hi vero sunt viles, & seruiles persona:
nec danda est fides Luca de Penna in l. i. C. de agric. & censit. eod.
lib. asserenti Agricolas non esse ad dignitatem promouendos, cum id
simpliciter, & veluti obiter dicat nulla iuris probatione, & erubesci-
mus cum sine lege loquimur l. illam, C. de collat. bene verum est quod
citatur notata in §. quod autem Authen. de non alien. aut permutand.
ubi glo. in verbo mechanicis, exemplificat artem mechanicam, ut
Pelipariorum, & Fabrorum, quos esse mechanicos non diffiteor, sed
dico eis agricolam non esse comparandum, & sic illa glo. diligenter
inspecta potius nobis suffragatur, quàm refragatur. Præterea con-
tra Rebus. in d. l. i. quòd quemadmodum negotiari non dicitur, nec
artem mechanicam committere, quando quis vendit granum, vinum,
aut oleum suum, c. eiiciens 88. distinct. Abb. in cons. 6. 2. dub. vol. 1.
ita etiam neque vilis, neque abiecta persona reputari debet is, qui
manibus proprijs ruris sui culturam exercet. longè enim antiquior si
rustica vita sit, quàm urbana, & diù ante inuentas vrbes, rura ho-
mines coluerint, & immenso annorum numero Agricole Urbanos an-
tecellant, meritò laudatissima, nec ignominiosa reputari debet agri-
cultura, ut apud veteres Romanos obseruatum legimus in Beroaldo in
enarratione Georgici carminis. Non immeritò igitur tot grauissi-
mos autores, laudatoresq. inuenies sortitum fuisse agriculturam, mul-
taq. ei priuilegia condonata, prout diligentissimè scribit Tiraq. Spe-
ctate virtutis iuriscons. in tractatu nobilitatis cap. 32. O cunctis ho-
minibus gratia pacis, fida nutrix, patrona, & procuratrix agricultu-
ra? ò dies optata bonis viris, & agricolis? ò præclara opum morta-
lium beatitudo, quam ubi vnusquisque adeptus fuerit auaritiæ con-
tum, gladiumq. pertimescere non fas est, iras populi aufugit, & mul-
ta alia utilia, atque delectabilia consequitur, de quibus autor est Se-
neca in Hyppo. 2. art.

Ne alia magis est libera, & vitijs carens,
Ritusq. melius, vita, quæ præscos colat,

Quam

Quam quæ relictis mœnibus sylvas amat ,
 Non illum auaræ mentis inflamat furor
 Qui se dicauit montium insontem iugis ,
 Non aura populi, & vulgus infidum bonis
 Non pestilens inuidia .

Non mirum est igitur, si homines hodie semetipsos nimium amantes, & sibi ipsis blandiri volentes usurario exercitio veluti lues in cœno inuoluti, & in dies huiusmodi laqueo irrecliti agriculturam intermittunt, & deserunt, quippe qui maiori facilitate, & celeritate diuites fieri pro certo habeant: quorum inexplebilem auaritiam ego ipse non miror, cum hi parum, aut nullius rationis participes videantur. Humanæ quippe naturæ, velut inquit Boet. de consol. philosoph. hæc conditio est, ut tum tantum cæteris rebus cum recognoscit, excellat, eadem tamen infra bestias redigatur, si se nosse desierit. Nam cæteris animantibus se ipsos ignorare natura est. hominibus verò visio venit. Quam verò hinc latè patet eorum error, qui usuris illicitis ornari posse existimant? ego verò illud esse bonum, quod noceat habenti. Non mentior? minime inquires. Hinc igitur scisura, quas pessima mente, & deprauata conscientia, omni. prorsus ratione postposita quis adeptus fuerit, persæpe nocuerunt earum possessori. Hinc meritò Iuuenalis cecinit Satyra 14.

Inde ferè scelerum causæ, nec plura venena
 Miscuit, aut ferro grastatur sæpius vllum
 Humanæ mentis vitium, quàm sæua cupido
 Indoniti census, &c.

Quarum usurarum itinere aperto scelestis hominibus, statim em incultis agris, ut alias dixi, sequitur annonæ charitas, indequè surgit omnium rerum penuria, & inde fames, qua nihil humano generi miserius, nihilq. calamitosius reperitur. Nam ut dicit Innoc. in d.c. 1. de usuris. David potius elegit pestem, quæ communis esset tam diuitibus, quàm pauperibus, quam elegerit famem, qua tantum pauperes perirent, cum utriusque sibi data esset electio, ut scribitur Reg. lib. 2. cap. 24. Et meritò quia ipsa est vltima malorum, & omnium terribilissimum mortis genus, nec aliud excogitari potest, tam dirum, tam seuum, tam obscœnum, ac tetrum, tam pestiferum, ac perniciosum, quàm fames: nihil durius, quæ sæpe obesos compellit humanis vesci carnibus, & in suam sarcire naturam, ut nec parentes paruulis pariunt liberis, & maritalis affectus uxoris dudum amata membra dilaceret. sic narrat Diuus Hieronymus in Amos lib. 3. Fœlix, ait Quintilianus, pestilentia, fœlix præliorum strages, denique omnis mors facilis, famis autem aspera vitalia haurit; præcordia carpit,
animi

animi tormentum, corporis tabes, peccandi magistra, durissima necessitatum, malorum deformissima. Hac ad humile corpus nobiles manus mittit, hac alienis pedibus mendicantes prostermit, hac sæpe sociorum fidem fregit, hac venena populis publicè dedit: hac in parri- cidium pios egit, ut post Quintilianum hac omnia cumulat Lucas de Penna in l. 2. C. quibus muneribus, vel præsta. lib. 11. ex nullo enim malorum fonte fœdiora manarunt exempla, quàm ex fame. Hinc filiorum cades, ut dixi, & infanda epula confecta sunt ex multis corruptissimis, putridisq. rebus, & animalibus, & quod peius est ex humanis cadaueribus in terra obsessis, quinimò dictu quidem horrendum, auditu vero incredibile de illa Maria Bleazari filia, quæ in obsidione Hierosolymæ reperta fuit infantem filium a se occisum, co- ctumq. medium comedis, ut refert Ioseph de bello iudaico lib. 7. cap. 7. & quod atrocissimum est ex propria sui corporis carne, reperti sunt enim, qui seipsos dilaniarunt, quando morsus in alios vertere non po- tuerunt. Nam in ea obsidione, quam inter secundum bellum puni- cum passus est Spendius ab Amilcare carthaginensium Duce, eò ino- pia ventum est, ut Spendiani milites suis ipsorum corporibus inedia vescerentur, captiuisq. quod Polybius tradit lib. 1. ac serius casis eo- rum carnibus sustentarentur. Tradunt, & antiqui scriptores Eri- sictionem propter neglecta Veneris sacra ad tantam famem adactum esse, ut propria ipsius membra corroserit, ex quo tradit Ovidius lib. 2. Metamorph.

Vis tamen illa mali postquam consumpserat omnem
Materiam, dederatq. graui nona pabula morbo,
Ipse suos artus lacero diuellere morsu
Cœpit, & infœlix minuendo corpus alebat.

Ut non abs re scriptum sit Esaia cap. 9. Esuriet, & comedet ad si- nistram, & non saturabitur, unusquisque carnem brachij sui vorabit. Nec idè mirum videri debet, quod multi tradiderunt: Polyp- pum præ fame sua ipsius brachia corrodere, sicuti referi Atheneus lib. 3. cap. 32. num. 10. Hinc illa præcipitationes, aliaq. festinata mortes, de quibus fidem facit Liuius ab urbe condita lib. 4. ubi tradit, cum fames urgeret Romanos, multos ex plebe spe amissa, potius, ut cru- ciarentur trahendo animam capitibus inuolutis se in Tyberim præci- pitasse, alias famis calamitates recenset idem Liuius lib. 3. deinde 3. in obsidione Casilini, cuius famem exaggerat Valerius Maximus lib. 7. cap. 6. Aliam quoque scripsit Appianus Alexandrinus in lib. lybico. Sed quoniam longum, & laboriosum esset recensere scriptores, qui de huiusmodi calamitate enarrauerunt, quilibet latissimè, & eleganter de more suo videre poterit Tiraquellum de retract. tit. 1. §. 26. glo. 1. nu. 16.

nu. 16. cum pluribus alijs sequentibus numeris. Sed iam ad institutum reuertamur, post enarratas Agricultura utilitates, & laudes, ac misera famis incursus, illud mihi se offert dicendum, quod ait Cic. lib. 2. off. omnes, qui Rempublicam gubernabunt, consulere debebunt, ut earum rerum copia sit, quae sunt necessaria. Idem attestatus fuit Iustinianus Imperator de Praeside Pisidia Const. 24. dum dixit. Praesidem prouincia prospicere, atque curare oportet, ut affluens rerum copia sit in urbibus, ne quid cuius deficiat. Quid igitur melius, & ad vitam degendam utilius Princeps procurare potuerit, quam unicuique culturam agrorum consulere? imò illam sub pœnali lege cuiuslibet imponere? optimus tunc erit populus, qui terræ cultius est, ut scribitur per Arist. in 7. Politic. quem sequitur Lucas de Penna in Rub. C. de Agric. & Censit. lib. 11. ad conseruationem quoque ubertatis, & ne annonae oneretur Praefectum urbis animaduertere, oportet in Dardanarios, qui omnia premunt, & occupant, ut ea postea carius vendant. Hi quidem perniciosissimi rebus publicis esse solent, utpotè genus auarum, & iniusti lucri cupidissimum. Idcirco legibus occursum est: Dardanarijs istis praesertim per l. Annonam, ff. de extraord. crimin. ea enim lege effectum est, ut res frumentaria iustis pretijs vendatur, & utilitas annonae consecuta sit: quamobrem Reipub. maximè interest, ut ea lex conseruetur, & locum habeat, ne in defectu ipsius homines necessitate coacti ius sibi ipsis dicere, & maiora facinora perpetrare audeant, ut aliquando euenisse legimus: refert Procopius lib. 3. de bello Gothorum, milites omnes, quos Belisarius ad Urbis Romae tutelam reliquerat, Cononem eorum Ducem obtruncant, sed illi criminis dantes, quod frumentum, & ceteros commeatus cum maxima eorum iactura coemeret simul, & venderet, cuius facinoris pœnam Iustinianus facilè condonauit. Cum aduersus Gallos Romani bellum gererent, Annonaeq. caritas inualeceret, Cinnatritici largitionem surripiciens Regnum affectasse creditur, quo circa saxis obrutus est, quemadmodum Plutarchus commemorat in Parallelis. Athenienses contra Eumolpum bellum gerebant, cum autem Annona futura inopia videretur, Pyrande quaestor Urbanus triticum parçè suppeditans largitionem surripiebat. Populus igitur eum in proditionis suspicionem deuocatum, saxis obruerunt, ut idem Plutarch. refert in Parallel. lib. Quoniam ex inordinata administratione, & malo regimine Ciuitates depauperantur, fame, & pestilentia destruuntur l. 1. & ibi Bart. C. de frum. Urb. Constan. lib. 10. Ided habentes arbitrium, & autoritatem super abundantia, plures ordine huius nomine exequi debent si ubertatem conseruare voluerint, videlicet animaduertere, qua persona rectè administrare valeant, ordinè
ponere

ponere qualiter, & quo ordine in ciuitate, & quantum frumentum quolibet die vendi possit, vel quolibet mense secundum Bart. in d. l. 1. num. 2. Prius, & ante omnia idoneos susceptores, qui Annonam, & pecuniam frumentariam suscipiant, & custodiant eligere procurabunt, ut docet Rip. de remed. ad conseruand. vbert. num. 1. Debent autem hi susceptores esse nobiles, prudentes, fideles, bona conscientia, & optima integritatis iuxta constitutionem sapientissimè traditam ab Imperatore Valentiniano in l. 1. C. de condit. in publ. borr. lib. 10. Vbi dicit Ioan. de Platea, quod in electione officialis considerata maximè nobilitas est per illum tex. tam propter animi ingenuitatem, quam etiam alias qualitates extrinsecas nobilitatem ipsam concernentes, ut rectè considerat Masc. de probat. vol. 2. concl. 1091. num. 2. Maioris enim autoritatis est vox nobilis, quam plebei. Idèd semper in electionibus antepoenendi sunt. comprobat id Menoch. de Presumpt. lib. 6. presump. 59. num. 10. Maximè quoque interest Reip. gubernari per nobiles, & non plebeios, nobiles enim rapinam, & commercia fugiunt, & diligunt iustitiam. Lucas de Penna in l. si qui. C. ut secundum Rustic. ad nulla, &c. Hinc Plato dixit in Alcibiade consentaneum est meliores esse naturas nobili in genere, quàm ignobili. Et Arist. in lib. 1. Politicor. cap. 4. dixit, ut ex homine hominem, ex belluis belluam, si ex bonis bonum generari putant. Atheniensium Respub. illo tempore florebat, quo Patricios appellabat ex illustribus familijs, & pollentes opibus, penes quos fuit ciuitatis regimen, refert Dionys. Alicarnas. lib. 2. sequitur secundum præceptum ex eadem sanctissima Valentiniani constitutione circa personas Annonam ministrantium, in eis debere prudentiam subsistere, ac permanere, cum rectè neminem præesse dixerit Plato in Me. nisi fuerit prudens. Huius prudentie beneficio bona, & utilia, honesta, & turpia rectè discernimus, factaq. conuenientia iudicamus.

Denique ut paucis omnia complectar gubernatrix est hominum, & omnes inter ipsos constitutionis Princeps, Ciuitates, & familiam priuatamq. singulorum vitam ad exemplar diuinum referens, qua potest optimè similitudine depingit, hoc delet illud inscribit, ut ubique assimilationis modo fudens. Hinc refert Demosthenes contra Theocrinem, tunc maximè Remp. floruisse, cum a modestis, & prudentibus viris regeretur: Solet enim Deus bonis viris, bona consilia, & Reipub. se commoda sugerrere. Ita dicebat Philo. delegat. ad Caium. Quare quibus inest prudentia, ipsis etiam inest bonarum, &

Y

mala-

malarum rerum scientia, posita tota in delectu, & cognitione rerum expetendarum fugiendarumque sic futura prouidebunt, presentia disponent, & praterita memoria conseruabunt. Rectè igitur Claudianus dixit in laudem Steliconis 2. paneg.

Prudentia nequid
Inconsultus agas

Sed quia parum Reipublica prodesset habere istos Annona susceptores prudentes, nisi quoque illis fidelitas adiuncta foret, cum prudentia sine fide vana, & mendax sit, secundum Franciscum Patricium in lib. de Regno, & Regni institutione lib. 8. in principio. Ideo tamquam clarius lumen in eis fidelitas fulgere debet: illa enim manens nulla necessitate quemlibet ad fallendum coget, nec humani pectoris bonum ullo premio corrumpet: imò ut pulcher Plautus meminit in Asinaria de fidelibus viris.

Moriri se se mauolet:
Quàm non perfectum reddat, quod promisit.

Oportet etiam hosannonæ Ministros iuxta alterum Valentiniani sanctissimum Institutum esse bona conscientia præditos, quæ ubi reperitur mali fuga, & præfensio boni, quoque inest secundum compendium Theolog. Vexit. cap. 52. & contra ubi erit facinorosa conscientia, inde male cogitationes, & mala insurgunt opera: Nam ut oculi propria virtute priuati malè vident, ita anima propria virtute destituta malè suum opus peragit. Neceßè est igitur malam animam malè imperare, atque curare, bonam vero hæc omnia benefacere, ita dixit Plato in lib. 1. de Respub. Denique ob hanc ipsam virtutem ab omni peccato se abstinere hi susceptores, quod aliter facere non possunt, quàm si habeant recti, paruique notitiam. Manet etiam vltimum præceptum scilicet vitæ integritas. Nec frustra in his requiritur, cum ad rectas operas animum subleuare habeat, aduersari vitia, iustitiam colere, & Rempublicam aqua lance ministrare: lucro autem proprio numquam vir integer, & sapiens studet, quia bona hæc terrena contemnit. Lactan. Firmian. lib. 5. de Instit. cap. 19. Neque contra Rempub. neque contra iusurandum, ac fidem amici sui causa vir integer, & bonus faciet, non prætium, neque preces alicuius oculos ipsius excæcabit. Hinc memoria traditum est,

est, pertinacem virum fuisse grauem, & pauperem. Siquidem id quoque illius laudibus accedebat, quod cum plurima omnium ministrasset, tamen erat omnium pauperrimus, & hoc propter ipsius vitæ maximam integritatem, sic Herodotus ait lib. 2. Insuper habere debent huiusmodi susceptores rerum experientiam, & sed cum sit necesse, C. de nouo Codice confirmando. Vir enim in multis expertus cogitabit in multa, & qui multa didicit, enarrabit intellectum, qui non est expertus pauca recognoscit. Eccles. cap. 34. Experti certius quod intendunt consequuntur: quam ij, quæ rationem absque experientia tenent Arist. lib. 1. Methaphys. Non immerito igitur. Plinius lib. 5. Epistolarum epist. 5. propter ipsam rerum experientiam de Mauritio scribere ausus fuit, dum dixit; Vix est grauis, prudens, multis experimentis eruditus, & qui futuris possit, & præteritis providere: mihi & tentandi aliquid, & quiescendi illo autore ratio constabit, quod ipsum affirmat Cic. in oratione pro Cornelio Balbo in his dictis assiduus usus vnius rei deditus, & ingenium, & artem saepe vincit. Vnde Ouid. lib. 2. de Arte amandi.

Scit bene venator ceruis vbi retia tendat
Scit bene, qua fendens valle moretur aper.

Præterea Ioannes de Platea in l. per hanc. C. de erogat. milit. annonæ lib. 12. inquit, quod Ministrator, seu erogator Publicæ Annonæ in principio sui officij se officium suum iure, & iuste administraturum iurare debet, ac etiam, quod militibus proprijs Annonam eis debitam numerabit. Vnde ibidem primo loco non nulla de iure curando officialis deputati ad soluendum stipendiarijs, vel ad distribuendum species publicas, vel ad alia ministeria, & præsertim eos iurare debere, se fideliter officium suum esse exequuturos, ac diligenter, iuste, & accuratè, remota omni fraude, ac dolo. Apposito enim iuramento cautior, & diligentior animus fit, & a duobus cauet, ni scilicet amicos ledat, & ne peccet in Deum, attestatur Stobæus ex Antiphanis sententia sermone nostro. Vterius suis omnibus peractis dicti susceptores, annonæ suscepta, & pecunia frumentaria librum conficere tenentur, & illum tradere Decurionibus, qui ponant in Archiuio publico, ut cum opus fuerit cognosci possit quantitas Annonæ, reiq. frumentaria l. excellentia. C. de erogat. milit. Annonæ, & l. 1. C. de Apocb. publ. Annonæ vero præfectus cum expediens ipsi videbitur discussorem mittere debet, qui Prouinciā visisset, di-

X 2 scutiat,

scutiat, & diligenter inquirat Annonæ quantitatem, & singulorum capita, numerumq. describat, & innotescat, an tantum annona sit in Prouincia, quæ singulorum necessitatibus sufficiat, an vero urgeat necessitas providendi aduersus ingredientem in ediam, docet Ripa in loco alias citato, num. 40. Quæ descriptione, & annotatione facta si cognouerit non plus annona in Prouincia esse, quàm humano victui necessarium sit, tunc edictum proponet ne quis extra prouinciã fruges deferat sub pœna, quæ illi magis conuenire videbitur. Ripa ubi supra num. 4. Ultra prædicta ad conseruandam vbertatem renouanda esset illa consuetudo, cuius meminit Vulpianus Iurisc. in l. si pendentes. §. & in fine. ff. de usufr. sub his verbis. Solent possessores certam partem fructuum municipio viliori præcio addicere, quod ipsum non solum interpellatis annis fieri necesse esset, sed annuatim obseruandum fuit, ut his conditis in publicis horreis urgenti famis auculeo egentium necessitati facillimè subueniri possit; Nec aliquid de his tangi, quam veteri consumantur, ut iam prudentissimè statuit Valentianus Imperator in d. l. 5. C. de condit. in publ. horreis. Extat & ibi propè alia constitutio Arcadij considerationis quidem maximè, qua eos, qui aliquid ex horreis publicis usurpauerint, deportatione, ac bonorum publicatione condemnari statuitur, quæ iustissima sanctio si hodie locum haberet, rebus publicis longè quidem melius consultum esset. Similiter contra istos officiales, qui de pecunia communis, & de frumento mercaturas faciunt, durissimè alia via agunt, & acrius castigari permittunt l. 2. C. de his, qui ex public. coll. 25. & ultra criminales pœnas etiam Reipublicæ tenetur in quadruplum l. 5. & 2. ubi Bart. C. de his, qui ex publ. ratio. & quicquid ex pecunia, vel ex frumento publico mercati fuerint, & lucrum fecerint totum esse debeat Reipub. alias contra conscientiam retinerent secundum Bart. in l. 5. num. 2. C. de auri publ. persecu. l. x. cuius dicti ratio fundamentalis est, quia pecunia frumentaria, & ipsum frumentum semper debent esse parata ad usum destinatum. l. 2. C. de frum. urb. Constan. & l. 2. §. frumentaria. ff. de administrat. rerum ad ciuit. pertin. ultra quod etiam expressè longè cautum est, atque prohibitum, ne susceptores ex publica annona pecuniaq. frumentaria mercantur d. l. 1. & 2. C. de his, qui ex publ. Collat. Debent etiam susceptores annona illico post finitum officium rationes reddere, ut si in furto inuenti fuerint facilius queant recentem reintegrare iacturam l. 5. C. ut omnes tam ciuil. quam crimin. Iud. qui si aliquid de annona surripuisse conuicti fuerint ultra pœnam supradictam illius inferendam

rendam pro mala administratione, ad quacumque alia officia gerenda ineligibiles declarandi essent. l. 2. C. de Palac. sac. In ratione autem reddenda tenentur edocere quibus titulis suscepta dispensauerint; Hi quibus nominatim tradiderint causam traditionis, & idem l. 2. & ibi Bart. C. de Nauib. Pro mala autem administratione, & praestatione reliquorum ex ordine conuenitur susceptor, mox eius fideiussor, demum in subsidium nominator l. 2. C. de suscept. si etiam Ciuitas dubitauerit officiales de praeda suspectos poterit eis officium interdicere, & alios subrogare d. l. 2. C. de frument. Alexan. Quae omnia praefecto notanda, & obseruanda essent contra istos annonae administratores, siue ut vulgò aiunt Abondanzenos nostri temporis, qui omni prorsus remota conscientia, & rei penitus Gehenna frumento, & pecunia communitatis mercimonium agunt, & secleratis mentibus vltro semper student sarcire domestica damna Republica rapinis patrias exhauriunt opes, diripiuntq. vobis publica patrimonialia, & sibi latas vi, doloq. parant diuitias, & non iustitiae numen, & iram formideant, quae superum consilij semper adest, & vigilantibus oculis omnium facta respicit mortalium. Ne fortasse isti sunt memores, quod male parta, quae domi accumulatur nihil salutis habent, & iniuste diuitiae malis hominibus adiunctae, postquam breui tempore usum sui praebuerunt statim euolant e domo, ut ex Euripides dicto refert Stobaeus sermon. 92. Quam plures vidi, & certa aliorum relatione audiui hos Reipublicae administratores, seu potius dicam expillatores, imò excoiatores tractu temporis consumptis, & reiectis omnibus male conquisitis in extremam vitam necessitatem deuenisse, atque ita Codro, ut aiunt, pauperiores una cum eorum familijs toto orbe extorres, sine spe, & sine fide vagari, ostiatim victum querere, & aliena viuere misericordia. Huiusmodi igitur susceptores seuerissime castigandi sunt, ut alias dixi.

Plura alia pro conseruanda vbertate, & ne ciuitas fame pereat hic enarranda, & addenda essent, sed ea omnia prudentissimo Annonae Praefecti iudicio relinquere consultò statui, ne amplum potius de regimine ciuitatis tractatum, seu volumen fabricare videar, quam bene vbertatis conseruanda compendium, prout animo meo proposui: Quaedam tamen, quae publica annonae erogationem concernunt breuiter explicabo. Quoniam multiores & subditos Annonam erogari ac dispensari oportet ex gentium necessitate, ac praefecti & Reipublicae humana misericordia. Ideo videndum est a quibus, qualiter, & quibus sit ista erogatio facienda, & ordine, quo An-

nonæ susceptores, seu custodes eligendos esse supradictum fuit num. 35. & seq. quem erogatorem deceat ratio, & prudentia consilium, qui similiter animaduertere debet ad honestum necessarium, & debitum, ut rectè considerat Ripa ubi supra num. 175. Aduertendum est etiam maximè ne ad erogationis officium aliquis eligatur, qui sit in dignitate positus, ne ratione dignitatis fiat audacior ad fraudandam publicam utilitatem per tex. in l. nemini, C. de numer. & actuar. lib. 12. Per istos erogatores, seu actuarios præstare debet idem iuramentum, quod susceptores, ut diximus præstiterunt de bene ministrando propria manu, & non aliena quicquam erogando, l. per hanc, C. de erogat. milit. Ann. eodem lib. His omnibus peractis per eosdem eroganda, & distribuenda erit publica Annona secundum Io. de Plat. in l. ne diutius, C. de numer. actuar. lib. 12. per illum text. Prudenter autem erogatores isti officium suum exercebunt, si nihil de nouis fructibus tangant priusquam veterem erogauerint Annonam d. l. 1. C. de condit. in publ. borr. ut supra dictum fuit. Est autem per istos actuarios, seu erogatores illis eroganda, quibus Annona Præfectus erogari debere mandauerit, l. his scholaribus, C. eodem tit. de erogat. milit. Annona, & necessitatis tempore ordinem infra scriptum obseruabit. Primo erit exquirendum quot, & quales in Ciuitate sint, quorum pauperum nomina, & singulorum habitationes in vno libro describi debent, & cuilibet assignandi sunt unus, vel duo panes singulo die secundum iures reddituum ipsius Ciuitatis arg. l. fin. C. de frum. Alex. Quod si reddituum tenuitas obset, quominus omnibus subueniri possit, tunc solum describantur pauperes originarij electis forensibus, l. fin. & ibi Bart. num. 1. C. de Annon. Ciuit. lib. 11. si vero omnibus originarijs, & incolis Republica succurrere nequeat, tunc infirmis, & inualidis hominibus primo subueniendum est, §. si quis autem, in Authen. de Eccles. tit. Data vero inter istos paritate pauperibus magis dignis erogatio facienda est secundum Federic. de Senis. in Consil. 282. num. 2. Magis autem digni sunt, qui maioribus abundant virtutibus l. 5. C. de Annon. Ciuit. Et licet omnibus misericordia debeatur, iusto tamen amplius debetur cap. non satis 36. distinet. & pauperibus Monialijs magis quam viris etiam religiosis facienda est eleemosyna, quia indigentia in Monialibus magis est periculosa cap. 5. de statu regul. lib. 6. & quia viri conuenientius operari possunt, quam femina l. quisquis. vers. ad filias. C. ad l. lul. Maest. ita determinat Bald. in l. cum mulier num. 8. C. de donat. ante nupt. & spons. ubi subdit, quod
in du-

In dubio Monasterium Monialium præsumitur pauperius, & locus magis pius, ideo præferendum in eleemosinis faciendis, ut referet etiam Federic. de Sen. d. conf. 282. Item potius pauperibus nobilibus eroganda est publica annona, quàm Rusticis, & plebeiis, ac potius senioribus, quàm iunioribus. Ripa, ubi supra num. 160. Quoniam accidit aliquando, quod Ciuitas habet Annonam minimè inter pauperes distribuendam, sed quam seruabat, ut obuiaret futura inedia, & contingit tanta obertas, quòd expediret fortè propter vetustatem eam vendere. Ideò consulendum est tali pacto Reipublicæ indemnitati, videlicet ordinare, quod quilibet ciuis teneatur emere certum quid de dicta annona plus, & minus secundum ratam patrimonij tex. est ad hoc singularis secundum intellectum. Bart. in l. 5. num. 2. & 3. C. ut nemini liceat in empt. Specul. lib. 10. quod sanè intelligendum est, ubi necessitas vendendi urget. secus si lucri, & mercimonij causa Ciuitas vellet grauare Ciues, quia non posset l. nec emerit. C. de luriur. deliber. ultimo loco erogatores isti completo officio vellicationis suæ rationem reddere debent soli, & absque ullo numerario seu calculatore. Ripa ubi supra num. 597. & si erogauerint pro pauperibus teneantur intra triginta dies erogationis fidem facere per publicum Instrumentum l. actuarij. C. de erogationibus milit. Annona, & singulorum quietationis demonstrare; qualiter autem, & quando contra erogatores agendum sit docet Salicet. in l. 1. C. de Episcop. & Cleric. quo vero tempore ne id etiam necessaria prætermittam sit emendum frumentum, & in horreis publicis condendum. Præfectus Urbis arbitrato, & Iudicio suo pro integritate mentis id facere, ac exequi debet. d. l. 1. C. de condit. in publ. horreis, qui non amore, non cupiditate, & odio victus, quibus humanum perueritur iudicium secundum Isid. lib. 3. capit. 38. Sed aequitate, ac publica autoritate ductus quicquid expediens Reipublicæ fuerit operetur. Qui quidem Annona Præfectus tempore penuriæ poterit imponere pretium non solum frumento, sed etiam alijs rebus, & si qui fuerint, qui vendere contradicant & renuunt suo arbitrio puniri possunt iuxta relata; per Franc. Marc. Decis. 290. vol. 2. num. 2. Quilibet etiam diligens Annona Præfectus tempore penuriæ inuestigare poterit Mercatorum borrea aequè similiter aperire, & frumentum inuentum viliori pretio vendere, sequitur Franc. Marc. decis. supradicta rectè igitur ad ipsum obseruatura legimus in Liuii libro quarto a Lucio Minutio Romæ Annonæ præfecto, qui cum dira fames Urbem

*Urbem urgeret ex Etruria frumentum aduexit, & Ciues frumentum profiteri coegit, & vendere, quod vsui menſtruo super-
 eſſet huius Magiſtratus difficili tempore, & caritate Annona
 vsus potiſſimum, atque opera exigebatur, frumentumquæ, un-
 dique coemendum, & ſi quis ultra proprios vsus poſſideret
 in medium ponere curabat aduehi undique, & aduectum
 iuxto pratio vanire nitebatur. Cuius Magiſtratus ope Populo
 Romano penuria laboranti egregia ſapè opera nauata eſt. He-
 rodes idipſum Giudeis diligenter præſtitit in ſumma Annona
 difficultate, & ad ſementam faciendam fruges quoque diſtribuit
 autor eſt Ioseph. lib. 15. Antiquitatis Iudaicæ. Nullum igitur.
 eſt magno Principi immortalitatemquæ merituro impendij genus
 dignius, quàm quod erogatur in ſubditos, veluti ab Illuſtriſſi-
 mo Cardinali Iuſtiniano Prouinciæ Marchiæ de latere Legato
 viro Ampliſſimo, ſapientiſſimo, & nunquam ſatis laudato fa-
 ctum comperimus, qui non ſolum ſubditos, ſed gentes externas
 fama preſſas curauit, cuiuſlibet neceſſitatibus proſpiciens, & pa-
 terna diligentia diſtribuens alimenta. Tam velox illius po-
 tentia eſt, tamquæ in omnia pariter intentæ bonitas, & accin-
 cta, vt fide recluſerit vias, portus ſatiſfecerit, itinera torni li-
 toribus mare, litora mari reddiderit diuerſasquæ gentes ita com-
 mertio miſcuit, vt ſine illius iniuria vſibus noſtris frumentum,
 & tranſmarinis Prouincijs aduectum exhiberet non ex hoſtibus
 raptum, ſed quod terra genuit, quod ſyduſ aluit, quod annus
 tulit quilibet deusbit, admirabile proſeſſo eſſet recensere quam
 heroica, ac Imperatoria in eo Principe virtutes eluceſcant, di-
 ctu difficile quanta in eo prudentia quàm maturum, tam in
 publicis, quàm in priuatis conſilium, quàm perſpicax in admi-
 niſtranda Republica iudicium, quantum in negotiorum expedi-
 tione ingenium interim prætermittam quantum bonarum præſi-
 dijs ſacræ Philoſophiæ ac ciuiliſ diſciplinæ præceptis ad hæc belli
 pacisquæ artibus ſit abundè inſtructus, aliò mē vocat numeroſa
 gloria ſua, aliò mitis ſeueritas, aliò admirabilis vigilantia cum
 omnia inuſere omnia audire, ſedulo perquirat, & velociſſimi
 ſyderis more undecumque inuocatum ſtatim numen velut adēſſe,
 & adſiſtere videtur. Sed quid ſingula conſertor, & colligo,
 quaſi unica oratione complecti, aut memoria conſequi poſſim, qua
 totum Picenum nè qua interciperet oblio, & in publica acta
 mittenda, & incidenda in are omnino cenſuiſ? Viuunt igitur
 bæ*

hac omnia, viuentque semper, atque etiam latius in sermone
hominum versare liquide patebit. Quare speramus, & securè
nobis sub tanto Principe diuturnam felicitatem pollicemur; cuius
consilio, & cura fenerandi prauitate penitus interdicta, & agri-
cultura studio gentibus inducto sterilitatis atrocissimus in-
cursus Deo fauente facillimè euitabitur. Stupent hoc
modo Agricola, plenis horreis, nec maligna tellus,
sed obsequens, & largior fecunditatem suam
aperiet, & pristina benignitate uberri-
mas fruges generabit. Viuent ita-
que homines tranquillam, ac
copiosam vi-
tam.

F I N I S.



ROMA, Apud Bartholomaeum Venerabilem

M. DC. LX.

IN PRAEFATIONE PERMISSA.

REGESTVM.


* A B C D E F G H I K L
M N O P Q R S T V
X Y.

Omnes sunt quaterniones, præter *,
duernionem, & Y, ternionem.



ROMÆ, Apud Bartholomæum Zannettum.
M. DC. IX.

SVPERIORVM PERMISSV.



0056 44296

